

21/

H



Ex Bibliotheca
majori Coll. Rom.
Societ. Jesu

15. D

7-B-28

7. 20.
B

PROBLEMATA EVANGELICA



Ut plurimum

EMBLEMATIS CORONATA.

SIVE

QUÆSTIONES CURIOSÆ

In singula Evangelia Dominicarum

Totius Anni.

OPERUM AUTHORIS ULTIMUM

AUTHORE

P. PHILIPPO HARTTUNG,

Sacerdote Societatis JESU

Cum Privilegio Sac. Cæs. Maj. & permissu Superiorum



Egræ Typis Nicolai Dexter
ANNO M. DC. LXXXIX.

APPROBATIO

R. P. Præpositi Provincialis Provinciae Bohemiae.



Go Mathias Tanner Societatis Jesu per Provinciam Bohemiam Præpositus Provincialis, potestate ad id mihi factâ à P. N. Carolo de Noyelle Præposito Generali, Librum, cui titulus: *Problemata sive quaestiones curiosæ à P. Philippo Harttung Societatis nostræ Sacerdote conscriptum*, atque à deputatis ad id Societatis ejusdem Patribus lectum & approbatum typis mandari permitto. In cujus rei fidem has litteras manu propria subscripsi, consuetoque officij sigillo munitas dedi. Pragæ 13. Novembris 1686.

(L.S.)

Mathias Tanner.

S U M M A

~~PRIVILEGII~~



Um ex Decreto Sacrae Cæsareæ Majestatis, omnibus ac singulis Typographis, Bibliopolis, ac omnibus quibuscunque Librariam Negotiationem exercentibus, seriò, firmiterque inhibeatur, nè quisquam Libros ullos à Societatis nostræ Patribus hætenus editos, aut in posterum edendos, intra Sacri Imperij, Regnorumque & Dominiorum suæ Cæsareæ Majestatis hereditariorum fines, simili aliòve charactere, aut formâ; sive in toto, sive in parte, excudere, recudere; vel aliò excudendos seu recudendos mittere, vendere, distrahere, clam seu palam, citra supradictorum Patrum Societatis Jesu consensum ac testimonium, in scriptis obtentum, audeat, vel præsumat; Idcirco

Ego Mathias Tanner, Societatis Jesu per Provinciam Bohemiam Præpositus Provincialis, potestate mihi factâ ad id ab Admodum R. P. nostro Thyrso Gonzalez, Societatis nostræ Præposito Generali, facultatem concedo Nicolao Dexter Typographo Egrano, Librum cui Titulus: *Problemata sive quaestiones curiosæ &c.* Auctore P. Philippo Harttung, Societatis nostræ Sacerdote conscriptum, imprimendi.

In quorum fidem, hoc ei Testimonium, manu propria subscriptum, & consueto Officij Sigillo munitum dedi. Romæ 8. Julij ANNO M. DC. LXXXVII.

(L.S.)

MATHIAS TANNER, S. J. per
Provinciam Boëmiae Præpo-
situs Provincialis.

PRÆFATIO

AUTHORIS,



NUNCUPATIO OPERIS.



Problema idem significat, quod *Quæstio Curiosa*, neque necessariò requirit, ut in utramque disputetur partem, prout in Resolutionibus Academicorum Problematum hodie fieri videmus; sed sufficit, si congrua assignetur responsio, quemadmodum in Problematis suis Aristoteli & Plutarchum fecisse legimus, qui neque multas, neque repugnantes attulere resolutiones; sed simplici, apto tamen, & ferè inexpectato acquirere responso. Quare & in Problematis hiscè meis vix ultra vicem simplicem, solutionem & solutionis refutationem attuli, sed responsione plerumque unicà, quam informandis moribus, pietatique promovendæ duxi aptissimam, contentus fui.

Quinque, ex omnibus, Problemata solos spectare Nobiles videbuntur; at possunt & ista variato tantisper titulo Patribus familias & minoribus disposita aptari, ut optatissimum proferant fructum. v. g. *Cur pauci Nobiles salventur?* reducatur hypothesis ad thesin, & fiat quæstio: *Cur pauci homines salventur?* sitque responsio: quia JESUM non habent præ oculis, nec verbum DEI in auribus &c. Cur à Dominica Pentecostes cæperim, præter aliorum Authorum consuetudinem, qui à prima Dominica Adventus suas ordiuntur Conciones, causa multiplex intercessit, quarum postrema fuit, quòd cum sæculum hoc Nostrum novitatis sit amantissimum, novi aliquid attentare placuit inchoando ab ea Dominica, quà adveniens Spiritus Sanctus nova facit omnia renovando faciem terræ, èstque difficultatum omnium solutio, omniumque Problematum ingeniosissimus Resolutor.

Nova vocitare Problemata non audeo, quia pleraque ab ingeniosissimo Joanne Sylveira in Quæstionibus Evangelicis insinuata fuisse compertio. *Pleraque*, dixi, quia sat multa hic reperies, quorum nulla in Sylveira mentio. Et demus Authoris illius esse universa, deductio certè adscribi eidem nequaquam potest, quam ex Manuscriptorum meorum medulla congeffi, ut multarum Concionum succum nervumque in hac Problematà collectum depromerem.

Non sunt æqualia fateor omnia, sed ut vetus fert versus: sunt bona, sunt quædam mediocria, sunt mala plura, iniqua enim valetudo passa non est, ut æquus singulis nitor cum rerum copia & conceptuum varietate afflueret. Eger Egræ infra trimestre pæne omnia combinavi, calamo pro lingua usus, cum linguâ pro calamo per ægritudinem non possem.

PRÆFATIO

Problematicis Emblemata apposui, & quidem in calce, seu fine orationis, ut facile præteriri aut proteri possent, si non placerent. Quod si Meccenatis non defuisset munificentia, in fronte operis sine dubio collocassem, & quidem bono auctiora numero totam paginam implevissem, sed aliam fixit legem necessitas, & in fine stare Emblemata iussit, quæ fortasse in Fronte erubuisent. vocavi nihilominus Coronamenta, cum ex communi adagio finis *coronet* opus.

Illud insuper addendum est, Emblemata hæc omnia intra unius diei spatium (quod sanctè assevero) nullius libri adminiculo, solius memoriæ beneficio, quâ lecta vel audita aliquando symbola reminiscebar, combinata esse. Quod cum ex singulari Tutelaræ mei Genij favore mihi evenisse interpreter & gratus profitear, idcirco Eidem Custodi faventissimo, unâque omnibus Tutelaribus Angelis eorum, qui laborem hunc meum oculis auribusve suis excipient, ad fructum quàm maximum in salutem animarum & Altissimi Numinis gloriam procurandum, cum Emblematis Problemata Dono, Dedico, Devoveo.

Vos ò Beatissimæ INTELLIGENTIÆ ob unius Problematis: *Quis ut DEUS?* felicem resolutionem, gratiâ & gloriâ immortalî donati estis, favete ut & omnes qui Problemata hæc mea vestro Nomini devota, evolvere devotè & interpretari benignè dignati fuerint, Gratia vestra participes, & Gloriæ coheredes reddantur. Ita mihi illisque in strenam apprecor, exile hoc verò Donativum Favori & Clementiæ vestrae submissimè commendo ac committo. Kalendis Januarijs 1682.



PROBLEMA I.

Utrùm majus beneficium Incarnatio Filii, an
Missio Spiritus Sancti?

DOMINICA PENTECOSTES.

*Hæc locutus sum vobis apud vos manens, Paraclitus
autem Spiritus Sanctus, quem mittit Pater in no-
mine meo, ille vos docebit. Joann. 14.*

v. 25. & 26.

S. I.
Pentecoste
est festum
festorum.
Franc. La-
bata. tit.
Spiritus S.
Propos. 1.

Non erravit celeberrimus Ecclesiastes Franciscus Labata, qui dixit Solennitatem hodiernam esse finem & coronam omnium aliarum per anni orbem celebratarum festivitatum; quæcunque enim Salvator noster dixit, egit, tulitque, in hunc destinavit scopum, ut doctrinam suam meritisque ad Spiritus Sancti adventum nos ritè disponderet. Nativitas ejus initium fuit Redemptionis, circumcisio initium fusi sanguinis, Epiphania initium suæ revelationis, Resurrectio initium nostræ immortalitatis, Ascensio initium aditæ hæreditatis, Pentecoste verò complementum est nostræ justificationis. Quid proderat nobis Verbum donari, nisi adderetur & lingua, quâ Verbum ritè enunciarem? lingvas hodie attulit Spiritus Sanctus. Quid proderat vestimenta salutis nobis præparari, nisi iisdem indueremur? induit nos hodie Spiritus Sanctus *virtute ex alto*. quid

proderat pretiosa in æternam animarum nostrarum salutem pharmaca præscribi, appararique, nisi eorundem usus & operatio sequeretur? sunt fateor Christi vulnera animarum pharmaca, congruam tamen eorundem applicationem Spiritui Sancto debemus, qui datus est hodie, *in cordibus nostris diffusus*. Ut proinde dubitari prudenter possit, utrùm majus sit beneficium Spiritus Sancti missio, quàm filii Incarnatio? quam dubitationem ille nobis resolvat, qui docet omnia, missus à Patre in nomine filii, Spiritus Sanctus.

Paradoxa inprimis nonnemi- S. 2.
videri potest hæc de majori bene- Aliquot congruentiæ cur.
ficio proposita dubitatio, quid enim? Filius nos redemit, non redemit Spiritus Sanctus, sudavit & al- majus videri beneficii pos- sit Filius, quàm Spiritus Sancti Missio.
sit in salutem nostram, sustinuit tormenta, suscepit vulnera, cruento funderi pro nobis sublatus est Filius, non Spiritus Sanctus, majori proinde beneficio, per Filium, quàm Spiritum Sanctum affecti sumus. Finge Principem munificentissimum, qui

A

im-

Problemata P. Philippi Hartung.

menso pretio innumera mereatur munera, eaque per coæqualem Principem in subditos dispartit, cui quæso plus gratiarum debebit populus, an qui suo pteare comparavit populo munera, an qui liberali manu divisit? Finge iterum Regem aliquem, aut Cæsarem, qui unigenitum suum tui consolandi gratiâ ex regalibus sedibus dimittit, sed peditem, egenum, nudum, & per vias latronibus infestas, à quibus non sine vulneribus excipitur, & cruentus totus à te dimittitur; si post Filium missum idem Imperator Consiliarium suum intimum, non minus ac Filium suum Charum sibi ac dulcem ad te ditandum submittat, sed curru vectum, sed omnibus commodatibus abunde instructum, an non plus tibi benevolentiae adstruit vulneratus pro te Augustus Filius, quam absque ulla exhausta pro te ærumna missus amicus intimus? Finge denique captivum nescio quem ex Turcica servitute grandissimolytro à Principe aliquo redimi, redemptionem verò à Principis germano splendide vestiri; imò & copiose ditari, utrius tibi major videtur munificentia, an illius, qui redemit, an alterius, qui ditavit? non absimiliter de Patre & Spiritu Sancto erit pronuntiandum, majusque in redemptione Filii, quam missione Spiritus Sancti collocandum beneficium. Verum nihil obstantibus iis omnibus, quæ incongruâ satis similitudine (ob unitatem naturæ in divinis, diversitatem verò naturarum in humanis) hucusque allata sunt, fortiora argumenta suppetunt, quibus amplius missi Sancti Spiritus, quam Filii beneficium evincatur.

Stat pro hac assertione Veritas incarnata ita definiens Matth. 12. v. 32. *Quicumque dixerit Verbum contra Filium hominis, remittetur ei, qui autem dixerit contra Spiritum San-*

ctum, non remittetur ei, neque in hoc seculo, neque in futuro. Si ergo gravius est delictum, quod in Spiritum, quam quod in Filium patrat, grandius quoque beneficium est censendum, quod per Spiritum missum, quam per Filium hominibus confertur, huic enim sapientiæ, illi charitatis donum appropriatur. Assequor jam, quid velit Doctor gentium, qui dona individue Deitatis dividi hominibus solita exponens, Patri attribuit fidem, quâ homines in quandam omnipotentiae suæ communicationem admittit, Filio appropriat Spem, quâ mortales immortalium bonorum per passionem & crucem comparatorum reddit participes, Spiritui Sancto verò charitatem assignat, quâ homines ad amandum infinitum bonum inflammat; de charitate; porro divinam hanc subjungit clausulam: *major autem horum est charitas.* Attribuitur Patri potentia, Sapientia Filio, Spiritui Sancto charitas; sapientiam suam nobis Pater donavit, cum Sapientiam in carnem misit, charitatem verò misit, cum Spiritum Sanctum donavit; si proinde communi omnium recte sentientium suffragio majori habetur in pretio amoris concessio, quam Sapientiæ exhibitio, concedi pariter debet, majus humano generi donum fuisse in Spiritu Sancti, quam divini Filii missione collatum. Difficilem quæstionem Petro Discipulorum primo Incarnata Sapientia, priusquam crucis cathedram ascenderet, proposuit: *quem dicunt homines esse Filium hominis?* quam cum absque hæsitazione Petrus resolvesset: *Tu es Christus Filius DEI vivi,* præconium vicissim suum audivit: *Caro & Sanguis non revelavit tibi, sed Pater meus,* quin & præmium recepit: *Tu es Petrus & super hanc petram adificabo Ecclesiam meam*

1. Cor. 13.
v. 13.

§. 3.
Congru-
entiae for-
tiores in
contrari-
um.

meam Matth. 16. v. 18. At verò diversam longè quæstionem eadem Sapientia increata Petro proposuit, posteaquam morte subactâ in vitam rediit nobiliorem, tum enim non de scientia, sed de dilectione formatur quæstio: *Petre amas me?* ad quam cum ille tertio reponcret: *esiam Domine, tu scis, quia amo te*, non jam spe supremæ dignitatis lætatur, sed ad ipsius dignitatis possessionem capeffendam admittitur: *pasce oves meas* Joan. 21. v. 17. pluris nimirum DEus homo fecit charitatis, quam scientiæ declarationem, unde pro hac pontificia potestas promittitur, pro illa verò confertur; ex quo inferre libeat, si divina inter dona attollere liceat pretium, majori nos munere affectos, cum dilectionem per Spiritum, quam dum scientiam per Filium adepti sumus. Cum Pater Filium mittit, æternam sapientiam nobis dat, inquit sapientissimus Sylveira, in die verò pentecostes suum amorem nobis concedit, unde hujus doni celsitudinem profundè licet conjecturare.

Sylveira
tom. 5. l. 7.
c. 13. q. 6.
in hac.

S. 4.
Christus ve-
nit ut ju-
dex, Spiritus
Sanctus
neminem
unquam
judicasse
legitur.

Accepimus Filium ut Redemptorem, habituri eundem omnisciū judicem, & singulorum erratorum accuratissimum vindicem, at verò Spiritum Sanctum timere non habemus ut judicem, qui reis ubique sese adhibet advocatum, ideo enim formam nubis in monte Thabor assumpsit, ut errores & ignorantias Petri contegeret, ideo in specie lingvæ apparuit, ut Verbum bonum pro nobis loqueretur, ideo ignem induit, ut peccata nostra exureret, & ignes ignibus restingeret, ideo tanquam ventus venit in mundum, ut æstuantem mortales refrigeraret, ideo columbæ specie delectatus est, ut se sine felle, sine amarore meros amores & delicias spirare testaretur. Eximia est Maldonati observatio de Spiritu Sancto, quòd ubi-

cunque in divinis literis de judicio agitur, in quo causæ hominum discutuntur, nusquam Spiritus Sanctus sedere ad judicandum dicitur, sed id muneri Patri aut Filio approprietur. Unde & Angelus tertius ad judicandam puniendamque Sodomam submissus, comparuisse quidem apud Abrahamum legitur, cum adhuc clementiæ spes erat, verum ut Sodomam ventum est, subduxit se tertius Angelus, qui personam Sancti Spiritus obibat (non enim nisi duo urbem intrassè perhibentur) ut nobis daretur intelligi inquit Franciscus Labata ex hom. 8. D. Gregorii in Evangel. *benignitas in nos, quæ tribuitur Spiritui Sancto*. Res planè admiratione digna, quòd persona Spiritus Sancti non dicitur sedere ad judicandum, sicut de Patris Filique personis dicitur. *animadvertè*, ait Maldonatus, *in sacris literis nusquam Spiritum Sanctum, sed solum Patrem & Filium dici sedere, quòd sedere ut dixi gubernare sit, seu judicare*. Non sedet Sanctus Spiritus, quia *Paracletus* reorum advocatus est, postulans pro nobis gemitibus inenarrabilibus. Non judicat Spiritus Sanctus, quia Amor est, quia Consolator est, quia dulcissima dulcedo est. In iudicium venit Filius, ut ipsemet asseverat Joan. 9. v. 39. *in iudicium ego in hunc mundum veni*, eruntque plures, quibus in ruinam Homo DEus, quam in resurrectionem futurus est, unde & præsagus Simeon ruinam primo, resurrectionem altero loco collocavit *positus hic est in ruinam & resurrectionem multorum in Israël*; at verò in vitam & præmium Dator ille munerum advent, qui si mundum de peccato arguit, ideo arguit solum & perstringit, nè iudex inveniat quod plectat, & condemnet, nec infundit in vulnera nostra vinum cum oleo, sed meracissimum sinceræ consolationis

Luc. 2.
v. 23.

Maldonat.
ad c. 16.
Marci.

lationis oleum absque mordaci suppliciorum aceto. Vita & mors in manibus lingvæ seu Verbi incarnati sunt, sola Sanitas & vita in alis Sancti Spiritus, *Sanitas in pennis ejus*, idcirco & Salvator de Spiritu, quem missurus erat, edixit: *Veni ut vitam habeant, & abundantius habeant*. Quam abundantiam vivacissimè expressam vidit Ezechiel cum integro aridorum ossium exercitui dici audit: *à quatuor Ventis veni Spiritus, & insuffla super interfectos istos*. Per hunc Spiritum, inquit S. Ambrosius, intelligebat Spiritum Sanctum. Antè ossa arida, ait Joannes Lopez Episcopus Monopolitanus, post exercitus grandis valde, quia ingressus est in ea Spiritus, qui vitam dat mundo.

Juvat hoc loco meminisse triplicis circumstantiæ, quam suo in adventu vivificans Spiritus observavit, ut beneficii sui magnitudinem manifestius declararet, & imprimis quidem, cur post ascensionem Domini? deinde cur die quinquagesimæ, diei verò horâ tertiâ advenerit, videamus. Si Augustini statum iudicio, ideo post ascensum Domini missus est Spiritus Sanctus, ut vices Salvatoris suppleret, navim videlicet Ecclesiæ, quam *fabri Filius* erexerat, ad portum salutis secundo vento appelleret; templum non manu factum, quod novus Salomon erexerat, solenni ritu encarnaret, deformatam divinæ similitudinis imaginem, quam sanguine & lachrymis pro rubicundis & candidis coloribus utens Christus restaurare coeperat, lineamentis ultimis donaret. Verba Hipponensis Oratoris sunt: adest vicarius successor Redemptoris, ut beneficia quæ Salvator inchoavit peculiari Spiritus Sanctus virtute consummet, & quod ille redemit, iste sanctificet, quod ille acquisivit, iste custodiat. Hæc Au-

gustinus; sed Augustino altius Pontifex maximus D. Leo: *Domini ascensio, dandi Spiritus fuit ratio*. Passionis Dominicæ fructus ex missione Sancti Spiritus, missionis verò hujusce eminentiam ex passionis excellentia deducamus. Commendavit moriens Dei filius in manus Patris Spiritum, ut ex paternis manibus digitum (Spiritum inquam Sanctum, qui *Digitus paterne dextere* nuncupatur, nobis impetraret. Ex posuit super mensam crucis divinus institor vitales suos Spiritus, ut pretiosum *vite Spiritum* nobis mercaretur. Derelinqui à Patre sese passus est, ut Consolatorem Spiritum, qui nobiscum maneret in æternum obtineret. Quin & cælos idcirco repetiit, ut ex æterni solis pectore vitalem nobis ignem felicius, quam ex rota solis fabulosus Prometheus animando plasmati suo faculam, accenderet. Si ergo beneficium Redemptionis fuit propter Sanctificationis beneficium, adventus Christi ob impetrandum adventum Sancti Spiritus, facile concludet philosophus utrum majus altero beneficium, si illud non fallit principium: *propter quod unumquodque tale, & illud magis tale*. Adde, venisse Christum adultâ hyeme, Spiritum Sanctum adulto vere, cui ver acceptus non est hyeme? Venit de nocte Christus, de die Spiritus Sanctus, an non dies nocte potior? venit in silentio & in incognito Christus, cum *quietum silentium contineret omnia*, cum impetu Vehementi adest Spiritus Sanctus, ut nemini incognita esse possit gratiosa ejusdem præsentia; & præsentissima ad votum unius cujusque gratia.

Adest verò die ab Ascensu Domini quinquagesimâ, quia hic numerus jubilæum significat, unde &

S. Leo
serm. 2. de
pent.

Malach. 4.
v. 2.
Joan. 10.
v. 10.

Ezech. 37.

S. Ambrosius
lib. 3. de Spirit.
S.
Lop. tom. 4.

S. S.
Triplex circumstantia
adventus Sancti Spiritus.

S. Augustinus
serm. 185. de temp.

Sap. 18.
v. 14.

Beda ho-
mil. in c. 4.
Joan.

de & Hebræi annum quinquagesimum *jubilæum* vocabant, ut patet Levit. 25. Sed cur quinquagesimū? respondet Venerabilis Beda, quia numerus quinquagesimus conflatur ex septenario septies repetito, adeoque indicat septiformis munera Spiritus. Quinquagesimus annus in lege Jubilæus appellari jusse est, in quo populus ab omni operatione quiesceret, omnium debita laxarentur, servi liberi redirent, annus ipse majoribus solenniis ac laudibus divinis eminentior cæteris existeret. Unde bene ejusdem Spiritus gratia septiformis à propheta Isaia describitur, quia nimirum per ejus inspirationem ad requiem & consolationem pervenitur. Certè (ut hoc obiter dicam) tanta vis est Consolatoris Spiritus, ut infernalis ille epulo meritò crediderit, unâ stillâ totum sopiendum incendium, quid stillâ unâ plusquam Æthnæi restingvantur ignes? una gutta sufficiat immensæ miserationum abyssi sublevandæ? ita est. *appellamus Spiritum Sanctum dextera Dei digitum, habet digitus hic celestis aqua intinctus vim ad consolandum maximam* inquit Barradius tomo 4. lib. 4. c. 7.

Et cur horâ diei tertiâ? an quodd tertiam in Deitate persona est, tertiam quoque diei horam in distributionem suarum elegit gratiarum? an quia primâ diei horâ plerosque non in foro sed in lecto otiosos, & recipiendorum donorum incapaces offenderet, eam potiùs horam elegit, quâ ipsi quoque endymiones lectorum pertæsi sunt? ingeniosiores adhuc causam ex acuta Augustini observatione licebit eruere, qui Evangelistarum repugnantes inter se de hora Dominicæ crucifixionis sententias (Marcus enim horâ diei tertiâ crucifixum asseverat, cæteri verò horâ sextâ:) gratiosè concili-

ans, verissimum esse ait, quod dixerunt singuli: crucifixus enim Salvator est, & horâ diei tertiâ & sextâ, sextâ quidem à Carnificibus Romanis, tertiâ verò à perfidis judæis, qui exacuerunt lingvas suas, ut gladium, clavos, & lanceam contra innocuum agnum, eumque dilacerarunt dentibus, crucifixerunt labiis, crucifixere lingvis. *Intelligitur ergo fuisse hora tertiâ, cum clamaverunt judæi, ut Dominus crucifigeretur, & veracissimè demonstratur tunc eos crucifixisse, quando clamaverunt: crucifige, crucifige.* Verùm dum lingvata gens in Filium DEI infixit lingvas suas, lingvas infigendo eadem horâ perdidit, ut apes & crabrones infixum perdere solent aculeum; dum rebellis populus Verbum incarnatum de medio sustulit, verbum bonum posthac loqui nesciit; dum vociferando Præsidentem ad iniquum damnationis calculum universa multitudo impulit, vocem pariter omnem & suffragium regni æterni æquissimè amisit. Quid agat Paracletus Spiritus? tota ut gens pereat, elingvis & vocis cum activæ tum passivæ ad regnum æternum incapax ut permaneat, patietur? non patitur, sed horâ eadem, quâ lingvas suas & Verbum populus perdidit, tertiâ scilicet horâ adest, imò in lingvarum specie adest, quas universis inferat, & *magnalia DEI* proloqui, atque *Verbum bonum* doceat pronuntiare. Lingvas ergò & Verbum vocemque per gratiam Spiritus Sancti accipimus, & quod oris auri dixit Orator, non tam *vocem*, seu *jus* ad regnum æternum adipiscimur, sed ipsum cælorum regnum in nobis possidemus, cum Spiritum Sanctum in animam admittimus: *Spiritus Sanctus est regnum cælorum, quod intranos est*, ait S. Chrysostomus. Restituit proinde Spiritus Sancti gratia, quod in passione huma-

S. Augustinus lib. 3. c. 23. de Concordia Evang.

S. Chrysostomus tomo 2. homil. de Spiritu.

humanati DEI universa perdiderat natura.

§. 6.
Argumento novo confirmatur ex parte mittentis Patris & Filii majus beneficium in missione Spiritus S.

Ex quo novum assertioni nostræ robur accedit, unde majus in missione Spiritus quàm Filii beneficium collatum demonstrum, gratiosissima videlicet mittentis Patris & Filii voluntas, posteaquam Filii missio ab ingratis homuncionibus non nisi odio & crudelibus maleficiis fuerat pensata. Ingens quis neget Patris æterni fuit dilectio, cum unigenitum suum mitteret in mundum, at experimento nondum se prodiderat hominum inhumanitas; postquam verò experimento constitit, quàm acerbè & nefariè in Filium fuerit sævitum, mittere nihominus Spiritum Sanctum voluit! hoc certè omnem vim eloquentiæ, omnem captum ingenii excedit. Inter beneficia hebræorum populo collata, primum locum tenet elargitio mannae, hoc enim ipsimet eductioni ex servitute Ægyptiacæ, & submersioni hostilis exercitus teste *Lorino in c. 16. Sap.* longè præfertur, crebriusque sublimiusque commendatur. Cur ita? quia populum Ægypto DEus eduxit, cum nullam adhuc ingratitudinem & pervicaciam expertus esset, manna verò cælo depluit post iteratam ingratæ gentis rebellionem, de qua *Exod. 14. & 16.* terminus enim liberalitatis est, iis iteratò benefacere, quorum proterviam semel iterumque sis expertus. Cum itaque Pater misericordiarum Spiritum suum per manna olim adumbratum (*manna enim Spiritum Sanctum significat* ait Rupertus) miserit, posteaquam efferatam hominum crudelitatem in Filium exercitam cognovit, supremum, quis neget? apicem amoris attigit.

Rupertus lib. 5. in c. 15. Exod.

§. 7.
Spiritus Sanctus

Quamvis autem Sanctus Spiritus passus non sit pro homine, sicut passum credimus Filium, non

ideo tamen minor fuit ejus in nos beneficentia, tum quia passibile Filio corpus in Virgineo utero efformavit, inque desertum, ut tentaretur à diabolo, Christum à baptismo eduxit, tum quia ab atrocissimis tormentis liberare Filium DEI potuit, nō benignitatem in nos perditos homulos exerere, quàm eximere ab infami morte Christum maluisset. Egit enim verò Spiritus Sanctus Angelum illum, qui Dominum in horto sudantem consolatus est, hic enim sicuti Moysi in rubo apparuit, ut vult D. Augustinus, & Israël in columna nubis per rubrum mare eduxit, ut docet S. Ambrosius, *columna nubis est Spiritus Sanctus*, ita & Redemptorem nostrum in sanguineum passionis mare induxit, eduxitque, & tempestivum in agone solatium impertit, ita pronuntiante Augustino: *quoniam Spiritum Sanctum alicubi Angelum dictum non recolat, at ex opere potest intelligi.* Solari siquidem proprium est Spiritui Sancto. Potuisse quoque à Spiritui Sancto supplicii & infamiæ crucis Hominem DEum eximi, nec tamen exemptum fuisse sapientissimè adnotavit Salomon *Sap. 1. v. 6. benignus est Spiritus sapientiæ & non liberabit maledictum à labiis suis*, in quæ verba acutissimè Petrus Damianus opusculo 4. commentatur, per Spiritum Sapientiæ indubitatè intelligi tertiam in Trinitate personam, per maledictum verò Jesum Crucifixum, de quo Paulus *Galat. 3. v. 13. Christus nos redemit de maledicto legis factus pro nobis maledictum*, ut verò maledictum fieret, Spiritus Sanctus intercessit, quia benignus in nos, non liberavit à labiis suis, hoc est, à prophetiis, quas per ora prophetarum (hi enim Spiritus Sancti labia sunt) prædixerat, audiamus Cardinalem: *Spiritus Sanctus non liberabit maledictum à la-*

Christum in horto consolatus est, & cum liberare potuerit supplicio crucis non liberavit.

S. Augustinus de Trinit. lib. 2. c. 13. S. Ambrosius l. 1. de sacram. c. 6.

labiis suis, quia quæ per ora Prophetarum de Christi passione locutus est, non prohibuit, sed super eum sine diminutione compleri cuncta permisit. Cur autem ipsum met Sanctum Spiritum assumptâ mortali carne pro nobis mori minime decuerit, illa mihi præmillibus una perplacet ratio, quam author recens assignat, nè si expirasset in cruce Spiritus Sanctus, dici cum veritate potuisset, quod Amor Dei, qui in persona Spiritus Sancti significatur, mortuus sit & finem habuerit. nescit amor divinus habere modum & finem, nec ullam magis horret notam Deitas, quàm quæ Amoris Iniuritur integritati.

Sed jam finem modumque ditioni statuamus, dicamusque: si majus censi debet beneficium missio Spiritus quàm Filius, majores quoque gratias mittenti Patri & Filio persolvere tenemur. Misit Pater Filium, misit Filius & Pater Spiritum Sanctum, sit Mittenti & Misso major honor & gloria, benedictio & gratiarum actio in sæcula. Et quia æqualis tribus est gloria ac coæterna Majestas, sit ter maxima Patri & Filio & Spiritui Sancto gloria per omnia sæculorum sæcula.

Coronemus Problema Emblemate, in quo hinc Nativitatis, illinc

Missionis Spiritus Sancti adumbratur mysterium, in medio Libræ & nubibus protensa contineat in lance altera aureum Agnellum, in altera Columbam auream parvis magnitudinis, ponderis, pretii. infra in mensula aurea visatur Adamas cordis figuram referens, in duas æqualiter divisus partes, qualis fuit Adamas Elisabethæ Anglorum Reginæ, quem divisum Mariæ Stuartæ Reginæ Scotorum dono misit; Symbolo utrique idem Lemma inscribimus: *par munus utrumque*. quæ inscriptio fortè gratior accidet, si Misericordiam Divinam regali confidentem throno fingamus, quæ Naturæ Humanæ dextrâ manu offerat par turturum, sinistrâ duos pullos Columbarum cum lemma: *Par munus utrumque*. par donum Divinæ Misericordiæ fuit, cum nobis dedit Filium duplici Naturâ præditum, & cum dedit Spiritum Sanctum duplicis charitatis dono divitem, ut fieret in nobis, quem Elisabethus ab Elia petebat spiritus duplex dilectionis Dei & proximi, quem ut nobis spiritum aspiceret Divinissimus Paraclitus, per theandrica Salvatoris merita Patrem celestem invocemus, suspiremus, speremus.



PRO.



PROBLEMA II.

Cur DEUS in Essentia Unicus, Trinus in Personis?

DOMINICA I. POST PENTECOSTEN.

Docentes eos servare omnia. Matth.

28. v. 20.

§. I.
Quid Apostoli intellexerint per voculam omnia.



I quæram ex Apostolis, quidnam per *Omnia* intellexerint, cum iussi sunt docere gentes, ut servent omnia, respondebit gentium Doctor, per *Omnia* à se intelligi DEUM Trinum, per quem omnia, in quo omnia, ex quo omnia; hunc nosse vita est, hunc observare sapientia est, hunc super omnia diligere, salus est æterna; *quoniam ex ipso & per ipsum, & in ipso sunt omnia.* Paulo aliter respondebit dilectus Discipulus, & per *omnia* intelliget Eucharistiam, in qua videlicet omnes thesauri scientiæ & bonitatis & omnipotentiae Divinæ sunt absconditi. Certè sub hoc titulo *omnia* idem Apostolus Eucharistiam expressit, cum admirabile hoc mysterium descripturus dixit: *Sciens JESUS quia Omnia dedit ei Pater in manus.* Omnia dedit, cum memoriam mirabilem, & magistrale Divinæ omnipotentiae opus, Eucharistiam Pater Filio in manus dedit. Etcum non Eucharistiam vocemus *Omnia*, siquidem illius umbram Psalmographus vocavit omnem escam: *omnem escam*, hoc est, manna *abominata est anima eorum.* Adde,

quòd non incongruè pro Eucharistia faciant verba immediate sequentia: *ecce ego vobiscum sum usque ad consummationem sæculi.* Docceantur gentes *servare omnia*, observare videlicet Eucharistiam, quia in ea nobiscum JESUS est usque ad sæculi consummationem. Realis præsentia Salvatoris omnimodam exigit observantiam, reverentiamque. Alium eorundem verborum sensum apud Jacobum Apostolum invenio, qui per *omnia* totam Dominicæ legis plenitudinem intelligit, asseveratque præcepta omnia unus ad instar esse servanda, & unumquodque instar omnium: *Quicumque autem totam legem servaverit, offendat autem in uno, factus est omnium reus.* Omnia præcepta servanda sunt, quasi foret unicum, quæ ideo ab uno legislatore emanarunt, ut eò facilius observarentur, hæc enim congruentissima ad morum instructionem mihi videtur esse causa, cur DEUS unus sit in essentia, multus in personis, quia simplex in præcipiendo est, multus vero in remunerando, quod esto præsentis Dictionis argumentum.

Non tantum necessitate naturæ, sed etiam ex convenientia nostra DEUS trinus est, unus quidem, ut

Matth. 28.
v. 21.

Jacob. 2.
v. 10.

§. 2.
Ex unitate
DEI probare inten-
fa-

Rom. 7.
v. 36.

Joan. 13.
v. 3.

Psal. 106.
v. 18.

facilius ei serviatur, multiplex ut uberior nobis beneficiat. Cum legem divinam Israëlítico populo Moyses promulgaret, hac usus est captandæ benevolentiae præfatione: *Audi Israël & observa, ut facias quæ præcepit tibi Dominus*, Deut. 6. v. 3. atque nè durum nimis exaratæ in tabulis lapideis legis Sinaiticæ onus videretur, opportune subjunxit: *audi Israël, Dominus Deus noster, Deus unus est* v. 4. quasi dicat: non potest intolerabile videri præceptorum jugum, quod ab unico imponitur Domino, & quidem pro capite legis requiritur, ut non pluribus quam uni soli que Domino serviatur. Hoc enim verò incitamentum longè validissimum est, ad inviolandam Dominicæ legis observantiam, quia Dominus noster Deus unus est. Poterat quidem observandi Decalogi motivum à DEI immensitate, æternitate, liberalitate, ceterisque infinitis attributis desumi, sed ab unitate desumere Moyses maluit, unde ingens in ingenuis oriretur solatium, quod unico serviendum esset Domino, qui unius voluntatis & simplicissimæ substantiæ, ex hoc ipso capite tolerabile atque perfacile onus redderet mandatorum. Hanc mihi cogitationem excitavit Oleaster, cum annotationem ejusdem moralem in c. 6. Deut. perlegerem, ubi sic habet: Considera à quot laboribus nos Deus eripuit. Difficile est multis Dominis servire, quanto magis diis? Nè ergo labores o homo in multorum DEorum tam diversa poscentium cultura, ostendit tibi DEUS suam unitatem. nemo, ait Christus, potest duobus Dominis servire, neque fortius duobus aut pluribus diis, quorum triginta millia in orbe fuisse historia produnt. Vide ergo quomodo pauper homo, qui uni DEO vix sufficere posset triginta millibus

ministrare. Hucusque Oleaster. Immortales proinde immortalis Numini debemus gratias, quod ex gentilitiarum superstitionum tenebris in admirabile lumen suum educitos, uni sibi servire voluerit, cujus unica est voluntas, sive jugum, & onus leve.

Ut Abimelech contribulibus suis, quorum ambiebat distaturam perivaderet, quàm utile, jucundum, necessarium sit unicum habere foris ducem, cujus signa & ductum in hostes sequerentur, unicum domi principem, cujus nutui se submitterent, unicum cui parentem, in hunc modum locutus legitur Jud. 9. à v. 2. *Quid vobis est melius, ut dominentur vestri septuaginta viri, omnes filii Jerobaal* (inter quos scilicet tanquam fratres rara concordia) *an ut dominetur unus vir? simulque considerate, quod os vestrum est caro vestra sum.* Quæ oratio tam fuit efficax, ut exemplo Sichimitæ collatis inter se capitibus in hanc pedibus manibusque concesserint sententiam, satius esse uni servire Domino, quàm heros septuaginta tolerare, atque idcirco septuaginta libras argenti in subsidium bellicum obtulerunt, ut Marte sive argenteo, sive ferreo principatum sibi tyrannus vendicaret: *frater noster est, dederuntque illi septuaginta pondo argenti de fano Baalberit* v. 4. non poterat expugnandis Sichimitarum animis fortiozem Abimelech adhibere arietem, quàm dicendo, uni soli servituras, si ipsi servire placuerit, & quidem conterraneo, consanguineo, fratri. habere septuaginta viros inquit Tostatus in c. 9. Jud. in Dominos laboriosum est, & intolerabile, quia quilibet jubebit, & omnes extorquebunt aliquid à populo, & ut omnibus provideatur, necesse erit fieri magnas extorsiones & depauprationes.

S. 3.
Sichimitis
perivaderet
Abimelech
ut se
præ filiis
Gedeonis
in ducem
eligant.

Felices proinde nos, qui unicum habemus Deum, quem adorare, unum Deum, cui servire, meliorique titulo quam Sichimitæ Abimelecho dicere possumus: *Frater noster* propter assumptam humanitatem, frater noster est. Argumentum hinc desumit Tertullianus ad DEo omnibus viribus serviendum, lib. de pat. c. 4. *meliora ergo erunt in obsequii disciplina, quæ nobis DEus subdidit? agnoscunt denique quæ obediunt, nos qui soli subditi sumus, Domino auscultare dubitabimus?* quæ Tertulliani verba sic Delacerda noster explicat: si bestię quæ natæ sunt tantum ad obediendum non ad imperandum, tot agnoscunt obsequia, quæ præstent infinitis Dominis (nam tot habent, quot sunt homines) nos dubitamus uni soli parere, cui subditi tantum sumus? vah pudor! pudenda certe stultitia nostra, quod cum nati simus ad famulandum uni Domino, ejusque voluntati obsequendum, innumeris nos tamen implicemus servitutibus, & innumerorum Dominorum tyrannidi scientes volentes mancipemur, tot videlicet Dominis, imò carnificibus, quot humanis respectibus, quot dæmonis instinctibus, quot rebellibus perversæ naturæ motibus consentimus: à quibus posteaquam duro ac diuturno labore obtriti fuimus, pro stipendio mortem, & infinitam calamitatum abyssum recipimus, sic justissimè statuente supremo illo Domino, qui ideo unus est, ut uni unicè serviatur, ideo unus est, ut eidem facilius serviatur, ideo unus est, quia Corrivalem non patitur, & in corde nostro solus vult esse omnia, aut nihil.

Mulier illa Samaritana Joann.

4. frenum pudendis cupiditatibus laxans, viro uni adherere noluit, legitimi impatiens jugi, & in sena incidit juga cui falsè veritas reposuit:

quinque viros habuisti, & nunc quem babes, non est tuus vir. en quot Dominos imò tyrannos habet, qui Dominicum sexti præcepti jugum excussit. Invitatus ad nuptiale convivium hospes venire renuit, & causam prætendit: *juga boum emi quinque* Luc. 14. jugum Christi rationabile suscipere noluit, & alia quinque irrationalium jumentorum sibi emit. *Vides excusationem hominis* (inquit Bernardus, & extremæ demeritiæ hominem vocat serm. ecce nos :) *qui propterea Christum non insequitur, quia juga boum emerit quinque.* Sic mercantur quotquot unum jugum, unum obsequium, unum Deum detrectant, & sibi innumera fabricant idola. Coëgit refractarius Israël in deserto Aaronem, ut absente Moyse aurum vitulum efformaret in idolum; efformavit id Aaron, & adorandum proponens exclamavit: *Hi sunt dii Israël* Exod. 32. unicus erat vitulus, & tamen Deorum nomine insignitur, quia desinens ab uno vero DEo, in Deorum multitudinem incidit, proque divino jugo nefariè excusso, jugis boum plurimis oneratur, *unus factus est vitulus* (Oratoris aurei vox est, homil. 5. de pœnit.) *& clamat ingratus populus: Hi dii tui Israël, bi dii tui unum respiciens. Quare igitur dii? non quod videtur, indicat, sed Deorum pluralitatem annuntiat.* Vult dicere Chrysostomus, Aaronem in unico idolo plures Deos interpretatum fuisse, quia necessarium est, ut qui ab uno vero DEo recedit, ad innumeros accedat deos tyrannos. Subjugalem pullum asinæ sibi offerri Christus jussit, qui cum solveretur, apparuit pullum hunc non unius Domini, sed multorum fuisse, ita enim habet Lucas c. 19. *Solventibus autem illis Discipulis geminis, Petro & Joanne, pullum, dixerunt Domini ejus: quid*

§. 4.
Qui ab uno
Deo desin-
cit incidit
in innume-
ros tyran-
nos.

quid solvitis pullum? in hoc pullo conditio peccatoris representatur, cui non unus, sed plures Domini imperant, quando à Christo solvendus est. *nonne si mente preeditus esset*, inquit S. Athanasius serm. de ramis, *sufficeret, si ei unus Dominus insideret? nunc autem plures sunt ejus Domini*. deterior asino esse debet, qui sub tali onere non ingemiscit; asinâ dementiâ laboras, inquit Baëza, si ab uno Domino ad plures confugis, multiplicibus premendus jugis.

S. 5.
Ex impetrantium multitudi-
ne ingens
est populi
afflictio;
expertus
Israelitæ.

Intolerabile enim verò jugum & ruinæ proxima servitus est, multos habere gubernatores. Posteaquam Rex novus, qui ignorabat Josephum, in Ægypto surrexisset, & incrementum Israëlitarum observasset, consilio cum Palatinis suis inito sic statuit: *Ecce populus filiorum Israël multus, & fortior nobis est, venite; sapienter opprimamus eum. preposuit itaque eis Magistros operum* Exod. i. v. 10. ruinam novus ille Pharaon non ab exilio, non à carceribus, non à gladio quaesivit, sed à gubernatorum copia. *Preposuit eis Magistros operum*. hic describitur ipsa afflictio populi, inquit Lyranus, quæ afflictio intolerabilis omnino fuit, est enim ultimæ calamitatis linea & omnium miserationum centrum, pluribus Dominis subesse; quare ut svavius Deo nos nostro serviremus, unus per naturam est, & unus nobiscum esse desiderat per amoris unionem.

S. 6.
Ideo Deus
est unicus,
ut minus
imperet,
plg donet.

Cum in intimo Deitatis consilio conclusum esset, ut Adamus solitarius non maneret, sed alterâ sui parte augustinior fieret, *non est bonum hominem esse solum, faciamus ei adiutorium simile* Gen. 2. v. 18. data mox est executioni sententia & sopore in Adam immisso, *tulit unam de costis ejus & replevit carnem pro ea, & edificavit Dominus Deus costam, quam tulerat de Adam in mulierem* v. 21. &

22. cum mulier formatur, non nisi unius Personæ, mentio fit, at verò cum eadem mulier decernitur, plurium personarum meminit sacer historicus *Faciamus*, etsi enim eadem simul personæ Evam formârint, quæ formandam decreverunt, nihilominus unius tantum personæ in formatione mulieris fit mentio, quia in *decernendo* dandum aliquid erat, in *formando* verò aliquid accipiendum. Aliud est benefacere, aliud accipere, dum Deus intendit benefacere, multiplicem se in personis insinuat: *Faciamus*; cum verò aliquid ab homine accipiendum est, unicam personam nominat: *tulit unam*. Si favores conferendi sunt, certant quodammodo inter se personæ, & nulla abesse vult, at verò cum aliquid ab homine tollendum, inferendumve supplicium, nunquam omnes tres nominantur. Patet id in Abrahamo, ad quem tres viros in valle Mambre divertisse & prandisse legimus, quia fecunditas utrique vetulo steriliſque parenti conferebatur, & Messias ex eorum prosapia nasciturus promittebatur, at verò cum ab iisdem angelis Triadem Personarum referentibus evertenda esset Pentapolis, etsi ab Abrahamo tres discesserint, non tamen tres Sodomam adventasse & pernoctasse leguntur. Nimirum multus in largiendo Deus est, non ita in plectendo. unus est, cum præcepta imponit, Trinus cum præceptorum observantiam remuneratur.

Quinque Virgines fatuæ serò ad nuptias ex olei defectu venientes, validis vocibus manibusque portam pulsant: *Domine Domine aperi nobis* Matth. 25. v. 11. ô stultæ & duplicis lingvæ puellæ, cur Dominum vobis multiplicatis, qui simplicis est essentiae & cordis & oris. Scitis sponsum esse unum, & nunquid paulò antè audistis: *Ecce*

S. 7.
Ideo fatuæ
Virgines
nuptiis ex-
cluduntur,
quia Do-
minum du-
plici cor-
de & labiis,
omisso
Sancto
Spiritu in-
vocat.

Sponsus venit, exite obviam ei. cur ergo multiplicatis illi nomina, & congeminationis dominia: *Domine Domine?* palpum est non amat, pseudopolitice non fovet, non favet duplicitati, cum simplicibus sermoninatio ejus. Unus est Sponsus, cur ergo personam ejus duplicastis? respondet pro fatuis Virginitus Alphonfus Padille: opinor, quoniam etsi fatuae, etsi imprudentes, id planè noverant, Deum ad accipiendum unum esse, unde dicitur: *ecce Sponsus venit*, venit enim ad sponsas accipiendas, multiplicem verò ad beneficia conferenda, & idcirco cum ejus auxilium implorant, personam ingeminant. Et fortassis exaudita atque ad nuptias admittæ fuissent, si omnes tres nominassent personas, & Spiritum Sanctum pariter invocassent: *Tertius Domine deest*, ait Hugo Cardinalis, quia ut dixit Apostolus: nemo potest dicere: Dominus Jesus nisi in Spiritu Sancto. Spiritum Sanctum omiserunt, qui est dator munerum, atque idcirco nuptialia munera amiserunt. Tertium *Domine ignoraverunt*, ideoque ignoratæ sunt: *nescio vos*. Spiritum Sanctum non invocârunt, unde & nomen Salvatoris suam in salutem ritè non protulerunt, quia nemo potest dicere Dominus Jesus, nisi in Spiritu Sancto. *Discamus à fatuis* cautiùs loqui, cumque cœlestia ambimus beneficia, totam invocare Trinitatem, Patrem per Filium, Filium per Spiritum Sanctum, hunc in nomine Patris & Filii, tota enim nominari gaudet Trinitas, quæ idcirco pluralitatem amat personarum, ut pluribus nobis titulis gratificetur.

Ecce DEUS magnus! exclamat Job. c. 36. v. 27. seu ut septuaginta verterunt: *ecce DEUS multus*. multus omnino ad ignoscendum, multus ad obsequium pensandum,

multus ad dona naturæ, gratiæ, gloriæ conferendum, in lege veteri nominatur DEUS unus, in nova Trinus, quia olim multa præcipiebat, & pauciora quàm nobis in lege gratiæ conferebat; jam verò quia pauciora præcipit (præcipit enim hoc unicum: *Ama & fac quod vis*;) & ingentia dona largitur, idcirco personarum detegit Trinitatem. Quod uni personæ in honorem præstatur, ab omnibus benignissimè acceptatur, solvitur, hinc illud: *qui diligit me diligitur à Patre meo, & ad eum veniemus & mansionem apud eum faciemus*. Joann. 13.

Quam ter beatissimam Trinitatem, ut quisque in semetipso exprimat, sit unus & multiplex, unus quidem in simplicissima intentione DEO soli placendi, totòque corde eidem serviendi, cum DEUS idcirco unus sit, ut saviùs eidem serviatur; & quia beneficentissimus idem DEUS ideo in personis trinus est, ut uberius nos prosequatur beneficiis, conetur unusquisque nostrum *multus esse* in seraphicis desideriis ita colendi Sanctissimam Trinitatem, sicut ab omnibus simul creaturis colitur, & coli potest. Placebit hæc unitas, nec displicebit multiplicitas. Placuit Christo alienigena ille mundatus à lepra, de quo Lucas c. 17. *unus autem ex illis ut vidit, quia mundatus est, regressus est cum magna voce magnificans DEUM*, ideo placuit, quia unus fuit, videlicet non in seipso divisus, sed integer & ex toto oblatus est DEO. Divi Anselmi hoc acumen est apud Baëzam tomo I. lib. 3. c. 7. §. 19. Quòd dicitur unus, intelligendum est, non diversis voluntatibus se varians, sed in una perdurans. nimirum qui DEO placere vult, uni illi placere satagat, & integrè se eidem donet, deditque. Et quia idem alienigena novem reliquorum à lepra emundatorum per-

§. 9.
Exemplo
Dei sit
quilibet u-
nus & mul-
tus.

Padil, in
Habac.

§. 8.
DEUS in le-
ge veteri
unus, in no-
va trinus
invocatur,
cur?

personam supplevit, unus pariter ac multus fuit, ac plus omnibus placuit. Ut placeamus & nos, dicat unusquisque nostrum corde potius quam ore: Ter optime maxime DEUS, si possem te tantum amare, adorare, oblectare, quantum omnes Sancti simul sumti & Angeli te amant, imò quantum ulla creatura, aut omnes possibiles cum omni gratia tua quâ per totam omnipotentiam tuam illis dare posses, te possent amare, sic Te amarem. atque ut ostendam hanc voluntatem meam seriam esse, en omnibus quas nunc habeo viribus te amo & amare volo, ut declarem, quòd si plus possem, plus Te amarem.

Pro Emblemate Sol sit, quem innumeræ cingunt undique Stellæ:

Solung, lumina mille. Unū Solem respicimus, at mille luminib⁹ respicimur, fovemur, recreamur. Unum respicimus, amamus adoramusque DEum, sed qui mille nos vicissim gratis ac favoribus respicit & reficit. Respiciant in te, ò Sol Clementiæ, oculi omnium, ut non tantum in gratiarum tuarum semper oculis vivamus, sed tanquam pupilla oculi tui adversus omnem Principis tenebrarum fallaciam custodiamur.



PROBLEMA III.

Quis Titulus DEO honorificentissimus?

DOMINICA EADEM.

In Nomine Patris & Filii & Spiritus Sancti

Matth. 28. v. 19.

S. I.
Honorifi-
corum ti-
tulorum a-
vidissimi
sunt ho-
mines.



Quanto mortales studio in splendoribus ferantur titulos, nemo est, qui non videat, audiat, experiat. Vix panem à rustico impetraveris, nisi Dominationis eū titulo dones; pauci de nobilibus sunt, qui perillustres imò illustrissimi non malint appellari, nobilibus se cives æquiparant, quin & de sorte Altissimi seu clero quot invenies, qui Re-

verendos se absque adverbio *Admodum* aut superlativo nuncupare sustineant? primum quod scribitur, legitur, atteritur, titulus est; primum quod appetitur, quæritur, procuratur, titulus est; primum quod adolescentem in palæstra literaria excitar, militem in campo martio animat, palatinum in aula & curia conciliat, titulus est. processit eò usque insana Principum nonnullorum cupiditas, ut ab astris & astrorum principibus suos sibi titulos mentirentur.

B 3

Con-

Constantino Magno scribens Persarum Rex Sapor, hunc sibi mentitus est titulum: Sapor particeps siderum, Frater Solis & Lunæ Constantino salutem plurimam. major longè infania Regis Bismagenfis qui teste Jarrico tomo 1. rerum ind. Salubatur: Sponsus bonæ fortis, magnarum Provinciarum DEus, Regum potentissimorum Rex, omnium equitantium Dominus, Magister & Doctor loqui nescientium, trium Imperatorum imperator, omnium quæ videt conquistor, conquistorum conservator, quem octo mundi partes metuunt, eques cui nemo par; & fortissimorum quorumque debellator, Elephantorum venator, Dominus Orientis, austri, septentrionis, occidentis & maris. Soldanus teste Drexelio prodr. c. 1. §. 1. epistolæ præmisit hunc laudum Syllabum: Salamander omnipotens ante Carthaginem, Dominus Jordanis, Dominus orientis, Dominus Bethleem, Dominus paradisi, Præfectus inferni, maximus Imperator Constantinopoleos, Dominus ficus aridæ, Dominus quæ Sol & luna meant, protector primi Sacerdotis Joannis, Imperator Rex Regum, Dominus Christianorum, Judæorum, Turcarum, Trapezuntinorum ac Constantinopolitanorum, & amicus Deorum. Solymanus verò: Carolo V. Imperatori semper Augusto Belgæ coævus Solyman, ex victrici nobilissimæque Ottomannorum prosapia ortus, Imperator Turcarum, Rex Regum, & Dominus Dominantium, Imperator Trapezuntinorum ac Constantinopolitanorum, Dominator mundi & terræ domitor. En quantus titulorum ambitus, Zelus quantus! & non Zelemus nos potius pro honorificentissimo immortalis Dei nostri titulo scrutando proferendoque? omnes de honore suo sunt

soliciti, ait Divus Gregorius, de honore & titulo DEi nemo, quod nè sapius exprobari possit, sollicitus ero hodie de honorificentissimo DEi titulo, ut sit, qui pro honore Zelotus DEi Zelet non nemo.

Primum DEo titulum ab immensitate depromptum Ancilla Agar supremo Domino contulit, & *videntem ac viventem* appellavit Gen. 16. v. 14. ipse DEus nomen Entis sibi assumpsit Exod. 3. v. 13. *ego sum qui sum, hoc nomen mihi est in æternum.* Exod. 6. v. 3. Dominum se appellat: *nomen meum Adonai*; ab omnipotentia derivat titulum Exod. 15. v. 3. *omnipotens nomen ejus*, à Zelo verò Exodi 34. v. 14. *Dominus Zelotes nomen ejus.* Decem præcipua DEi nomina enumerat Divus Hieronymus, quæ vernacula fermè sonant, *El* fortem, *Elohim* providum, gubernatorem, judicem, vindicem, *Sabaoth* exercituum imperatorem, *Eliou* excelsum, *Adonai* Dominum, *Saddai* munificum, omnipotentem, ens entium seu *Jehova*. Ex his aliisque quodnam DEO acceptissimum, honorificentissimumque nomen sit, controvertunt Theodidæti, ego pace omnium, quæstionem hanc facti esse pronuntio, illumque speciosissimum divinitatis confecto titulum, quem supremæ intelligentiæ concinunt sine fine dicentes: *Sanctus! Sanctus! Sanctus!* cur non immensum potius aut æternum, vel omnipotentem, aut providum, omnisciumve potius, quam Sanctum proclamant? quia optimè nōrunt titulum Sanctitatis esse omnibus præcellentiorum.

Divum Dionysium appello, qui de divin. nom. c. 12. Sic loquitur: *DEUS per excellentem cuncta excellentiam Sanctus Sanctorum prædicatur.* Hunc titulum acceptat DEus pro summo, ut observat Sanctus Ambrosius lib. 6. de

§. 2.
Varii tituli & nomina DEi.

§. 3.
Titulus Sanctitatis est acceptissimus DEO.

de Spiritu S. c. 18. nos quoque nihil pretiosius invenimus, quo DEUM predicare possimus, nisi ut Sanctum appellemus, quodlibet aliud inferius est DEO, inferius est Domino. Doctissime Doutermann in Amore creato pag. 364. licet perfectiones omnes in DEO admirandæ sint, & infinitæ, nihilominus sine sanctitate (si hæc separari ab iis posset) non æstimandas tanti, quanti sola sanctitas; ideo & supremi Spiritus sine fine acclamant: Sanctus! Sanctus! Sanctus! quia in DEO nihil æquè venerantur & mirantur, quàm sanctitatem, non omnipotentiam, non sapientiam, non misericordiam, sciunt enim hunc titulum Deo charissimum. Titulus Sanctitatis præfertur ab ipsomet DEO titulo Potestatis, hunc enim habet in extremis vestimenti sacerdotalis partibus, illum ferri vult in fronte Apocalypseos 19. v. 16. *habet in vestimento & in femore suo scriptum Rex Regum, & Dominus Dominantium.* at verò Exod. 28. v. 36. *Facies & laminæ de auro purissimo, in qua sculpsit opere Cælatoris Sanctum Domino, & erit super tiaram imminens fronti pontificis;* imò pontifex habito hoc titulo Sanctitatis abiciebat quodammodo omnes thesauros humanæ sapientiæ expressæ per tintinnabula aurea, & omnes coronas humanæ gloriæ ac potestatis per malogranata adumbratæ. nimirum magnificasti super omne nomen Sanctum tuum, non nomen potens, nomen nobile, nomen excelsum, sed Sanctum.

Nihil prius orandum Christum docuit, quàm: *Sanctificetur nomen tuum* Matth. 6. v. 9. hoc est, cognoscatur Sanctitas tua, hæc enim prima est benedictio nostra si Sanctitatem divini Nominis bene apprehendamus, & hoc benedictionis vice fungitur, inquit Tertullianus lib. de

Orat. c. 3. tunc maxime Deum benedicimus, quando Sanctum appellamus. Ingenioso affectu scripsit Sanctus Cyrillus Hierosolymitanus Catechesi 5. mystagogicâ, theologiam aliam Angelos nec scire velle, nec tradere hominibus, quàm quæ sit de Sanctitate divina, tanquam utilissimam simul & jucundissimam: *propterea traditam nobis hanc Seraphicam theologiam Sanctus! Sanctus! Sanctus! recitamus, ut in illa cœlesti hymnodia cum supra mundana militia communicemus, per huiusmodi hymnos nos Sanctificantes.*

Archangelus Gabriel divinitatem Spiritus Sancti simul & nasciturum Filium Dei alio ex nomine melius indicare non potuit, quàm ex Sanctitate: *Spiritus Sanctus super veniet in te, & virtus Altissimi obumbrabit tibi* Luc. 1. nunquam amor ille increatus omnigenæ sanctitatis author Spiritus in divinis literis Sancti nomen accepit, donec divinitatis excellentiam in admirando incarnationis opere manifestavit dictus antea est *Spiritus Domini*, *Spiritus Sapientiæ*, & fortitudinis, sed non Spiritus Sanctus. notavit id Rupertus in c. 1. Matth. maxime ex hoc opere, quod in MARIA operatus est, claruit hic Spiritus Domini, quod verè Sanctus sit, puritatis amator & custos, ideo Sanctus. De Filio verò v. 35. addidit Archangelus: *Quod nascetur ex te Sanctum, vocabitur Filius Dei.* ideo filius quia Sanctus, ideo DEUS, quia non simpliciter Sanctus, sed Sanctum, omnem videlicet in se continens Sanctitatem. audiamus Bernardum homil. 4. super Missus: *ut quid ita simpliciter Sanctum & absque addidamento dixit? credo quia non habuit, quod propriè digneque nominaret illud eximium illud magnificum, illud Reverendum, quod de purissima Virginis carne cum sua anima Unico Patris erat unien-*
dum.

§. 5.
Filius Dei
& Spiritum
Sanctum titu-
lo Sancti
cur Ange-
lus conde-
corat.

Psal. 137.
v. 2.

§. 4.
Cur prima
petitio in
Dominica
oratione
sit à Sancti-
ficatione?

dum. nominat prius Sanctum quam Filium, quia magnificentiorem Verbi titulum non habuit.

§. 6.
Agnoscent
ipsi dæmo-
nes titu-
lum San-
ctitatis o-
mnibus ali-
is præcel-
lere.

Ipsi dæmones cognomentum illustrius non habuere, quo honorarent Deum humanatum, quam Sancti titulum Marci 1. Lucæ 4. *Quid nobis & tibi JESU Nazarene? venisti perdere nos, scimus qui sis, Sanctus Dei.* cur Sanctum potius quam Dominum, Regem, Judicem, omnipotentem nominant? respondet Euthymius, quia benevolam sibi Christum reddere volebant, nè ex possessio corpore ejicerentur, ideoque supplicii suo libello honorificentissimum titulum, adulantium more, præfixere, nec alium repererunt quam *Sanctum*. Eiusdem opinionis est Sanctus Cyrillus Alexandrinus apud S. Thomam in catena aurea. *Putaverunt dæmones, quod per huiusmodi laudem, facerent ipsum inanis gloriæ amatorem, ut abstergeret eorum contrarietate, utpote pro gratia gratiam compensans. nota: inanis gloriæ amatorem, tanti est Sanctum esse, ut si in Deum cadere posset superbia, ex solo hoc titulo caderet, ut de excellentia Sanctitatis superbiret.* Quod si juxta Maldonatum dæmones non fuere tam rudes, ut putaverint cadere posse superbiam in Christum, credidere nihilominus, hoc tam pulchro titulo eundem emolliendum, nè acerbius quidquam in eos statueret, quod & factum; impetrarunt enim gregem porcorum in quem ruerent. Nimirum omnia à Deo facile exorant, qui sanctitatis divinæ titulum interponunt. Est & illud observatu dignum, quod Dominus præconibus laudum suarum silentium indixerit, quia erant spiritus immundi, prædicatio autem sanctitatis non nisi à mundissimis Spiritibus nuncupanda est. in-
finuat hanc causam Tertullianus

lib. 4. c. 8. contra Marcionem. *illius erat præconium immundi Spiritus respuere, cui Sancti abundabant.*

Quare nè dæmonibus deteriores simus, imò ut supremis Spiritibus suppare simus, sæpissime triflagium repetamus, & affectu quam possumus ardentissimo ingemimus: *Sanctus! Sanctus! Sanctus! Dominus Deus Sabaoth, pleni sunt cæli & terra gloria tua. Sanctus Pater, Sanctus Filius, Sanctus Spiritus, semel & ter Sanctus. Sanctus ante tempus, Sanctus in tempore, Sanctus post elapsus mundi tempus in secutura felicitate, & æternitate! Sanctus in seipso, Sanctus in omnibus naturæ, gratiæ, gloriæ operibus, Sanctus in omnibus permissionibus suis! Sanctus in cælo glorificans electos, Sanctus in terra iustificans impios, Sanctus in inferno puniens damnatos! Sanctus in creatione, Sanctus in Redemptione, Sanctus in mortalium vocatione! Sanctus in beneficiis, quæ confert, Sanctus in suppliciis, quæ infert, Sanctus in donis & bonis, quæ auferit! Sanctus in Sanctis, Sanctus in reprobis, Sanctus in omnibus inanimis irrationalibusque creaturis!*

Nec ore tantum sed & opere Deum Sanctum prædicemus, sanctâ videlicet & inculpatâ conversatione domum, urbem, regionem, orbem totum quodammodo sanctificantes, accurantesque, ut primum nostrum desiderium studiûque sit majoris acquirendæ sanctitatis. Primi Christicolæ passim Sancti vocabantur unde Paulus Romanis scribens, hunc iisdem attribuit titulum: *omnibus qui sunt Romæ dilecti Dei, vocatis Sanctis Rom. 1. v. 17. quin & Propheta Evangelicus universaliter de Christianis locutus: vocabunt eos: Populus Sanctus, redempti à Domino Js. 62. nomen sanctitatis videtur duo importare*

§. 7.
Affectus
erga Deum
Sanctum.

§. 8.
Opere &
conversa-
tione Deû
Sanctifice-
mus exem-
plo pri-
morum
Christianorum.

ait

S. Thom.
2. 2. q.
87. a. 9.

ait Doctor Angelicus, uno quidem modo munditiam, ut intelligatur Sanctus quasi sanguine tinctus, eò quod antiquitus illi, qui purificari volebant, sanguine hostiæ tingebantur. græcè Hagios, hoc est, sine terra. Alio modo importat firmitatem; Sancta dicuntur, quæ legibus sancita, ut violari non debeant. Si ergo integri vitæ scelerisque puri & in observandis Dei ac Ecclesiæ sanctionibus fuerimus firmi, sanctitatis titulo non carebimus.

§. 9.
Sanctum
Sancto-
rum cur
mero ve-
stiri auro
debuerit.

Locus Sanctissimus in veteri lege dictus est *Sanctum Sanctorum*, de quo 2. paral. c. 3. v. 8. *laminis aureis texit eam* (domum Sancti Sanctorum) *quasi talentis sexcentis*, faciunt septem milliones & quingenta millia aureorum; *sed & clavos fecit aureos, ita ut singuli clavos ficos quinquagenos appenderent*; sunt ducenti quinquaginta coronati, vasa omnia ex purissimo auro, decem millia mensarum, totidem candelabra, thuribulorum viginti millia, craterum sexaginta millia, phalarum centum millia, ex purissimo auro omnia. Summa vasorum quæ vidit Iosephus, quadringenta quadraginta millia; cur ex auro omnia? quia aurum Sanctitatis Symbolum est teste Magno Gregorio lib. 34. c. 13. in Job. *auri nomine Charitas intimatur & splendor Sanctitatis. Si vis honorare Sacrificium*, inquit homil. 60. ad pop. *os aureum, animam offer, banc fac auream, si verò plumbea manet, quid utilitatis?* triclinium Justiniani totum fuit aureum, nostrum totum sit charitate aureum eo potissimum tempore, quo Sanctus Sanctorum per Sacratissimi Sacramenti functionem ingressurus est.

§. 10.
Absq; San-
ctitate ni-
hil valent
virtutes &
dotes ca-
teræ.

Zelat præ cæteris titulis Deus principaliter pro titulo Sanctitatis, Zelum & nos, & sicut in Deo nulum prædicatum valeret absente

Sanctitate, ita & apud nos statua-
mus, sapientiam non prodesse, for-
titudinem non valere, pulchritudi-
nem non ornare, gratias alias nul-
las esse, si una absit Sanctitas. San-
ctitas est decima illa drachma quâ
deperditæ ceteræ novem, dotes in-
quam aliæ, non æstimantur, ita ver-
ba Salvatoris Luc. 15. *mulier habens
drachmas decem, si perdidit unam,
nonne accendit lucernam, interpreta-
tur Sanctus Gregorius Nyssenus in-
quiens: etsi omnes adsint virtutum
facultates, una tamen remota sit san-
ctitas ab animo illò, viduo, nulla exi-
sit utilitas.* Libro octavo Constitutio-
num Apostolicarum apud Ana-
stasium Sinaitam quæst. 18. dixit
Apostoli: *neq; quicunque prophetat,
est pius, neque quicunque ejicit demo-
nes, est Sanctus, nam & Balaam Vates
propheta vit, & Saul & Caiphas;
multa autem dicit diabolus & Jesus de-
mones & non propterea sunt partici-
pes: vel scintille pietatis.* Cantico-
rum s. v. 2. clamat Sponsus: *aperi
mibi soror mea, amica mea, columba
mea, immaculata mea.* cur vocat ami-
cam, postquam nominavit foro-
rem? respondeo cum Luca Abba-
te, quia omnes humanæ creaturæ
sunt sorores, circumferunt eandem
carnem, quâ Dei Filius indutus est,
sed non omnes sunt amicæ, quia
Sanctitate non sunt præditæ. Psal-
mi decimi septimi titulus est: *in fi-
nem puero Domini David.* notat Ev-
thymius, quod se David non Re-
gem, non bellatorem, non prophe-
tam vocet, sed puer Domini audire
malit, puerum enim Domini esse
significat Sanctum esse, & hic est ti-
tulum titulus supremus. Pro-
verbiorum 30. v. 29. dixit Regum
Sapientissimus: *tria sunt, quæ bene
gradiuntur, & quartum quod incedit
felicitè: Leo, gallus, & Aries & qui
stultus apparuit, postquam elevatus
est in sublime.* Argutè Salonius Vi-

S. Grego-
rius Nyss.
de Virg.
c. 12.

C

cennen-

Problemata P. Philippi Hartung.

ennensis quærit distinctionem inter bene & feliciter, respondetque: quia omne quod feliciter incedit, non semper bene incedit. Illa bene incedunt, quæ ambulant sanctè & iustè; illa incedunt feliciter, quæ in hac vita habent prosperitatem suam. per leonem, gallum, arietem intelliguntur Viri illi Sancti, qui pugnant, vigilant, mortificantur; stultus est, qui habet omnia ad votum, & hic graditur feliciter, non bene, non iustè, non Sanctè. Secundo Regum c. 23. celebrantur fortissimi Duces, qui Davidis ævo floruerunt, quos inter Joab non censetur. Rupertus curiosè: quare Joab nec inter tres, nec inter triginta fortes numeratus est? videlicet, quia non vires corporis, sed virtutes animi spectantur in fortibus David. Abnerum proditoriè occidit, Amasam nequiter interemit, fortitudinem bellicam & felicitatem temporaneam sanctitati & beatitati æternæ præposuit, ideo inter fortes Davidis sive dilectos & electos numerari nequaquam meruit. Ut inter

fortes Davidis & electos simus, illud nobis quàm frequentissimè dictum putemus: *sancti esote quia ego Sanctus sum.*

Levit. 19.
v. 2.

Coronemus Problema hodiernum sacrosancto quod Isaias & Joannes viderunt Emblemate, cum Seraphini ante Majestatis thronum consisterent, & trifagium sine fine alternarent: SANCTUS SANCTUS SANCTUS, ex quo trifagio duas duntaxat accipio literas & t, & canentibus in cælo Seraphinis geniolos humanæ naturæ affocio, qui imposito labellis digito, solum silentii signum proferunt: S! Nimirum ab humana infantia Tibi DEus laus silentium. nam præ admiratione & æstimatione tantæ

SANCTITATIS nobis siluisse sat



PRO-



PROBLEMA IV.

Fuerintne Nobiles, qui ab adeunda Cœna se excusarunt?

DOMINICA II. POST PENTECOSTEN.

Cæperunt simul omnes excusare

Luc. I4. v. 18.

§. I.
Excusato-
res terni
significant,
ambitio-
sos, avaros,
molles,



Vi cœnam magnam instruxit, nec Rex nec Pater familias nec Dominus appellatur, sed homo quidam: *homo quidam fecit cœnam magnam.* è contra alius, qui nuptias fecit, Filio suo, & prandium adornavit, Regis honoratur titulo: *simile est regnum cœlorum homini Regi* Matth. 22. v. 4. quia videlicet magnificentior fuit cœna modimperatoris hodierni, quàm prandium alterum Regis, cœna namque magna dicitur, prandium verò simpliciter prandium appellatur. unde quia Amor liberalior est, quàm Majestas, idcirco regio superfedetur nomine, & humanitatis duntaxat titulus præfertur: *homo quidam fecit cœnam magnam.* ad quam invitati primæ notæ hospites comparere detrectarunt, frivolis ad sese exculpandos usi ratiunculis, quas à villa vel bobus, vel quod turpius est, ab uxoria servitute emutuârunt: *villam*, ait primus, *emi* & *neceſſe habeo exire* & *videre illam.* Stultus iste mercator fuit, qui prius villam emit, quàm videret, ad cœmque videndam veſpertino tempore expatiatur; quia ambitioſi, ut vult Auguſtinus, per-

ſonam reſert; ambitioſo autem ſemper nox eſt, à tenebris incipit, & in tenebris perſeverat, omnis namque ambitio cæca eſt, & excæcat. *In villa emta*, ait Sanctus Auguſtinus ſerm. 33. de verbis Domini, *Dominationo notatur, ergo ſuperbia caſtigatur.* Alter Evclionem expreſſiſſe videtur qui ſuis ſibi expenſis emit joga boum quinque. omnis enim avarus laborem & dolorem ſibi coacervat, ſèque pecuniæ devovet in mancipi-um. decuerat pecuniam exponere, ut jugum à ſe excuteret, ut videmus jumenta excutere, ubi poſſunt; at hem Evclionem! auro ſuo multiplex ſibi comparat jugum, comparatus idcirco jumentis inſipientibus, imò deterior factus iisdem. Audiatur Ceuſura Divi Bernardi in declamat, *an verò comparatum jumentis eſſe quis dubitet hominem, qui ſibi joga emerit jumentorum? niſi quòd eò ipſis ſanè quoque jumentis convincitur ſtolidior, & beſtialior beſtiis comprobatur, quòd joga neceſſitatis earum propriâ ipſe ſubeat voluntate.* Abſurdiſſimè tertius, non joga quinque ſed quinquaginta & quinquagies millena in uno conju- gio prætendit, ideòque non com- parendi neceſſitatem ex neceſſitu-

dine uxoria fatetur: *Et ideo non possum venire.* Audis? Cyrillum interpretem audio lib. 4. de adorat, audis? non possum. Etenim humanus animus ad mundi Voluptates propensus, infirmus est, & invalidus ad ea exequenda, quæ Dei sunt. Cuperem scire totâ mentis curiositate, utrûm terni isti excusatores nobiles fuerint, an ignobiles, qui frivolis de causis à magna se subducere cœna præsumferunt. ignobilissimos fuisse probabile est, sed videamus.

§. 2.
Etsi nobili
genere
potuerint
esse pro-
gnati, i-
gnobiles
tamen mo-
ribz fuisse.

Quæ pro nobilitate eorum militant argumenta, sunt villa & in villa jugales boves, & boum jugalium domina conjux: *uxorem duxi*, ait hic ultimus, semel uxorem duxit, semper ducitur ab uxore *sicut bos ad victimam.* qui sunt qui uxores ducunt, nisi qui ducunt in bonis dies suos, & quæ sunt uxores, quæ manu duci Volunt, & dum ducuntur, seducunt animos, nisi nobiles heræ? quibus inserviendum plus quàm idolis, in earûmque gratiam necessariò DEus & divina omnia procucanda sunt. Nec dubitandum de eo, qui villam emit, quin fuerit nobilis, in villa enim emta, ut dicere me ex Augustino memini, Dominatio notatur; fuerit proinde nobilis de nova vel antiqua aut nescio qua alia villa; qui verò emta quinque boum juga probatum ivit, plusquàm villicum se exhibet, cum fidem villici sui pergat exploratum. Demus proinde triadem istam invitatorum fuisse genere nobilem, genio tamen nimis quàm ignobilem se exhibuisse, imò in mancipiorum sortem degenerasse, omnique nobilitatis excidisse privilegio, inde manifestè eyincitur, quòd nobilissimam cœnam adire recusarint, quam videlicet soli concupiscunt nobiles, qui verò accedere renuunt, plusquam ignobiles redduntur

juxtâ divinum illud oraculum, quod ex cœnali tripode exauditur: *qui contemnunt me erunt ignobiles.* Ignobilis est, quisquis Eucharisticam contemnit cœnam, nobilissimus verò qui invitanti pareret modimperator, & neglectis villis, exculsis jugis, contemtis femineis illecebris cœnatum pergit, imò volat. Volat inquam, quia cœna hæc alites invenit aut facit, alas indit, vel addit, quibus ad cœnale corpus advolent juxtâ id æternæ Veritatis oraculum: *ubi fuerit corpus*, corpus inquam illud, de quo Sacerdos in persona Homini DEi asseverat: *hoc est enim corpus meum*, *ibi congregantur* *Et aquilæ*, nobiles videlicet animæ alites Imperiales.

1. Reg. 2.
v. 30.

Matthi. 24.

Aptissimè Divus Ambrosius ad convivas Eucharisticos dixit: *Bonæ aquilæ circa altare*, *ubi enim corpus, ibi Et aquilæ.* *Forma corporis altare est, Et corpus Christi est in altari, aquilæ vos estis.* nobilis esca non nisi nobiles admittit convivas. Si aquilarum *figura* nobilitatis imago est, dubitari vix potest nobiles esse eos, qui non ut Jupiter in fabulis, sed ut Christus in parabolis asseruit, toti in aquilas abiére. ubi corpus ibi aquilæ. Hæ sunt volucres, inquit de Eucharisticis convivis Anastasius Sinaita, quæ rapiuntur in nubibus obviâ Christo de quibus etiam dicebat: ubi est corpus, congregantur & aquilæ, quæ supplantatorem nostrum serpentem suffocârunt, perpetuum cum serpentibus bellum est aquilis, continua quoque pugna contra tartareos angves intercedit iis, qui nobiles à corpore Dominico spiritus hauriunt, ideòque stygios odère serpentes, quia horum calliditate seducti protoparentes primævam perdiderunt nobilitatem, atque ad rusticana opera & comedendum in sudore vultus panem sunt damnati, *Esca vetita*
in

§. 3.
Ex aquila-
rum simili-
tudine
probat
nobilitas
Eucharis-
ticorum
conviva-
rum.
S. Ambro-
sius lib. 4.
de sacram.
c. 2.

S. Anastasius
lib. 7.
in hexam.

in rusticos nos primitus commutavit, esca cœlica vicissim in nobis nos alites transformat. Siquid in animo serpentini genii, rustici inquam ingenii fortè residet, cœlestis virtute convivii quantocyus tollitur, efficitque ut aquilinæ nobis succrescant alæ, quibus Christo obviam in aëra rapiamur. Huc Divus Paulinus respexit, cum scripsit: *cum hoc pane saginamur, serpens tabescit, cujus fames & pœna est cibus vitæ nostræ Christus Jesus, qui factus est nobis in escam*. Mulieri Apocalyplicæ datas fuisse aquilinas alas legimus, ut septicipitis draconis ritum effugeret, securaque in desertum avolaret; non alæ tantum animabus fidelibus per mulierem parturientem significatis conferuntur, sed totæ in aquilas commutantur, quoties ad desertum, hoc est, cibum Eucharisticum (hic enim ob annullatam panis substantiam deserti nomine potest nuncupari) convolant, ut septem peccata capitalia, velut septem tartarei draconis capita evadant. Quin & peccare nec scios Angelos apud Eucharisticam cœnam deprehendo alatos, nec alatos simpliciter, sed sex omnino alis instructos, sive ut eò velocius ad corpus Eucharisticum adsint, seu ut excelsiorem suam præ ceteris nobilitatem ex alarum numero declarent. *O miraculū!* exclamat Chrysostomus *ad mensam magnificè instructā, in qua agnus DEI pro te mactatur, assistunt Cherubini, descendunt Seraphini senis præditi alis*. non putant suam se mortalibus sufficienter probare nobilitatem nobilissimi Spiritus, nisi Sacrosanctæ Eucharistiæ assistant, ad eamque velut aquilæ ad corpus congregentur. Aquilæ ergo sunt & nobiles omnes, qui ad cœnam Eucharisticam congregantur; quo verò eos nomine compellabo, qui cum hodiernis excusa-

toribus recusant venire? canes sunt, & qui canibus nonnunquam deterius habentur, ignobiles servi sunt. Micam è mensa Eucharistica Samaritana postulavit mulier, sed promica *corbem* ut dicimus tulit, repulsam passa à Christo: *non est bonum panem filiorum mittere canibus*. audisne? panem Filiorum dici Eucharistiam, quam qui sumere renuunt, non sunt filii, sed villici ut hodiernus ille excusator villam prætendens: *villam emi*; non sunt hæredes, sed mancipia jugis boum alligati: *juga boum emi*; non sunt liberi sed herarum nutibus alligati: *uxorem duxi non possum venire*; verbo, non aquilæ sunt, sed canes digni catenis, & ad famem præsciti æternam; juxta Pfaltis vaticinium: *famem patientur ut canes*. Appositè Divus Athanasius in ejusmodi canes: *Occisa est hæc hostia propter te, & tu deseris illam ipsam immolatam aspiciens: ubi cadaver, inquit, ibi & aquile; sed ut canes accedimus, tanta nostra est impudentia, imò quia non accedimus, canum in numero habemur, qui per divinissimi corporis esum in numero poteramus esse filiorum*.

Filiorum cum memini, prodigus ille occurrit filius, paternæ decoctor substantiæ, conviva factus porcorum, qui siliquarum jam satur, imò nec de siliquis saturare latrantem stomachum ausus, sancta vitæ melioris consilia init, itaque secum statuit: *Surgam, jacebat, enim in cœno vitiorum, & ibo ad patrem meum*, quia sub principe erat porcorum, ait Sanctus Augustinus & dicam ei *pater peccavi in cœlum*. cœlum appellavit ipsam sublimitatem Patris, inquit iterum Augustinus, & coram te ubique præiente & inspectante: *ostendit scriptura* (ait Chrysostomus) *bunc patrem, non hominem intelligi debere, sed DEUM*,

Matth. 15.
v. 26.

Psal. 58.
v. 7.

S. Athanasius orat.
in paracl.

§. 4.
Filius prodigus ad paternam domum receptus designatur esse mercenarius.

Luc. 15.
v. 18.

S. August. lib. 2. quæst. Evang. c. 33.

S. Chrysostomus homil. 4. in Luc.



DEus enim est inspector omnium solus, à quo neque in corde meditata peccata abscondi possunt: *Jam non sum dignus vocari filius tuus*, quia servus esse malui idolorum (inquit Sanctus Hieronymus ep. 146.) *fac me sicut unum de mercenariis tuis*. ego perdidici quod erat filii ait Sanctus Chrysologus serm. 2. filii conditione indignum se prodigum agnoscit, quia ab excelsis cogitationibus degeneraverat, de cœna cœlesti ad cœnum scelestum, de ara Sacrosancta ad profanissimam haram transgressus. at verò ubi in se regressus, domum paternam repetit, inque paternos ruit amplexus, non petit fieri mercenarius, sed omissa tertio præmeditata orationis membro, prima duo duntaxat profert: *Pater peccavi in cœlum & coram te, jam non sum dignus vocari filius tuus*. ubi manet, & cure emanet tertium? *fac me sicut unum de mercenariis tuis*. an exciderat memoriâ, quod toto itinere toties repetendo tenacissimè sibi impresserat? mercenarius fieri non postulat, quia cum Patris acciperet osculum, subodoratus mox est cœleste convivium, quod ei à Patre ordinabatur. prævidens itaque sese sublimandum esse ad mensam filiorum, servilis mercenariorum status mente excidit. Eucharisticus enim panis non mercenariorum, sed filiorum, sed principum, sed Regum est. Dederat pius Pater pœnitenti filio dulce pacis osculum, ut os illud honoraret, per quod emissa de corde confessio pœnitentis exierat ut cenet Chrysostomus homil. 4. in Lucam, vel ut os illud præpararetur, per quod Eucharistiæ typus ingredi debebat, *Christus enim est vitulus saginatus* (inquit Beda in glossa interlin.) *omni spiritali virtute opimus, ut pro totius mundi salute sufficiat*; & Chrysostomus hom. de du-

obus filiis: *Christus vitulus dicitur, ob immolati corporis hostiam, saginatus, quia pro totius mundi salute sufficit*. Nec contentus osculum dedisse, addidit & stolam primam omnium pretiosissimam, quæ est purificationis, ait Euthymius, vestis Spiritus Sancti, ut habet glossa interlin. vel ut Divus Asterius in cat. græca: prima stola est gratia Dei, quam in baptismo singuli accipiunt; stola addidit anulum, anulum videlicet honoris, qui esset titulus libertatis (verba Chrysologi serm. 5.) in signe pignus spiritus, signaculum fidei: vel ut habet Sanctus Augustinus cit. anulus in manu pignus est Spiritus Sancti propter gratiæ participationem, quæ digito bene significatur. Sic itaque exornatus filius dignatur gregi mercenariorum accenferi, quos bellè noverat ad mensam paternam non admitti.

Prodigo filio jungamus Zachæum, non quidem pecuniarum prodigum, sed prodigium avaritiæ, charybdin scelerum, principem publicanorum. Zachæus *nulla nobilitatis ingenita dignitate sublimis*, ut loquitur Divus Ambrosius lib. 8. in Lucam, vocanti Christo obtemperans domum illi suam cesserat in templum, mensam in altare, convivium in Eucharistiæ Symbolum. Et ecce uberem mox hospitii sui accipit mercedem, titulum videlicet nobilitatis, *eo quod & ipse Filius sit Abrahæ* Luc. 19. v. 9. Filium Abrahæ esse, est nobilem esse, prout ex gloriantium judæorum ore audivimus: *Filii Abrahæ sumus, nemini servivimus unquam* Joann. 8. v. 33. in numerum Abrahamidarum adlegitur publicanus, quia Eucharistiæ umbram in convivio Salvatori exhibito attingit, quantum magis Abrahæ filii, nobiles inquam sunt, qui in cordis sui hospitium Salvatorem excipiunt, cumque eodem dulciter epu-

S. S.
Zachæus à
recepto
Christo
nobilitatur.

epulantur. *fit Zachæus* (Chryso-
stomi est hæc oratio homil. de Za-
chæo) *Abrahæ filius meritò, non so-
bole, devotione, non stirpe.* in quam
familiam omnes adleguntur, qui
vocati ad cœnam cum Zachæo JE-
sum excipiunt gaudentes.

¶ Qui corpus demortui Salvato-
ris de cruce exceperet, inque monu-
mentum novum intulerunt, non
servi, non rustici, sed nobiles fuere
& principes. *Joseph nobilis decurio*
Matth. 27. *Nicodemus princeps*
Judæorum, *Magister in Israël* Joan.
3. quisquis enim Christum excipit,
nobilitatis accipit insigne.

Sacrificium in monte Moria
oblaturus Abrahamus, servos &
Asinos inde excludit: dixit ad pu-
eros suos: *expedate hic cum asino,*
ego & puer illuc usque properantes,
postquam adoraverimus, revertemur
ad vos. Gen. 22, v. 5. cur servi sa-
crificio exesse jubentur, solique
Pater & Filius holocaustum appa-
rant? quia in hoc sacrificio cœna
Eucharistica præfiguratur, uti in so-
lenni hymno agnoscit Ecclesia: *in si-
gnis præsignatur, cum Isaac immola-
tur,* ab hac autem excluduntur viri
ignobiles, nec nisi admittuntur
principes, aut si prius fuerunt igno-
biles, admissi ad hanc alienam no-
bilitantur.

Participarant ab hoc sacerrimo
convivio & conviviali sacrificio A-
postoli, quibus mox Christus: *jam*
non dicam vos servos quibus verbis
discipulos suos Magister rude do-
nat, & servulos suos Dominus su-
premus emancipat, atque ex servo-
rum conditione in Amicorum trans-
fert dignitatem, imò in Principum
elevat celsitudinem: quia *omnia*
nota feci vobis, Eucharistiam videli-
cet iisdem administrando. Qui
ergo cœnam adit Eucharisticam,
non jam servus, sed amicus, non

ignobilis, sed princeps, non verna,
sed filius est.

*Sicut lilium inter spinas, sic ami-
camea inter filias* Cant. 2. v. 2 per
spinas servi, per filias accipiuntur
amici, & sunt iidem filii ac filiae, qui
prius erant spinæ, virtute enim Do-
minicæ carnis ac sanguinis regene-
rantur in filios, & cœlestis paradisi
hæredes constituuntur. Placeat
interpres verborum Augustinus sic
in persona sponsi locutus: *quas di-
cis spinas, ipsas filias respondes; spine*
sunt propter mores suos, filie propter
sacramenta mea. Nemo jam mihi
objiciat pauperes, cœcos, claudos de
trivio ad cœnam Evangelicam vo-
catos, adeoque ignobile vulgus fu-
isse; postquam enim vocantian-
nuerunt, seque stiterunt ad cœnam,
nec pauperes amplius, nec ignobi-
les, sed divites & principes evasere.
Verum quia hæc super veritate fusi-
us alibi à me actum est (Dominic.
ante Epiphan. Conc. Aulicâ) rur-
sumque dicendi locus erit, abrum-
po dictionem, & verbis Ignatii
Martyris ep. ad Eph. concludo: *Fe-
stinat ergo frequenter accedere ad*
Eucharistiam & gloriam DEI.

O nobiles, ut verè nobiles sitis,
ô ignobiles, ut germanam assequa-
mini nobilitatem, ad corpus Domi-
nicum ut aquilæ, ut Cherubini ad-
volate, ad panem filiorum cum filio
prodigo aspirate, in hospitium cor-
dis vestri Jesum exemplo Zachai
admittite, servitutis probrum cum
Apostolis ad hanc cœnam exuite, &
cum nobilitate decorem, cum gra-
tia induite gloriam; nec sit unus o-
mnium, qui ignobile illud verbum
repetat: *non possum venire,* quin
potius dicant omnes, dicant singu-
li, possum, possum, possum venire!
ecce venio! ecce adsum!

In Emblema undecim Regales
Aquilas ad Corpus Dominicum
con-

§. 6.
Eadē do-
ctrina aliis
4. figuris
confirma-
tur.

S. Augu-
stinus in
Psalm. 99.

Joan. 15.
v. 15.

§. 7.
Brevicula
ad Nobiles
parandis.
& Emble-
ma.

congregatas effugio; quæ aquilam duodecimam (Judam intellige) tanquam degenerem & spuriam ab hac Mensa abigunt, ceterasque volucres ignavas procularcent: *degeneres procul estis arves.* Ex aperto Corporis Dominici latere sacræ Hostiæ profluunt, Aquilarum cuiuslibet in escam, quibus inscribitur: *Cibus sum Grandium.* Ad alterum mensæ latus Genium Regni Catholici colloco, qui pro suis Hispanis loquens Panem Eucharisticum indigat: *hispanis* videlicet Hispanis ad latus alterum Archiducalis Do-

mûs Genium compono, qui de eodem divinissimo Pane seu *Eucharistia* vetus illud Anagramma refert: *Hic Austrie.* Congregemur & nos ad Corpus Dominicum, si regales Aquilæ sumus; manducemus ex hoc Pane, si fieri *Grandes & Domini ab Austro* (ita Salvatorem vocat Habacuc) esse cupimus commensales.

—33033—)0(—33033—

—33—00(33—

7



PROBLEMA V.

Cur Ovis Centesima tanti fiat, quanti nonaginta novem?

DOMINICA III. POST PENTECOSTEN.

Dimittit nonaginta novem in deserto, & vadit ad illam quæ perierat.

LUC. 15. v. 4.

S. I.
Quæstio-
nis diffi-
cultas per
similitudi-
nes expo-
nitur.



Sed ad humanæ prudentiæ trutinam factum parabolici Pastoris expendere revelimus, plus illum violenti affectûs, quàm sani intellectûs habuisse deprehendimus, quod desertis nonaginta novem ovibus Centesimam inquisiturus abierit, non absque gravi periculo, nè in Pastoris absentia grex totus aut prædonibus in spoliûm, aut lupis in victimam immolandus dissi-

paretur. Quis enim prudens institor nonaginta novem aureos relinquit in propatulo, ut centesimum, quem nescio ubi deperdidit, inquirat? quis sapiens belli Imperator in unius cohortis, imò gregarii militis gratiam exercitum universum destituit, furorîque hostium cedit in lanienam? quis dynasta centum oppidorum Dominus, ad retinendum ex omnibus unicum cetera deperdere non curat? quin potius ut cetera fervet, oppidulum postremum non curat deperdere.

mira

mira proinde & imperceptibilis videri potest incarnatæ Sapientiæ quæstio Scribis hodie proposita : *quis ex vobis homo, qui habet centum oves, & si perdidit unam, nonne dimittit nonaginta novem in deserto, & vadit ad illam, quæ perierat, donec inveniat eam?* hæc est Salvatoris quæstio, cui si ex humano sensu liceat respondere, dicemus nî fallor omnes: nullus ex nobis homo dimittit nonaginta novem, quin potius cautius residuas custodit, nè vel ullam ultra deperdat. Verùm hæc ut dixi responsio humano desumpta est ex sensu, alius autem est sensus Domini, quem quis novit, quis consiliarius ejus fuit? *non est enim Sapientia, non est prudentia coram Domino. exaltatus est* (Augustini oratio) super plenitudinem scientiæ, ut nemo ad eum perveniret. Si tamen piè curiosum juvat esse, sensum hunc Domini inquiram, & cur desertis nonaginta novem ovibus centesima inquisita sit, causam de sensu meo proferam; erit hæc *exemplaris quæstio*, quia de bono potissimum agetur exemplo.

Tres ceteris ingeniosiores invenio sententias, cur à Pastore bono oves nonaginta novem deferantur, ut centesima ad gregem adducatur. Erat videlicet Pastori non minùs chara una ovicula, quàm grex universus, unam ut omnes diligebat; Tertulliani hæc est ratio ita scribentis: *ergo & una Pastoris ovicula, sed grex unâ charior non erat, una illa requiritur, pro omnibus desideratur.* Sicut enim Isaac Patriarcha unicum Ecclesiæ florem tanti fecit, quanti agrum totum floribus odoratis plenum, cum filio benedicto dixit: *ecce odor filii mei sicut odor agri pleni*, prophetis enim Isaaci naribus ut scribit Petrus Dam. tota præsens redolebat Ecclesia, cum super unius filii sui personam dicebat: ecce o-

dor filii mei sicut odor agri pleni; ita Pastor bonus in una sibi complacet ovicula, quasi in grege universo. grex unâ charior non erat. ingeniosè hæc Tertullianus, quem superasse mihi videtur Divus Petrus Chrysologus sic aureè locutus: *hæc parabola plus divinæ pietatis quàm consuetudinis humanæ loquitur, & exprimit veritatem. Magna relinquere, amare minora, DEi potestatis est, non cupiditatis humanæ, quia DEus & quæ non sunt, facit esse, & perditam sequitur ut teneat quæ relinquit, & amissa sic invenit, ut quæ servata sunt, non amittat. ergo non terrenus pastor iste, sed cælestis.* quo loquendi genere exuffiat Chrysologus ea omnia, quæ initio contra unius oviculæ indagationem protulimus, & singulari insuper acumine evincit, indubitatè colligi pastorem hunc plusquam hominem fuisse, quòd pauciora præ pluribus, minora præ majoribus, sequiora præ melioribus, oviculam unam præ grege toto eligat, contra quàm humana solet avaritia, magna enim relinquere, amare minora, DEi potestatis est, non cupiditatis humanæ. Paulò aliter Basilii Selencus & Divus Cyrillus ratiocinantur: quia præcipua Pastoris laus in eo erat, & totius gregis decus versabatur, quòd nulla deficeret ovis, nulla haberetur exclusa, ideo centesimam deserto grege oviculam fuisse indagatam existimant. Cyrillus loquatur: *nunquid sæviens in reliquas, motus est pietate unius? nequaquam, sunt enim illæ in tuto circumsepiente potentissimâ dextera, sed magis oportebat misereri per-euntis, nè imperfecta videretur residua multitudo, unâ enim reducâ sortitur centenarius propriam speciem. quem admodum vacuum natura, ita imperfectum divina horret gratia, sinè gratiæ plenitudine grex mutilus & imperfectus fuisset unicâ*

Sanctus Petrus Chrysologus scribit. 168.

Sanctus Basilii oratio. 26. Cyrillus in cat. S. Thom.

D

quæ

Problemata P. Philippi Hartung.

Proverb. 21. v. 30. ex hebræo Sanctus Augustinus in Ps. 17. v. 11.

S. 2. Tres rationes, cur una ovis tanti, quâti omnes.

Tertullian. lib. de prænit. c. 8.

Gen. 27. v. 27. Petrus Damian. lib. ad Leonem. ep. c. 5.

quæ omnes implet numeros deficiente, quo circa Pastorem querulum ita inducit Basilii: *Ego sum Pastor bonus, venturam ex aliarum salute letitiam unius extinguit exitium, & concepta de una tristitia, quod esse potuit de grege toto gaudium accidit. ubi mihi ovis unice chara! ubi gregis decus!* ex quibus Basilii verbis alia mihi occurrit ratio, cur centesima præferatur ceteris omnibus, quia ovis centesima, cum gregis decus fuerit, personam aliquam illustrem & Ducem gregis designabat, certè numerus ipse centesimæ centuriatum aliquod caput, puta, centurionem, colonellum, Consulem, Cæsarem connotat, qui licet unus, pro centum, imò mille, & centum millibus est; ab ejusmodi namque conversione, totius gregis incolumitas, honor, felicitas, velut à capitis sanitate corporis integritas dependet.

§. 3.
Centesima ovis est figura conversi alioquin princeps.

Luc. 23.
v. 47.

Centesima ovis fuit Centurio ille Evangelicus, Cajus Cornelius dictus, qui clamore morientis Boni Pastoris motus movit exemplo mox suo centenos alios, ut percutientes pectora Christum filium DEI vivi confiterentur. observavit centesimum hunc boni exempli à centurione dati fructum sacer historicus, qui ubi conversionem enarravit Centurionis: *Videns autem centurio quod factum fuerat, glorificavit DEUM dicens: verè hic homo iussus erat, mox subjungit: & omnis turba eorum, qui simul aderant ad speculaculum istud & videbant quæ fiebant, percutientes pectora sua revertebantur.* tantum in omni turba fuit exemplum centurionis! Centesima ovis fuit Capharnaitanus ille Regulus, qui ex refuscitati miraculo filii fidem Christi amplexus, omnem momento aulam ad eandem traxit devotionem. *Credidit ipse & domus ejus tota* Joann. 4. v. 33. nec

aula tantum Reguli hujus exemplo, sed alter quoque centurio Capharnaitanæ urbis pro Cæsare Præfidiarius & Regulo familiaris, fidem in Christum concepit, ut Franciscus Lucas adnotat, pariterque thaumaturgam Christi opem pro servo paralytico imploravit Matth. 8. tantum possunt exempla regentium! Ovis centesima fuit custos ille carceris Act. 16. v. 33. & Archisynagogus Act. 18. v. 8. *Crispus autem Archisynagogus credidit Domino cum omni domo sua, & baptizatus est ipse & omnis domus ejus continuo.* Quid multis? centesima ovis Constantinus Magnus Christianorum Cæsarium primus fuit, qui post ter centesimum vicesimum quartum à nato Christo annum baptismate sacro ablatus plures pœnè suo ad idem traxit exemplo, quàm suo centeni centenique Oratores eloquio.

Triennio post baptizatum Constantinum Magnum, anno videlicet ter centesimo vigesimo secundo, Rex Iberorum Bacurius in venatione densâ oppressus nebula oberrabat ovis instar vagabundæ in Silva, cumque frustra idolorum suorum nomina invocasset, Christi tandem Numen implorans, clara mox luce se circumfundi sensit, ad suos rediit incolumis, baptismoque suscepto totam Iberorum ad Caucasum nationem Christo subegit. Sic Gallia sub finem sequentis sæculi, anno 499. Clodovei Regis exemplo, qui ut victoriam contra Germanos obtineret, baptismum se suscepturum voverat, vixque compos factus cum tribus aulicorum millibus à Sancto Remigio baptismum acceptat, Gallia inquam Christianissime sapere cepit. Sic Auximitæ Indiarum populi seculo quinto, anno seculi quadagesimo primo, Regis Adadi operâ; Sic Persæ seculo sexto, anno quadagesimo pri-

§. 4.
Exemplo Principum suorum pleræque gentes ad fidem Christi sunt conversæ.

primo Cæsaræ Reginæ virtute, sic Saxones seculo septimo, anno octuagesimo quinto Widekindi Ducis hortatu. Sic Bulgari seculo octavo, anno quadragesimo quinto Bogoris principis industriâ. Sic seculo nono Hungari & Poloni, hi quidem exemplo Mieislai principis, illi Geizæ ducis sui ductu Christianam fidem sunt amplexi. Sic magna Tartarorum pars seculo duodecimo, anno nonagesimo octavo, Christo nomen dedit Regem Cassanum secuta; hic enim ex filia Armenorum Regis pulcerrima turpissimam prolem suscepit, ideoque cum prole matrem morti destinâret, verum ubi hæc infantulum baptizare permissa est, ex turpitudinis monstro, in miraculum pulcritudinis infans evasit, suoque parentem decore ad baptismum, & cum parente magnam ut dixi Tartarorum partem illexit. Fusiùs hæc apud Concionatorum celeberrimum legere, & exempli efficaciam licet admirari.

Quod Salvator noster toto prædicationis suæ triennio paucissimos converterit, obstinatio malorum principum fecit: *nunquid aliquis de principibus credit in eum* Joann. 7. v. 28. credidissent utinam principes, & Salva fuisset judæa. Refractariis itaque principibus neglectis convertit se Jesus ad publicanorum principem Matthæum, potentique oculorum suorum magnetismo ferreum Matthæi cor attraxit & Salutare biverbii fulmine animum publicani fregit: *sequere me. & relictis omnibus surgens secutus est eum* Luc. 5. v. 28. ingens hoc divinæ misericordiæ fuit prodigium, quod ut gratæ mentis significatione neoconversus pensaret, opiparum Domino apparavit epulum: *fecit ei convivium magnum Levi in domo sua* v. 29. cui Jesus invitatus, non invitus, accubuit, & quamvis princi-

pum odium per hoc incurrendum videret, honori tamen Matthæi tantum detulit, ut convivam (pii instar parentis recepto filio prodigo) agere non dedignaretur. Convivii hujus admisi causas pœnè plures proposuere Patres, quàm Matthæus fortè fercula apposuerit; placet præ ceteris illa, quam Divus Petrus Chrysologus serm. 29. assignat: *discumbebat Jesus plus in Matthæi mente, quàm sigmate: & epulabatur non cibis, sed reditu peccatoris*, ut revocaret convivio, colloquio, humanitatis affectu, dulcissimâ suâ confabulatione discumbentes. Egit Christus in Matthæi convivio aucupem animarum, quemadmodum aucups efcas in area dispergit, & illicem avem apponit, ut aviculas advocet, inescet, irretiat; ita Salvator noster, ut peccatores caperet ad salutem, efcas quidem permisit corporibus, sed efcas simul dulcissimi super mel & favum colloqui apposuit mentibus, Matthæo insuper usus ut illic, cujus exemplo plures alii peccatores ad salutarem poenitentiam inescarentur, secundissimum quem ipse Matthæus testatur successu: *Escaum est discumbente eo in domo, ecce multi publicani & peccatores venientes discumbebant cum Jesus*. Exemplum Matthæi peccatoribus animos ad resipiscendam addiderat, ut præclare Paschasius observat: *unius peccatoris conversio multis exemplum præbuit poenitentiae, & in domo, ad quam prius multos secum propter lucra conduxerat, ad veniam invitavit*. Multos è cœnovitiorum Matthæi exemplo traxit CHRISTUS in odorem unguentorum suorum.

Audio Cant. 1. v. 4. balantem ovem centesimam (nisi columbam potiùs odoriferam vocare malimus, quæ suâ columbas ceteras attrahat svaveolentiâ:) *trabe me post*

D 2

te,

Matth. Faber trip.
Dom. 20.
post Pent.
Conc. 6.

§. 5.
Convivium
Christus apud
conversum
Matthæum
celebravit
ut hujus
exemplo
alliceret
publicanos.

Matth. 9.
v. 10.

Sanctus
Paschasius
lib. 5. in
Matth.

§. 6.
Sponsæ
in Canticis
exemplum
quàm ef-
ficax.

te, curremus in odorem unguentorum tuorum. trahi se solam postulat, & solam se nequaquam fore pollicetur: curremus. nunquid sponsa indiget trahi (mellei acumen est Abbatissæ ferm. 21.) adolescentule non indigent? ô pulchra! ô felix! ô beata! edisere nobis hujus distinctionis rationem. nunquid majorem charitatem adolescentula habent, ut ipsæ non indigeant trahi, sed sola sponsa? quærenti Bernardo respondet Sponsa: non curram ego sola, etsi solam me trahi petierim, current adolescentule mecum, curremus pariter, curremus simul; ego odore unguentorum tuorum, illæ meo excitata exemplo atque hortatu. ac per hoc omnes in odorem unguentorum tuorum curremus. tanta vis est exempli!


S. 7.
Orandum
pro prin-
cipibus seu
Capitibus
Rerumpu-
blicarum.

Patet proinde quàm bene optimus Pastor egerit centesimam requirendo oviculam, in quatuordecim gregis decus & Salutem reperiundam sciebat. Ex quo discant centuriata & coronata populorum capita, quanta iisdem incumbat necessitas, vocem Pastoris boni exaudiendi, ejusdémque sequendi vestigia, nè grex subditorum universus à via salutis aberraret, & à pascuis vitæ excludatur. Quare nos qui subditi sumus & gregalium ovium figuram gerimus, pro centesima ove, capitibus inquam seu præsidibus familiæ, Reipublicæ, Regni, Imperiive Pastorem bonum assidue deprecemur, nè exerrare eosdem unquam permittat, sed conservet,

vivificet, beatósque faciat in terra, nec tradat eos in manus inimicorum, sed divinis suis gestet in humeris, ferat in oculis, includat cordi omnes illos, qui multum possunt saluti animarum & decori gregis Dominici suo prodesse vel obesse exemplo.

Problematis hodierni Corona sit Regina Concharum, quam ceteræ omnes, quòquò vergat sequuntur; ita ut unâ hac captâ, sine labore capiantur universæ: *integritas præcedentium, salus subditorum.* Item Regem Apum, quo intra faccum concluso examen totum captivatur: *ubi Rex, ibi grex.* vel ponamus Rotam primam in Horologio, quæ suo rotas ceteras commovet motu: *non sola movetur.* Serpentem quoque fingamus omni studio salutis Capitis sui incumbentem: *una salus.* Si Caput fuerit infirmum, inquebat cum Innocentio 3. Pontifice Bernardus Abbas, totum corpus languidum erit. Ego semper Caput peto, dicebat Georgius Scanderbegus, victoriarum tantarum causam rogatus, Capite enim sublato robur militaris Corporis evanescit; nec victoria est faciliior quàm cum truncato Holoferne exercitus invaditur. Attendat, quisquis in politico vel ecclesiastico corpore Caput est, ut capite fit sano, nè omnia membrorum flagitia, & illa quidem capitalia, in suum redundent caput.

S. 8.
Emblema.



PRO-



PROBLEMA VI.

Cur pauci Nobiles salventur?

DOMINICA IV. POST PENTECOSTEN.

Totâ nocte laborantes nihil cepimus.

LUC. 5. v. 5.

§. I.
Ex iisdem
causis pau-
ci Salvan-
tur nobi-
les, ex qui-
bus nulli
in præsen-
ti Evange-
lio capti
piscæ.



Quod de captura pi-
scium dixit Apo-
stoli, hoc de salute
nobiliū repetunt
Angeli: *tota nocte
laborantes, nihil ce-
pimus.* piscantur tu-

telares genii, nec labori ulli parcent
ac industriae, ut nobiles potissimum
animas in æternæ vitæ vivarium pi-
scæ capiant, verum poenæ omnis ir-
ritus cadit labor, tam paucos enim
in Evangeliiis salvatos invenio nobi-
les, ut vix excedant positos in Zo-
diaco pisces. Unicus certè Joseph
Arimathæus testimonium Evange-
listæ habet, quod cum esset nobilis,
ageret nihilominus Christi discipu-
lum, quamvis occultum, ob inna-
tum omnibus poenæ nobilibus viti-
um, qui *humanus* vocatur *respectus*.
non multi nobiles, inquit ad Corin-
thios Apostolus, quasi de iis inter-
pretetur Doctor gentium illam in-
carnatæ Sapientiæ sententiam: *multi
vocati, pauci electi.* sed cur
tam pauci capiuntur salvanturque
nobiles? si bene expendo hodierni
circumstantias Evangelii, easdem
fermè causas deprehendo, cur tam
rarè in rete salutis veniant nobiles,
quæ ab Evangelistâ adnotatæ sunt,
cur *totâ nocte laborantes* ceperint
grande nihil. nimirum de nocte pi-
scabantur, totâ nocte laborantes, re-

ti angusto non laxo utebantur, unde
Petrus animadverso errore: *laxa-
bo* inquit *rete* & quidem in *verbo
suo*, quod prius facere vel nescierat,
vel neglexerat. ideo plerique nobi-
les pereunt, quia noctem vertunt in
diem, diem in noctem, totâ nocte
laborantes, convivantes, ludentes,
potantes, saltantes, dies verò totos
dormiendo, otando, nugando
comburant & dilapidant. Si quan-
do elemosyna pauperi, aut beni-
gna auris subdito, aut cor inspirati-
oni supernæ danda sunt, non laxant
marfupia, aures, corda, sed neque in
Verbo Domini laxant retia, sed tem-
poranei lucelli cupidine aut inanis
gloriæ ductu elemosynas erogant,
preces persolvunt, causas subdito-
rum audiunt. Verum hiscè ego ho-
die causis fusiori dictione proferen-
dis non immorabor, sed geminas a-
lias in medium proferam, cur pi-
scatus nobilium minùs secunde suc-
cedere soleat, quia videlicet Jesum
non habent præ oculis, non habent
in auribus. Videte & audite in
Verbo JESU, in quo rete dictionis
laxabo.

Triplicem invenio piscatio-
nem, quam Salvator noster aut de-
mandavit, aut gratiosâ suâ præsen-
tiâ cohonestavit. primam describit
Lucas hodierno in Evangelio, asse-
ritque conclusos fuisse, ut est in Sy-

§. 2.
Nobilium
Salvando-
rum pau-
citas ele-
ganti figu-
rà expri-
mitur.

D 2

riaco

1. Cor. 1.
v. 26.

riaco multos admodum pisces, ita ut disrumperetur rete eorum Luc. 5. v. 6. alteram enarrat Joannes c. 21. v. 10. numeratque centum quinquaginta tres magnos pisces, dexterimè ad verbum Salvatoris captos; tertiam denique Matthæus c. 17. memorat, & unicum duntaxat pisciculum ex gurgite vasto extractum testatur, sed cui didrachma in ore fuit ad tributum exolvendum. In terna hac piscatura ad umbratam videre videor divinæ prædestinationis seriem. Piscantur Apostolici operarii in plebe, & concludunt rationalium piscium multitudinem copiosam, *turbam* videlicet magnam, *quam dinumerare nemo poterat*. Piscantur iidem in Civibus & literatis, sed quantumvis multos & magnos dexterè capiant, numerum tamen ter ternum non excedunt, numerantur enim centum quinquaginta tres, quia numerus centesimus quinquagesimus tertius ut explicat tract. 122. Augustinus ter habet quinquagenarium & insuper tria propter mysterium Trinitatis, quinquagenarius est jubilæus, in quo cunctus populus ab omni operatione quiescit, sive ut computat Divus Gregorius homil. 24. quia per numerum denarium & septenarium, decem scilicet præcepta, & septem Spiritus Sancti charismata salutis æterna acquiritur, sicut per numerum decimum, septimum ter multiplicatum numerus quinquagesimus primus evadit, per hunc verò ter multiplicatum numerus Evangelicus, centesimus quinquagesimus tertius apprehenditur, ut constet per invocationem Sanctissimæ Trinitatis corde, ore, & opere factam (id quod laureata eruditorum capita & urbana ingenia bono numero faciunt) ad æternum jubilæum perveniri. at verò si in nobilibus fiat piscatio,

vix unicus extrahitur piscis, cui statim in ore & Symbolum est nobilis alicujus bene nummati, paratique juxta Divi Hieronymi interpretationem, ad exolvendum pro Jesu & Petro tributum, & ad implendam omnem, quæ Christo & Ecclesiæ debetur, justitiam.

Pauci in cælo nobiles, quia rari fuere in terra, qui Christi præsentia delectarentur, eundemque in oculis & auribus circumferrent. Oculatà enim constat experientià, quàm rarò & serò ad quotidianum missæ sacrificium nobiles compareant, quàm rarò & serò ad excipiendum Dei Verbum congregentur, quàm rarò nomen Jesu invocent, suasque eidem devoteant actiones; præsentem habere Jesum nolunt, à cujus tamen præsentia omnis omnino eaque præsentissima in corpus animamque felicitas redundat, ut è sequentibus liquido patebit figuris.

Divus Synesius ducis Anyssii præconia enumerans, miram ubi vis felicitatem ad illius præsentiam extitisse testatur: *celeriter ubique locorum Anyssius est; vincit autem quocunque adfuerit*. Verius ista de felicissima Jesu præsentia asserentur, ubicunque enim ille est, non in cælis modò terrisque, sed apud ipsos adeò inferos, felicitas una ingreditur & victoria. Quatuor amplius annorum millibus captivi hærebant lymbicolæ, & principis tenebrarum regionem, mortis inquam palatium incolebant; cum ecce desideratissima tandem adest hora, quâ triumphatrix Christi anima in cor terræ penetravit, & mox evanescebat captivitas, fugatur infelicitas, victoria exoritur & triumphus; qui enim sub potestate infernalis tyranni gemeabant, victores evadunt nigrarum potestatum & lætum concinunt pœana. Et quamvis triduo

§. 3.

Prima causa, cur paucissimi salventur, quia JESUM non habent præ oculis, ex cujus præsentia omnes oriuntur felicitates, quod probatur figuris.

Figura I. Patres in limbo re-creati.

Apoc. 7.
v. 9.

Luc. 23.
v. 43.

adhuc intrâ eôsdem terræ sinus & inferorum repagula perstent, nihilominus non in carcere amplius, sed in paradiso versantur, quia JESUM habent præsentem, quicum esse paradisu est juxta illam latroni converso factam pollicitationem: *hodie mecum eris in paradiso*, non reputasset se latro in paradiso versari, quantumvis ad Eliam & Enoch translatus fuisset, nisi præsentem habuisset JESUM, qui ipsos etiam inferos in paradisi deliciis beatissimâ suâ præsentia transmutat. Expendit Sanctus Augustinus verbum decimum septimum Psalmi sexagesimi septimi, & omne gaudium ex præsentia Salvatoris redundare ostendit: *mirifice cum dixisset: millia letantium, continuo subjecit: Dominus in illis: nè miremur quòd letentur, Dominus in illis*. Non sperent paradisu Domini nobiles, si Dominorum Dominum secum habere non curant.

Figura II.
Energumeni duo liberati.
Matth. 8.
v. 28.

Matthæi 8. recensentur duo energumeni de sepulcris egressi ad JESUM accurrisse: *Et cum venisset JESUS trans fretum in regionem Gerafenorum, occurrerunt ei duo habentes demonia de monumentis exeuntes*. ad sepulcra iniquus possessor miseros homunciones destruxerat, ut cum mactare eosdem non permetteretur, mortificaret saltè & Mezentii exerceret tyrannidem: *mortua componens corpora vivis*. Verùm ut regionem illam salutari suâ præsentia JESUS dignatus est, profluunt ex sepulcris demoniaci, & ad Salvatoris pedes accurrunt. Quid hoc quòd maligni isti hospites, jurati JESU hostes, ad JESUM recurrant? quæ conventio lucis ad tenebras, vitæ ad mortem, salutis ad damnationem? quorum prius cum mortuis erat conversatio, jam auctori vitæ cohabitare delectat, nimirum signanter Evangelista po-

suit: *habentes demonia*, non habebant amplius dæmonia hominem, sed ab homine habebantur, non jam amplius victores, sed victi erant dæmones, non jam amplius vindices, sed rei & victi; hoc hominibus gratiosa JESU præstitit præsentia, dum seductos ex sepulchro ad salutem & libertatem jussit adesse. Conceptus iste Chrysologi est serm. 16. ita ratiocinantis: *ad præsentiam Christi homines exeunt de monumentis, & versa vice captivos ferunt, à quibus fuerant capti vati, sistunt pœnis, quorum cruciatibus torquebantur, aptant ad sententiam, à quibus additi fuerant sepulcris*. Cur plurimi nobiles in vitiorum, hoc est, dæmoniorum hærent sepulchris? quia pulcherrimam nobilissimi JESU habere non curant præsentiam.

A sepulchro non abeo dum Lazarum quadriduanum accedo, omnemque ipsius miseriam ex JESU absentia ortam fuisse pronuntio: *Domine si fuisses hic, frater meus non fuisset mortuus*. quomodo enim ad præsentiam Vitæ mors accedere potuisset? sed jam gratus adstas o JESU hospes, sit denuò beneficio præsentia tuæ sospes Lazarus! jube illum ex tetro prodire carcere, & ad volabit ocyus. audit humiles preces JESUS, & Lazarum de nomine vocat: *Lazare veni foras*, apponendum, necessarii erat nomen, nè mortui unâ omnes prodissent, si indiscriminatim vocati fuissent. ad præsentiam Christi homines prodeunt de monumentis. O sit uam quoque nobiles nostri o favissime JESU præsentiam admitterent, non tot supra quadriduanum Lazarum forent.

Parum à sepulchro aberat David, quando clamavit Ps. 30. *eripe me de manu inimicorum meorum & a persequentibus me*. at quibus modis protegi te amas o David? num legiones

Figura III.
Lazarus resuscitatus.
Joann. 11.
v. 21.

Figura IV.
David creptus.
Ps. 30. v.
16. & 17

giones Angelorum submittendæ? num ex aridis ossibus exercitus grandis fuscitandus? num curru igneo in sublime tolli desideras? subjungit eliberationis modum optatissimum David: *illustra faciem tuam super servum tuum*. te videam, tuâ præsentia fruar, in oculis tibi sim ò exercituum Domine, & salva sunt omnia; præsentissimâ gaudebo felicitate, si tuâ me digneris præsentia. ita Psaltis interpretatur verba Sanctus Athanasius in cat. græca: *postulo ut in præsentia quoque ab hostibus eripiar. hic autem mihi solus salutis modus est, si mihi faciem ostenderit*. ad præsentiam Salvatoris non potest Salus abesse. *ubi enim bene erit sine illo* (Bernardum recito serm. 2. de Adventu) *aut ubi malè esse poterit cum illo?*

Advertit JESU præsentiam Joannes materno adhuc clausus utero, & exilire præ gaudio conatur quòd Domini præsentia se sentiat ditatum: *video enim Dominum*, ita Joannis nomine Divus Chrysostomus apud Metaphrastem, *qui imponit nature terminos, non expecto tempus*. Ingeniosè poëta apud Cornelium à lapide pag. 26. in Luc. de saltante canit, quòd morti suæ præluserit, quam saltando per ensem consummaturus erat. Ad JESU enim præsentiam mors non timeatur, imò appetitur, quia cum JESU vita adest: *Usque adeo tibi dulce mori est, ut luminis expers*

Argumenta tue ludere cadis ames.

Luc. 24. *Mane nobiscum Domine quoniam advesperascit* exclamant Emauntini duo discipuli, JESU præsentia recreati vespem non timeant, noctem non horrent, dummodo JESU non careant, quo cum carere cœpisset Judas, in noctem incidit, unde acutè Joannes post enarratum Judæ è cœnaculo discessum subjungit:

erat autem nox; illi enim nox est, cui JESUS deest, illi hora noctis insonat & potestas tenebrarum imperat, cui Sol justitiæ ampliùs non lucet, verbo, noctes totas frustra laborat, qui præsentia Salvatoris est destitutus, *quandoquidem in nocte spes mala ait Nazianz. vicissim verò spes optima ex luce divinæ præsentia, ad quam marcidæ virtutes reflorescunt, terra sterilis revirescit, & ut Theocritus canit: omnia tunc vernant, tunc omnia pascua florent*. Non exultant ad mortis memoriam cum Joanne nobiles, sed obrigescunt, non inardescunt cum Emauntinis in via salutis, sed congelascunt, non efflorescunt, sed marcent in paradiso Ecclesiæ. quid causæ? JESU præsentiam admittere nolunt.

Quid in absentia JESU & quid in præsentia JESU accidat descripsit filius Jesse sub Solis similitudine: *posuisti tenebras & facta est nox, in ipsa pertransibunt omnes bestiae Silve, catuli leonum rugientes, ut rapiant & querant à DEO escam sibi*. absente Sole insurgunt Silvarum bestia, absente JESU omnes calamitates ex Silva mundi & inferni in nos profluunt; oriatur Sol, adsit JESUS, & malæ bestia dispersentur. *ortus est Sol & congregati sunt, & in cubilibus suis collocabuntur*. ubi Christus illucescit, nulla subsistere potest infelicitas. pulchrè Cassiodorus Psaltis verba ad Dominicam Passionem transtulit: cum in passione Domini factæ fuissent tenebræ, demones ad escam sibi querendam permittente Domino proruperunt, quia invenire poterant corda titubantium. tunc autem quando ortus est Sol, id est, Resurrectio Sancta declarata est, majestatem ejus minime sustinentes, in suis se trepidi cubilibus abdiderunt. hæc Cassiodorus, non timeremus calamitates, sed timeremur ab iisdem, si JESU præ-

Joann. 13. v. 30.

Nazianscus orat in S. Baptism.

S. 4. Utilior est JESU præsentia quàm solis, de quo Ps. 1163. à v. 20.

Figura V.
Joannes in
utero E-
mauntini
in Via Luc.
1. & 24.

Luc. 24.
v. 29:

præsentia saltē ita delectaremur, quemadmodum hortos exortu solis delectari videmus. Delectarentur utinam nobiles ita JEsu præsentia, sicut suorum deliciis hortorum, ò quantis affluerent deliciis!

Redivivum Salvatorem cum conspexisset Maria Magdalenam, hortulanum esse censuit: *illa existimans, quia hortulanum esset* Joann. 20. v. 15. forsitan nec errando hæc mulier erravit (verba Magni Gregorii apud Baëzam tom. 1. lib. 5. c. 2. v. 16.) quæ JEsu hortulanum credidit, an non ei spiritaliter hortulanus erat, qui in ejus pectore per amoris sui vim summa virtutum virentia plantabat? ubi JEsus, ibi viror spei, ibi hortus voluptatis, ibi portus felicitatis. Adducta erat ad JEsu mulier in adulterio deprehensa, contra quam legis Doctores severe, JEsus verò in terram se inclinans condemnationis an absolutionis? nescio, sententiam digito scribebat in terra Joann. 8. v. 6. cur agricolam aut hortulanum mavult agere, quàm judicem? cur digito terram excolit, dum vibrandum esset justitiæ fulmen? nimirum hortulanum JEsus amat agere, & ex sterili peccatorum solo cultissimos virtutum fructus educere. audio Augustinum serm. 37. de verb. Domini: *quid aliud vobis significat, Pharisei, cum digito scribit in terram, digito enim Dei lex scripta est, sed propter duos in lapidem scripta est. nunc Dominus in terra scribebat, quia fructum requirebat.* ideo scribit in pulvere, ut ex pulvere herbam bonæ spei producat. floridissime dixit Divus Maximus: *ubique ex resurrectione Christi (dixerim ex præsentia Christi) aer salubrior est, sol candidior, terra fecundior, ex eo furculus virescit in fruticem, herba crescit in segetem, vinea pubescit in palmitem. Experi scimini itaque &*

laudate qui habitatis in pulvere, quia ros lucis, ros tuus, in Hebræo: quia ros olerum viridantium ros tuus. Virent omnia & resfloreant ad JEsu præsentiam magis, quàm ad matutinum rorem virescant olera, & viridibus coloribus flores vestiantur.

In floribus, ut ajunt, vixit prodigus, quamdiu patria perseveravit in domo, ubi primum autem ex oculis amisit patrem, omnem unā amisit felicitatem. secundior secundo fuit primogenitus, qui quia ex oculis paternis discefferat nunquam, idcirco ignoravit, quid sit esse infelicem; *tu semper mecum es, & omnia mea tua sunt.* ideo omnia patris bona communicantur filio, quia præsentem filius habet patrem. omnia habet bona & mala fugat, qui cum JEsu est. Idcirco pater poenitenti prodigo dat anulum in manus, quia in anulo erat patris imago, ut præsentem posthac saltē in imagine patrem nunquam non haberet filius, eaque arte omnem fugaret dæmonum incursum: *ut meum circumferens sigillum* (verba sunt Divi Chrysostomi in persona patris ista loquentis homil. 4. de prodigo) *formidabilis omnibus hostibus adversariisque appareas.* Haberent utinam omnes nobiles hunc in digitis suis anulum, certè paternæ substantiæ, quam per Christum accepere, non forent prodigi, nec cum Patre cœlesti ullavis in fortuna malè contenti. sed jam hoc anulo primam distinctionis partem signemus.

Satis de oculis, ad aures pariter veniamus, à quibus si divinum exulet verbum, nihil ampliùs in nobilium auribus pretiosum reperietur, nec spes salutis ulla affulgebit. Quam veritatem etsi fusiùs alibi à me demonstratam meminerim, committere tamen hoc loco non possum, quin Verbi divini pretium auribus animisque trutinandum

E

de-

§. 5.
Hortulanum agit JEsus, ut floridè nos recreet.

§. 6.
Figura VI.
Fratres parabolici.

Lue. 15.
v. 31.

D. Maximus hom. 2. in pent.

Isai. 26.

§. 7.
Pretium Verbi Dei tantum est, ut ipsi Christo æquiparentur.

denuò appendam. Verbum divinum quod David *super aurum & topazium* dilexit, filius Davidis IESUS *SANCTUM & Gemmas* appellavit: *nolite Sanctum dare canibus, neque mittatis margaritas ante porcos* Matth. 7. v. 6. sicut ipsemet Christus *SANCTUM* ab Angelo vocatur: *quod nascetur ex te SANCTUM vocabitur*, & ipse etiam margarita pretiosa appellatur, ita & verbum sum, hoc *Sancti & Margaritæ* nomine dignatur. sicut autem per Sanctum, ad Sanctum Sanctorum nec aliâ viâ accessus patebat, ita per divinum Verbum ad regnum cœlorum, templum illud non manufactum æternæ felicitatis pervenitur. *beati qui audiunt*. & cur quæso regnum cœlorum margaritæ assimilatur, nisi quod per Verbum divinum tanquam salutis æternæ pignus thesauros immortales mereamur.

§. 8.
Margaritæ
Reginæ
erga Con-
cionato-
rem reve-
rentia.

Margaritæ dum memini, Christianissima illa in mentem venit Margarita Ludovici XI. Coniux, quæ Alanum super scamno dormientem accessit, & ori basium dedit, mirantibusque cur homini tam deformi id honoris præstaret, respondit: non Alanum, sed os DEI veneror, per quod tot gemmas, tot aurea flumina emittit Altissimus, agnovit Margarita Verbum Dei pretiosissimam esse margaritam, nec appetiari satis eos posse, per quorum ora in aures nostras DEUS in aures suas transmittit & dispensat. *Qui enim verbum DEI libenter audit, in aures animæ de patria paradisi transmissas se suscepisse non dubitet*. Sanctus Augustinus homil. 27. ex 30. in auris Cleopatæ ducentis quinquaginta aureorum millibus æstimabatur, de qua ingeniosè Poëta:

- regna integra molli
Auregerit mulier, major Atlante
vir est.

At nec uniones Cleopatæ, nec omnes orbis utriusque gemmæ in ponderationem cum Verbi divini pretio venire possunt. Genes. 24. donavit Eliezer Rebeccæ in aures aureas duorum siclorum. *in auribus aureis significantur verba divina* ait Sanctus Augustinus, & explicat fuscè serm. 75. de temp. *quomodo Rebecca in aures habere non potuit, nec anulos, nisi Isaac transmitteret per servum suum, ita Ecclesia nec verba divina in auribus, nec opera Sancta habere potuisset in manibus, nisi hæc illi Christus per suos Apostolos contulisset*. at pretiosiores multò in aures sunt, quas supremus cœlorum Rex, & animarum nostrarum sponsus. per servos suos Eliezeres (quæ vox *DEI adiutorium* significat, adiutores enim Dei sunt prædicatores) ad nos transmittit.

Pretium Verbi divini probat Sanctus Paschasius ex illo Matth. 26. v. 15. *constituerunt ei triginta argenteos*, tot argenteis emitur, quot annis peregrinatus est in mundo, at verò pro ultimis tribus annis nulum pretium appendi potuit, omne enim pretium excedit testesapientissimo Regum: *& divitias nihile se duxi in comparatione illius, nec comparavi illi lapidem pretiosum, quoniam omne aurum in comparatione illius arena est exigua, & tanquam lutum æstimabitur argentum in conspectu illius*.

Ut appretiare nos Verbum Dei doceret dilectus discipulus, verba hæc mysterio grava in capite Evangelii posuit: *Verbum erat apud DEUM*, cur potius apud DEUM, quam in Deo Verbum fuisse Joannes dixit? respondent Divi Hilarius, Chrysostomus, Rupertus: ut hac loquendi formulâ significaret Verbum in magno honore & summa dignitate ac dilectione maxima apud DEUM esse, erubescerentque homines,

§. 9.
Pretium
Verbi di-
vini qua-
tuor aliis
concepti-
bus clucis
datur.

Sap. 2
& 8.

Joan. 1. v. 1.

mines, dum Verbum parvi pendunt, quod apud Deum tanto erat eritque in pretio. Certè si Rex Tartarorum verba sua à Duce Moscovitarum non nisi de genu excipere voluit, si Rex Sinarum literas suas ad Regem Japoniæ anno 1590. in quadrijuga lectica aurea misit, & Japonæ velut Regem ipsum, epistolam ejus accepere, quâ reverentiâ deceret nobiles nostros, nisi barbaris barbariores sint, Verbum DEI excipere, quod viva quædam supremæ Majestatis est epistola è cœlis in terras submissa, juxta id Magni Gregorii: *quid est Scriptura sacra nisi quædam epistola omnipotentis DEI ad creaturam suam.* Verum hæc epistola à plerisque minus cum fiat, nè minimo vicissim loco nobiles apud DEum sunt.

Pretium divini Verbi exaggerans Sanctus Augustinus homil. 26. ex 50. hanc ponit quæstionem: *quid vobis videtur fratres, majus corpus Christi, quàm Verbum DEI?* respondebunt plerique nobiles, longè majoris pretii minutissimam consecrata hostiæ particulam videri, quàm decem millia concionum. Contrarium docet Augustinus: *non est majus corpus Christi, quàm Verbum DEI.* hinc deducit: *unde non minus reus erit, qui Verbum Dei negligenter audierit, quàm ille, qui corpus Christi in terram cadere negligentia sua permiserit.* non retractavit hanc suam doctrinam Sanctus Augustinus, non reprobavit Ecclesia, quin imò canonizare illam visa est, cum in canonicum jus reculit, & in decretorum librum imposuit Causa 1. q. 1. cap. interrogo. ubi glossa subiungit: *Verbum Christi, id est, prædicatio, quæ plures convertit & plus facit, compungit hominem ita, ut omnia peccata per eam tollantur, sed per corpus CHRISTI tantum venialia tolluntur.*

Matth. 5. v. 2. de concionante Christo dicitur: *aperiens os suum docebat eos.* non sunt hæc superflua, quod os aperuerit; causam dat Sanctus Bernardus serm. 1. de beat. *aperitur thesaurus desiderabilis, reservatur gazophylacium regni cœlestis, fons omnium bonorum panditur, indigentes ditantur, thesauros suos aperit, cum os aperit, se in cor nostrum immittit, cum verba sua in aures nostras submittit.* ideo Filij vocatur Verbum, quia dum in corde nostro recipitur exhortationis sermo, generatur quodammodo in nobis DEI Filius: per Verbum ad nos venit is, qui Verbum est, accedit verbum ad elementum & fit Sacramentum, accedit verbum in cor humanum, & fit cor divinum. De Abrahamo loquens Chrysostomus homil. 2. super verba Isaia, quod nomen ei dilatatum sit interjectâ literâ *ba*, ut ex Abram fieret Abraham, & cum incremento nominis honor quoque cresceret Nominati, sic inquit: *unicum elementum adjectum tantum principatum vendicavit iusto.* Admirare efficaciam Verbi divini! si enim una Syllaba potuit regnum conferre, quid non faciet integra constructio? Deplo- rat Adamum Ambrosius, quod verbum divinum non observavit; consolationem tamen ex eo capit, quod vocantem DEum: *ubies?* patienter audierit, subiungitque gnomulam hanc auream: *ad hoc tibi remedium sanitatis est, qui audiunt verbum DEI.* si non audiunt, desperatum propè est de salute, conclamatum de damnatione.

Matth. 4. v. 4. ait Christus: *non in solo pane vivit homo, sed in omni verbo, quod procedit de ore DEI.* ex quo sic infert. S. Bernardinus p. 2. Sermon. 9. sequitur, quod qui non vescitur Verbo DEI, ille non vivit, quia sicut Corpus humanum non vi-

§. 10.
Mortuo
deterior
est, qui
Verbum
DEI non
audit,

vit sine terreno cibo, ita Anima vivere non potest sine Verbo divino, plusquam mortuus est, qui non audit verba divina; nam: mortui audiunt vocem Filii DEI Joan. 5. v. 25.

§. II.
Ignobiles
sunt, qui
Verbum
DEI non
apprehendunt

Act. 17. v. II. cum Paulus & Silas in Bœotiam venissent: *nobiliores susceperunt Verbum cum omni aviditate.* Hi solum nobiles qui æstima- & acceptant Verbum DEI, hinc Christus auditores suos nobilitans: *non jam, inquit, dicam vos servos, quia omnia quæ audiui à Patre meo, nota feci vobis* Joan. 15. v. 15, auditio verbi divini facit nos amicos, reliqua opera (ut Doctissimus Sylveira docuit) servos; ita ut post alia opera dicere debeamus: *servi inutiles sumus*, audito verò DEI verbo gratiosum illud audiamus: *jam non dicam vos servos.*

Sed jam arena horaria monet, ut laxatum dictionis rete ad littoris arenas contrahamus. Habetis ò Nobiles causas de ducentis duas, eccur non jam rara avis sed rarus piscis in cœlo sit Nobilis qui salvetur. JESUM præ oculis habete, & salutem habebitis in manibus. JESUM habete in auribus, nè à piscibus

illis qui D. Antonium Paduanum, & Josephum Anchietam audituri convenerant, arguamini & cum malis illis piscibus, de quibus Salvator noster dixit: *malos autem foras miserunt* Matth. 13. v. 48. in lacum sulphureum mittamini; verbo: avidissime DEI verbum excipite ò Nobiles, ut nobiliores sitis, iisque similiores, de quibus ex Apostolicis Actibus dixi: *Nobiliores susceperunt Verbum DEI cum omni aviditate.*

Pro Coronide finge Phœnicem in cœlos evolantem, cui lemma: *Rara Avis in cœlis.* finge cœlestem Geniolum inter melopepones discernentem: *sunt mille reprobandi, ut unus approbetur;* alium, qui inter centum Uniones vix unum tandem candore & lævore præstantem reperit: *singulariter unus;* alium ex Gange hamos plurimos sed vacuos extrahentem, quibus ipsemet inscribit: *non capio, quia non capior.* Caperentur plures nobiles ad salutem & vitam, si verbum divinum velut escam in hamo amarent & caperent.

hoc capite ò Nobiles
& sapite.

§. 12.
Emblema.



PRO-



PROBLEMA VII.

Cur Domini proniores ad irascendum,
quàm Servi.

DOMINICA V. POST PENTECOSTEN.

Qui irascitur fratri suo, reus erit.

Matth. 5. v. 22.

S. I.
Utrum
Domino
semper li-
citur ira-
sci.



Qui irascitur fratri, reus esto. at nunquid etiam reus, qui irascitur famulo? si ira non fuerit, nec doctrina proficit, ne-

que iudicata stant, neque crimina compescuntur, inquit Chrysostomus. Magis necessaria Domino ira est, quàm gladius, cuius jus cum à DEO, teste Paulo, acceperit, jus pariter irascendi acceperit censendus est, adeoque reus minimè futurus, si famulo irascatur, ità hodie ratiocinantur Domini, sèque Davidis verbo exemplo tuentur, quem sæpe numero in iras erupisse, testibus sacris paginis, acceperunt, totiesque occini illud audiunt: *irascimini & nolite peccare*, quorum sensum verborum hanc esse ajunt: date locum iræ, & nolite putare peccatum committi, si efferveat herus in famulum, ira enim, teste Basilio, *cos virtutis*, custos virtutis, prærogativa est Dominationis. Verùm mitius ista ò boni! non omnis quidem ira peccatum est, rarò tamen Dominorum in servos ira peccatum non est, quia non vitii famulorum, quos fratrum in numero haberi oportet, irascuntur, omnes vos, Domini

æque ac famuli, ut Princeps Regum terræ edixit, omnes vos fratres estis Matth. 23. v. 8, at at cur tantopere proni ad iram sunt Domini? rationem reddam triplicem, attendite.

Servitus civili æquiparatur morti, quam necessario ante oculos habere coguntur famuli, ideoque minùs ad iracundiam propendunt. Domini verò cum nihil horreant magis, quàm de morte cogitationem, juxta illud decantatissimum: *ò mors quàm amara est memoria tui homini pacem habenti* Eccli. 41. v. 1. idcirco faciliùs iræ indulgent. *Quid servo irasceris*, exclamat Seneca l. 3. de ira c. ult. sustine paululum; venit ecce mors, quæ nos pares faciat. Apes cum inter se contendunt, & motu aliquo vehementi concitantur, jactu pulveris componuntur. Si Domini ad iram proni pulvere mortis se conspergerent, quàm citò à furore liberarentur. CAROLUS V. tumbam secum circumvexit, ut perennem mortis aleret memoriam, ex qua tantam hausit clementiam, ut sæpè indignarentur optimi quique CAROLO, quòd justo mansuetior esset, & indignos toleraret & beneficiis devinceret.

S. 2.
Causa prima minùs memoris mortis sunt.

S. Basilio.
Serm. de
ira.

At prudentissimus Imperator illud solenne verbum suum repetere amabat: *Esquâ charitate nos habemus tulit Pater cœlestis? quid in morte expectabimus à Patre æterno solatii, si tam parum clementiam ejus æmulemur?* Mortem recogitent patresfamilias, & mortem sibi non accelerabunt, in morte angores non coacervabunt, judicium divinum non reformidabunt. nam omnis qui irascitur fratri suo reus erit iudicio. Componit mors uno in tumulo Dominum & servum, agonistam & antagonistam, componeret & vivos, si præ oculis haberetur. Narrat Gerardus de Rov. in histor. Austri. lib. 2. Adolphum ex Comite à Nassau Romanum Imperatorem omnibus ingratum & exosum, ideoque imperio exauthoratum, & in ejus locum ab Electoribus Albertum Austriacum Rudolphi Habsburgici filium fuisse assumptum. Non tulit ignominiam Adolphus, sed viribus exertis omnibus exercitum grandem conflavit, conflictum Alberto indixit, ingenti cum furia hostem invasit, sed in prælio Adolphus ab Alberto manu propria interemptus cecidit, & victor Austriacus pacifice tenuit imperium. Miro autem factum est casu, ut postquam annis multis regnasset, occisus denique Albertus à quatuor conjuratis Basileæ & prope Adolphum sepultus sit, ita ut cadavera vix palmo à se distarent. Ecce qui in vivis convenire non poterant, à morte quam leniter se comportant! ò quam multi non tantum Domini inter se, sed famuli cum Dominis, lupi cum ovibus, urfi cum pardis convenirent, si mortem præ oculis haberent. inlixivio pellionis omnes conveniemus dicebat agnus lupo, ut est in fabula, & evasit mortem; multi non furerent lupis ferocius, & sub agnina pelle lupum in pectore non

alerent, si mortem cogitarent. Si in eandem foveam ursus & lupo prolatabatur, non consumunt sese invicem propter mortis timorem, ita & multi Domini pacifice cum famulis convenirent, si sepulchri foveam & mortis, quam sibi accelerant, amaritudinem præ oculis haberent.

Sicut Vermis in pomo oritur, & pomum consumit, sic ira in corde oritur & cor consumit, sicut apes cum infixere aculeum moriuntur, plagula verò modico illita luto persanatur, ita iracundi cum effundere iram, pudore dein & mœrore sese conficiunt. Viperæ iram comparat Philo: *cogitationes irati partus sunt viperarum*; furor illis secundum similitudinem serpentis ait Psaltes Ps. 56. ira in prægnante occidit foetum, in omni iracundo animam interimit, multoque plus sibi officit, quam cui iratus est. Ludovicus Severus Dux Bavarie præventus ira & suspitione maligna, occidit conjugem suam Mariam Brabantinam Donavverdæ commorantem, at sedatâ postmodum ira tanto est obrutus mœrore, ut intra unius noctis spatium totus incanuerit, itaque ex juvene viginti septem annorum, senecio septuagenarius die postea apparuerit, nimirum *ira interfecit stultum* Job. 5.

Altera ratio cur Domini præ famulis citius & gravius efferveant, est magni morum Magistri Senecæ qui lib. 3. de ira c. 11. curiositati & debilitati Dominorum causam iræ adscribit, curiosiores enim Dominos quam famulos esse quis ignorat? unde sic monet: *non vis esse iracundus? ne sis curiosus.* Tenebrioris quoque complexionis esse Dominos certum est, idcirco & facilius indignantur, ut idem demonstrat lib. 2. c. 34. *imbecillasse lediputant, si tanguntur; pusilli hominis* &

§. 3.
ira mortē
accelerat.

§. 4.
Secunda
causa quia
famuli
fortiores
sunt Do-
minis.

mi-

miseri est repetere mordentem ut mures & formice, ad quas si manum admovertis, ora convertunt. Videmus certè debiliores naturâ semper esse iracundiores. cur feminæ citiùs irascuntur quàm viri? quia debilioris naturæ sunt. Cur senes citiùs effervescunt quàm juvenes? cur ægri faciliùs irritantur quàm sani? cur parvuli citiùs commoventur, quàm adulti? cur in rebus adversis citiùs indignamur, quàm secundis? debilitas naturæ est in causa, debiliores itaque cùm sint Domini quàm famuli, idcirco & prouiores ad irascendum. neque enim iracundia generositatis est indicium, sed ignaviæ, sed molliæ, sed infirmitatis; sicut timor accidit ex magna imbecillitate in carne (Plutarchum refero) ita in mollissimis animis, si quis se præbeat dolori, hoc ipso quò maior est imbecillitas, eò maiorem efficit iracundiam; & hac de causa mulieres iracundiores sunt viris, ægroti sanis, senes ætate vegetis & felicibus infelices, ita Plutarchus, Seneca verò: *ille magnus & nobilis est, qui more magnæ feræ latratus minorum cauum securus exaudit.* Obtulerat Alexandro Magno Rex Albanæ duos molossos, quorum alter oblatos urfos & apros ita spreuit, ut ignavo similis jaceret, quem idcirco occidi iussit Alexander, at qui donum obtulerant legati monuere Regem, non ignaviā sed generositatem in causa fuisse, cur molossus prædam exilem dedignatus sit, impetraruntque ut superstiti molosso objiceretur leo, quem absque mora interemit, mox viso elephanto mirabiliter exultavit, belluamque astu primum fatigans, cum summo deinde spectatorum horrore in terram applausit. A canibus discamus animi magnitudinem, nec simus tanquam timidi catelli, aut quod Democritus mo-

nuit, non simus sicut fœtæ canes, quæ cæcos pariunt catulos, ita namque iracundia cæcas parit criminationes. Non est herilis animi, sed plusquam servilis cedere ad quemvis iræ impetum & levi mox verbulo ad serpentinum sibilum, taurinum mugitum, rugitumque leoninum commoveri. Irato cuiuspiam Domino, & præiracundia famulum suum flagellanti acutè dixit Democritus: *desine te servo tuo similem offendere, servus enim est, qui suis cupiditatibus imperare non potest.* hoc enim verò regium & augustum est, sibi metipsi imperare, & exurgentis iracundiæ compefcere motus. Aureliano Imperatori fuit tessera: *quò major eò placabilior.* accidit autem, cùm Thyānam urbem in Bithinia Aurelianus obsideret, ut pertinaciā civium commotus asseveraret, se nec cani quidem in ea parsurum, tandem per prodicionem acceptā urbe non nisi unicum proditorem Heraclemonem passus est occidi, urgentibus autem spe prædæ militibus verbis staret suis. agite, inquit, & canes omnes occidite, negavi enim canem me relicturnum. digna Aureliano vox, digna Imperatore tessera: *quò major, eò placabilior.*

Ponamus iram bestiam quandam esse monet sanctus Chrysostomus homil. 5. in Matth. contra hanc pugnemus sicut David cum leone & urso pugnavit, & apprehenso mento suffocavit. Si gloriosum Lyfimacho juveni fuit leonem, cui ab Alexandro Magno objectus fuerat, insertā in fauces dexterā pallio involutā, lingvæque belluæ evulsā exanimasse, longè nobis gloriosius erit, domesticam belluam, iram inquam exanimasse, si Constantino Magno adhuc adolescenti ob interemtum in amphitheatro leonem Senatus populusque Romanus applau-

Plutarch.
lib. de co-
hib. ira.

S. 5.
Contra irā
pugnan-
dum tan-
quam con-
tra bellu-
am.

plausit, & imperii habenas bene precatuſ eſt, quantò ſpectabiliùſ de triumphata ira cœleſte nobis theatrum applaudit, & coronam æter naturi imperii gratiſ abitur. Si immortale nomen Henricuſ Comes Holſatiæ cognomento ferreuſ promeruit, quòd leonem cum rugitu ferociſſimo ſibi obvium generoſâ hac voce fregerit: *quieſce canis ferox quieſce!* manûque apprehenſum leonem in caveam reduxerit ſpectante & ſtupente Anglorum ſub Eduardo 3. aulâ, quantò admirabiliùſ univerſa Angelorum curia jubilabit, ſi ferocientem compreſſerimus iracundiâ?

Nieremb.
hiſtor. na-
tur. lib. 1.
c. 11.

At verò vehementiſſimè veror, nè leones quàm plurimi pleroſque noſ agant in triumphum & adverſario noſtro, qui tanquam leo rugiens circumit, in ſpolium concedant. Fuit Leo Barcinone, qui ut corrigeret iram, tanto animo ſe compreſſit, ut ſubitò exanimaretur. ò pudor noſter! cùm æſtiment feræ virtutem pretio vitæ. Vidit Lanuza leonem ita inſtruſtum & circumratum, ut nullum daret impatientiæ ſignum, quem ſi allatrarent & invaderent canes, nec oculos contorquebat. Cicurantur ita alii, ut & currum trahant Antonii & herile latuſ ſtipent, ſicut Joanniſ Auſtriaci ex Africa reducitur leo, & Maximiliani Ducis & Electoris Baviariæ latuſ leo ſtipavit. Teſti Eliano lib. 17. ſi credimus, in India leones venatum, canum more, ducuntur. primuſ Hanno Carthaginiſis leonem habuit vaſa portantem, Berenice leonem habuit lingentem vultuſ & rugaſ lævigantem & lentè ac modeſtè convivantem, ſed jam de leonibuſ ſatis, quos niſi frenando iram imitemur, vel ſaltèm leunculiſimus, magni Salomonis noſtri thronum nequaquam ſtipabimus.

ſ. 6.

Denique cur faciùſ Domini

quàm ſervi indignentur, cauſa poſſiſſima eſt, quia majorem Dominum non timent, quem toties ad iram provocant, quoties citra juſtam cauſam, vel ultra modum ſerviſ ſuiſ indignantur. Jeremiaſ edicere juſtuſ quidnam vidiffet, *ollam bullientem à ſe conſpectam teſtatur.* ruſum alteram viſionem prodere monituſ, *vigilantem virgam* ait ſe vidiffet, audiitque dicentem DEum: *bene vidiffi, quia vigilabo ego ſuper verbo meo, ut faciam illud.* bullientem ollam ſequitur Virga, quia iracundiâ humanam ſequitur poena divina. Vigilabit DEuſ ſuper verbo ſuo, quod hodie protulit: *Omnis qui irafciſtur reuſ erit.* Leonem agit Deuſ & dormit tantisper: *Catulus leoniſ Juda quiſ ſuſcitabit eum?* Genes. 49. quiſquid ſuſcitare tentârît, impunè non feret. Leonem expertuſ eſt Dominum ſuum ſervuſ ille decem millium debitor, qui Conſervum ob centum denarioſum debitum non ſolutum ſtrangulare & in Carcerem mittere auſuſ, viciffim tradituſ eſt tortoribuſ, quos Divuſ Hieronymuſ ait fuiſſe dæmoneſ, horum enim ſervituti & equuleiſ ſe ſubjicit, qui iræ ſuæ non dominatur. Saulem aſpicio iratuſ, proh quale monſtrum! non Regem ſed ſervum, & quidem dæmonis mancipium: *invaſit autem Spirituſ DEI maluſ Saul.* 1. Reg. 18. ingreſſam in Sauliſ cor iracundiâ ſequitur è veſtigio ſpirituſ maluſ. exclamet Nazianzenuſ: *ò ſervor iræ demoniſ domuſ horridi!* in iratuſ velut in domum ſuam intrandi juſ ſibiſque ducit horriduſ dæmon. quapropter ab iracundiâ dehortatuſ Epheſioſ Apoſtoluſ, poſtquam dixiffet: *Sol non occidat ſuper iracundiâ veſtram,* mox ſubjungit: *noliſ dare locum diabolo,* huic enim locum dat, qui prodromuſ & hoſpitii apparatricem ad-

Tertia
cauſa cur
ſamuli præ
Dominuſ
miniſ e-
rumpant
in iras ti-
moreſt.

Jerem. 1.
v. 11. & 12.

Matth. 18.

Sanctuſ
Gregoriuſ
Nazianze-
nuſ carm.
de ira.

Eph. 4.

mittit iracundiam. De Saule observat Divus Petrus Damianus lib. 4. epist. 17. in Saulis cor ira præcessit, & mox nequitie spiritum introduxit, qui abreptitum suum, in Zelum vesani furoris accendit. fremebat enim in vasculo suo auctor iracundie Spiritus. Timeat proinde irasci, qui timet à dæmone possideri. nec unus duntaxat dæmon ingreditur in animum, sed legio integra, sicut enim in iudicio Romano rei ab integra vulpabant legione, ita in iudicio divino iratus (qui enim irascitur, reus erit iudicio) integræ dæmonum legioni traditur excarnificandus. Legimus Luc. 8. energumenum quendam ab integra dæmonum legione tortum fuisse, quos Salvator ex homine ejectos in gregem porcorum ire permisit, quâ factâ potestate in grunnientem ocyus transiit gregem, eumque in mare egere præcipitem: *Et impetu abiit grex per præces in stagnum & suffocatus est.* Luc. 8. v. 33. egregius hic iracundorum typus est, ut eundem exponit Doctissimus Didacus Bæza, abripiuntur enim sicut grex grunniens, inque perditionis profundum deferuntur suffocandi. non homo est, qui à tali tortorum immanissimorum supplicio sibi non cavet, quisquis enim aliquem hominis sensum adhuc retinet, nihil magis studet, quàm tantum à se malum depellere.

Estote homines exclamat Origenes homil. 3. in illud Ezechiel. 14. homo homo de domo Israel, estote homines, homines scilicet, quia non omnes homines, homines sunt. homo in honore positus non intellexit, comparatus est jumentis insipientibus, & assimilatus est eis; iste non est homo, sed homo jumentum. Generatio viperarum, quis ostendit vobis fugere à ventura ira? talis non est homo homo, sed serpens homo. absit

ergò à nobis, ut tales simus, qui mereamur audire non esse homines homines, si enim boni & mansueti simus, duplicamus hominis nomen, ut sit in nobis non simpliciter homo, sed homo homo. hoc nimirum facit mansuetudo, ut homo sit homo, iracundia enim non in unam, sed multiplicem feram homines transformat. Iratorum genium Vivacissimè expressit Divus Basiliius hom. de ira. hæc hominem prorsus effecerat, ac nè hominem quidem esse finit, ut qui jam rationis præsidio caveat nam quod venenatis animantibus venenum est, hoc irâ percitis est excaescentia. Rabie laborant ut canes, subsultant ut scorpia, mordent ut serpentes. si aliquem per iracundia dentes acuemt videris, illud cogita, eum apro similem esse, ut qui per dentium confectum, internum furorem ostendat. Apro iracundum Camerarius quoque confert & in emblemate in truncum arboris sævientem proponit cum lemmate: *facti fortasse pigebit.*

Camerar.
Cent. 2.
emblem.
47.

In truncum furibundus aper deservit inermem,

Ira ultrix quoties in sua damna ruit!

Quæ damna si ob oculos sibi statuerent Magnates, nihil iis posthac clementius, nihil tractabilius, nihil foret mansuetius. non timent irasci, quia iram non timent Omnipotentis: *irasci sunt gentes & advenit ira tua* Ap. II. v. 1. iram ira suscitatur, humana divinam. sæpe rixam solvit conclamatum in vicino incendium, & interventum feræ latronem viatoremque diducit. colluctari cum minoribus malis non vacat, ubi metus major apparuit ait Seneca citatus. solveretur in plerisque aulis rixa, furor, vindicta, si malum gravius, quod ob iras & diras nostras apud iustitiæ tribunal incurrimus, expenderemus. Omnis qui plusquam belluinè irascitur, reus erit in hora

§. 8.
Ita homi-
nis provo-
cat iram
Nominis.

F

mor-

mortis, *judicio*; *reus erit* in novissima die *Concilio*, *reus erit* per omnem aeternitatem *gebennæ*.

§. 9.
Emblema.

Pro Emblemate sit *geniolus Furoris* ater & audax, qui in diversos suppositos fomites, alterum delicatum & siccum, alterum grossum & humidum scintillas ex chalybe & silice excutit effectu dispari, facile enim fomes delicatus, difficilior verò scintillam grossus concipit; lemma: *in vitio fomes*. Vis cur citius furoris ignem concipiant foveantque heri & heræ, quàm famuli & famulæ? fomes in culpa est, quem perverfa herorum natura fo-

vet, utlicere sibi putent quidquid libet; irasci, fremere, favire generosum reputant, quasi hoc sit illustrem & nobilem esse, si naturam spirent igneam, si scintillent, fulgurent, fulminent, cum ex his ipsis ignibus Vulcaniam prodant indolem, & Natales suos oriri demonstrent ex camino Mulciberi, & Luciferi regione.



PROBLEMA VIII.

Cur ex septem Panibus superfuerint septem Sportæ, ex quinque verò Panibus Cophini duodecim?

DOMINICA V. POST PENTECOSTEN.

Sustulerunt quod superaverat de fragmentis, septem Sportas Marc. 8. v. 8.

§. I.
Varie causæ, cur ex quinque panibus duodecim cophini, ex septem verò septenæ sportæ re-
manerint.



plurimis convivii hodierni mysteriis illud mihi diligentiori inquisitione dignius videtur, cur ex septem panibus septenæ duntaxat sportæ fragmentorum fuerint collectæ, in altero autem Convivio, quod idem Salvator multiplicatis prodigiosè panibus celebravit, ex quinque panibus duodecim super-

fuerint cophini, cum tamen in hodierno convivio tantum quatuor millia convivarum, in altero verò quinque confedis numerentur. Quæstionem assimilem apud Divum Ambrosium lego: *Cur quinque millibus hominum plus redundat, quatuor millibus minus? quia quatuor millia ista triduo cum CHRISTO fuerunt, Et ideo ampliore cælestis pabuli alimoniam receperunt.* At non satisfacit hæc mihi Ambrosiana responsio, nec enim quæro, cur plu-

Sanct. Ambrosius lib. 6. in c. 9. Lucæ.

res

res panes quater milleni acceperint, quàm quinquies milleni, sed cur ex pluribus panibus pauciores cophini, quàm ex paucioribus remanserint? dicunt alii cum D. Thoma: in primo miraculo tot reliquæ, quot Apostoli, hic autem septem sportæ, ad indicanda septem dona Spiritus Sancti. alii docent, ideo inter pluresconvivas plus remansisse, ut indicaretur; quò pluribus confertur eleemosyna, eò magis dona cœlestia crescunt & largitoribus suppetunt. aliis placet, ideo plus superfuisse miraculosi panis, quia quò plures ad postulanda cœlestia beneficia conveniunt, eò amplius singuli accipiunt, vel quia in primo convivio major erat accipiendi libertas, ait namque Evangelista oblatum fuisse singulis, *quantum volebant*. in hodierno verò nulla libertatis similis fit mentio, quare & minus remanet, experientiâ enim constat, minus cibi portionisque absumi, cùm portio summentium non restringitur, sed summentium finitur libertati. Verùm ex omnibus responsionibus unicam ego & maximè genuinam ex Evangelistarum verbis arbitror desumendam. Marcus enim ait panes septem à discipulis distributos fuisse: *dabat discipulis suis, ut apponerent, & apposuerunt turbæ* Marci 8. v. 6. Joannes verò aquilino oculo observat quinque panes in quinque millia hominum non per discipulos, sed ab ipsomet JESU fuisse appositos: *accepit ergo JESUS panes, & cum gratias egisset, distribuit discumbentibus. similiter & expiscibus quantum volebant* Joann. 6. v. 12. Mirum in manibus Domini crescunt munera, minuuntur verò in manibus ministrorum, hiscè enim semper aliquid adhæret, ut minus in subditos proveniat. Habent ministri quantumcunque puras

porrectasque manus, pauciores nihilominus ex iis comedent & minus supererit, quàm si de manibus dona profluant Dominorum. quàm si ego hodie veritatem tot expresse figuris, quot sportas impletas legimus fragmentis, sportulam meruisse putabo & sperabo.

Convivium hodiernum mediatatus Basilus Seleucus orat. 33. li- quidam in se non tam ventris quàm oculorum orexin excitari sensit, ideoque exclamavit: *ò quas tunc res videre fuit! panes pariebant panes, & mense alimento extemporario dis- fertæ erant; panes absque rusticano sudore parti non de spicis erumpebant, sed de Domini manu efflorescebant.* Manus Domini divitis in omnes multiplicarunt annonam, eamque in tantum fecerunt excrecere, ut ex paucioribus panibus plures vescerentur, & copiosiora colligerentur fragmenta. quod si per ministrorum manus transire debeant munera, semper fient minutiora. Quærebat amissas patris sui asinas Agazo Saul, cùmque easdem diuturno exantato labore invenire non posset, consilium à comite servo accepit, adiret commorantem in vicina prophetam Samuelem, ejusdémque super asinarum amissarum statu oraculum exploraret. Renuit Saul adire Samuelem, causam prætendens, quòd absque munere comparere rusticum & frustra- neum censebat: *Sportulam non habemus, ut demus homini DEi, nec quidquam aliud.* at non despondet idcirco animos famulus, quin Saullem animans, quartam partem stateris (nostros octo cruciferos) protulit, & tantillo aeris animum Samu- elis conciliari posse asseveravit: *ecce inventa est in manu mea quarta pars stateris argenti.* Habebat Saulis pater Cis familiam amplissimam, auri argenteique copiam non modi-

§. 2.
Figura pri-
ma famulo
Saulis t.
Reg. 9. v. 8.

cam, ut vult Abulenſis, dederatque dubio procul famulo liberale ſubſtendendo filio viaticum, cur ergo tam parum pecuniæ ſuperfuit ad munuſculum Vati offerendum? patet cauſa ex verbis famuli: *ecce inventa eſt in manu mea quarta pars ſlateris argenti.* non in Crumena, ſed in manu ait hic miniſter inventam eſſe pecuniam, unde mirum non eſt, tam parum fuiſſe, minuitur enim quidquid per miniſtrorum manus tranſit. *in manu mea.* quidquid ſervilis attingit manus, mancum reddit, minuit & arrodit, quod enim corvo roſtrum eſt, hoc miniſtro eſt manus.

Panem & carnes corvus Eliæ bis quotidie ad torrentem Carith deſerebat, ut videre eſt 3. Reg. 17. at verò Angelus ſub Junipero non niſi ſemel panem detulit, quo ita Prophetam confortavit, *ut in fortitudine cibi illius quadraginta diebus totidemque noctibus potuerit ambulare.* Cur apud torrentem famem bis quotidie Elias patitur, ſub junipero autem frugili merendulâ famem quadraginta dierum compeſcit? Cauſam in Miniſtrorum diverſitatem reſundit Divus Auguſtinus. *Panis iſte ſub Junipero erat conſectus manibus Angelorum, & ob hoc habebat virtutem reſcienſi per multos dies ſemel ſumtus.* non erat miniſter iſte famelicus, adeoque ab ejus manu dona quantumvis parva magnam imbibebant ſatietatem. at verò miniſter corvus ciborum avidiſſimus Solo cibi tactu vim quodammodo ſatiandi exſugebat; nimium quidquid per famelicorum tranſire debet manus miniſtrorum, penuriam quandam imbibit, itaque extenuatur, ut nec ſatiare poſſit, nec redundare.

§. 4. Ex pane angelicis manibus conſecto & Eliæ allato cogitationem transferamus ad manna cælo

deplum, & ſaturandis tricies centenis hominum millibus præparatum, de quo ita Moyſes Exod. 16. v. 16. *hic eſt ſermo quem præcipit Dominus, colligat unusquisque ex eo, quantum ſufficit ad veſcendum.* Angelicis panis iſte manibus pinſebatur, unde & panis Angelorum dictus eſt, & è nubibus liberaliſſimè deſtillabatur; cur ergo in ea non fuit æſtimatione, ut per miniſtrorum manus diſtribueretur, ſed jubetur unusquisque ſuis ſibi manibus ad ſatietatem & libitum tollere & ſumere? nolebat munificus DEus innatæ miniſtrorum cupiditati favere, per quorum manus, ſi manna diſpenſatum fuiſſet, auſim dicere, omnibus vix ſuffecturum ad veſcendum. nulla enim Angelorum ſolertia, nulla cælorum magnificentia ſufficeret, nulla donorum redundantia expectari poſſet, ſi manna per miniſtrorum manus communicaretur; ut ergo deficiat nulli, ſufficiat omnibus, *colligat unusquisque ex eo quantum ſufficit.* Oculatiſſimè Sixtus ſenenſis perſpexit nullam in Rege ſufficere providentiam, ſi in miniſtro regnet infidelitas: *cæcutit perſpicacitas principis, quando in diſpenſatore regnat avaritia.* In eandem ſententiam Calliodorus ſcripſit: mutant quamlibet Regum liberalitatem miniſtrorum manû, & ſicut fontis puritas per limoſa corrumpitur, ſic affluentia boni Regis avaris diſtributionibus immutatur.

Quamvis enim Rex aliquis Angelo ſimilior quàm homini videatur, quodſi tamen miniſtros ſortitur infideles commodique proprii ſtudioſos, exigua in ſubjectos felicitas redundabit. Expreſſam hanc inſigni cum acumine veritatem in paralytico ad piſcinam probaticam deprehendo, hic enim ipſos triginta octo annos prope fontem ſanitatis ægrire coactus eſt, quamvis

Ange-

ad diſtributionem nequaquâ commiſſus.

§. 3.
Figura ſecunda,
Corvus &
Angelus
Eliam paſcentes.

§. Auguſtinus lib. de
mirabil.
Sacrae
Scripturae.

Sixto tom.
6. Biblioth.
Calliodorus lib. 12.
Var. lect.
11.

§. 5.
Figura
quarta &
quinta.
Languidus
ad probaticam &
populus
in deſerto.

§. 4.
Figura tertia
Manna
miniſtris

Angelus cœlo frequenter descenderet, & aquam in langvorum medicamentum moveret, quia hominem non habebat, à quo in piscinam demitteretur: *Domine hominem non habeo, ut cum turbata fuerit aqua, mittat me in piscinam* Joann. 5. v. 7. ò quot calamitosi subditi eandem hodie repetunt nœniam: Domine hominem non habeo! etiam si gratiarum mare moveatur, etsi munera in subditos effundi præcipiantur, etsi Tu sis sicut Angelus DEi, at hominem non habeo, fidelem ministrum non video, qui tuarum me participem reddat gratiarum. Angelum DEus constituerat Israëlitiçi populi ductorem, cuius consilio industriaque in terram promissionis induceretur: ecce ego mitto Angelum meum, qui præcedat te & custodiat in via, & introducat in locum Ex. 23. v. 20. & 23. nihilominus quadraginta annorum spatio oberrare populus in deserto debuit, cumque Palaestina proximus esset, redire in solitudinem per viam maris rubri iussus est, eò quòd decem exploratorum verbis plus æquò credidisset, nimirum etsi dux populi Angelus sit, nisi tamen ministri pariter probi sint fidelesque, omnis ad felicitatem aditus intercluditur, abeuntque retrorsum, & in pejus ruunt omnia.

Cum mitissimus cœli terræque moderator Homo DEus legem tributariam autoritate suâ confirmaret, hæc usque usus est verbis: *reddite ergo quæ sunt Cæsaris Cæsari* Matth. 22. v. 21. cur non dicit: reddite exactoribus Cæsareis tributa, sed Cæsaris nomen interponit, & exactores per quorum manus tributa Cæsari redduntur, omittit? quia optime nôrat longè tolerabilius iucundiùsque fore subditis, si tributa solverentur non ministris, inter quorum manus certius est naufragium, quàm inter duos scopulos &

vortices aquarum, plùsque periculi à voraci & insatiabili exactorum charybdi imminet, quàm à quacunque sæviente æquoris tempestate. Regis Theodorici hæc phrasis est & sententia apud Cassiodorum lib. 4. ep. 19. *portus nostros navis veniens non expavesceret, ut certum posset esse naufragium, si manus exigentium non incurrerent, à quibus plura affliguntur damna, quàm soleant nudare naufragia, evadi tempestas potest, à rapaciverò exactorum avaritia nullus est qui effugiat, ait Doctissimus Silveira. paucos reperire in aulis est Josephos, de quibus Sacer aliquis historicus possit attestari: omnem pecuniam congregavit pro venditione frumenti, & intulit eam in ærarium Regis Gen. 47. tam rarus minister est, qui omnem pecuniam inferat in ærarium Regis, ut velut prodigium quodpiam in Sacras referri debeat tabulas. Omnem pecuniam intulit in ærarium Regis.*

Miraculum fuit, quòd cum Dominus ipse tributum solvere ad occasionem scandali prævertendam decrevisset, Petrum ad mare miserit, ut ex capti piscis ore staterem exigeret: *vade ad mare & mitte hamum, & cum piscem qui primus ascenderit tolle, & aperto ore ejus invenies staterem, illum sumens da eis pro te & me.* Matth. 17. v. 27. unde staterem ore piscis? an in maris fundo repertus, an in ore piscis creatus est? creatum censet glossa interlin. *mira potentia, quâ hoc dicendo creavit staterem.* potuit quis neget à pisce inveniri, verum etsi inventus fuisset, miraculo adhuc opuserat, ut voracissimum animal illicò staterem non deglutiret, inque ventrem trajiceret, solet enim piscis quidquid ore apprehendit, stomacho transcribere. Mirum proinde staterem à pisce exhiberi ad solvendum tributum,

Sylv. tom.
4 l. 6. c.
15. q. 8.
Num. 50.

S. 7.
Figura ultima
Staterem in ore
piscis.

S. 6.
Figura
Sexta Tri-
butum Cæ-
sari & non
ministris
reddendū.

Padill. in
Habac. 2.
annot. 8.
discurs. 1.

tum, quia res nova & admiranda est, inquit Ildephonsus, Padille, ministrum inveniri, qui pecuniam, quam principi extrahit ex subditis, in ore habeat, Syncerè fatendo, quantum à subditis contributum sit, & non potius trajiciat in ventrem, inque proprium convertat emolumentum.

Did. Nyff.
Dom. 4.
Quadrag.
5. 6.

Observavit ex Sancto Gregorio Nysseno homil. 14. in Cant. Didacus Nyssenus sponsum in canticis ex hoc potissimum capite dilaudari, quòd, & caput & manus haberet aureas: *caput ejus aurum optimum* Cant. 5. v. 11. *manus illius tornatiles aureæ* Cant. 5. v. 14. quia videlicet ingens hæc raritas est, totòque altior mundo ea Curia cui & caput (sive princeps) est aureum, & manus, (sive ministri) aureæ, nec manus pice & visco ad confiscanda bona subditorum sunt illitæ, sed ad distribuenda principis munera tornatiles, promptæ scilicet paratæque.

Sed jam manum ego de tabula, imò de sporta tollo, proque veritate quam dixi, sportam aliam non expeto, quàm illam Pauli ex manibus

Aretæ Regis fugitivi, de qua ipse: *in sporta demissus sum per murum, & sic effugi manus ejus.* in sporta præstat fugere, quàm in sportulinos ministros Regis incidere, à quibus non septem sportas gratiarum colligas, sed unicum semper accipis corbem, in quo (ut dicere solemus) grande nihil.

§. 8.
Emblema.

Problematis hodierni coronamentum sint multæ Manus, per quas farina aut Saccharum contusum datatim traducendum est, cum epigraphe: *heret ubique aliquid.* Ardens item Cereus qui splendorem suum in sphæram diffundens, minorem semper minoremque lucem projicit cum lemmate: *decrescit eundo.* Habet se pecunia, non ut fluvius qui eundo crescit, sed ut lux quæ decrescit eundo, quòd enim per plures iverit manus, eò minor evadet; probatum est.

-§3o§3-)-o(-§3o§3-

-§3)oo(§3-

§3



PRO-



PROBLEMA IX.

Cur Arbor mala non possit bonos fructus facere?

.DOMINICA VII. POST PENTECOSTEN.

Non potest Arbor mala bonos fructus facere.

Matth. 7. v. 18.

§. I.
Quo sensu
accipienda
verba
Christi.

Paradoxum est, quod loquitur hodie Christus negans à mala arbore bonum fieri posse fructum. quid enim? nunquid arbor mala Latro in Cruce fuit, & talem tulit fructum, ut paradiso mox inferi meruerit? nunquid mala arbor Nabuchodonosor ita ut succidi debuerit, & tamen pretiosissimos poenitentiae fecit fructus? nunquid omnes Ninivitæ, Samaritæ, plurimi Israëlita, aliquot insuper Apostoli arbores malæ fuere, & tamen quot quantosque ad gustum DEI fructus procrearunt? quin & hodie Turcæ, Judæi, Gentiles in malis habendi sunt arboribus, habent nihilominus fructus moralium virtutum tam sapidos, ut multi Catholici confundantur in eorum jejuniis, prolixis precibus, elemosynis, & aliorum Virtutum exercitiis. Quid multis? negari non potest ab ipsismet Sylvestribus Arboribus dulcissimos produci posse fructus, si videlicet ramis mitiorum arborum inoculentur juxta id Pauli Rom. 11. v. 17. *Tu autem cum Oleaster esses, insertus es in illis, & socius radicis & pinguedinis Olivæ factus es.* Respondet

ad hanc difficultatem Imperfectus homil. 19. & AUGUSTINUS lib. 2. de Serm. Domini c. 24. *quamdiu quis malus est, non potest facere fructus bonos, si enim bonos fructus fecerit, jam malus non est.* quæ responsio irrefragabilis est, si dicamus cum Theophylacto, Beda, Alberto Magno, Divo Thoma, Cajetano, Hugone, per malam arborem intelligi malam Voluntatem. mala enim voluntas licet opus ex se bonum operetur, malè tamen per depravatam intentionem operatur. Aliter Jansenius ad verba Christi attendens, qui non dixit: *Arbor mala non potest bonum fructum sed bonos fructus facere*, sic ait: non potest fieri, ut hominis boni fructus omnes, vel plures vel potiores sint mali, nec etiam potest fieri, ut hominis mali omnes vel plures vel potiores fructus sint boni, malus enim ordinariè operatur malè. Abulensis q. 29. per verba *non potest*, non impossibilitatem, sed magnam difficultatem esse accipiendam putat. non potest arbor mala fructus bonos facere, cur non? propter malam consuetudinem, de qua jam nunc dicentem consuetà accipite benevolentia.

Verissimum est, quod Aristoteles

§. 2.

Facilius
pellem &
vitam,
quàm prava
exue-
ris confue-
tudinem.

teles lib. 1. de memoria docuit: *confvetudo est quedam natura*, quàm difficulter Æthiops pellem, tam difficulter mutat prauus confvetudinem suam. *Æthiopem la-vo* dicebat Diogenes, cum depravatum corrigere studeret. Simili phrasi utitur Jeremias c. 13. *si potest mutare Æthiops pellem suam*. citius pellis & vita, quàm prava exuitur Confvetudo. *Tyrannis est confvetudo*, diffitilis quæ expugnetur ait Sanctus Gregorius Nyssenus lib. de Virg. c. 19. & Sanctus Chrysostomus in 2. Corinth. 4. *magna est confvetudinis tyrannis, adeoque magna ut perinde cogat ac natura*. Lazarum vocat Epulo, invocatque Abrahamum, ut illum suo ex sinu in infernum demittat; quo putis animo id fecit damnatus? crede Divo Chrysologo ita interpretanti Epulonis verba: *adhuc divitem malitia non deferit, quem jam possederat pœna, qui non se ad Lazarum vult deduci*. dedignatur Lazarum rogare & convenire, mallet illum socium pœnæ, quàm se ejusdem associari gloriæ, tanta vis est confvetudinis! & cur Abrahamus Epuloni supplici non consensit, ut Lazarus in domum Epulonis abiret, & quinque superstitibus fratribus prædicaret? quia inveterati malorum sunt, nec credituri, licet mortui resurgant. Narrat Sanctus Gregorius lib. 4. Dialog. c. 36. militem Stephanum ad inferorum supplicia deductum reductumque ad superos, post horrendorum visionem tormentorum vitam nihilominus non emendasse, sed in pristina relapsum scelera impœnitentem spiritum exhalasse. De Cretensibus scribit Valerius lib. 7. c. 2. Cretenses cum acerbissima execratione adversus eos, quos vehementer oderunt, uti volunt, ut malâ confvetudine delectentur optant. nimirum sicut confvetudine

bonâ nihil est melius, ita malâ nihil deterius.

Daphnem deperibat Apollo, sed illa perire quàm amare malebat, ideoque fugiens in laurum abiit, quam Apollo ut lib. 1. Met. canit Ovidius basiare non cessabat: *Oscula præbebat ligno*, è contra laurus renuebat: *refugit tamen oscula lignum*. nimirum assuescere multum est. *fugiamus consuetudinem* ait Sanctus Clemens Alexandrinus, *est enim barathrum*: impius cum in profundum venerit, contemnit prov. 18. v. 3. in profundum venire est peccatis assuescere ut explicat ep. ad Theodorum Divus Chrysostomus, huc cum devenerit, contemnit *Confscientiam* ait Hugo, contemnit supplicia, contemnit correptionem, pœnitentiam, omnemque medicinam inquit Lyranus.

De inveteratis peccatoribus locutus David, figlino vasi eosdem comparat Pl. 2. v. 9. *tanquam vas figuli confringes eos*, quæ expendens Chrysostomus hom. 4. de illuminat. observat, quodd quando DEUS populum ex captivitate liberare volebat, Prophetas jussit ingredi in officinam figuli, ut Jeremie 18. v. 2. videre est; at verò si captivitas esset perpetua & salus desperata vas fictile confringi mandavit: *nam confracta vasa fictilia jam nullâ emendatione corriguntur*. Tales erant Sodomitæ *homines pessimi*, à quibus ut abstraheretur Loth, necesse fuit, ut Angeli apprehenderent manum ejus, seu ut Hebr. habent apud Oleastrum: *fortificaverunt se viri in manu ejus*. quasi novæ vires necessariae sint Angelis ad hominem ex mala consuetudine retrahendum. imò ipsius Dei hominis vires extendi oportet ad Lazarum aliquem ex sepulcro malæ consuetudinis provocandum, cum enim dixisset Christus Joann. 11. *Lazarus ami-*

S. Clemens Alex.
exhortat.
ad gent.

§. 3.
Peccator
inveterat
similis est
testæ vetulæ.

Gen. 19.

S. Chrysologus
serm.
122.

amicus noster dormit, subjunxit mox, sed vado ut à Somno excitem eum. malè phrasin Christi intellexere Apostoli, quibus clariùs ille: *Lazarus mortuus est, eamus ad eum* v. 15, non dicit: *Vado*, sed: *eamus*, quia mortuus & foetens Lazarus referebat habituatum peccatorem, cui convertendo Christum quodammodo multiplicari est necesse: *Eamus*.

Psal. 48. de iisdem inveteratis idem Psaltes differens: hec via inquit illorum scandalum ipsis, & postea in ore suo complacebunt. Sanctus Hieronymus legit: *current*, quasi dicat: initio pedetentim ibunt vias difficiles, deinde velociter properabunt, ab initio erit ipsa via peccatoribus scandalo, offendentur enim super peccati turpitudine, postea verò complacebunt sibi in ipsa turpitudine. qui in via semel cecidit, aut membrum casu fregit, attendet sibi cautiùs, at in via peccatorum accidit contrarium: *multiplicatae sunt infirmitates eorum, postea acceleraverunt* Ps. 15, post eadem peccata, ut Genebrardus explicat, properaverunt, ac si novam fortitudinem à lapsu sicut Antæus à terra induissent. at dum currunt, verificatur Itatorum proverbium: *carvallus currens sepultura aperta*; infernus in Scriptura idem sæpè significat, quod sepulchrum (*sepultus est in inferno*;) in hoc incurrunt, imò per postam appropierant inveterati peccatores. unde quidam dixit: si quis tutò ad infernum mittere velit epistolam, committat eam homini inveterato malorum. Nec daemones cum ejusmodi multum laborant certi de praeda, in quibusdam daemonum Conciliis interrogatus fuit dæmunculus, cur & ubi tam diu emanassit? respondit: ego laboravi, ut homo ille, cui deputatus eram, malos habitus compararet, deinde apud eundem diutius

mansi, ut ad actus malos habituatum tentarem, quibus auditis dæmonum princeps verberari dæmunculum præcepit inquires: an nescis malos habitus esse daemonibus pejores? an nescis habitus esse arbores adultas, quæ spontè fructificant? Saterat efficere, ut arbores crescerent. Thomas Angelicus in Ps. 17, appositè: sicut homo præscriptionem acquirit possessione longi temporis super rem possessam, sic dæmon præscriptionem quandam videtur acquirere super peccatorem, cum illum diu possederit, adeo ut non nisi per Dei virtutem possit homo liberari ab ea servitute.

Habitus pravi sunt instar restium seu habitus corporalis, ex quibus vel nuptialis vel infernalis vestis conficitur, hinc Maldonato interprete conviva veste aptà destitutus in carcerem mittitur. Hospes quidam vestibus suis gratias egit, & non Mecœnati, quòd admisus fuerit ad triclinium, prius enim in vulgari vestitu fuerat exclusus, ita multi habitibus suis bonis gratias agere possunt aut in habitus malos causam refundere, quòd ad convivium cœleste admittantur vel excludantur. *mos est bonus, mos est malus, hinc infernus, inde salus.*

Malæ vim consuetudinis expertus describit Sanctus Augustinus lib. 18. Confess. c. 5. *ex voluntate perversa facta est libido, & dum servitur libidini facta est consuetudo, & dum consuetudini non resistitur, facta est necessitas.* en quomodo arbor mala bonum fructum ferre nequeat. exemplum non ità antiquum recentissimum ex Sancti Augustini ordine Concionator assert, cujus ipse „oculatus fuit testis. Dum aëdes „alicujus nobilis transirem, de fœ „nstra evocatus fui ad excipien „dam confessionem ægri; ascen-

G

di

S. 4.
In peccatorem inveteratum exercet dæmon usucapionem.

S. 5.
Tragicum peccatoris inveterati exemplum.

„di & inveni hominem jam expi-
 „rantem, ad latus mulierculam
 „concubinam, confessus mihi fuit
 „æger peccata omnia, & quantum
 „judicare potui cum dolore. verum
 „ante absolutionem monui, illam
 „bestiam esse exturbandam ex do-
 „mo, rescindendam illam pernicio-
 „sam amicitiam, adesse occasionem
 „proximam relabendi, magnam ef-
 „se vim corroboratæ in malo con-
 „suetudinis, qualem in illo adver-
 „teram. quid putatis ægrum re-
 „spondisse? in supremo agone,
 „in luctu cum morte, in introitu æ-
 „ternitatis respondit, se id facere
 „non posse, nec velle. abi ergo,
 „cum revocatus mox redii, spe ple-
 „nus aliam à cælo, misero injectam
 „esse mentem, ipsum reperi sine o-
 „mni sensu supremum trahentem
 „spiritum in manibus Concubinæ
 „tenentis ardentem cereum. Sic
 „moritur, qui dum vita superest in
 „malignæ consuetudinis hære
 „gaudet sepulcro. huic enim inge-
 „nitatis comparatam consuetudinem
 „apud Augustinum lego ita de se-
 „pulcro Lazari discurrentem: *con-*
suetudine malignâ pressi, tanquam se-
pulti, & ita sepulti, ut de Lazaro di-
ctum est, jam putet, moles ipsa sepulcro
imposita, ipsa est vis dura consuetu-
dinis, quâ premitur anima, nec resur-
gere, nec respirare permittitur, nisi
 JESUS succurrat & adjuvet.

§. 6.
 Symbo-
 lum inve-
 terati pec-
 catoris
 Lazarus.

Egregia est observatio D. Chry-
 sostomi, cur Christus de Lazaro re-
 cens mortuo cum discipulis locu-
 tus dormire eum dicat, & amicum
 appellet: *Lazarus amicus noster*
dormit Joann. 11. v. 11. at non intelli-
 gentibus phrasin hanc discipulis ap-
 pertè mortem Lazari exponens,
 non eum amplius vocitet amicum:
 Lazarus mortuus est. *Vides in-*
quit Orator Antiochenus quomo-
do, quando dormientem vocat, ami-
cum appellet, quando verò manifestè

de morte meminit, jam pœnè amicitia
obliviscitur. Peccatoris ex fragili-
 tate delinquentis Symbolum est
 Lazarus dormiens, & hic facile re-
 dire potest in gratiam, ideoque a-
 micus vocatur; at verò peccatoris
 ex consuetudine prævaricantis
 Symbolum est Lazarus mortuus, &
 hic non vocatur amicus, non quòd
 redire in amicitiam non possit, sed
 quòd redire non solet, quidquid
 autem fieri non solet, necessitatem
 quandam inducit, nè fiat. Quod
 ingeniosè observat Nyssenus in tri-
 bus Evangelistis, quorum duo Mat-
 thæus & Marcus affirmant solitum
 esse Pilatum die Solenni vinctorum
 aliquem in Judæorum gratiam car-
 cere eliberare, Lucas verò asserit ne-
 cessarium fuisse aliquem à Pilato
 extrahi. *per diem Solennem consue-*
verat Præses populo dimittere unum
vinculum Matth. 27. v. 15. *per diem*
festum solebat dimittere Marci. 15. v.
 6. Lucas verò c. 23. v. 17. asseverat:
neesse autem habebat dimittere eis per
diem festum unum. quod consuetu-
 do induxit, necessitas continuavit.
 similiter qui malè agere consuevit,
 impossibile sibi existimat agere be-
 ne: *non potest arbor mala bonos fru-*
ctus facere.

Vivam inveterati peccatoris i-
 maginem exhibet miserandus ille
 energumenus, cui malignus Spiri-
 tus lingvæ aurium & oculorum u-
 sum ademerat, & jam in ignes, mox
 in aquas jactabat Marci 9. cujus
 sortem miserati Discipuli exorciza-
 re iniquum hospitem tentarunt, sed
 frustra, pertinacior enim fuit ini-
 micus, quàm ut Apostolorum jus-
 sis obsequeretur. Recurrit proinde
 Pater Energumeni ad ipsum gratia-
 rum & curationum fontem JESUM,
 ad cujus pedes abjectus calamita-
 tem suam ex eo immodicam expo-
 nit, quòd à Discipulis JESU malignus
 hospes exturbari non potuerit: *dixi*
disci-

§. 7.
 Item Ener-
 gumenus
 lunaticus.

discipulis tuis, ut ejicerent illum, & non potuerunt. quid causæ? quòd simul sumti Apostoli post tot alios è miserorum corporibus profligatos dæmones hunc unum non expulerint? ex interrogatione Salvatoris facile erit causam conicere, sciscitatur proinde Dominus: *quantum temporis est, ex quo ei hoc accidit?* at ille ait: *ab infantia.* ecce causam, cur hospitio, quod longi temporis præscriptione suum dæmon fecerat, nolit decedere post tam diuturnam immorationem. jubetur nihilominus supremæ potestati cedere, nec unquam amplius reverti. ita enim JESUS intonat: *Surde & mute Spiritus, ego præcipio tibi, exi ab eo, & amplius nè introeas in eum* v. 24. cur tantâ verborum severitate utitur, & expressum interponit de non revertendo mandatum? respondet Euthymius: *hoc dixit prævidens quod futurum erat, ut rursus ad eum reverteretur, prohibet ergo.* licitum sibi putat Diabolus longâque experientiâ perfacilem esse comperit regressum à privatione ad habitum, quando videlicet in pœnitente diuturna peccandi Consuetudo prævaluit. pejus dæmone peccatum est, & facilius legionem dæmonum integram, quàm inveteratum peccatum expuleris, cum hoc sponte admittatur, illi verò violentè sese in animam intrudant.

Gloriantes de sua nobilitate Judæos, quod semen essent Abrahæ, & nulli unquam servivissent, hæc verbis incarnata Sapientia perstringit: *Amen amen dico vobis, quia omnis qui facit peccatum, servus est peccati.* Joann. 8. v. 34. nemo de libertate gloriatur, si libertate abusus suâ, consensit peccato; jam enim non liber amplius, sed servus est. quare servus? quia in castrum animæ suæ tyrannum admisit, qui

tantâ libidine vexabit, tantâque vi exagitabit animum, ut pœnè cogat plura admittere peccata. audiamus præclarum Dominicorum verborum interpretem Cardinalem Cajetanum: *peccatum remanens dominatur in animo trabendo ad aliud peccatum tantâ & tali efficaciâ, ut oporteat hominem subiectum peccato, nisi pœniteat, denuò peccare.*

Multis similitudinibus Doctrinam hanc venustat Chrysostomus, & inveterata scelera abolendi difficultatem ac quandam velut impossibilitatem verbis hæc insinuat: planta quidem humi consita facile revellitur, per multum verò temporis radicibus firmata non itidem. Et ædificium recenter fundatum à vexantibus facile subvertitur, bene verò firmatum, multa negotia diruere conantibus præbet. & fera quibus locis multum temporis est conversata, difficulter expellitur. & sicut febris ab initio aggressâ non magnâ siti laborantes exurit, postquam autem invaluerit, & flammam extulerit, jam sitim inducit immedicabilem, sic & in vitioso accidit affectu, si se circa primordia in animam nostram inferentem non prohibuerimus, neque fores occluserimus, ingressus jam insanabilem susceptoribus morbum infert. Hæc ad verbum Antiochenus Orator. Comparant alii malam consuetudinem clavo Sisaræ; quo caput Archistrategi à Jabele terræ fuit affixum Jud. 4. conatus finè dubio fuerit clavum Sisara eximere, sed frustra. alii malam Consuetudinem vocant malam illam uxorem, quam qui duxit, impossibile sibi dixit cœnam Evangelicam adire: *uxorem duxi: non possum venire* Luc. 14. aliis hedera placet circumplexa quercum cum lemmate: *nec recissa recedet.* aliis asbestus, ubi ignem conceperit, restingi non potest: *semper ar-*

§. 8.
Malæ consuetudinis vis variis similitudinibus exponitur.

ardebit. aliis aquila à dipfade serpente maculoso morfa inextingvibilem nutriendi sitim: *semper ardentius.* aliis crocodilus hominem devorans: *plorat & vorat.* nimirum propter Malam Consuetudinem commissa flemus, flenda committimus. aliis urfus ad mel fervens combusta licet lingua illicò rediens: *nocet & delectat.* aliis fomes accensus: *vivit ad extremum.* aliis fluvius ipso progressu crescens: *Vires, acquirit eundo.*

§. 9.
Duplex
extirpan-
dæ malæ
Consuetu-
dinis re-
medium.

Verum nihil obstantibus hisce quæ diximus omnibus non est desperanda malarum consuetudinum extirpatio, si duo illa observentur præscripta: *Vigilate & Orate.* audiamus vocem Domini monentem, commonet Chrysologus serm. 43. *Orate ne intretis in tentationem. in tentationem vadit, qui non vadit ad orationem. verè novit rectè vivere, qui rectè novit orare* inquit D. Augustinus homil. 4. ex 50. Ingens præsidium est adversus omnes naturæ perversæ motus, vigiliæ conjuncta oratio. vigilassent & orassent Apostoli, nulla eos tentatio apprehendere potuisset: *tentati sunt Discipuli Dominum deferendo, qui somno potius indulserant, quàm Orationi* Tertull. lib. de orat. Dom. Felicius Petro egit Paulus, de quo Act. 16. v. 25. *mediâ autem nocte Paulus & Silas orantes laudabant Dominum.* ecce vigiliam orationi conjunctam, cujus fructum mox ambobus licuit experiri. *subitò verò terræ motus factus est magnus, ita ut moverentur fundamenta carceris, & statim aperta sunt omnia ostia, & universorum vincula soluta sunt.* Præclarissima hæc est figura eorum, qui pravis consuetudinibus quasi vinculis restricti in carcere vitiorum hærent, à quibus ut absolvantur vigilent & orent. Paulus & Silas cum in nervo pedes haberent, inquit Sanctus

Ambrosius, mediâ tamen nocte surgebant mentis vestigio, exorabant Dominum & laudis Sacrificium offerebant, ideòque ubi non defecit devotionis officium, adfuit etiam solutionis remedium. facile pravorum Consuetudinum solventur vincula, si orationum nobis non defuerint præsidia. Orandum est, & quidem per illorum Sanctorum suffragia, qui ex pravorum habituum vinculis feliciter expediti sunt: quales Latro pœnitens, Augustinus, Magdalena, centenique alii fuerunt. Orandum est per Sanctorum omnium cineres & merita, per Virginis Matris dolores ac amores, lac & lacrymas, per JESU Salvatoris nostri Sacratissimum nomen, vulnera, sanguinem, & quidquid Sacrum ac Sanctum est. Orationi, jungatur vigilantia, quâ juxta consilium & phrasim S. Bernardi inducias à nobis impetremus, quas cum Deo ineamus, & à mala Consuetudine tri-duo quatrduove sub multa in ære vel pelle certò persolvenda, si in vetitum relabi contingat, nobis interdiciamus; adhibita insuper examinis ut vocant particularis industriâ, per quam certo certius faciemus duraturam de priori necessitate virtutem.

S. Ambro-
sius in
Pl. 118.

In Emblema sit Sylvestris pyrus, in qua geniulus frustra dulcem inquit fructum, nisi resecos ramos mansuetiori inoculet arbori; lemma Evangelicæ consonet sententiæ: *Non facit hæc Arbor aliter.* vel Gomorrhææ pomo inscribamus: *Manet vitiosa propago.* sub arbore Cancer sit, qui ut velit, retrogrado nunquam abstinere gressu: *sic semper & ibat & ibit.* vel reducem ad mellem muscam, licet decies abactam hoc lemma donemus: *nitimur in vetitum.* vel Prodigii de grege pecus ad suum rediens volutabrum hæc epi-

§. 10.
Emblema.

epigraphæ signemus : *nitimur in fætidum*. Nimirum Consuetudo, altera Natura, de qua populari voce

canitur: *expellas furcâ, tamen usque redibit*.



PROBLEMA X.

Quis diffamaverit Villicum?

DOMINICA VIII. POST PENTECOSTEN.

Diffamatus est. Luc. 16. v. I.

S. 1.
An Villi-
cum ini-
quitatis
diffamâ-
rint boni
Angeli.

Diffamatum esse villicum audivimus, à quo diffamatus sit, à domesticis an extraneis, ab amicis hominis divitis, an inimicis, ab Angelis an dæmonibus? nescimus. Angelos bonos fuisse suspicor, qui clientum suorum injurias à villico iniquitatis irrogatas ferre diutius noluerunt, sed in sanctissimas accensi vindicias repræsentavere Divinæ Justitiæ injustissimi Villici fraudes & nequitias, Accedit quodd Evangelista, observet diffamatum esse villicum *quasi dissipasset*, non quodd absolute dissipârit Domini substantiam, sed quasi dissipâsse visus sit, quæ deferendi modestia in alios vix cadit quàm bonos Angelos, qui in ipsa delatione diminuerè potius quàm exaggerare hostros solent errores, & ut verbis D. Athanasii utar *possibilitatem etiam relegant mendacii*, hoc est, ita speciem facti repræsentant, ut nec umbram falsitatis admisceant, ideoque non dissipatorem appellant, sed diffamatum duntaxat proponunt, *quasi dissipasset*. Militat hæc quidem ratio pro bonis Angelis, sed fortior in contrarium urget, diffamatorem vi-

delicet fuisse diabolum, qui juxta nomen suum *Calumniator*, & generalis titulus est *Accusator fratrum*, cujus una voluptas & indefessus labor, accusare servos ante conspectum DEI. & quia sæpissimè jam convictus est mendacii, non audet dicere, dissipata esse bona Domini, sed *quasi* dissipata ut majorem accusationi suæ adstruat fidem, quam tamen nec hoc astu impetrat, quin prius prudentissimus Dominus reum accersat, & percontetur: *quid hoc audio de te?* quasi non libenter audiat Dominus, quodd delatus male audiat servus, mallet enim illum in honore & optima apud omnes esse existimatione, quàm nescio cujus infidelitatis insimulari. hic nimirum semper fuit eritique DEI nostri & omnium DEO devotorum genius, bonæ aliorum famæ optimè consulere, quod lectissimis aliquot figuris expendendum dabo.

DEI nostri personam in theatro Evangelico gessit bonus ille mali filii Pater, qui respicienti prodigo post paternam dissipatam substantiam, vestes prius quàm panem adferri jussit, etsi panem is non vestem peteret; quasi doceret, honorem ma-

S. 2.
Etiam im-
piorum
famæ cu-
ram gerit
DEUS.

gis esse necessarium, quàm panem, & providendum prius famæ, quàm fami. Ingeniosè Chrysostomus serm. de prodig. ante vestiri vel ut filium, quàm videri, ut soli Patri nota esset nuditas, semper DEO curæ est fama nostra: in memoria aeterna erit iustus Ps. 111. v. Lorinus vertit: in fama aeterna erit iustus. ab auditione mala non timebit, Titelmann^o legit: neque conturbabitur à timore malo, quem admodum impii. quæ sic explicat Bellarminus: non timebit à detractionibus & reprehensionibus hominum impiorum, semper enim in hominum memoria vivet per famam gloriosam. nec apud mortales solum memoria illius erit in benedictione, sed scriptum erit Nomen ejus in libro vitæ, eoque pacto verè ac propriè in memoria aeterna apud Angelos in cælo perseverabit.

Quid? quòd famæ impiorum quoque consulat DEUS, ideòque villicum iniquitatis in hodierno Evangelio laudet, & in primordio mundi non Adæ sed terræ maledicat, quòd sue ipsius imagini honorem conservaret inquit Moyses Barceph. Querit Theodoretus q. 62. in Gen. cur Spiritus Sanctus recensens raptum Saræ à Pharaone factum non insinuet, an Pharaon peccarit cum illa, sed satis habeat dicere: flagellarunt Dominus Pharaonem flagellis maximis & Domum ejus propter Sarai uxorem Abraham Genes. 12. v. alterà autem vice cum ab Abimelech raperetur, non tantum referatur supplicium: morieris propter mulierem quam tulisti sed insuper exprimitur Saram mansisse intactam: Abimelech verò non tetigit eam Genes. 20. v. 4. & respondet: ut consuleretur fama tam Saræ quàm Isaaci.

Penitentem Magdalenam depingens Lucas nomine eam proprio non indigitat, neque dum con-

versionem Matthæi recenset, sed illam Mulierem, hunc publicanum nomine Levi, ne quoquo modo nomen utriusque læderetur. Dum agitur de peccatis, inquit Ambrosius, suppressit nomen, ut bono eorum nomini consuleret.

Exercitatisimi in hac sancta Politice sunt cœlestis aulae Ephebi. Gabriel dum aram incensanti Zachariæ bona nova nuntiat, & filii prædicit ortum, conceptionis non meminit, sed solius partûs mentionem facit: Elisabeth uxor tua pariet tibi filium Luc. 1. v. at verò dum Nazaretanæ Virgini divinum annuntiat puerperium, conceptionis unà meminit & nativitatis: ecce Concipies in utero & paries. quæ est ratio disparitatis? consulum voluit Angelus famæ Joannis, ideòque conceptionis non meminit, cum in ea maculam contrahere debuerit. animadversio hæc est Innocentii 3. Pontificis Serm. 1. de S. Joanne: non Conceptum dicit, sed ortum Joannis, JESU verò prædicit ortum pariter & conceptum, quia Joannes fuit conceptus in culpa, JESUS autem sine culpa conceptus, uterque verò natus in gratia. Et cur idem Angelus Josepho in somnis apparet Matth. 1. cum dedocet errorem, & Matth. 2. cum jubet fugere in Ægyptum? utroque in casu revelandum erat aliquod piaculum sive Josephi leve, sive Herodis pergrave, id verò dormienti aperit, ut constet, quàm cauti in revelandis defectibus alienis sint Angeli. & merebatur certè Joseph sine confusione propria instrui, quia & ipse cum esset iustus noluit traducere sponsam, sed occultè dimittere eam. voluit prodesse peccanti, inquit S. Augustinus serm. 16. de verbis Domini, non punire peccantem.

Genes. 45. Joseph manifestaturus se fratribus, præcepit ut egredierentur

S. 3.
Cur Gabriel nullam mentionem faciat Conceptionis Baptistæ.

S. 4.
Quomodo Joseph

confue-
rit fratrum
suorum
honori.

rentur cuncti (aulici) foras, dumque se manifestat: *eleuavit vocem cum fletu. ego sum Joseph frater vester*, ut etiam foris aulici audire potuerint. at dum scelus commemorat, ego sum ille quem vendidistis, *ista dixit Joseph voce submissâ*, ne eam audire aut intelligere possent, quia aliqui erant in domo, quilinguam Hebræam ab ipso audierant & didicerant, inquit Abulensis in c. 45. Gen. fol. 700. sed quare ista tacitè? exprobra errorem palam, ut suffundantur rubore, non dico ut mineris supplicia, sed ut acerbè objicias scelus. at respondet ille: bonæ famæ fratrum meorum attendo, defectum celo, nè honorem lædam. vocem primam (pergit citatus Abulensis) in qua denotabatur fraterna cognitio, voluit Joseph omnibus esse notam. Patet, quia audierunt Ægyptii, & omnis domus Pharaonis. at secundam, in qua notabatur fratrum maligna venditio, voluit esse Ægyptiis occultam, nè eos viros contemptibiles & scelestos judicarent.

S. 5.
Quomodo
Christo A-
postolo-
rum bonâ
famam de-
fenderit.

Quod Joseph cum fratribus, Christus fecit cum discipulis. Matt. 17. *assumpsit tres, & duxit eos in montem excelsum seorsum*. quare hos tres? respondet Janfenius: *tres ad hoc delegit, ut secundum legem in ore horum trium Verbum hoc confirmaretur, & tres illos, quos inter duodecim Apostolos primo semper loco habuit, ut qui ob id, quod primi & precipui essent inter Apostolos præ aliis etiam perfectiori Christi cognitione donari debebant*. Causam aliam dat D. Thomas Villanovanus, cur non omnibus transfigurationem sicut resurrectionis gloriam voluerit esse manifestam, quia *boc non esset fidem confirmare, sed destruere, non esset homines credendo ad se allicere, sed rei evidentia convincere*. Paschasius Rathbertus in Biblioth. veterum Pa-

trum tom. 9. in hoc caput Matthæi, tres ait assumuntur in montem, quia nemo potest resurrectionis videre gloriam, nisi qui integrum mysterium Trinitatis incorruptâ fidei sinceritate seruauerit. nec immeritò Petrus, quoniam ipse prior claves regni cælorum accepit: deinde & Joannes, cui Mater Virgo committitur ob privilegiū Virginitatis, Jacobus quoque qui primus ex Collegio Apostolorum Solium Sacerdotale proprio purpuratus sanguine, & dealbatus in Christo victor ascendit. In rem meam optime Proculus in hoc caput, cum Judas indignus esset hanc tremendam visionem videre, cum infrâ reliquit cum reliquo Apostolorum Coetu, nè tanquam Solo relicto hominis proderet pravitate. nè videlicet alii sinistram quid suspicarentur de Juda, etsi hic suam famam flocci faceret. at Dominus etiam aliis vicibus honorem Judæ, ubi potuit, tuitus est. interrogatus à Pontifice de discipulis & Doctrina Dominus: *Jesus dissimulans ad interrogationem de discipulis factam respondere, suggerant enim à se omnes, unus ipsum in mortem proditor tradiderat, & ideo ad secundam duntaxat interrogationem de doctrina respondit*. ita Joannes Lanspergius lib. 3. de passion.

Seminârant Apostoli semen discordiæ pessimum in agro cordium terreo: facta est contentio inter eos, quis eorum videretur esse major Luc. 2. jam messem litium parabant, cum Christus parvulum (quem Janfenius c. 70. in Evang. putat fuisse S. Martialem, postea à Petro ordinatum Germanorum Apostolum) statuit in medio eorum, sive ut vult citatus Janfenius: accepit eum in ulnas quomodo fieri solet infantibus aut valde pueris. cur non adultum, maturum, canumque advocat? quid cum puero, qui absque judi-

S. 6.

Cur Chri-
stus par-
vulum in
medio A-
postolo-
rum statu-
erit.

cio

Apud Al-
cuinum
Serm. de
S. Michael.

cio bonum inter & malum non potest discernere? prudentius litem senex dirimet quàm puer. sed placet Christo parvulus, ut quales sunt parvuli per ætatem, inquit Jansenius citatus, tales nos simus per voluntatem. non ut ætatem habeant puerilem, confirmat S. Paschasius hic, sed humilitatem atque innocentiam: quam illi per ætatem annorum possident, isti per industriam & virtutem habeant puritatis. ac si diceret (verba do Haymonis Halberstadiensis Episcopi) sicut parvulus iste, cujus vobis exemplum proposui, videns pulcrum mulierem non concupiscit, non alienas divitias appetit, læsus non relædit, non aliud cogitat, aliud loquitur, & iratus non perpetuas tenet discordias, ita & vos nisi talem habueritis innocentiam in mente, qualem iste habet in corpore, regnum cœlorum nequaquam intrare potestis. Poenè iisdem verbis Eusebius Emisenus apud eundem: Videtis hunc parvulum, nisi ab hac stulta dignitate, quæ vestros animos perturbat, ad hujus patientiam & humilitatem conversi fueritis, & sine odio, sine invidia, sine superbia, sine ambitione, in regnum cœlorum non intrabit. Verùm optimè mihi S. Aëlredus Abbas Cisterciensis: *advocavit parvulum qui vix loqui noverrat, qui aliis id quod audiret non proderet, si enim adultum adhibuisset, facile imperfectiones Apostolorum & rescivisset ipse, & cum aliorum infamia propalasset. unde bene Aloysius Novarinus in c. 20. Matth. sect. 4. Num. 402. Discimus quàm cautè aliena peccata tangenda sunt, ut aliorum nomini consulatur & aliena fama.*

Certè idem Christus Martham infidelitatis ream Joann. 11. cùm diceret: *Domine si fuisses hic, frater meus non fuisset mortuus*, ac si Christi

omnipotentia se tam procul non extenderet, increpuit: *o Martha quomodo cum tanta fide diffidis*, verba sunt S. BERNARDI, credis hoc? Magdalenam verò etsi eandem iteraret cantilenam: *Domine si fuisses hic*, non increpuit, sed conticuit, cur? *CHRISTUS non loquitur Magdalenæ* inquit S. Chrysostomus, *sicut locutus est sorori, non erat tempus verborum. ibi enim erat turba.* nota. *ibi erat turba.* Martha erat Sola, periculum manifestandi defectus & honoris lædendi non erat, ideo illi dixit dicturus longè severius veritatem Magdalenæ (cùm eam magis dilexerit) nisi honori ejus consuluisset, quia cincta erat magno comitatu.

Cùm itaque tantam famæ nostræ curam habeat DEUS, decet & nos (si quid diviniore in nobis est Spiritus) pro bona fama alterutrum Zelare, certissimòque nobis persuadere, parem cum infamibus Orti incolis habere genium, qui lubens alios denigrat, nec diffamari ullum magis, quàm qui alios diffamat.

In Emblema propono tricipitem Cerberum perpetuò obvios fatigantem latratu: *quem vis impune læcesso*; ex parte altera serpentem colloco, trifulcæ telo linguæ triplex vulnus infligentem: *uno tria vulnera morfu.* Elegans certè detractoris typus, qui velut infernalis Canis allatrat, quos mordere non potest; si mordere potest, uno detractoris morfu triplex infligit vulnus, quo audientem, diffamatum, & suam lædit animam. Addamus & Æthiopem parvulum, ex furno reducem, qui suâ alios inficit fuligine: *tingit quos tangit.* similiter detractor cùm fuligine vitiorum totus nigricet, suam quibus quibus potest affricat fuliginem; sed Hic Niger est, hunc aure utraq; caveto.

§. 7.
Emblema.

PRO-



PROBLEMA XI.

Quæ Lacrymæ pretiosissimæ ?

DOMINICA IX. POST PENTECOSTEN.

Videns Civitatem flevit. Luc.

I9. v. 41.

§. 1.
Deceantne
Virum fle-
tus.

Inter Philosophos veteres solennis ventilabatur quæstio : deceantne Virum lacrymæ ? negabant Stoici, quibus Plato annuit lib. de Republ. dial. 3. lacrymæ à viris claris removendæ sunt. licet lacrymari plebi, inquit Ennius, Regi honestè non licet. Unde Alexander Macedo tragædum capitis damnavit, quòd funebri dramate Regi lacrymas excussisset. fortè ex hac quoque causa Davidem reprehendit Joab, quòd fletet Absalonem. Ezechias convertit faciem ad parietem, nè lacrymas assidentibus ostentare videretur, inquit D. Hieronymus. Aristotelici è contra affirmabant honestum esse lacrymari, est enim hoc naturæ conveniens, & deservit ad ejus conservacionem ; quam sententiam D. Thomas 1. 2. q. 29. multis tuetur. Certè heroes plurimos flevisse testantur Historici. Flevit exercitum suum ex integro virorum milione conflatum Xerxes, quòd intra sæculi non integri spatium à morte penitus diffandus esset. Flevit Carthaginem Publius Scipio, ut fumantes cineres suis restinguere velle lacrymis videretur. Flevit Henricus Imperator

Trojam Apuliæ urbem obsidens, cum pueros & puellas lacrymis maddentes, ante tentorium Cæsareum supplices spectaret, quibus ipse collacrymatus, veteres iras in lacrymis suis extinxit. Quid multis ? flevit Salvator noster, de quo Hipponensis Orator Serm. 35. flentem illum, frequenter invenias, nunquam verò ridentem. Flevit super Civitatem, Luc. 19. flevit in suscitatione Lazari Joann. 11. flevit in cruce teste Apostolo Hebr. 5. v. 7. imò passionis tempore ait Petrus Calentinus flevisse Christum sexagies septies millenas & ducentas lacrymarum guttas. nec in passione solummodo, sed in omni vita flevisse Christum non dubitemus, ita ut de se dicere potuerit : totum poenè meum vivere flere fuit, ex quibus Salvatoris nostri lacrymis elucidanda hæc venit quæstio, quænam pretiosiores sint lacrymæ, an quæ per oculorum crystallos eliquantur, an quæ à corde absorbentur, & lacrymæ siccæ vocitantur ? Erit hæc Pretiosa quæstio, quia in lacrymarum pretium solvetur.

Author recens adeò lacrymas sanctè suas appretiat, ut dicere auserit : lacryma thesaurus est ipsam locupletans Sanctissimam Trinitatem,

§. 2.
Aque super
ceelos
sunt lacri-
mæ poeni-

H

tem,

Problemata P. Philippi Hartung.

tentium,
quas ut au-
geret DEI
Filius, Ho-
mo factus
est.

tem, ita ut accedat ad omnipotentiam æterni Patris, efficaciam Sanguinis Verbi, & Virtutem tribuat fecunditati Spiritus Sancti. Dictum audax nisi eo sensu accipias, quem mitior effert pietas. Die alterâ ab orbe creato dixit DEUS: *fiat firmamentum in medio aquarum & dividat aquas ab aquis* GEN. 1. v. 6. sunt ergo super cœlos aquæ? ita est. expandit in has desideriorum suorum vela David, dum Spiritu illo plenus, qui ferebatur super aquas, exclamat Ps. 148. v. 4. *aquæ omnes quæ super cœlos sunt laudent nomen Domini.* quod si Oratorem aureum, quid sibi velint aquæ super cœlos, interrogemus, respondebit esse thesaurum divinum. quot guttæ sunt, tot gemmæ sunt collectæ à pœnitentium maxillis, absterget enim DEUS omnem lacrymam Ap. 7. v. 17. *de aquis fletus & pœnitentium* (verba sunt Chrysostomi) *lacrymis cantabo illud David: aquæ omnes quæ super cœlos sunt.* Ipse cœlorum Rex ut has augeter aquas & cumularet thesauros suos in terram descendit, & propter lacrymulæ vel unius guttulam exinanivit semetipsum, vendidit omnia quæ habuit, & emit margaritam pretiosam. Sententia hæc est Sancti Bernardini Senensis de dignitate animæ asserentis ideo à Verbo assumptam carnem, ut flere posset; unde prima infantuli divini actio fuit lacrymarum profusio: *vagit infans inter archa conditus præsepia.* flevit in vita. *videns civitatem flevit super illam* Luc. 19. v. 41. Si toties flevit quoties vidit, audeo dicere, nunquam non flevit, totumque illius vivere flere fuit, siquidem in oculis suis, dilectam civitatem tulit, in perpetua recordatione piissime circumtulit, nec abire diem passus est, quo non repeteret omnes illos Psalmos, in quibus Jerusalem fit mentio, quorum nume-

rum curiosa pietas invenit decimum tertium. Certè qui memor quotidie passionis suæ fuit, immemor Solymæ suæ esse non potuit. flevit denique cum vitæ dicendum erat Vale, quod dixit *cum Clamore Valido & lacrymis* Hebr. 5. v. 7. *audiamus dulcem dulcissimi nominis cultorem: quia DEUS propriè plorare non poterat, propterea assumpsit naturam humanam, ut posset plorare.*

Spiritus Sanctus jam inde à primordio mundi super aquas ferebatur, ut suos in lacrymas testaretur amores. ideo columbæ formam assumpsit, quando super Dominum in fluente pœnitentiæ stantem visibiliter comparuit: *in specie columbæ visus est.* Marci 1. v. 10. ut constaret mundo, quantum Spiritui Sancto placeant gemitus & lacrymæ, qui etiam *gemitibus inenarrabilibus postulat & interpellat pro nobis* Rom. 8. v. 26. Et verò cur idem Spiritus Sanctus in specie ignitarum lingvarum Apostolis sese communicaverit, causa non ultima fuit, quod exigeret ab Apostolis aquam lacrymarum, siquidem lingua ignea nihil magis appetit quam aquam teste ipsomet Epulone in tormentis, qui Veritatem istam fatetur, dum extremum digiti, & qualis digiti? Scabiosi & ulcerosi, qualis erat Lazarus, in aquas intingi, suamque refrigerari lingvam anhelat. Nisi placeat potius ingeniosa illa ratio, cur in lingvarum ignearum specie venerit Paraclitus, videlicet quia lacrymis pleni erant Apostoli, præ desiderio Spiritus accipiendi, & præ dolore discessus Christi. Fundatur hæc opinio in illa S. Guerrici sententia Serm. 2. de pentec. quâ utrumque complectitur conceptum Columbæ & Lingvæ. *Nescio an Spiritui Sancto gratior sit alia vox, quam gemitus Columbæ (ecce primum) & puto quod neque in A-*

S. 3.
Spiritus
Sancto
quàm gra-
tior Lacry-
mæ.

post.

postolis locum invenisset Paracleti consolatio, nisi quia lugebant (ecce secundum de igneis lingvis) se esse desolatos :

S. 4.
Cur lacrimæ mulieribus quantumque prohibet.

Sed si tam grata Divinitati est nostra lacryma, cur Magdalene dicitur: *noli me tangere, nondum enim ascendi ad Patrem* Joann. 20. v. 17. dedisset certe Magdalena lacrymas, cum unguentum aliud præ manibus non habuerit, flevisset si tetigisset. Cur viduæ in Naim dicitur: *noli flere* Luc. 7. v. 13. cur lacrymæ piis mulieribus interduntur Luc. 23. v. 28. *nolite flere super me*? Ad hanc quæstionem ut respondeam, confero me ad ascendentem in cœlos Salvatorem ubi invenio relicta in lapide vestigia pedum, attonitos & aperto ore ac oculis in statuarum morem obrigescentes video Apostolos, & vocem insuper percipio Angelicam: *Viri Galilei quid statis aspicientes in Cœlum? hic JESUS, qui assumptus est à vobis in cœlum sic venit* Act. 1. v. 11. nihil ad ista respondetis ò Apostoli? pace vestrâ, ego pro vobis. Parcite boni Angeli, nullus hic Discipulorum defectus est reprehensione vestrâ dignus, imò amoris excessus est omni vestrâ commendatione dignissimus. ubi oculi, ibi amor. anatur unice amor cordium JESUS, quid mirum si in abeuntem defigantur oculi, ut dent comitivam Dilecto oculi, cum pedes non possint? Sinite Apostolos cœlum potius aspicere quàm terram, ut porro terra sordeat, postquam cœli gloriam aspexerunt. Ipsi vos in faciem tam amabilem desideratis prospicere, num gratiam tantam clientibus vestris, imò fratribus vestris minorenibus invidetis? non tacent ad ista Angeli, sed facundè respondent, cum tacent. audio quid dicant in aurem: negotium Domini nostri agimus, qui cum hodie triumphi sui

solennem in Cœlos ingressum celebrare debeat, detineri amplius à vobis non potest; vestri enim oculi lacrymarum pleni procedere non sinunt, & nisi nubem cœlum interponat, nec hodie nec cras intra cœlorum testa se recipiet. nimis quàm adamat roridos vestros oculos, & plus lacrymis vestris constringitur, quàm funibus Samson. Considerat hæc Augustinus & exclamat: *ò lacryma tua est potentia, vincis invincibilem, ligas omnipotentem* Serm. in Pf. 41. ideo Magdalena flere prohibetur, nè regressum in cœlum, & mulieres illæ Solymææ, nè progressum in opere redemptionis retardent; vidua verò Naimitica, nè omnes suscitare cogatur mortuos Dominus Vitæ.

S. 5.
Lacryma extinguit infernum.

Arbitrium penes vos sit Auditores, uter Doctorem plus in lacrymarum laudem contulerit Petrus Cellensis dicendo: *Lacryma aut facit aut invenit paradysum*, an S. Bernardinus Senensis Serm. 2. de pass. Dom. *Si anima unius damnati posset habere unam guttam lacrymarum, Deus illam salvaret*. infelix ille heluo Luc. 16. dum ab Abraham vel unam aquæ guttam petit, totum sibi extingvi infernum volebat. equidem si totum mare in infernum infucret, scintillam unicam non sopiret, quid ergo gutta faciet? imò ait Petrus Cellensis. lib. de pan. c. 15. non intellexit epulo aquam elementarem, sed poenitentiae guttulam salutare: *parum petiit sed non impetravit, quia non aquam elementarem poscebat, sed guttulam lacrymarum, cujus tanta est vis, ut etiam valeat Gehennam exstingvere*. putabam hoc licere soli Christi Sangvini, quomodo ergo & lacrymæ privilegium Conceditur: respondet dubio meo S. Augustinus Serm. 11. ad fratres in Cremona: *lacryma est passionis Christi vicaria*. adeo sanctificavit Christus

lacrymam, ut constituerit sanguinis sui vicariam. potest vicarius per gratiam, quod principalis ejus per auctoritatem debitam.

§. 6.
Lacryma
pœnitent-
iæ adim-
plet passi-
onem Chri-
sti; ideo a-
qua cum
sanguine
profluxit
Latere.

Scandalizaret me illa Pauli sententia Coloss. 1. v. 24. *adimpleo ea quæ desunt passionum Christi*, nisi lumen ex dicta Augustini accepissem sententia adimplet ea Paulus quæ desunt; quid ergo deest passioni Christi? nunquid *copiosa est redemptio*? excessus est in omni genere infinitus? ad infinitum autem sicut nulla proportio est finiti, sic nec complementum passionis Christi potest esse mortificatio Pauli. at qui est, qui Doctorem istum gentium in ipsa universitate cœli tertii promotum arguat erroris? qui arcana verba audivit, arcana etiam locutus est, ideo adimplere se ait quæ desunt, quia sine cooperatione nostra, sine dolore & pœnitentia nostra non est efficax in nobis sanguis Christi. peccavit Petrus, peccavit Judas, pro utroque passus est Christus, sed quia Petrus lacrymas, dedit & *sternit amarè*, Judas lacrymas non dedit, idcirco non fuit Christi sanguis efficax in Juda, sicut in Petro. lacryma tua o peccator facit tibi passionem Christi esse efficacem.

Matth. 26.
v. 75.

Pulcrum mysterium, quodd ex latere Christi exierit sanguis & aqua juxta oculati testis assertionem Joann. 19. v. 34. *exiit sanguis & aqua*, quasi sanguis Christi nolit esse sine aqua, sitque certissimum signum in illis completæ & efficaciter applicatæ passionis Dominicæ, si conjungatur aqua cum sanguine. prius sanguis, postea aqua, prius Christi passio, postea nostra compassio, & syncerus de peccatis dolor. qui pro Christo dare non potest sanguinem, fundat aquam & hanc illi commisceat, ipse Christus sanguinem non dedit sine aqua, pulcrum iterum mysterium! si quæram ex

Magno Cypriano qualis illa aqua sit, respondebit lacrymarum: *in oblatione pro redemptione mundi & latere Christi exiit sanguis & aqua, hoc est, sanguis & aqua lacrymarum*. lacrymas pœnitentium & dolentium in thesaurum cordis sui abscondit Christus, easque commixtas sanguini suo Patri obtulit, & ut vicariæ passionis forent, impetravit, exauditus est pro sua reverentia, & tunc exauditus, quando preces obtulit cum lacrymis. Certè quodd aquam illam ex latere profluam lacrymarum aquam vocare potuerit Cyprianus gratiosum fundamentum in Ps. 55. invenio, ubi sic propheta: *posuisti lacrymas meas in conspectu tuo*. alii vertunt: *in thesauris tuis*. Hebræus: *in utero tuo*. ubi thesaurus ibi cor, ubi cor, ibi oculi. lacrymas pœnitentis Davidis in utero, in pectore suo Christus posuit, easque cum sanguine obtulit, oblaturus & nostras. o lacrymas pretiosas!

Hæc ipsissima causa est, cur Spiritus Sanctus dicatur pro nobis postulare *gemitibus inenarrabilibus*, non quod ipse gemat, sed gemere nos faciat, ut pretium addat lacrymis. Dixit author ingeniosus tres Sponsas habere Spiritum Sanctum, prima est Virgo Virginum. Secunda, aqua baptismalis quæ nos Virgines facit. tertia, aqua lacrymarum, & hæc videtur Sponso quoque gratissima. *congregationes aquarum vocavit MARIA* Gen. 1. v. 10. *nomen Virginis MARIA* Luc. 1. v. ut videas, quomodo Spiritus Sanctus non contentus possidere *MARIAM* in Sponsam & viventium omnium matrem, aliam sibi insuper nascituris prolibus Sponsam addiderit. Aquam baptismalem, de qua Veritas Joann. 3. v. 5. *nisi quis renatus fuerit ex aqua & Spiritu Sancto, non introibit in regnum DEI*. Desponsavit se *MARIÆ* ut in ejus visceribus efformar-

§. 7.
Lacryma
est Sponsa
Spiritus
Sancti.

formaret humanitatem Verbo. Desponsavit se Aquæ baptismatis, ut reformaret humanitatem nostram & regeneraret adoptivos DEI filios. *nisi quis renatus fuerit.* quisquis à baptismo in mortale peccatum cadit, vitam gratiæ amittit, quam per baptismum recipere non potest, quid ergo faciet? ad Aquas lacrymarum deferendus & immergendus est, inde renascetur in spem filiorum, adeoque & tertiam hanc suam fecundus salutis nostræ genitor, Sanctus Spiritus voluit habere Sponsam, aquam scilicet lacrymarum, quæ vicem obeunt baptismatis juxta id S. Chrysostomi: *Anima lacrymis baptizatur;*

Quin majorem nonnunquam conferunt gratiam, quam baptismus ipsum juxta id S. Bernardini Serm. I. in Octav. Paschæ. *puriores aliquando exeunt mentes ab aqua lacrymarum, quam aqua baptismali,* nam hæc primam gratiam communicat, illa autem & primam restituit, & novam insuper infundit, eoque largiorem quò ardentior fuerit cordis affectus. Largitas verò illa in eo consistit, quòd peccatori insuper palmam martyrii conferat, & ad altiore dignitatis gradum evehat, primum asseruit Chrysostomus, secundum in lacrymante Petro demonstravit Ambrosius. ille verbis sequentibus: *si grandis est gloria Martyrum, cum bipro Christo sanguinem fundunt, non est minor gloria peccatorum, cum bipro Domino lacrymas spargunt.* quid clarius? iste verò lib. de poenit. Petri: *Vide quantum stetit profuit Petro: antequam steteret, lapsus est, postquam stetit, ereptus* (firmatus, & confirmandis fratribus Luc. 22. v. 32. destinatus) *est. ante lacrymas prævaricator exiit, qui post lacrymas est pastor assumptus: Et alios regendos accepit, qui antea seipsum non rexit.* imò & Co-

rollam Virginitatis in lacrymis probat iterum Chrysostomus, & Magdalenam statuit in exemplum.

Non satis est Magdalenam fuisse baptizari in lacrymis. quid? interpellas, baptizari? ita omninò reponit S. Laurentius Novariensis: *fontem traxit baptismatis de pedibus Salvatoris.* patrinus fuit Christus, qui eam de Sacro fonte levavit: *Vade in pace:* non defuit fax, quam Amor prætulit: *dilexit multum;* adfuit & unctio, quia *attulit alabastrum unguenti.* & quia adulta fuit fidem actualem elicit: *fides tua te salvam fecit.* accepit nummum gratiarum, indulgentiam plenariam: *remittuntur ei peccata multa,* non satis, inquam, fuit Magdalenam baptizari in lacrymis, nisi & perditam Virginitatis aureolam reciperet in his aquis. loquatur os aureum: *accessit meretrix Et facta est virgo; accessit lugens Et facta est prima Virgo,* ideo in Litaniis omnibus Virginibus præponitur.

Satis jam de liquidis lacrymis, sed quid dicemus de siccis? sunt multæ animæ steriles, ad lacrymandum omninò ineptæ; vellent flere, non possunt. ex pumice aquam citiùs elicies, fontem aquarum ex silice Moyse priùs educet, quàm ut lacrymulæ guttulam suis ex oculis lucentur. num tales infelices? imò verò terque quaterque felices, quia majus habent meritum, eò quòd careant solatio & fructu lacrymarum, quæ est voluptas quædam: *est quædam flere voluptas: lacrymæ meæ Solatia mea: his pascor, his recreor,* ait Symmachus lib. 9. Ep. 79. Deinde diutius servatur, quem alioquin lacrymæ exhauriunt: nam: *egeritur lacrymis digeriturque dolor.* Indicium præterea est intensissimi & virilis doloris, unde de Deipara, cuius contritio instat maris, ait Gregorius: *stantem lego, stentem non invenio.*

H 3

venio.

Chrysost.
homil. 6.
de poenit.

§. 8.
Lacryma
baptismo
efficacior.

S. Chry.
sost. in
Ep. 50.

§. 9.
Resolutus
primaria
questio.

Homil. 47.
in Matth.
Basil. ho-
mil. de
grat. aq.

venio. Cœlum quamdiu atra sub nube prægnantem servat tempestatem, omnibus horrore est, posteaquam verò flere, pluerè inquam, cœpit, bonam secuturæ serenitatis spem facit. Similiter post lacrymarum pluvias, ut habet S. Chrysostomus, *serenitas mentis atque tranquillitas.* Magni Basilii maximum est effatum; *non vimus non paucos, vix ne distillarent lacrymas sibi temperasse, hi quidem in varios & immedicabiles affectus inciderunt, ceu sunt apoplexia & paralyssis.* nimirum ut eleganter frater Basilii Gregorius Nyssenus: *vulnerum animæ tanquam sanguinis lacrymæ sunt;* non illi soli Martyres, qui fuderunt sanguinem, sed magis Martyres, qui suo suffocati in sanguine. Martyrium animæ est dolor siccus. dolet enim ob rem charam, & dolet se non dolere magis. Sicco pede transire mare miraculum est, ausim dicere miraculum doloris est dolor siccus.

§. IO.
Lacrima
sicca superat
liqui-
dam.


Quare nemo desperet, nemo mereat, quòd flere non possit. Perfecta contritio sine lacrymis est, non requiritur ad perfectam poenitentiam dolor sensibilis, sufficit voluntas averfa à peccato & detestans illud. Latro in cruce non flevit & citius quàm Magdalena obtinuit remissionem, publicanus non flevit & plusquam plorans Petrus à Christo laudatus est. Christus non nisi ter flevisse legitur, intensissimè tamen nunquam non doluit nostris de peccatis. DEus ipse defacto detestatur omnia peccata, & Sancti omnes cum illo peccata sua & aliorum, (quæ detestatio si in nobis foret, sufficeret ad nos sanctificandos,) & tamen non sient neque flere possunt, quia DEus absterfit omnem lacrymam ab oculis eorum. Flevit Esau & gratiam non invenit, prout de eo Apostolus Hebr. c. 12.

v. 17. *non invenit poenitentiae locum, quanquam cum lacrymis inquisisset eam.* Similiter sient multi crocodili lacrymas. lacryma terræ admixta fit lutum. Sordidantur lacrymæ, quæ vel ex futile causa funduntur, vel postquam fusæ sunt, seriam poenitudinem & morum emendationem non inferunt. *qui admissum plangit, nec tamen deserit, ante DEi oculos sordidas ipsas etiam lacrymas facit.* S. Gregorius, pastoral. adm. 31. de quibus Petrus Blesensis & Guil. Pepinus illud accipiunt Ps. 31. v. 6. *in diluvio aquarum multarum ad eum non approxinabunt.*

Non fidamus proinde lacrymis, sed dolori serio affvescamus & sæpè repetamus: Doleo Domine quòd toties impudenter peccando causa fuerim dolorum tuorum, & magis doleo, quòd non satis doleam, non satis amem, quem tamen totis viribus mare desidero, & ecce conor! suppleant dolores tui defectum meum, & accipe odium illud tuum loco illius, quod non habeo, sicut deberem ac vellem. Peccavi! amplius dicere volo, sed non valeo: miserere! ah amplius lava! & miserere.

Pro emblematio fingamus scrinolum regium gemmulis foris exornatum, intus verò unionibus & altissimi pretii clenodii refertum cum lemmate: *quæque latent, meliora putantur.* vel apud Chymicorum foculos profluentem aut evaporantem liquorem & spiritum perpendamus cum epigraphe: *quod manet, hoc melius.* Meliores lacrymæ sunt quæ latent in cordis penetralibus quàm quæ patent in genis; efficaciores lacrymæ sunt quæ ad focum Amoris servantur in evaporatorio pectoris, quàm quæ per oculos destillant ac evaporant.

§. II.
Emblema.



PROBLEMA XII.

Quis Situs Orantis optimus?

DOMINICA X. POST PENTECOSTEN.

Duo homines ascenderunt in templum, ut orarent.

Luc. 18, v. 10.

S. 1.
Diversitas
hodierno-
rum Ora-
torum.



Odierni duo Oratores quamvis in situ orandi similes sibi fuisse videantur, eò quòd de utroque dicatur, stantem orasse: *Phariseus stans hæc apud se orabat v. 11. & publicanus à longè stans v. 13.* nihilominus diversissima fuit utriusque compositio; Phariseus enim cer vice erecta & oculis apertis, publicanus dejecta & oculis humo affixis, ille manibus vel in altum iactatis, vel lateri suppositis, iste decussatis aut tundendo pectori cum impetu admotis, ille prope aram, iste proximus portæ consistebat, ideòque diversum omnino in orando gestum situmque observabant. Quo ex spectaculo problema mihi suboritur: quis in orando situs sit convenientissimus, sedentis an stantis? ambulantis, an flectentis, humine jacentis? nullius situm reprehendam, sed in cuiusvis laudem intendam, dummodo ab attentis intelligar.

S. 2.
Sedendo
orari pos-
se probant
exempla
sanctorum.

Quòd sedendo orari possit, probat exemplum Davidis, approbat situs Christi orationem Dominicam in Monte præorantis: *sic ergo vos orabit: Pater noster Matth.*

6. v. 9. comprobatur totius ecclesiæ tolerata consuetudo, quæ & Pontifices ad aram, & Monachi Canonicique in Choro Davidicos Psalmos sedendo decantant. Davidem sedisse cum satis prolixam ad DEUM funderet orationem ex illis liquet Scripturæ verbis 2. Reg. 7. v. 48. *sedit coram Domino & dixit.* Quin & Rex Ninivitarum poenitens alio situ usus non est, teste Jonâ c. 3. v. 6. *sedit in cinere.* Job. acceptissimas DEO preces obtulit non flectens, non jacentis, sed sedens in sterquilinio Job. 2. v. 8. Dilecta quoque Sponsa subumbra illius quem desideraverat, non flexit, non jacuit, sed sedit, Cant. 2. v. 3. quin & dilectus ipse discipulos suos orare docens & orationem Dominicam præorans sedendo id fecit in monte. ait enim Evangelista Matth. 5. v. 1. *Videns autem JESUS turbas, ascendit in montem, & cum sedisset, accesserunt ad eum discipuli ejus, & aperiens os suum docebat eos.* inter præcipua verò doctrinæ continuâ serie traditæ capita fuit: *Sic ergo vos orabit: Pater noster qui es in cælis* Ibid. c. 6. v. 9. quin & ultimam orationem, quam in cœnaculo ad Patrem habuit, & Joannes toto cap. 17. fideliter signa-

signavit, non flectens aut stans, sed sedens habuit, nec corpus à fede, sed oculos solum in cælum dicitur levâsse: *hec locutus est JESUS & sublevatis oculis in cælum dixit: Pater venit hora.* Verùm perfectissimum hunc orandi modum non esse indeliquet, quòd nec subditi coram Rege (nisi grandes Hispaniæ, aut pares Franciæ sint) nec mendicabula coram Mecenate (nisi pedibus destituantur) stipem rogare soleant sedendo. Nemo Sinarum Regem, nisi de genu audet alloqui, nemo ad Imperatoris audiendam, nisi facta ter prius profundâ genuflexione admittitur, & DEum pejoris Conditionis esse putabimus? ut coram eo sedere & preces offerre non licitum modò sed perfectissimum putemus? sederit David, sed prolixitas orationis & corporis debilitas eum excusavit; sederit Sardanapalus, sed consuetudo gentium hoc illi indulsit, servabat enim illud Pythagoræ: *adoraturus sede.* sederit Job, invaletudo flectere non permisit; sederit Sponsa, langvor amoris id effecit; sederit Christus, sed docens in templo; sederit in monte & coenaculo, sed circumstantiæ loci & temporis aliud non permiserunt; at verò Christianos vegetos & robustos, adde & peccatorum gravissimorum sibi conscios in templo coram exposito Venerabili sedere & oscitando preces offerre, prorsus intolerabile est. Viginti quatuor seniores Apoc. 4. visâ Majestate Agni surgunt de throno, coronas capitibus demunt, prociidunt, adorant, & tu juvencule, tu Vermicule, debebam dicere, tu haud morate trunce sedebis, & tempore tremendi Sacrificii sedebis? sedere in cælo voluit Lucifer & cecidit; & tu post tremendum Luciferi casum adhuc sedere præsumes? Authorem habeo, qui docet non tene-

ri illum ad Missæ Sacrificium Dominicis festisque diebus audiendum, qui eidem aliter interesse non potest, quàm sedendo.

Non est ergò perfectissimus orantis modus sessio. fortè statio erit? *Stationes* enim Romæ dicuntur loca Sacra, ad quæ Christiani orationis gratiâ convenientes jam inde à primis Christianismi temporibus ingenti Spiritualium gratiarum ex Ecclesiæ gazophylacio donantur copiâ; & hic non flectitur sed stat, unde & *stationis* nomen desumptum est. Stat hodiernus cum Phariseo publicanus, stat non flectit ad aram Sacerdos, & pro circumstantibus, non circumflectentibus deprecatur, nullibi enim in sacro missæ Canone invenies flectentes, sed circumstantes DEO commendari. Stantem orâsse Christum, cum solenne illud *Confiteor* protulit Matth. 11. v. 25. *Confiteor tibi Pater Domine cæli & terre,* & cum Lazarum resuscitaturus infremuit Joann. 11. & sæpius aliàs sufficienter ex Evangelicis colligitur oraculis. Stare jubentur Christiani ad Evangelium in Sacrificio, ad *Benedictus* in laudibus, ad *Magnificat* in vespers, *Nunc Dimittis* in Completorio; stantes orare paschali tempore jubentur in Nicaeno 1. Num. 20. ob resurrectionis divinæ memoriam, & nostræ quam speramus resurrectionis expectationem. Stando oravit Judith ad lectum Holofernis *velut fiduciam habens in DEO* c. 13. Stantes Deo assistere ministrare & orare Angelos ex Apoc. 7. Daniel. 7. accepimus. Erit proinde optimus orandi situs statio. Verùm neque hunc hominibus peccatoribus in lacrymarum valle degentibus convenientissimum esse situm vilissima nostra conditio & status præsentis ratio convincit. Stant Angeli, at nunquid tu par Angelis es? stetit per occasionem Christus,

minic. 9.
post Pent.
q. 2.

§. 3.
Orare
stando melius est,
non tamen optimum.

Bautius
pag. 98. a.
pud Henr.
Engel-
grav. p. 2.
lucis F.
vang. Do-

stus, ut hunc orandi situm approbaret, non verò perfectissimum esse pronuntiaret, aliter enim eundem orasse videmus, cum in horto Olivarum misericordiam paternam exorare fategit. Stat ad aram Sacerdos, at nunquid semper stat? quoties eum genua profundissime flectere rubricæ admonent! quoties sacratoribus temporibus monentem audimus: *Oremus, flectamus genua!* jubetur fateor nonnunquam stare populus, qui flexis genibus preces fundere, & divinis supponitur interesse, tum ob varietatis quæ gratissima est, delectationem tum ob singularis significationem mysterii, unde tamen nequaquam inferre licet, semper aut potissimo tempore standum. sed neque *Stationum* tituli antiquæ pietati quidquam præjudicant, ex quibus perseverantiam potius in oratione, & mentis ad DEUM erectionem illâ phrasi significamus, quàm situm decentissimum adstruimus. stare enim & de genibus dicimur, stare tanquam servi ad perficiendam Dei voluntatem accincti, ad perferendam pro Deo omnem calamitatem parati jubemur.

Audire hic mihi aliquem videor, qui ex meis memet verbis arguat & convincat: si optimus orandi situs est, qui conditioni nostræ convenientissimus, ergò ambulando in hac vita perfectissime orabitur, quamdiu enim vivimus, viatores sumus. ambulando Abraham Sanctissimam Trinitatem in trium Angelorum persona adoravit, seque pulverem professus est, etsi nec genu flecteret, nec prono corpore pulverem terræ lamberet; ambulando concepit David Psalmos illos, quorum titulus extat: *cum su-geret à facie Absalon.* nec dubitandum de humillima Domini Ancilla ambulando per montana, magni-

ficum illud canticum concinnasse: *Magnificat anima mea Dominum.* At transeat ferventius quandoque ambulando quàm jacendo orari posse, certissimâ tamen constat experientiâ oratione quæ ambulando fit, plerumque fieri per transfennam.

Perfectior orandi situs est genuflexio, quàm suo à nobis jure Deus exigit. *Jl. 45. mihi curvabitur omne genu,* eaque lege post Filii Dei incarnationem ac mortem magis nos adstringi Paulus declarat: *in nomine JESU omne genu flectatur* Philip. 2. v. 10. non speret se exaudiendum à Patre, qui non orat in nomine Filii, nec nomen Filii sufficienti cum reverentia pronuntiat, qui genua non incurvat; clamat, ad nos Pater, ut in nomine Filii genua flectamus, quem si nos clamorem non exaudimus, non obedimus, non flectimus, frustra exaudiendos nos à Patre, eumque nostris flectendum precibus speramus. Utrumque genu flexit Salomon 3. Reg. 8. *utrumque enim genu in terram fixerat,* utrumque genu Daniel. c. 6. flexisse legitur, utrumque Stephanus ut observat Sanctus Augustinus Serm. 237. de temp. *positis genibus orabat,* utrumque Petrus Tabitam resuscitans Act. 9. *utrumque Paulus Milesiis valedicens Act. 21. & Eph. 3. flecto genua mea ad Deum Patrem Domini nostri JESU Christi.* flectit Camelus ut onera suscipiat, & homo non flectet, ut gratias æternas consequatur? Elephantos similes sunt, qui genua incurvare nesciunt, certè si humilitatis miculam, si fervoris scintillulam, si agnitionis divinæ stillulam haberemus, non genua tantum, sed corpus totum submitteremus.

Corpore toto prostratus oravit frequenter David: *adhesit pavimento anima mea* Ps. 118, & exemplo Regis aula urbs, regio tota: *adhesit*

S. 5.
Flectendo
orare san-
ctum est.

S. 4.
Nec am-
bulando o-
rare decen-
tissimum
est.

S. 6.
Prono
corpore o-
rare perfe-
ctum est.

in terra venter noster Pl. 43. quin & exemplo Davidis poenitens Theodosius Imperator teste Baronio ante altare prostratus, lacrymis perfusus, singulis tantum non strangulatus veniam exoravit. Situs iste divinatorum est Oratorum, ut adeo neminem cum veteris, tum potissimum novi testamenti Sanctorum inveniam, de quo legere non sit, quod prono corpore adoraret. nimirum sciunt theodidacti DEUM non minus ad parcendum pronum, quam Leo sit, qui solet *parcere subjectis*. sciunt coelestes aquas decurrere in valles & loca depressa, ibidemque colligi. sciunt & catellos, si loco & hero suo carere nolint, humi se prosternere & vel ab invitis gratiam eblandiri, Praestantissimum orandi situm (quis neget?) exemplo suo Homo-DEUS docuit, cum in horto Olivarum Patrem adoravit, & quis ille orantis fuit habitus? *procidit in faciem suam super terram* Matt. 26. v. 39. qui sedet super Cherubim & ambulat super pennas ventorum, procidit super terram; qui coelum & terram creavit in principio, & tribus digitis appendit molem terrae, procidit super terram! sub quo curvantur qui portant orbem, & cui omne genu flectitur coelestium terrestrium & inferorum, procidit super terram! Observat hunc orationis situm Caesarius Arelatensis & exclamat: Orat Misericordia, & non orat miseria? prostratus in terra orat Medicus, & non inclinatur aegrotus? orat Innocentia & non orat nequitia? orat qui peccatum non fecit, & non se posternit multis peccatis obnoxius? orat Judex & desiderat parcere, & non orat reus ut indulgentiam mereatur accipere? orat Judicaturus, & orare dissimulat judicandus? ah quantum possumus reverentia modestiaque oremus, ne oratio fiat in pecca-

tum, ut hodierno facta est Phariseo, neve mereamur aliquando projici, non dico super terram, sed infra terram, ad imum centrum terrae, ubi jacent aeternumque jacebunt in suppliciis, qui supplices DEO preces offerre in tempore opportuno noluerunt. DOMINI est terra, in terram cadamus, tunc praesertim cum soli sumus, ut Paternis illius oculis placeamus, qui videt in abscondito. Misericordia Domini plena est terra, in terram cadamus si Misericordiam volumus invenire; terram amplectamur brachiis, basilemus labiis, si assequi cupimus regnum, non terrenum ut ille Junius Brutus de quo Livius l. 1. in fine, sed regnum coeleste, ad quod viam monstravit qui vestigia sua terrae impressit piissimus Servator, ut cognoscamus in terra viam ejus & sequamur vestigia ejus. Caesarium denuo perorantem audiamus: Vellem scire, qui nec genua flectunt, nec inclinare capita volunt, si aliquid sibi necessarium aut a judice, aut ab aliqua potenti persona expeterent, utrum stantes & recto capite, negligenter & tepide supplicarent? rem terrenam ab homine terreno quaerimus, & prope ad terram nos humiliter inclinamus; & a DEO remissionem peccatorum, & aeternam requiem inquirentes, nec capita inclinare, nec genua submittere dignamur. haecenus ille Homil. 30.

Verum neque hunc ego humi jacentis situm semper & ubivis adhibendum censeo, neque aspernor ceteros, sed doctrinae terminum in Spiritu Magistri & Patriarchae Ignatii inhaerens, illum unicuique situm convenientissimum esse pronuntio, qui felicius ad devotionem & finis intenti consecutionem conducit. Verba Sancti Doctoris sunt in aureo Exercitiorum libello Annotatione quartâ ad Exercitia melius agenda: *ipsam*

Caes. h. mil. 29.

S. 7.
Resolvitur
Problema.

ipsam aggrediar contemplationem nunc prostratus humi & pronus, aut supinus jacens, nunc sedens aut stans, & eo me componens modo quo sperem facilius id consequi quod opto. Ubi adverti hæc duo debent: primum, quod si flexis genibus vel in alio quovis situ, voti composiam, nil requiram ultra, secundum quod in puncto, in quo affectus fuero quesitam devotionem, conquirere debeo sine transgrediendi necessitate, donec mihi satisfecerō.

Perquam ingeniosè observavit Sylveira, nullam ab Evangelistis mentionem fieri adorationis alicujus, quam Centurio pro servulo suo apud Dominum deprecaturus exhibuisset, sicut Archisynagogi aliorumque p̄fessissimis verbis meminere, quod adoraverint & prociderint. Rationem dat, quia Centurio magnus erat in fide, teste Veritate: *non inveni tantam fidem in Israël, debilis Archisynagogus.* Fides magna interioribus charitatis, humilitatis, obedientiæ actibus contenta, de exterioribus adorationibus non multum curat neque agit. At ubi fides est valde tenuis ac remissa, hæc exteriora sibi quærit, ut illis interiorum defectum suppleat. Ita ille To. 3. l. 5. c. 11. q. 9. Num. 41.

Sit itaque fides magna, cui si experientia accedat majori te devotione affici cum sedens quam stans

vel ambulans precaris, sede cum Davide, sed coram Domino in cuius te oculis versari memineris; si deambulando orationem melius succedere animadvertis, ambula sed cum Emauntinis discipulis, ut JESUM merearis Socium, & ejus præsentia cor tuum inardescat in via; si stando placet orare, sta per me licet, sed tanquam reus coram Judice, discipulus coram Magistro, coram Patre filius, Angelus coram Domino. Si pronum humi litare preces Divinus s̄vadet Spiritus, humilia coram DEO, cum DEI Filio, animam tuam, memor illius in finem, quod in fine hodierni Evangelii Divina asseverat Veritas: *qui se humi prostratus humilia verit, exaltabitur.*

In Emblemate diversos orantium situs propono. Sit itaque inter lucidas nubes Thronus divinæ gloriæ Tetragrammate insignis, coram quo stant Angeli, jacent abjectis Coronis vicini quaterni Seniores; David prono corpore adorat, Salomon posito utroque genu orat, Ezechias in lectulo lectissimas fundit preces, Job in fimo, Latro in patibulo exorat, Publicanus stans gratiam impetrat; inferibamus uniuscujusque situs: *suus cuique pulcher.* ille situs cuique pulcherri-
mus, quem s̄vadet Amor, suggerit Fides, permittit neces-
sitas.

§. 8.
Emblema.





PROBLEMA XIII.

Cur JESUS iverit per medium
Decapoleos?

DOMINICA XI. POST PEN- TECOSTEN.

*Venit per Sidonem ad mare Galilææ inter
medios fines Decapoleos*

Marc. 7. v. 31.



IN quocunque situ viatorem DEUM hominem quæram, semper medium tenuisse invenio. si jacet, in medio duorum animalium Bethlehemi jacet; si sedet, in medio Doctorum Solymæ sedet; si stat, in medio discipulorum, imò in medio populi stat teste Joanne Præcurfore: *medius vestrum stetit*. si recumbit, medius inter Apostolos recumbit, ita enim ipse de se in cœna ultima affirmat: *Ego autem in medio vestrum sum*, si pendet, in medio pendet latronum; si ambulat inter medios fines ambulat, ut hodierno audivimus in Evangelio: *venit per Sidonem ad mare Galilææ inter medios fines Decapoleos*. atque ut ceteros Mediatoris nostri situs præteream, placet solius Evangelii hodierni inhærere sententiæ, & cur per medios fines Decapoleos JESUS iverit, paucis investigare. Vocari hæc poterit quæstio Aurea, quia de aurea age mediocritate.

meremihi liceat sensum, cur per medios fines Decapoleos Magister noster inceserit, ut auream in rebus omnibus nos doceret servare mediocritatem: sive enim per decapolim decadem divinorum præceptorum intelligamus, ut vult glossa interlinearis, sive cum Antonio Paduano decem illas Virtutes in Simone Sacerdote Magno Eccl. 50. à v. 1. enumeratas accipiamus; illud nobis semper est observandum, ut nec in observatione Decalogi, nec in exercitio cujusvis virtutis, medium, exemplo Mediatoris nostri, excedamus. Luc. 5. *concluserunt Apostoli piscium multitudinem copiosam, quam dum è longinquo spectat Sanctus Ambrosius in c. 5. Luc. exclamat: Sed mihi cumulus iste suspensus est, nè plenitudine sui navæ pœnè mergantur*. nimirum & spicæ nimix facilius decidunt, & rami nimii arborem frangunt, & vela nimia navem mergunt, & cibi nimii valetudinem lædunt, dicebat non nemo Athenæo autore, cum à lauto convivio surrexisset: si semper ita comedissem, modò non manducâsem. ipsa adeò Sanitas nimia periculosa est teste Hippocrate lib. 1.

probatur
similitudi-
nibus.

Joann. 1.
v. 26.

Luc. 22.
v. 27.

S. 1.
Nimieta-
tem offe-
re variis

Taceo ingeniosissima vario-
rum Authorum super hac quæstio-
ne responsa, meum duntaxat depro-

Apho.

Hipp. lib.
2. de rat.
victus.

Apho. 3. & rationem dat, quia si summum attingit non possunt corpora proficere in melius, reliquum est igitur, ut decendant in deterius. & alibi: plurimum atque repente evacuare, vel replere, vel calefacere, vel refrigerare, siue quovis alio modo corpus movere periculosum, omne enim nimium naturæ inimicum. Hispanus valetudine firmus, ut sanitatem auget, purgationem sumit, sed hac humores alterati morbum conciverunt, quem post dies paucos mors ipsa est secuta. moriturus itaque hoc sibi Epitaphium hispanicè incidi jussit: Bene habebam, sed dum melius habere volui, hic jaceo. & certè ex mente Hippocrat. lib. 2. Aph. 51. non pura, hoc est, infirma corpora quanto plus nutries, tanto magis lades. unde Euripides: morbos parit nimium, quod est mortalibus. Quid sanguine nobilior, utilior, charius, siue ut ait Petrus Blesensis Serm. 16. quid amabilius est humane naturæ quam sanguis? quid jucundius homini quam Virtus? virtus ergo quandoque minuenda est, sicut sanguis.

§. 2.
Divitem
Evangelicum
Copia
facit ino-
pem; &
primorum
concordiâ
Christia-
norum nu-
merus tur-
bat; & ni-
mia dulce-
do facit
dissipere
manna.

Ut cœlestis Magister nimietatem noxiam Discipulis diffunderet, hominem prædivitem Luc. 11. proposuit, de quo eleganter D. Basilus apud Jansenium in concord. Evang. c. 85. in 12. Luc. quis non misereatur hominis tanto per se obsessi implicatque ipsa agri felicitate infelicitis, presentibus bonis miseri, futuris miserioris. quid terra illi? segetes generat? non; sed gemitus, annonæ illi uberem mensem congregant? nequaquam, nam curas, dolores, miseria angustias coarctat, non paudet quod domi omnia repleantur, sed pungitur animo ex affluxu divitiarum. Primis Christianis erat cor unum, omnia omnibus communia, & tamen factum est murmur. cur? crescente numero. Act. 4. ut notavit Dionysius Carthusianus in c. 6. Act. quomodo in

tam sancto collegio inventa est dissensio? respondendum quod numero discipulorum crescente orta est murmuratio. nemo inter eos malus, boni omnes, sed multitudine crescente nimietas ipsa pervertere poterat, quod enim ex natura sua bonum est, ab excessiva multitudine bonitate exui potest: Fata secunda nimis fata secunda minus. Ingeris malorum initium est bonarum rerum copia inquit Philo lib. de Abr. hinc est cur Deus per Moysen Exod. 16. populo significaret, ut colligat unusquisque ex eo (magna videlicet) quantum sufficit. cur non amplius? an caritas erat? absit, sed scivit Moyses illud Phocyllidis: quod nimium est, miserum est. cavere voluit Moyses nauseam, quam tamen impedire non potuit, paulo post enim querulati sunt: nauseat anima nostra, vel ut legit Oleaster: anima nostra angustiis affecit se propter panem levissimum. Deum bonum! quæ causa murmuris? panis quod levior, hoc melior, cibus iste delicatissimus, stomacho congruentissimus, prorsus medicus, facilis insuper acquisitu, exiguo labore parabilis, cur movet stomachum? vultis causam? Salomon insinuat: panem de cælo præstitisti eis omnem dulcedinem & omne delectamentum in se habentem. quia omne excogitabile delectamentum habuit, nauseam ingessit, & quia omnis saporis svavitatem habuit, idcirco dissipuit, allegat hanc causam Apollinaris Scriptor antiquus apud Franc Zesirum in cat. unum denique multiplex erat, neque dissimilis cibus ei, quo noster animus pascitur, qui cum unus sit, multis viribus præstat.

Numer.
21. v. 5.

5ap. 16.
v. 20.

Esther Assueri cor & oculos forma ceperat aded, ut Rex diceret, si dimidiam partem regni petieris, dabitur tibi. at illa hoc solum postulavit, ut Rex veniat ad convivium,

§. 3.
Nimius fa-
vor exiti-
us Ama-
ni.

& assumat secum Aman. quid plebejus Aman, inimicus Aman? hancine illa gratiam medietati regni præponit? DEUS tibi faveat Aman. gratia quia nimia est, suspecta est: honor iste quia excedit rationem statûs tui. vercor, nè te elevet supra statum & staturam. *favorille*, inquit S. Ambrosius *suspectus est*, & ecce finem: *hostis & inimicus noster pessimus iste est Aman* Eth. 7. vix tam citò Crux te, ô Aman extulisset, nisi ad convivium pedem intulisses.

S. 5.
Petrus reprehenditur, scribitur, verò à Christo amandatur, quia plus nimio iussi volebant esse.

Joann. 13. cœpit Iesus lavare pedes discipulorum. stupet inauditum exemplum Petrus & renuit, sed cùm seyerum audiret verbum, nè ad si opulum suam allideret naviculam, & æternæ naufragium faceret filuris, non tantum pedes præbet, sed *manus & caput*. Subintrat hic Rupertus Abbas, & quærit, num hæc Petri actio laudabilis? & resolvit: *erravit Petrus*. at ego errorem non adverteo. quòd enim ante non admiserit, comitatis fuit officium: quòd manus & caput offerat, charitatis est exemplum. Contentare vult Magistrum, assecurare salutis negotium, & habere magnam partem cum Christo. Ambrosius sanè lib. 3. de Sacram. c. 1. laudat utramque actionem: *vide fidem. quòd ante excusavit, humilitatis fuit, quòd postea se obtulit, devotionis fidei*. Albertus Patavinus Serm. 5. in fer. 5. Maj. hebdom. nodum solvit: *pedes suffecisset porrigere, sed ad extrema declinat, unde & excessum Petri Christus temperat*, & sùaviter reprehendit, sùaviter inquam, quia severius & gravius à se amandat illum, qui Matth. 8. omnia sua obsequia Christo promittit, ad omnia quantumvis ardua promissimum se offert, famulatum Christi, & ad missionem in discipulorum numerum ardentissimè expetit: *accedens unus scriba ait illi: Magister, sequar*

te quocunque ieris. sed Christus, non modò non acceptat obsequia, sed ut vulpem malitiosam tractat: *vulpes forvaeas habent*. Domine si jubes omnes venire ad te, si deliciae tuæ sunt esse cum filiis hominum, si tanto labore quæris ovem quæ perierat, cur hunc qui se ultro offert, quique nec extraordinariâ & crebrius repetitâ vocatione uti Petrus & Andreas, sed ultro currit ad te, non admittis? non laudas? non amplecteris? sed insuper tam severè accipis? augetur insuper difficultas, quòd immediatè antè discipulorum alius ad Apostolicum munus & sequelam Christi vocatus, cùm veniam ad exercendum misericordiae, & pietatis opus, videlicet ad parentandum patri demortuo rogasset, minimè obtinuerit, sed veritus potius sit à Christo recedere. quænam igitur hæc partialitas est Salvatoris nostri? iste abire vult, nec permittitur, iste sequi vult, nec admittitur? Paschasius Ratbertus Abbas lib. 5. in Evang. utramque difficultatem solvit: quòd ire non permittat ad parentandum, causa est, quia dixerat juvenis: *permittè primum*, hoc enim ei non primum esse debuerat sed secundum, quia prius est in prima legis tabula DEum diligere, in secunda verò patrem honorare. quòd autem Scribam repellat, tres causas assignat: *accessit non fide sed tantum labiis dicen. lo: Magister sequar te*. Secundò, *vult sequi, non ut imitetur, sed ut de miraculis & virtutibus lucrum aut vanam querat gloriam*. deinde quia excessit in promissis: *sequar te quocunque ieris*, si ad pœnas, in medios ignes & rotas iveris, & ego. si sanguinem spargas, corpus feris, aut feritate omni ferocioribus Judæis laniandum obicias, & ego. si per centum traharis tribunalia, si mille cruces conscendas, & ego. æqualis

lis tibi ero, & nec unguem latum discedam à vestigiis. hoc profectò fuit nimium, terminos transilis, mediocritatem excedis, alium tibi proinde quære Magistrum, ego te nolo discipulum, quia discipulus meus non est supra Magistrum: iste nec suam perpendit mensuram nec Christi considerat celsitudinem, ignorans quid vel quantum inter se & illum esset. promittit quod nemo mortaliū in hac vita potest. Confirmat hunc discursum Petrus Chrysologus Serm. 19. *Decipit non accedit, qui promittit Dominum incautè sequi, sed ad omnia, dixisset cautius: sequar te. quocunque ieris sic dicit, qui inter se & Dominum, quid intersit, ignorat.*

Nimirum bene Sapiens Eccle. 7. v. 17. *noli esse justus multum, neque plus sapias, quàm necesse est.* in quæ verba Divus Gregorius Nazianzenus: *nè magnoperè justus sis, nè supra modum sapias. nemo igitur sapientior sit, quàm convenit, nec lege exactior, ne luce splendidior, nec præcepto divino sublimior.* Legistarum Scitum est: *melius est pauca cautè agere, quàm multis interesse periculose, & proverbium commune: Summum jus, summa injuria, summa malitia. non plus sapere quàm oportet, monet Sanctus Paulus Rom. 12. bene Martialis:*

Quisquis plus nimio non sapit, ille sapit.

Secundo Reg. 4. v. 5. *depingitur mors adolescentis regii Isboseth, cum meridiaretur securus, & ostiaria purgans, triticum pariter obdormiisset. tunc enim verò datà portà ruunt sicarii, & innocenti sanguine se contaminant. vigilasset ostiaria, nihil sinistrum dormienti Regi accidisset, ab utroque dormiente periculum commune oritur & exitium. Quid ostiaria illa designet, observavit ex magno Gregorio Di-*

vus Bonaventura apud Sylveiram Tom. 4. lib. 6. c. 23. Num. 126. *Ostiaria dormiente, Isboseth interficitur, quia dum discretionis sollicitudo cessaverit ad interficiendum animam malignis Spiritibus iter panditur.* Ostiaria ergo discretio est, cujus officium purgare triticum, & dimensurare. hac verò oscitante & dormiente direptionis & internecionis periculo anima exponitur.

Quare ut inoffenso pede semitam salutis teramus, inter medios fines decapoleos incedendum nobis meminerimus. Deficiunt ad sinistrum contra præceptum primum, qui neminem Sanctorum honorare & invocare volunt, nisi solum DEUM, excedunt ad dextram, qui latriæ cultu adorare Deiparam, aut Sanctorum aliquem plusquam Dulciæ cultu honorare præsumunt; deficiunt contra præceptum secundum ad sinistram, qui nunquam actionibus suis nomen divinum interponere, neque in locis inhonoris precatiunculam ad DEUM fundere solent; excedunt ad dextram, qui ad tertium quodque verbum JESU & MARIE nomina exclamant, & sic de præceptis ceteris discurremus, quorum fines transgredi nefas, per medios autem transire fines sacrosanctum est. in medio enim virtus, medium tenere beati; mediocritas non tantum aurea est, sed omni pretiosior auro.

Pro Emblemate Icarum in aere volentem, Herculem in trivio stantem, Navim Scyllam inter & Charybdin properantem fingo & inscribo: *Medio tutissimus ibis.* Vel Oenopolam ponamus qui vinum in medio vasis contentum, tanquam optimum indigitat: *in medio virtus.* Vel Sagittam in scopi medio, siue centro spectemus & acclamemus: *medium tenere beati.*

PRO-

In authent.
de tabell.
Circa me-
dium c. 4.

§. 6.
Nisi Dis-
cretio Vir-
tutes cu-
stodiat, fa-
cile inter-
eunt.

§. 7.
Emblema



PROBLEMA XIV.

Quis uniuscujusque Proximus?

DOMINICA XII. POST PENTECOSTEN.

Et quis est meus proximus? Luc.

IO. V. 29.

S. 1.
Mereatur
ne Legis-
peritus
Ludem ob
hanc Chri-
sto propo-
sitam quæ-
stionem.

Laudem, an vituperi-
um, præmiū an sup-
plicium, amorem an
odium Legisdoctor
ob hanc Magistro cœ-
lesti propositam quæ-

stionem: *quis est meus proximus?* meruerit, controversunt Doctores. Vituperio dignum pronuntiant Titus Bostrensis, Isidorus Pelusiota, Euthymius, Theophylactus & alii, eò quòd volens iustificare seipsum philantiae studio insolenter quæsierit: *Quis est meus proximus?* quasi diceret, ut habet Isidorus: ostende mihi aliquem, qui tam magnus sit, ut possit mecum comparari; laudatus enim à Christo quòd rectè respondisset, inolescere mox cœpit, & sua inflari à scientia, neminemque sibi in virtute ac scientia parem existimare. usque ad eò arduum est laudes proprias modeste ferre, atque ob auditas laudes vituperium non mereri. Benignius tamen de Legisperito hodierno sentiunt eminentissimi Cardinales Cajetanus & Toletus cum Barradio & Luca Burgensi, ajuntque Legistam hunc audito Domini responso totà mente mutatum, & amore ac reverentià Christi incensum, simplici

synceròque affectu ex eodem sci-
scitatum fuisse, quis esset dicendus
proximus, utrum videlicet Judæus
Judæo, & non Samaritano, non E-
thnico dicendus esset amicus, & vi-
legis illius Levit. 19. v. 18. *diliges ami-
cum tuum*, Israelita solum tanquam
veri Dei cultor amore & beneficiis
prosequendus, exclusis omnibus
exteris & in hostium numero com-
putatis, qui à veri DEI cultu essent
alieni. Quam inter Legistas illius
temporis controversam quæstio-
nem cum jurisperitus hodiernus ab
Incarnata Sapiencia resolvi petierit,
præconio & præmio dignus vide-
tur, ità illi. Verum cum ipsemet
Salvator noster ob hanc propo-
sitam quæstionem nec laudaret nec
vituperaret Legisdoctorem, laudi-
bus quoque & vituperiis ejusdem
superfedeo, & laudabilius quid ad
æterni laudem Numinis gesturum
me existimo, si piissimam hanc eluci-
daverò quæstionem, quis unicui-
que mortali sit propinquissimus,
quis propriè *proximus* censendus.

Non tam facilis hæc est quæ-
stio à Legisperito proposita Magi-
stro omnis scientiæ Christo, quam
esse videatur. *Quis est meus pro-
ximus?* si Adamum in paradiso in-
ter-

S. 2.
Uxor non
est proxi-
ma marito.

terrorem, quis sit illius proximus, respondebit Evam esse, costam scilicet suam, adeoque conjugati singuli dicent consortem thalami titulo & jure *proximi* gaudere. at si ex viro simplici & recto sensum exquiram, quem pro proximo habeat, utrum uxorem suam? negabit hanc sibi esse proximam, quia delicata mulier ad fimetum non accessit, ulcera non tetigit, saniem non rasisit, sed eminus stans dolorem dolori addidit, & tanquam una de stultis mulieribus locuta est. proximos suos vocat patientissimus Rex vermes ex ulceribus enatos, quos matris & sororis nomine compellat: *putredini dixi: pater meus es, mater mea & soror mea, vermibus.* licet hi mordeant, non tamen tam acerbè, sicut unica uxor mordet, quam ablatis liberis dæmon non sustulit, quia pejus ad torquendum me non habuit instrumentum. ò quot eandem cum Jobo cantilenam hodiè que habent repetere, quia damno suo coguntur experiri, nullum minus titulum proximi, quam uxores promereri. non sunt proximi, qui tecto & lecto, sed qui affectu sibi intimè appropinquant, proximum locus non facit & sensus, sed animus & consensus. proximus altari Pharisæus stare videbatur, & tamen quàm longissimè DEO iudice ab altari distabat, vicinior illo fuit ad thronum gratiæ, qui eminè ad ostium consistebat publicanus.

Luc. 8. à v. 42. Marci 5. à v. 30. Matth. 9. à v. 20. dum piissimus Iesus ad instantiam Archisynagogi Jairi ad excitandam ejusdem filiam pergeret, mulier quædam fluxum sanguinis duodecim annis passa, quam S. Ambrosius putat fuisse Martham, alii Veronicam, alii Photinam, accessit ad vestimenti fimbriam, (quæ erat ex hyacinthino colore, mandaverat enim DEUS

Num. 25. v. 38. in angulis vestimentorum, similes apponi fimbrias, tanquam insignia sua, cujus præcepti sint dubio observantissimus fuerit DEI Filius) accessit, inquam, ad fimbriam, quia ut ait Chrysologus: *in Christo nihil postremum credidit, & furto fidei summam rapuit de fimbriæ summitate Virtutem, felix fraus!* advertit hanc piam & laudabilem fraudem Iesus, & respiciens interrogat: *quis est qui me tetigit?* negant singuli, negant omnes, negantibus autem omnibus dixit Petrus, & qui cum illo erant: *Præceptor turbe te comprimunt & affigunt, & dicis: quis me tetigit?* Luc. 8. v. 45. non acquievit Salvator, sed instructionis nostræ gratiâ asseruit: *tetigit me aliquis, nam ego novi Virtutem de me exisse.* optime novit Christus, à qua fuisset contactus, erat enim totus oculus, ut rursùm habet serm. 33. Ravennas Præsul, qui post se supplicem sic videbat, sed quærit tamen à quo tactus sit: cur hoc quærat, non quæro, illud potius scire cupio, quis in hoc passu fuerit Christo proximus, an turba comprimens, an mulier tangens, an Discipuli ad latus hærentes? à turba se negat Christus esse contactum, etsi Petrus dicat: *turba comprimunt te.* Vix dubium esse potest Hæmorrhoißam fuisse proximam, quam ipse denique vocat Filiam: *Confide filia, fides tua te salvam fecit.* Matth. 9. v. 22. ita multi Crucifixum tangunt ore, manibus, corpore toto, tangunt totum corpus Christi in Sacra Synaxi, & tamen non sunt proximi, imò si Augustino credimus, non tangunt, sed comprimunt: *corpus ergo Christi multi moleste premunt, pauci salubriter tangunt.* aliud est tangere aliud comprimere, aliud corpore, aliud animo proximum fieri; quæ propinquitas qua in re tandem consistat, non dum assequor, an in consanguinitate aut

Job. 17.
v. 14.

S. 3.
Nec est il-
le proxi-
mus cen-
sendus qui
loco qui-
nissimus,
Sylveira
tom. 2. lib.
4. c. 39. q. 9.
S. Chrysol.
Serm. 25.

S. Augu-
stin. Serm.
71. de
temp.

Problemata P. Philippi Hartung.

K

te aut

te, aut amicitia, cum Christus Hæmorrhoiſſam vocando filiam ſine dubio declarâre eſſe proximam: petamus id reſcire à Saulo, imò à genero Saulis Davide.

Davidem Sauli proximum definiſit Scriptura, ita loquente piſſimo Samuele ad Regem impium 1. Reg. 15. v. 28. *tradidi illud, regnum, proximo tuo meliori te.* & Davidi lugubris nœnia à propheta canitur 2. Reg. 12. v. 11. *tollam uxores tuas in oculis tuis, & dabo proximo tuo, & dormiet cum uxoribus tuis in oculis ſolis hujus.* Verùm quis nescit propinquitatem ejusmodi odio, non amore, lacrymis & diris, non deſideriis & amplexibus dignam *cave te à proximo tuo* monet Eccleſiaſticus c. 9. v. 21. & Chriſtus ipſe: *cave ab hominibus. inimici hominis domeſtici ejus.* Manet proinde adhuc irrefoluta quæſtio, quiſnam ſit proximus, quem non cavere, ſed fovere, non fugere, ſed amore proſequi debeamus.

Matth. 10.
v. 17. & 36.

§. 4.
Reſolvitur
quæſtio.

Solutionem ab ipſomet Chriſto & quidem in Crucis Cathedra nudiffimam Veritatem enunciante petamus. quis ò bone JESU tunc verè tibi proximus cum in patibulo Crucis reverà incidiffes in latrones? an non is qui in vulnera tua infudit oleum & vinum? ſed quis ille? num aliquis ex conſanguineis? num forte ex Diſcipulis? reſpondet ipſe ex Pf. 37. *amici mei & proximi mei adverſum me appropinquareverunt & ſteterunt.* non pro me ſed contra me egerunt, proximi mei vocari non meruerunt. neque latro de hoc honoris titulo gloriari debet, etſi gratioſum audiat promiſſum: *hodie mecum eris in paradifo.* facit enim contra latronem, quod Pf. 141. v. 5. canitur: *conſiderabam ad dextram, & non erat.* ubi ergò proximum inveniemus, quem diligat JEſus ut ſeipſum? Secretarius Incarnatæ

Sapientiæ prodit myſterium & favet reſponſu, dum ait: *Stabat juxta. Crucem mater ejus.* illa fuit proxima, de qua in canticis cecinit Salomon juxta verſionem Septuaginta: *veni proxima mea.* illa Samaritanum egit, pro oleo ſanguinem, pro vino lacrymas, & quidem ſanguineas in vulnera Crucifixi infudit, imò totum cor ſuum & animum in morientis os infudit. Verè Samaritana, imò plus quàm tota Samaria, miſericordiſſima MARIA ſtetit juxta Crucem corpore, pependit in Cruce corde, & commorienti quà licuit commortua jure meritiſſimo amica & proxima appellatur. Proximus itaque cuique calamitoſo eſt, qui conſilio & auxilio eidem a deſt, auxiliatricem manum porrigit, vinum miſerationis & oleum conſolationis in vulnera infundit. Patet veritas ex hodierno Evangelio: neque enim ſeminis homuncionis vocantur proximi Sacerdos & Levita, etſi fortaſſis cognati & contribules fuerint, ſolus peregrinus Samarita, qui lavit vulnera obligavitque, & jumento ſuo impoſitum in pandochium deduxit, titulo proximi gaudet.

Joann. 19.
v. 24. Cant.
4. v. 1.

Epulopus Evangelici proximus fuiſſet Lazarus, ſi bonam ſceleratus ille Epulo in corpore ſuo venulam habuiſſet, experturus alià iterum occaſione, quàm reverà Lazarus & non quinq; fratres ejus; non uxor, non liberi, quibus ſubſtantiam ſuam reliquerat, ſed ab iisdem tanquam alienis (alieni enim ſunt omnes liberi & conſanguinei, quibus divitias relinquunt teſte Pſaltes: *relinquent alienis divitias ſuas* Pf. 48.) penitus eſt deſtitutus. Proximus proinde diviti pauper eſt, proximus ſano infirmus eſt, proximus calamitoſo fortunatus eſt, proximus deſuncto vivus eſt, & ſicut proxima corpori eſt umbra, ſicut proxima diei nox, ſicut proximus igni fumus,

ita

ita calamitosus quisque juxta phrasim Evangelicam bene habentū proximus cēseri haberique debet; ratio est, quia quisque afflictus in corde per suspiria, in ore per lamenta, in oculis per lacrymas habet auxiliatorem, quem desiderat & invocat cum Davide & Jobo: *sustinui, qui simul contristaretur, & non fuit, & qui consolaretur, & non inveni* Ps. 68. v. 21. ideoque verē proximus ille calamitoso est, qui vota miseri exaudit, & tempestivum impertit solatium.

§. 5.
Qui opitulatur proximo, proximus fit DEO.

Sicut autem calamitoso proximus est is, quisque opitulatur, ita vicissim mandat DEUS, ut qui opitulari potest, egenum & pauperem habeat reverā pro proximo suo: *mandavit unicuique de proximo suo* Eccli 17. v. 12. unusquisque dictum sibi fiat: *curam illius habet, quia Deus redditor est, & sibi fieri judicat, quidquid fit calamitoso, quin & similem illum sibi DEUS aestimat, qui cum tribulatio est in tribulatione, unde illa vox populi: homo homini DEUS;* sicut enim secundum mandatum, quo jubemur proximum diligere tanquam nos ipsos, vocatur simile primo, ut videre est Matth. 22. v. 29. ita & similis DEO cēseri potest, qui propter DEUM diligit proximum sicut seipsum.

§. 6.
Samaritanus Judæum reverā proximum suum esse agnovit.

Monet proinde Chrysostomus in Ps. 142. *quando beneficio afficere oportuerit, sit omnis homo tibi propinquus. oportet autem beneficio afficere, quandocunque miserum vides & facile potes subvenire, videlicet eum proximum nostrum esse intelligamus* clamat 3. Augustinus lib. 1. de Doctrina Christiana c. 30. *cui vel exhibendum est officium misericordiae si indiget, vel exhibendum esset, si indigeret.* sicut enim membrum membro lege naturae scripta in membris nostris succurrere tenetur, & ratione carentia bruta sibi invicem subve-

nire videmus, ita & nos, nè brutis brutiores simus, miserrimo cuique volentes lubentēque opitulemur, tanquam ille verē proximus noster sit, quisque ope nostrā maximē indiget. Docet id nos Samaritanus exemplum, qui semianimum Judæum, quem alioquin cane pejus & angve oderat, absque tergiversatione juvandum suscepit, quia eundem proximum suum esse existimavit. Poterat Samaritanus viso misero dicere: bone vir libenter te juvarem, sed non est tutum hic hærere diutius, periculum à latronibus imminet; at charitas audere fecit, poterat dicere: Vir bone in via ut vides sum, non habeo unde vulnera lavem & obligem, modicum olei & vini pro mea refectiuncula est, nè fortē non sufficiat tibi & mihi; at charitas statim aliquid invenit, nec ad proprium interesse attendit. poterat ignorantiam artis prætere: chirurgicam non didici. attingeniosus est amor, scit quod non didicit, exercet quod non praticavit. non est enim speculativa charitas sed practica. cogitaverit Samaritanus: *jam proximus ardet Ucalegon,* hac horā tibi, alterā fortē mihi eadem obtinget calamitas. quare quod mihi fieri vellem, tibi faciam. Discamus à Samaritano misereri miseris, atque ut misericordiam consequamur, miseris succurramus & Paulo obediamus monenti: *induite ergo vos sicut electi Dei, Sancti, & dilecti viscera misericordiae* Coloss. 3. v. 12. misericordiam induere ut vestimentum debemus, nè nudi coram severo iudice compareamus, hic enim teste Jacobo c. 2. v. 13. *judicium sine misericordia illi, qui non fecerit misericordiam.* misericordia vestis nuptialis est, tunica Christi inconfutilis est, velum Veronicæ, sindon Josephi, purpura Regis amorum est, albanon illusi, sed honorati JESU est,

K 2

est, quæ nos declarat cœli esse candidatos. misericordia testabitur nos DEi sapientiæ præcognitos, à massa perdendorum separatos, ad vitam æternam præordinatos. Hæc Anselmus innixus verbis Psalmi 40. *beatus qui intelligit super egenum & pauperem, in die mala liberabit eum Dominus.* non videbit diem malam, ait S. Petrus Chrysologus homil. 14. qui dies bonos pauperem habere fecit. in angustiis illum DEus clamantem audiet, quia pauperem cum clamaret, audivit.

§. 7.
Ille est
proximus,
qui est mi-
serimus.

Ex his omnibus facile erit animadvertere propinquum illum censi, qui miser & alienæ opis indigus, & consequenter illum esse proximum extra controversiam appellandum, qui est omnium miserimus. at quis ille? de tribus potissimum generibus hominum institui potest quæstio, Videlicet vivis, morientibus, mortuis. Vivos mortuis inferiores esse censuit Bertrandus, ut in vita S. Dominici legere est apud Surium, illa fortassis Salomonis inductus sententiâ: *laudavi magis mortuos quam viventes, & feliciorē utroque judicavi, qui necdum natus est.* Si ergo feliciores sunt mortui vivis, inferiores isti & propinquiore debent censi, qua de causa Bertrandus raro pro mortuis preces & piacularē hostiam litare solebat, vivorum potius saluti per preces & hostias procurandæ intentus, eò quod animæ purgantes salutis suæ certitudinem haberent. Oggerebant Bertrando Consodales religiosi: cui Bertrande opitulari mavis pauperi qui circumnit stipem erogans, an verò qui grabato affixus nequit se loco movere? quibus rationibus, cum nondum convinceretur Bertrandus, pœne opus habuit Aristotelico erudiri argumento. nocte enim quâdam à defunctorum non nemine face lignorum di-

re compressus resipuit, proque defunctis sanctam & salubrem suscipere coepit cogitationem. Certè qui tormenta purgantis carceris vel obiter expendit, facile in eam abiit sententiam, defunctos omnibus viventibus esse sine comparatione inferiores opisque nostræ egentiores. Est enim ignis ille unus idemque cum infernali, nec alia nisi durationis est diversitas, ac proinde omnes vitæ hujus pœnas incomparabiliter exuperat. *gravior erit ille ignis*, inquit S. Augustinus in Pl. 37. *quàm quicquid homo potest pati in hac vita.* atrociores purgatorii cruciatus sunt, quàm quos Christ' sustinuit, teste D. Thoma p. 3. q. 46. a. 6. ad 3. immaniora purgatorii tormenta sunt quàm mortalis possit oculus conspiciere, tyrannicum quodvis ingenium concipere, universa carnificum ferocia conficere. SS. Hilario, Anselmo, Bernardo credo ita clamantibus: *intolerabilior erit ignis purgatorius omnibus quæ in hac vita conspici vel concipi possunt tormentis.* & neget quis purgatorii animas commiseratione esse dignissimas?

§. 8.
Agonizantes
censendi
sunt mi-
serissimi a-
deoque
nostri pro-
ximi.

Facile proinde concesserim miserimis quibusque mortalibus longè miserabiliorem esse quamcunque purgatorii animulam, adeoque præ Vivis *proximi* titulo & efficaci commiseratione dignandam. at nunquid & morientibus inferiores sunt mortui, adeoque pro his potius quàm pro illis orandum? istud enim verò nego pernegoque, & indubitatè adstruo morientes miserabiliores esse mortuis, atque idcirco suffragiis nostris. jure proximatùs digniores. ad quod adstruendum illo potissimum inducor motivo, quod piacularibus flammis additæ animæ de æterna salute sua securæ, nullis dæmonum insidiis obnoxiae, nullis peccandi periculis expositæ, sed insuper vivorum suffragiis

giis cumulentur plurimis, Angelorum solatiis recreentur creberrimis, certâ insuper propinquieris beatitudinis spe abundantissimè afficiantur. at verò agonizantes ter miserimi in utriusque bivio aeternitatis constituti, destituti omni omnino solatio, & imminētis insuper iudicii horrore attoniti præteritæ vitæ noxis excarnificati, horridis dæmonum spectris perculsi, & mille insidiis circumsepti proximum adeunt salutis suæ quantumvis probè vixerint discrimen. heu mihi quanti ibi angores, timores, mœrores, à quibus nec Incarnata Sanctitas libera fuit! Heu mihi, quanta ibi syrtes, scyllæ, charybdes, in quibus innumeri naufragaverunt! Heu mihi, quos audio gemitus, lamenta, vociferationes! quas non voces exaudio Hilarionum, Agathonum, Bernardorum, & quorum non? egredere anima mea! egredere! quid times? clamat Hilarion: *formido exire & in ipso contremisco portis ingressu*, exclamat Bernardus: *iudicia Dei abyssus conclamat Agatho, quia que hominibus videbantur optima, coram DEO damnationem merentur*. quem ista non movent? horribilius est quod audio, dæmonum videlicet tantam esse multitudinem, nullum non moventium lapidem ad tectum damnationis calculum procurandum, ut numerus pœnæ fidem excedat. Bonensis Prælati in agone professus est teste Cæsario pluribus se cinctum dæmonibus, quàm in vicinoreferatissimo horreo culmi sint. in Cunonis Malburgensis obitu, quindecim dæmonum millia teste eodem Cæsario numerata sunt. in Gevardi Abbatis verò plures comparuere diaboli, quàm essent arenulæ in litore maris. in

S. Eusebii agone tot tàmque horribilia teste Cyrillo adfuere spectra, ut omnes pœnas respectu visionis illius nihil esse Eusebii asseveraret. Si nec Hercules contra duos, quomodo agonizans sibi relictus solus contra tot millia? ah! clamorem eorum miserorum agonothetarum, quem sudor fatalis totius corporis, quem natantes in morte oculi, quem cordifragi singultus, quem miserandæ gesticationes, quem hiancia ora proloquuntur, & os aureum consignat, exaudiamus: *Valete amici mei, & DEum pro me exorate. iter enim perago extraneum, quod nunquam ambulari, & in Regionem longinquam, quam nunquam vidi, & in alterum seculum, unde nullus reversus est, & in mansiones metuendas, ad quas nullus me comitatur, & ante iudicem terribilem, ubi nescio quid mihi contingat. ecce quero adiutorem, & nullus est, qui eripiat: quero qui me comitetur, & nullus mihi compatitur.*

Cyrril. ep. ad Augustum.

S. Chrysost. orat. de patient.

Compatiamur & concludamus: omnis agonizans est meus proximus, quia mortalium est miserrimus. omnis agonizans meus est proximus, quia opis meæ egentissimus avidissimisque. omnis agonizans proximus meus est, quia suum me relinquit hæredem, & super me affatur anhelitu. cras tibi, hodie mihi, imò hac horâ mihi, sequenti tibi.

§. 9.

Quisque proximum se morituro, & proxime moriturum cogitet.

Pro Emblematis Umbram Corpori individue adhærentem, in Umbra verò Mortem effugio ac inscribo: *sua cuilibet Umbra proxima.*

Mors Umbra est; sequitur, præit, aut comitatur euntem, Umbra te donec fecerit Umbra suam.



PROBLEMA XV.

Decem Quæstiones super Decem
Leprosis.

DOMINICA XIII. POST PEN- TECOSTEN.

Occurrerunt ei decem viri leprosi.

LUC. 17. v. 12.

§. I.
Quæstio I.
Cur lepro-
si potius
quàm alii
ægroti, &
quidem
decem oc-
current.



um decem leprosos Christo occurrentes aspicio, decem pariter quæstiones de iisdem mihi occurrunt, quæ Evangelicam nõ modicè elucidant historiam. & in primis quidem: cur leprosi potius quàm aliis symptomatis affecti, eo insuper in numero, quem Crux siue littera X. exprimit, Salvatori occurrunt? est lepra vivacissimum peccati Symbolum, ideòque ad hoc expiandum sæpius à vindice DEO immissa legitur. Contra primum Decalogi mandatum deliquerat Rex Ozias, Sacrilegas manus Sacratissimis aris admovendo, & leprâ extemplo percussus est 2. paral. 26. contra secundum & quartum Maria soror Moysis irreverenti murmure exertârat, & leprâ culpam septiduo luit Num. 12. contra quintum crudelis Joab egerat, innocentes Abner & Amasam interimendo, ideòque à Regum mansuetissimo universa Joabi posteritas anathemate percussa est: *veniat super caput Joab & super omnem domum patris ejus, nec desiciat de domo Joab leprosus* 2. Reg. 3. v. 29. in septimum

præceptum Simoniacus Giezi sordidè impeg erat, inque pœnam ab Elisæo audiit: *sed & lepra Naaman adhærebit tibi & semini tuo usque in sempiternum* 4. Reg. 5. v. adhæret peccatoribus lepra tanquam hedera viti, aut signum rei quam significat. est enim verò lepra, ut dixi, Symbolum peccati. abominabile est corpus leprâ infectum, abominabilius anima peccato fordidata, unde D. Augustinus in meditat. dicere non dubitat: *plus vitanda est sola peccati scditas, quàm quolibet tormentorum immanitas.* foetet corpus leprosum: foetet plus corpore anima impius abominabilis est & inutilis, vel ut alii legunt: *foetidus est & male olens* Job. 15. v. 10. *tolerabilior est canis putidus foetens hominibus, quàm anima peccatoris* DEO Hugo lib. de conf. corpus leprosum omnino decore spoliatur, anima omnibus gratiis exiit: *omnis lapis pretiosus operimentum tuum perfectus decore, in deliciis paradisi, donec inventa est iniquitas in te* Ezech. 28. v. 12. leproso vox rauca, respiratio difficilis, halitus gravis: anima peccatrix in blasphemias, convitia, turpia colloquia effunditur, ad laudes Dei

rau-

raucefcit, attrahere Spiritum S. nefcit, foetorem halat & pestem. in leproso sensus paulatim pereunt, & cutis praestupore nec aciculam aut ferventem aquam sentit: anima leprosa friget ad opera bona & affectus sanctos, per torporem, caligat per gratiae subtractionem, obsurdescit ad divinas inspirationes, itaque obstupefcit, ut conscientiae stimulos vix ultra sentiat, fateatur Augustinus lepram suam lib. foliloq. *cæcus eram, surdus & insensibilis, quia nec bonum discernebam, nec malum fugiebam, nec dolorem vulnery sentiebam, nec tenebras meas videbam. vulnera verunt me & non dolui, traxerunt me & non sensi.* defluunt in leproso pili ex mento, palpebris, capite; finduntur, dilaceranturque ungues; virulenta ulcera cum molestissimo pruritu in plerisque corporis partibus excrefcunt & excavantur; in anima peccatrice omnes bonae cogitationes defluunt, omnis cura salutis disrumpitur, plurima & foetidissima novorum scelerum nascuntur ulcera, & novorum flagitiorum excitant pruritus. *attende poenam malorum* ait Rufinus in v. 12. Pl. 57. *etiam inter suas voluptates. Sic se DEUS in praesenti à malis vindicat, eosque ipsis suis vitiis flagellat, ut nemo sit, qui sub onere idolorum suorum non gemat.* de corde peccatoris eleganter S. Ambrosius lib. de fuga Saeculi c. 7. *nequitiae vestigiis proculcatur, stimulatut unguebus, processu quodam improbitatis incrementoque concutitur.* Occurrunt proinde omnium eorum nomine, qui decem Dei verba seu mandata violant, decem leprosi, universitatem delinquentium in hoc numero denario, ex quo ceteri constantur numeri, repraesentant. quin & ipso in numero spem bonam concipiunt fore, ut virtute crucis Dominicae, quæ per denarium significatur,

lepræ suæ emundationem optatissime consequantur. nec sine acimine vocantur *virii leprosi*, ut ex fortiori sexu illi designentur peccatores, qui ex malitia & contumacia, non ex fragilitate humana leges DEI transgrediuntur. Et jam quaestio de decem una soluta est, *novem ubi sunt?* videlicet, quis denos hosce leprosos in societatem coadunavit? cur simul omnes, & non seorsim singuli preces suas obtulerint? cur non alio quàm Praeceptoris titulo Salvatorem condecoraverint? cur à longè steterint? cur ad Sacerdotes ire iussi? inter eundem perfunati? à recepta sanitate novem ad gratias dicendas regressi non sint? is autem qui solus omnium in accepti mnemosynon beneficii sese ad pedes Salvatoris procidui stetit, alienigena à Christo vocitur? neque ad Sacerdotes amplius remittatur? quarum responsa quaestionum ubi brevissime attulero, licebit ex Salvatoris ore Auditori alicui dicere: *surge, vade.*

1. Regum 22. v. 2. de Davide scribitur convenisse ad eum omnes afflictos variisque calamitatibus vexatos, ut ex Societate Davidis Solatium invenirent, nam juxta commune adagium: *solamen miseris socios habuisse dolorum.* imò ut Davidem in suum constituerent Ducem, sub cuius auspiciis feliciter contra adversitates decertarent: *Conveniant ad eum omnes, qui erant in angustiis & amaro animo, & factus est eorum princeps.* Quis tot Davidi milites conscripsit & autoravit? non pecunia, non tubæ & tympana, non fortuna Davidica, quæ eâ tempestate fugitivum Davidem acerrimè infestabatur, sed Calamitas seu tribulatio milites Davidicos collegit, in cohortes composuit, in legiones ordinavit, in exercitum armavit. Similiter Calamitas similis de-

§. 2.
Quaestio
Secunda
quis le-
proso
conso-
cietur.

decadem leproforum combinavit, ut pro decurione suo vellent habere Christum, quem Isaias depinxit *quasi leprosum, percussum à DEO, Virum dolorum scientem infirmitates.* Calamitas hunc in se continet magnētissimum, ut discordes concordet animos, uniat divisos, congreget dispersos.

In arca Noë ingens erat animalium Concordia, quæ alioquin congenitam adversus se discordiam alebant, non persequeretur musculum felis, non selem canis, non canem leo, non leonem draco, sed ingens erat omnium consensus pax & unitas, quam ex præsentī discēbant calamitate. *Orbis Calamitas* inquit S. Bruno de laudibus Ecclesiæ *eodem in pabulo omnes pacificavit.* pro Arca Noëmitica nobis Crux Christi est, ad quam nisi unanimis Congregemur, omnibus Noëticiis animantibus deteriores sumus. Quin idcirco Noëmus noster IESUS calamitates in urbem aut regionem integram immittit, ut in unitatem charitatis congreget dissidentes.

Magnus Egypti prorex Iosephus fratribus suis domum paternam revituris hæc documenta dedit: *proficiscentibus ait, nē irascamini in via* Gen. 45. v. 24. cur reduci-bus prudentissimus prorex mandet Concordiam, causam reddit S. Ambrosius lib. de Ioseph. c. 13. quia ex pristina calamitate evaserant, multaque per Iosephum prosperitate erant recreati, pronum igitur erat, eosdem in discordiam degenerare sicut enim Calamitas Concordes, ita discordes facit prosperitas: *Reduces erant saturi & donis pleni, quod etiam amantes sui posses separare germanos.* Quin & leprosi hodierni, quamdiu miseri, tamdiu Concordes, quam primum verò depulsā leprā prosperitatem degustare coeperunt, decadem mox

suam Concordiamque dissolverunt.

Concordes adhuc videamus, unāque voce clamantes audiamus: *IESU præceptor miserere!* non orat unusquisque pro se, sed omnes pro singulis, ut facilius feliciusque exaudiantur. *hec vis DEO grata est* inquit S. Chrysostomus, si videlicet multi simul postulent. nam ut divinē scripsit Ambrosius: *multorum preces impossibile est contemni.* Joann. 4. Rogat IESUM regulus, descenderet & sanaret filium ejus. at Christus severo supercilio illum reprehendit, & non descendit: *nisi signa & prodigia videritis, non creditis.* Matth. 8. rogat Centurio pro puero suo paralytico; & mox Christus: *ego veniam & curabo eum.* Cur in domum Reguli rogatus venire renuit? in domum Centurionis non invitatus descendere dignatur: *ego veniam!* nimirum Regulus venerat solus, at verò Centurio misit ad eum seniores, rogans eum Luc. 7. v. 5. *quod unius orationi non conceditur, multi extorquent.* Amat DEUS ut multi rogent inquit idem Ambrosius l. 2. de poenit. c. 10.

Luc. 11. petit egenus quidam à vicino suo nocte concubiā tres panes. cur unus non sufficit? respondet Sylveira, quia citius se tres quam unum impetraturum præfagebat, eum enim tres petit, non pro se solo sed pro pluribus tacito eorum nomine postulat, novitque genium vicini sui, qui citius exaudit eum, qui pro aliis, quam qui pro se solo divina munera efflagitat. Qui DEum orat pro proximo, etiam pro se orat, multumque sui profectum assequitur.

Matth. 26. ingressus hortum Gethsemani Christus selectos Discipulos tres assatur: *sustinete hic & vigilate mecum.* tum progressus orat Patrem, ut Calicem amarissimum

§. 3.
Quæstio
Vertia Cur
simul ora-
verint.

S. Chrys.
Orat. 4. de
natura Dei
S. Ambr. l.
de poenit.

mum ab amanti filio transferri patiat, verum cum nihil se proficere videret, redit ad discipulos & orare jubet, ut collaboretis mecum in orationibus, inquit Christi nomine Origenes apud D. Thom. in cat. quo divinissimo documento erudire nos Christus voluit, dari id multorum precibus, quod uni etiam charissimo negatur. eleganter S. Chrysostomus in 2. Cor. 1. *DEus frequenter reveretur multitudinem unanimem & consentientem in precando, ut veluti pudore victus non ausit illi negare.* Fortè nec hodierni leprosi exauditi fuissent, nisi corde & ore uniti sanitatem postulassent.

Clamant proinde unâ voce & Præceptorem inclamant: *JESU Præceptor miserere nostri.* Præceptorem vocant, non *Filium David* cum cæco Bartimæo & Chananaea Matth. 10. v. 47. non *Sandum DEi* uti dæmon Luc. 4. v. 34. non *Agnum DEi* uti innocens Joannes Joann. 1. v. 29. non *Filium DEi* uti Petrus Matth. 16. non *Regem Israel* ut Nathanael Joann. 1. v. 49. quia Præceptoris hujus ambiunt esse discipuli parati jurare in verba Magistri. Præceptorem appellant, quia peccatores sese & plagâ dignos consententur, qui decalogum & præcepta supremi Præceptoris violârunt. Præceptorem nuncupant, quia pro optatissimo Recipe & lepræ antidoto, unicum verbum Salutis seu *Præcipe* expectant, certissimè sibi persuadentes, quod illius dicere perinde sit ac facere, neque alio opus sit pharmaco, quo sanitatem recipiant, quàm ut præceptorem agat JESUS, & præcipiat lepræ abitus, reditus sanitati. Præceptorem agnominant, quia ad præcepta illius accuratius observanda posthac obsequentissimè sese offerunt ituri cum Naamano in Jordannem aut cum Jona in ventrem ceti,

Denique Præceptorem invocant, ut hac nomenclaturâ commoneant ad opere implendum, quod JESUS de se prædicabat, venisse nimirum se ad salutem ægris conferendam. audierant enim de se dicentem: *Spiritus Domini super me & evangelizare pauperibus misit me, sanare contritos corde, prædicare captivis remissionem* Luc. 4. v. 18. ille nimirum verus Præceptor est, qui quod prædicat, ipsemet exequitur.

Sapientissimè dixit Seneca ep. 75. *philosophia non est in verbis sed in rebus.* non præcipit sed decipit, qui solo ore & non opere agit præceptorem. Ridicula lex est, quam suo Legislator pessumdat scandalo. cancrum agit in fabula, qui aliter agit quàm doceat. Subjungit proinde Seneca ep. 108. *sic ista dicamus, ut quæ fuerunt verba, sint opera.* non minùs eruditè Isidorus Pelusiota scripsit: *fabula videntur verba sine operibus, & D. Gregorius; cum imperio docetur, quod prius agitur quam doceatur.* hinc Salvator loquebatur *tanquam potestatem habens, & non sicut scribe,* erat enim imperator animorum, cum esset Doctor realis non verbalis. *Non tam linguâ quàm vitâ erudias, non tam disferas magna quàm facias,* inquit S. Paulinus ad Jovium, & D. Hieronymus contra Jovin. lib. 2. *licet sermone taceamus, habitu loquamur & gestu.* Verba sine operibus vocat Gregorius Nyssenus *piduras inanes verissimis rebus oppositas,* quas picturas supremus inspector igni aliquid ad judicabit, quin potius pictores in hoc imitandi sunt, qui non tam ore docent, quàm manu ut canit Gregorius Naz. in jambicis:

Doctrina rebus instruit,
Vel nè doceto, vel doceto moribus
Sermone non tam, quàm manu
pictor docet.

S. 5.
Opere potius docendum quàm ore.

S. Isid. Pelus. ep. 714

S. Greg. 23. moral. c. 7.

Luc. 7. v. 19

Greg. Nyss. Orat. de paupere.

L

Idem

Problemata P. Philippi Hartung.

Idem Gregorius Orat. 1. de Theologia præceptores illos pro deridiculo habet, qui ore docent non opere, quasi gladium gererent in lingua, non in manu. *quid manibus vincitis linguam armamus?* Gemino huic Gregorio Nysseno & Nazianzeno accedit tertius Gregorius Pontifex Maximus, monens ut præceptor, si docere vult feliciter, doceat die suo, suo videlicet exemplo: *quod bellum Doctoris est aliud quam quod lingua conficitur? in die autem suo pugnat, qui verba prædicationis ex propria trahit luce virtutis.* De Ecclesiæ Catholicæ filius dixit proverbialiter Sapiens. *omnes domestici ejus vestiti sunt duplicibus, si quæras quænam illa dupla vestis sit, respondebit Rabanus esse unam operis, alteram mentis, seu doctrinæ, utramque nisi præceptor habeat, cum autoritate minimè docet, perdit enim auctoritatem docendi, cujus sermo opere destruitur,* inquit D. Hieronymus ep. 83. cui consonat illud Primasii in c. 1. ad Galat. *non potes edificare eum, cui non placueris per exemplum, quia nequeunt edificari verbis, qui destruuntur exemplis.* D. Basilium basilicè commendat Gregorius Nazianzenus, quod præceptoris nomen meritò obtinuerit, & quidquid svasit per svaserit, nec tam svaserit quàm præceperit, quia opere prius docuit quàm ore: *Tonitruum erat Oratio quia vita fulgur.* tonabat ore quia fulminabat opere, & prius lucebat vitâ, quàm tonaret lingvâ. aliâ phrasi nec minùs ingeniosâ idem Nazianzenus D. Athanasium commendat, quòd ea quæ diceret è pulpito, obsignaret vitæ sigillo, ut oratio velut epistola aut decretum regium majoris esset autoritatis: *Sigillo vite utens.* hoc Sigillo, hoc Tonitruo, hac Vestè duplici, hoc Gladio usus est Iesus, qui opere magis præcepit, quàm verbo, ideoque

meritissimò à leprosis *Præceptor* est appellatus.

Cujus Præceptoris clientes & discipuli ut fieri possent leprosi, *steterunt à longè*, sive quòd indignitatem suam agnoscerent, sive quòd peccatores se esse meminissent, qui propter divinorum præceptorum transgressionem à cœlesti Præceptore suo nimium quantum elongantur; quamvis enim DEus per immensitatem suam ubique præsens, atque ut Trismegistus dixit apud Ciceronem lib. 2. de natura Deorum 1. *Circulus sit, cujus centrum est ubique, differentie nusquam, nihilominus longè est Dominus ab impiis* proverb. 15. v. 29. quia peccatores ut ait D. Hieronymus, *recedunt à DEO affectuum non locorum spatiis.* Prodigus ille filius, cujus consodalem se egisse poenitet Augustinus inquiens: *profectus sum abs te in longinquam regionem, ut substantiam dissiparem in meretricias cupiditates.* prodigus, inquam, ille filius abiisse paternâ domo dicitur *in regionem longinquam*, ut elongatio peccatoris à supremo Bono demonstraretur. *Abierat* inquit Doctor Aquinas in c. 15. Lucæ *non localiter à DEo discens, qui ubique est, sed affectu: fugit enim DEum peccator, ut à longinquo stet.* bene Ambrosius lib. 7. *quid enim longinquius est, quàm à se recedere, nec regionibus sed moribus separari, studiis discretum esse non terris, & quasi interfuso luxurie secularis aestu, divortia habere factorum? etenim qui se à Christo separat, exul est patriæ & civis mundi.* Viscire quantum peccator à DEo distet? *quantum distat ortus ab occidente,* inquit Psalter. in cujus verba ita commentatur Africanum Sidus: *quando peccatum remittitur, occidunt peccata tua, ortur gratia.* Peccata tua tanquam in occasu sunt, gratia quâ liberaris in ortu est. *avertere* igitur ait idem homil. 50. *avertere, avertere ab occiden-*

§. 6.
Quæstio
quinta Cur
steterint à
longè.

S. Gregorius lib. 5.
c. ult. in
1. Reg.

S. Hieronymus ep.
ad Damasum.
S. Aug. lib.
4. conf.
c. 26.

Naz. Orat.
70. de
laud. Basil.

Ps. 102.
v. 12.

cidente, convertere ad Orientem; occidunt ibi peccata, oritur inde iustitia. in occidente, vetus, in oriente novus, in occidente Saulus, in oriente Paulus.

Distantiam peccatoris à DEo epulo expressit Luc. 16. *inter nos & vos chaos magnum firmatum est. ubi rectè S. Thomas, chaos magnum significat iustorum à peccatoribus distantiam. nam sicut affectus eorum varii fuerant, sic etiam mansiones non modicùm differunt. O peccatores, exclamat S. Augustinus à bonorum omnium fonte infeliciter exclusi, infeliciùs excludendi, appropinquate DEo, & appropinquabit vobis. bi ab eo longè esse dicuntur, qui peccando dissimilimi facti sunt, & bi ei propinquare, qui ejus similitudinem pie vivendo recipiunt: sicut rectè dicuntur oculi tantò esse ab hac luce longius, quantò fuerint ceciores. Quid enim est tam longè à luce, quam cecitas, etiamsi lux prelo sit atque oculos perfundat extinctos. propinquare autem luci meritò perbibentur, qui sanitatis accessu lucem recipiunt. qui longè à celesti igne abis, frigesceis, recedendo enim, ait idem S. Augustinus in ps. 70. frigesceis, accedendo servesceis, recedendo tenebresceis, accedendo claresceis. V. Beda in c. 8. Marci. quantò quisque à pravo opere erravit, tantò ab omnipotente DEo longius recessit. S. Thom. vos qui aliquando eratis longè facti, id est elongati, estis nunc prope DEo, non loco sed merito. quidam enim ex eis de longè venerunt, scilicet de regione dissimilitudinis. vos autem modo facti estis prope DEo scilicet & Sanctis ejus in sanguine Christi.*

Ita appropinquaverunt decem hodierni leprosi, qui è statione remota ad propinquam Jesu gratiam, & gratiosam admitti audientiam, benevolum illud verbum audiunt: *ite ostendite vos Sacerdotibus. Cur ad Sacerdotes remittantur cau-*

sa est potissima, ut umbratili illi Sacerdotio honorem exhibens doceret, quo honore novæ legis Sacerdotes digni sint. observat S. Bonaventura nunquam Sacerdotes à Jesu reprehensos fuisse, ut doceret etiam iniquis reverentiam honorè servandum, & nè calumniatores possent dicere (D. Chrysostomum recito) quoniam Sacerdotum gloriam rapuit. Certè cum nummularios templo ejiceret, mensas everteret, pecunias dispergeret, emtores insuper flagellis caderet, solis Sacerdotibus absque ullo intentato verbere citra ullam verborum acrimoniam dixit: auferte ista hinc Joann. 2. v. 16. atque ut magis ostenderet, quàm sibi cordi sit Sacerdotum honor, dum coram summo Pontifice ab impudenti famulo feratà manu cæditur, non tacet sicut ovis coram tondente se, non porrigit maxillam alteram, prout ipse porrigendam docuerat, sed verbis feris percussorem increpat, quia ut præclarissimè differit S. Augustinus ubi non respondebat, sicut ovis silebat; ubi respondebat, sicut Pastor docebat. Docebat autem Sacerdotibus licet iniquis honorem deferendum, neque tolerandum, ut illatæ Sacerdotibus injuriæ jure quis argui possit.

Describens Psaltes regius injuriam summo Sacerdoti Aaron ab impiis Dathan & Abiron illatam, & pœnam à vindice Justitia absque mora & misericordia inflatam in hæc verba prorumpit: *irritaverunt Moysen in castris Aaron Sanctum Domini* Ps. 105, v. 6. cur Moysen Sanctum non vocat, quem Spiritus Sanctus Canonizat Eccli. 45. v. *Similem illum fecit in gloria Sanctorum.* Aaron peccator fuit, vitulum fabricavit, contra innocentem fratrem murmuravit aliâque patravit scelera, ipse tamen præ Moysè Sanctus

S. Aug.
tra. 116.
in Joann.

S. Aug. ho.
mil. 16. ex
70. &
Tract. 36.
in Joann.

S. Thom.
in cat. ad
c. 8. Marci

§. 7.
Quæstio
Sexta cur
ad Sacer
dotes mit
tantur.

vocatur, cur ita? Summus Sacerdos ceteros Ecclesiæ Prælatos significabat, ait Incognitus, instruimur proinde tantum honorem Sacerdoti etiam peccatori deferendum, quantum nè justo quidem ab ipso DEO Canonizato, si Sacerdos non sit. De Sacrilegis Sacerdotii contemtoribus Dathan & Abiron scripsit S. Ignatius M. ep. 3. *Dathan & Abiron Moyfi resistentes viri ad inferos depositi sunt.* non dicit Ignatius sepultos esse in inferno, sed depositos, quia cadavera quæ duntaxat deponuntur, competens sepulcrum & funeralia nondum habere censentur. Depositum sunt ad inferos Sacrilegi Contemtores, quasi infernus iste non habeat sufficiens pro iisdem excarnificandis tormentum, sed novis pœnis novo opus sit inferno. Quantum Sacerdotio deferri honorem velit Christus, ingeniosa observatione S. Cyrillus Alexandrinus lib. 12. in Joann. c. 8. adnotavit, ipso resurrectionis Dominicæ sole quærens Maria Magdalena Sospitatorem ac delictum suum JESUM ubi tandem intueri & amicas audire & reddere voces digna fuit, ad pedes illius se abiciens mille basiis devenerari avebat; sed cave sis inquit JESUS, *noli me tangere*, pedemque retrahit. Non licuit fideli Magdalene prenare pedes, licuit incredulo Thomæ palpare JESU manus, suamque in illius latus manum mittere. quid hoc? Thomas pertinax, irreverens, temerarius non tantum permittitur sed jubetur manus latusque tangere, imò manum in fixuras clavorum vulnūque lateris tanquam in gazophylacium divinitatis imponere, & fidelis illa amatrix Magdalena nè extrematates quidem pedum tangere permittitur? causam differentię dat Cyrillus, quia Thomas etsi refractarius & infidelis, Sacerdos tamen e-

rat Altissimi, adeoque eo dignus honore, quem mulier suppar Angelis, prodigium sanctitatis norma dilectionis non merebatur. Sed ad leprosos nostros, qui ad Sacerdotes devenerandos missi sunt revertamur.

Non in præsencia Christi, non apud Sacerdotes, sed in via leprosi perfunantur, in præmium videlicet fidei & cæcæ obedientię, quia nullam super Præceptoris sui præcepto dubitationem aut judicii temeritatem in animum suum admittē. quod non ab ipso Christo emundarentur, sed Sacerdotes adire juberentur. Rationem hanc ex Euthymio accipio: *illi vero credendo quod eundo posset illos mundare, ibant non dijudicantes de ejus præcepto.* Dum irent mundati sunt, JESUM relinquunt, suæque cum lepra recedunt ab eo, cui semper adhære re unice fuisset in votis ac deliciis; quo perfectissimæ charitatis actu merebantur corporis sui quanticumque recipere sanitatem. DEUM enim propter DEUM relinquere, est salutem felicissimè mercari. Dum irent mundati sunt. citò dat liberalissimus JESUS, ut bis det, verba & promissā sua operibus prævenit, moras rumpit, quia amat, exoræ enim in amore moræ, & prævenire mavult, quam ut de liberalitate ejus possit dubitari.

1. Reg. 10. Sauli à Samuele dantur tria signa veræ electionis. primò quod juxta sepulcrum Rachel inveniet duos viros. Secundò ad quercum Thabor tres viros; tertio quod in ingressu urbis obvius ei fiet Prophetarum chorus & tunc mutandum illum in virum alterum. Sed vix vertit dorsum ut abiret: *cum advertisset humerum suum ut abiret, immutavit ei DEUS cor aliud,* cor regium & amplum, ut Theodoretus, S. Gregorius, Hugo, alique expli-

§. 8.
Quæstio
septima
Cur inter
cundum
sanati.

plicant. vide benignitatem DEi ait Cajetanus, non expectavit tempus, citius quam promisit, promissum exolvit.

Dum irent mundati sunt. Si semel DEus cœpit benefacere, non sistit, non retrocedit sed pergit & ascendit ut Pelagius 2. to. 2. Concil. asseruit: *divina beneficia gradibus semper ascendunt.* ita cùm benefacere cœpisset aquis in Jordane, mox eas nobilitavit amplius Canæ in nuptiis, & initium signorum in aquis fecit: *aquas quas sanctificavit in Jordane* inquit S. Maximus hom. 2. de Epiph. *nobilitavit in nuptiis*, nec unquam cessavit majores majoresque aquis honores præstare, donec sacratissimum cruorem, quem in monte Oliveti ex sudârat, in Jordane ut docet S. Bonaventura abluit, & de torrente ut Psaltes insinuat in via captivitatis suæ bibit, ac demùm ex latere suo aquam cum sanguine emisit. *Aquæ multæ populi multi sunt.* Cui semel benefacere cœpit populo (ut in Israëlita gente ex Ægypto ducta patet) continuat ampliâque gratias, ut scribere audeat S. Fulgentius ep. ad Monimum prius Dei beneficium esse alterius pignus: *ecce qualis est Dominus noster, qui donando debeat*, & *quantò magis donat tantò magis eum esse debitorem* non pigeat. Nescit semel incitata liberalitas stare, aiebat olim Plinius junior l. 5. ep. 12. cujus pulcritudinem usus ipse commendat. verissimè hæc de liberalitate prædicantur divina, quæ non ab alio; quàm seipsa urgetur movetur, ut indies faciat incrementa.

Non possunt vel ipsi jurati Divinitatis hostes negare hanc Christo laudem, quòd det omnibus affluenter, idcirco tentator stygius cùm lapides offerret in panem mutandos non dixit: *dic ut lapides isti panis fiant*, sed *panes*, et si unus panis fuisse-

cisset, quia non solet DEus parca manu grâtiâs suas dispensare aut panem unicum elargiri. hinc illa Christi ad discipulos vox: *quot panes habetis?* & ad famulos nuptiales Canæ in nuptiis mandatum: *implete hydrias aquâ.*

Genius iste divinitatis est semper plus facere quàm promittat, præstare plura, quàm petantur, opinione supplicum citius beneficia conferre prout hodierni leprosi experti sunt, qui dum irent, obviâ habuere sanitatem, suorum scilicet scopum desideriorum. Verùm quòd promptior DEus est ad gratias conferendas, eò segnior homo fit ad agendas. novem leprosi inquit Titus Bostrensis, in ingratam oblivionem lapsi non sunt reversi. cur reversi non sint, respondet Bonaventura: *in hoc manifestè ostenditur judæorum ingratitude, quia cùm essent novem, nullus ex eis rediit*, nè aliquid novum inciperent, gratum enim pro beneficiis esse est novi aliquid in mundo. erant nimirum novi hi judæi ex eorum profapia contra quos queritur DEus: *filios enumeravi & exaltavi, ipsi autem spreverunt me. cognovit bos possessorem suum, & asinus præsepe Domini sui, Israël autem me non cognovit* Is. 1. v. 3. in quæ verba Zeno Veronensis ita scribit: exaltatos appellat, ut ingratos ostendat; bovem illis asinumque præponit, ut gravius possint si respiscant comparatione torqueri quàm poenâ. Non sunt reversi, quia ut sentit Dionysius Carthusianus, postquam Sacerdotibus sunt locuti, ab eisdem seducti fuerunt, sicque ingrati effecti sunt, & reciderunt. quibus verbis insinuare videtur Dionysius novem ingratos in pristinam recidisse lepram velut debitam ingratitude poenam. nimirum ut præclare S. Bernardus dixit: *peremptoria res est ingratitude,*

S. 9.
Quæstio
Ottava Cur
novem
non rever-
tantur ad
gratias di-
cendas.

S. Zeno
scr. s. de
Isaia.

S. Bernardus J.
scr. de se-
ptem Mi-

sericor-
diis.

*hostis gratiæ, inimica salutis. Dico vobis quoniam pro meo sapere, nihil ita displicet DEO, præsertim in filiis gratiæ, in hominibus Conversionis, quemadmodum ingratitudo. Vias enim obstruit gratiæ: Et ubi fuerit illa, jam gratia accessum non invenit, locum non habet. fortè & gratia Sanitatis in neomundatis locum habere non potuit, quia nullo apud eos loco gratitudo fuit. Non sunt reversi, nè agnoscere cogerentur beneficium, hic enim ingratorum est genius offensos se fingere, nè benefactori corresponderent. Cum divinam Moyses legem in monte Sinai acciperet, petiit interim ingratis-
 Num. 11. *mus populus ab Aaron: surge fac nobis DEos, qui nos præcedant, Moysem huic viro, qui nos eduxit de terra Egypti ignoramus quid acciderit Ex. 32. v. 1. en quàm insulsè infanus iste populus loquatur! ignoramus quid acciderit, nescimus quò devenerit, quid nobis cum illo & cum DEoejus, fac nobis DEos. ò ingratitudo, plusquam corvina, ò habetudo mentis plusquam asinina! ò malitia populi plusquam diabolica! contentibiliter valde de Moyse loquuntur inquit Oleaster, atque ut malitiæ suæ velum prætexant, disgustatos se proclamant, quòd terribili per rubrum mare viâ in desertum sint educti, & deliciis Egypti privati. Notanda nebulonum verba: recordamur piscium, quos comedabamus in Egypto: in mentem nobis veniunt cucumeres & pepones, porrique & cepe & allia. Utinam mortui essemus in Egypto! habebant ingratisissimi judæi panem angelorum omne delectamentum in se habentem, habebant aquam vivam ex consequente eos petra, omni nectare dulciorem; habebant præsentiam angelicam omni Societate affabiliorem; nihilominus Egyptus est in desiderijs, mors in vo-**

tis, ollæ foetidæ in deliciis. *Causa est* inquit S. Bonaventura, quoniam ingrati erant, nè beneficium agnoscerent, malè se habitos conquerebantur atque offensos, atque ut titulum offensæ & futilium scaturiginem lacrymarum nanciscantur, à cepis & alliis eandem emendicant. fortè & leprosi hodierni offensos se simulant, quòd non in Christi præsentia sed in viâ a putore lepræ sint liberati. Plerique mortales inquit Hildebertus Episcopus Conomansis: *plerique mortales ingrati sunt obsequijs, Et nè cultores suos remunerent, offensos conquerruntur.*

Hildebertus tom. 3. Bibliothec. Vetter. PP. cp. 35.

Querulatur quantum libet, & emanent per me licet novem ingrati Cuculi, unus iste qui revertitur, unus inquam iste, ut loquitur S. Epiphanius hæres. 66. pro decem est, qui dum gratiarum decimas persolvit, plus quàm decies denis à Christo benedictionibus impletur. Samaritanus est qui revertitur, quia videlicet juxta nomen suum acceptæ custos est gratiæ. Gratiôsè S. Bernardus dixit serm. contra vitium ingratitudinis: *Felix Samaritanus ille, qui cognovit nihil se habere, quod non accepisset, idcirco conservavit depositum, & cum gratiarum actione ad Dominum est reversus.* Poterat Samaritanus iste dicere ex ps. 58. v. 10. *fortitudinem meam ad te custodiam.* Sanitatem videlicet meam (ut S. Antonius Paduanus explicat) & gratias acceptas per humilem gratitudinis contestationem conservabo. Verè Samaritanus seu Custos erat, exclamat S. Anselmus in homilia hodierna, qui percepta beneficia servabat per humilitatis Custodiam. Vocatur Samaritanus iste ab ipso met Christo Alienigena, quia non invenitur (verba Anselmi citati) qui post acceptam veniam recordatur divinæ Pietatis, & ei gratias devoto corde repen-

S. IO. Reliquæ duæ quæ stiunculæ solvantur.

Num. 11.

Num. 14.

pendens perseveret in bonis actibus, nisi qui non sit ex filiis terreæ Babylonis, sed ex filiis Jerusalem cælestis. Tam rara res est gratitudo, ut non videatur iniquilinus hujus mundi, sed ex orbe altero, si quis redeat & partes suas exolvat. qui vero exolvit, nec ille DEO tam charus est, ut sit totius instar Ecclesiæ. ille qui gratias egit inquit glossa ordinaria & Beda unica Ecclesiæ significatione approbatus ac laudatus est. Hæc gratiarum actio fuit illi novarum gratiarum etiam non petitarum impetratio. Agnitio in primis veri Messisæ Sacerdotis secundum ordinem Melchisedech æternum habentis Sacerdotium, idcirco ad Sacerdotes porro adire iustus non est: non mandat offerre, munus ex lege, quia satis jam obtulerat gloriâ reddens Deo ait Tertullianus, gratiarum actio est fravissimum Sacrificium, quod omnia legalia longissimè antecellit, actio enim gratiarum omnia Sacrificia legalia exsuperat, teste Philone Alexandrino l. de victim. quantum aurum præstat lapidibus, tam acceptior est suffitus gratiarum actionis, quàm mactata victima. Post insignem contra Amalecitas relatam victoriam, edificavit Moyses altare Domino, Vocavitque nomen ejus: Exaltatio mea Ex. 17. v. 15. inscriptum erat huic Aræ, ut Josephus ex traditionibus meminit: Victori DEO; nec tamen in hac ara, ut Cornelius à lapide probat, ulla unquam victima fuit mactata, quia cum esset prima post primam ab Israelitis obtentam victoriam ara, docere DEus voluit, primariam esse victimam gratiarum actionem, cui nulla alia possit æquiparari. alludit huic psaltes divino spiritu monens: im-


mola DEO Sacrificium laudis, immolavit id hodiernus Samarites, meruit proinde peracto Sacrificio audire: Vade loco solennis Ite Missa est. Surge, vade, fides tua te salvum facit. Surge credendo, vade operando, surge incipiendo, vade proficiendo, surge per declinationem à malo, vade per boni operationem, surge de peccato ad gratiam, vade de virtute in virtutem. Hæc Hugo. Ivit feliciter Samarites, sequamur! Leprosi sumus, JESUM inclamemus, JESU vocem audiamus, & obsequamur, Sacerdoti nos ostendamus, & postquam mundati fuerimus, revertamur cum laude & gratiarum actione, ut audiamus hodie gratiosum istud: Surge vade; & aliquando in die novissimo gloriosum illud: surge mortue, vade in domum beatæ eternitatis.

Pro Emblemate numerum decimum, quo scribi modo vulgariter solet, describo: 10, & ex hoc numero unitatem seu jota abstraho, remanente littera O, sive ut vulgo loquimur: nulla; cui nî fallor non inelegans inscribo lemma: nulla manet. vel: quod superest, nihil est: ex decade leproforum Unus ad JESUM abstrahitur, remanentibus cæteris in vitioso ingratitudinis suæ circulo. & novem ubi sunt? sunt in nulla, nullius momenti ac valoris; nulla sunt, nihil sunt. Ad nihilum videlicet sua eos redegit ingratitudo beneficiorum oblivio; in quod nihilum nē & nos redigamur, jota unum & unus apex nos non prætereat, sed præcat opera nostra omnia, quæ licet videantur esse nulla, valor tamen eorum ingens ab uno erit apice gratitudinis.

§. II.
Emblema.



PRO-



PROBLEMA XVI.

Cur Aviculæ & Lilia in symbolum Spei ab
Incarnata Sapientia propo-
nantur?

DOMINICA XIV. POST PENTECOSTEN.

Respicite Volatilia, Considerate Lilia. Matth. 6.
v. 26. & 28.

S. I.
Potest du-
obus Do-
minis ser-
viri si mi-
nori pro-
pter Ma-
jorem ser-
viatur.



SI nemo potest duobus Dominis servire, quomodo servivit JOSEPH Patriarcha DEO & Pharaoni, utriusque sine querela? quomodo servivit Josephi pater Jacobus DEO & Labano idololatæ, summa cum laude & merito? quomodo Vir secundum cor DEI DEO & Sauli toto corde servivit, & immortalem idcirco meruit coronam? quomodo ipsemet DEUS-Homo, qui non ministrari venerat sed ministrare, servivit Patri, servivit hominibus, complevitque prius opere quod dein docuit verbo, ut Cæsari darentur, quæ Cæsaris sunt, & quæ DEI, DEO? serviri omnino cum laude duobus Dominis potest, qui ut ait Chrysostomus, *diversa & contraria non imperant*, atque ut Paschasius observat, *sibi invicem subordinati sunt*, his enim facile jucundèque servitur, si minori propter majorem, creaturæ propter Creatorem, mortali propter Immortalem servitur; quod si contraria imperent, serviri nequaquam

duobus potest, & hinc est quod Veritas æterna asseveret: non potestis servire DEO & Mammonæ, quia *qui studio pecuniarum occupantur; rei mortuæ servire coguntur, cui maxime deberent imperare*, inquit Tertulliani Scholiasies l. 4. in Marcionem. Durum ac pœne impossibile est illi servire cui imperare debebas, jugumque ejus sufferre, cujus frænum tenebas. Esau quamvis durus & asper, & quinquagenario major ubi inaudit fratri minori servire se debere, irrugit, atque ut habet Abulensis: *levavit vocem suam & maxime servit*, nam ut ait Philo relatus in glossa: maxime dolebat juniore fratri servire. Durissimus crusiatus, inquit Egesippus l. 1. de Excid. tuorum servorum dominatus. Cum ergo supremus Dominus omne aurum argentumque subjecerit hominum pedibus, non vult hominem servire auro sed imperare. quia verò pecuniæ ideo potissimum servitur, quod solitudines de esca & vestitu metuamus, idcirco Volucres & Lilia in Spei symbolum providentissimus Servator

vator proposuit, ut ab iis discamus superfluas curas animo proscribere, inque libertate spiritûs Uni Domino servire: sollicitum esse pro temporalibus servire est, inquit D. Paschasius in c. 6. Matth. & ideo nè servi sitis pecuniarum, prohibeo sollicitudinem gerere cibi aut vestimentorum, & quidem posito ante oculos Volucrum & Liliorum exemplo. Cur autem Volucres potius quàm terrestria animalia, cur Lilia potius quàm alios flores Nazarenus noster elegerit, videamus.

Non terrestria, sed volatilia animantia in Providentiæ suæ symbolum nobis DEUS proponit, quia *Aves cæli*, ut acutè observat D. Ambrosius in c. 12. Luc. *speciale sibi nil vendicant*, & ideo pabulis indigere nesciunt, absque magna anxietate escam suam aviculæ quæritant, & absque magna difficultate per campos & prata inveniunt. Homo vicissim magna cum difficultate cibum reperit, quia magna cum anxietate inquirat, causam ulteriorem assignat Ambrosius, quia aves nullius rei particularem habent dominatum, nec specialiter quid sibi vendicant, atque idcirco omnia in promptu habent, nec ullius indigentia laborant; qui enim nihil sibi acquirit, omnia possidet. Econtrà infatigabilis mortalium cupiditas, cum singula sibi vendicare atque ex communibus facere propria & singularia soleat, spoliatur universim omnibus, & tam deest infaturatæ avaritiæ quod habet, quàm quod non habet, concludit itaque Ambrosius cit. *nos communia amisimus, cum propria vendicamus.*

Non multùm ab Ambrosio mente abludit Anastasius Sinaita, dum idcirco volatilia præ terrestribus à Christo nobis proposita autumat, quia volatilia ex aquis producta baptismum tanquam fontem

benedictionum præfigurant, omnesque denotant fideles, qui benedictionem à DEO consequuntur. at verò per terrena animalia significantur homines sæculo dediti, qui ob cupiditatem suam cœlesti benedictione excluduntur. volatilibus enim benedictionem à DEO datam Gen. i. v. 22. legimus, quam terrestribus animantibus nuspiam invenimus concessam. Loquatur Anastasius: *que ex aquis sunt genita, omnia DEUS benedixit, à terra verò genita animantia privavit benedictione*, nam præfigurabatur generatio per Baptismum ex aquis, & proinde genitas animas, id est, regeneratas per baptismum, benedixit: animantibus & jumentis & feris ac venenatis hominibus, qui sunt peregrini & alieni à regeneratione baptismi, nequaquam impertiit benedictionem, sed eos relinquit absque benedictione. ut supernam mereamur benedictionem, aves imitemur, tum in aliis proprietatibus, quas passim divinæ paginæ nobis proponunt, tum maxime in gratitudine erga DEUM, ob quam D. Maximus aves nobis à Christo in exemplum proponi arbitratur. hæ enim svavissimo cantu suo manè, meridiè, ac vespere gratias suo persolvunt Creatori, quantum eis à natura permissum est. inde fit (Sylveiram recito) ut majori facilitate, ac minori sollicitudine inter cetera animantia pascantur per campos & prata, ciboque abundet; tantò magis gratitudo apparet; tantò magis beneficiorum largitas diffunditur. Placeat D. Maximi verba excipere: aves propter viles escas gratias agunt, tu pretiosissimis epulis pascaris & ingratus es? quis igitur non erubescat, sensum hominis habens, sine psalmarum celebritate diem claudere, cum ipsæ aves ad gratificandum psalterii svavitate perfulcent, & ejus gloriam,

Anast. in
hæc.

S. Max. homil. de
non timendis
hostibus
Carnæ.

M

Problemata P. Philippi Hartung.

S. 2.
Causæ tres
Cur Aves
in 'exemplar Spei
proponantur.

am, non versuum dulcedine perfonnare, cujus laudes volucris modulata cantilenâ pronuntiat? imitare ergo frater minutissimas aves, manè & vespere creatori gratias referendo, hucusque Maximus.

§. 3.
Laus gratitudinis.

Non me contineo, quin in laudes gratitudinis, quam ab aviculis discere nos jubet Maximus, breviter excurram, illudque Philonis repetam: omnis virtus sancta est, gratitudo verò sanctissima, quam non legitime DEO exhibent, quotquot putant eum placari edificii, donariis, sacrificiis, nam nē totus quidem mundus ad templum in bonorem ejus suffecerit, sed præstat eum laudibus hymnisque colere. Nunquid manducabo carnes taurorum inquit DEus Pf. 49. v. 13. aut sanguinem hircorum potabo? minime verò, sed immola DEO Sacrificium laudis. quod est sacratius laudis Sacrificium ait S. Augustinus l. 1. contra adversar. legis & prophet. c. 18. tom. 6. quàm in actione gratiarum? & lib. de Spiritu & littera c. 11. cultus DEI in hoc maxime constitutus est, ut anima ei non sit ingrata, unde in ipso verissimo & singulari sacrificio, Domino DEO nostro gratias agere admonemur. hoc offerre quisque potest. Subdit porò nominatissimè Philo quandam Cedro (ut Mendoza noster lib. 1. Reg. c. 2. annot. 14. sect. 1. loquitur) dignissimam relationem: DEum videlicet absoluto universi opere quendam è prophetis interrogasse, quid deesse videretur, eumque respondisse desiderari laudatorem, qui opera à DEO facta vel enarrando laudaret, ipsam enim enarrationem operum DEI laudem esse sufficientissimam nullo egentem auctorio. sed faciunt hoc astra illa matutina Job. 38. & jubitant omnes filii DEI, seu ut est in Hebræo, omnes turbe Angelorum, quibus luctator ille Angelus immisceri volebat Gen.

38. jam enim ascendit aurora, tempus est, ait Lyranus, ut cantem DEI laudes cum aliis Angelis, & ideo non debes me amplius tenere & impedire à laude DEI faciunt & hoc religiosi chori, qui toties solenne illud recinunt Deo gratias. cujus sugillatores sic perstringit S. Augustinus in Pf. 132. utinam illi milites CHRISTI essent, & non milites diaboli, à quibus plus timeatur DEO gratias, quam fremitus leonnis. Certè si teste philosopho Deo, parentibus, præceptoribusque nullæ unquam sufficientes gratiæ reddi possunt, saltèm aliquæ reddantur. Sic instruit S. Basiliius homil. 5. in Julit. M. si quando letitius arripit vitæ institutum, illam depromamus Davidis vocem: quid retribuam Domino? ex nihilo effecit ut essemus & produxit. quid retribuam Domino? quid? nihil nisi gratias, ita S. Bernardus ep. 181. verus benevolus amplius non requirit. Danti rependi quidquam gratus ab accipiente non potest, quàm si gratum habuerit, quod gratis accepti. simile deducit ad hominem ab homine S. Chrysostomus in Pf. 41. nos quoque à pauperibus nihil aliud requirimus, quàm laudem & gratum animum & accepti memorem beneficij. si nos pro gratiis beneficia vendimus, quantò magis DEus? Dicamus ergo quod David à pedo ad sceptrum translatus Pf. 145. laudabo Dominum in vita mea. Religiosi S. Columbani in Luxoviensi Monasterio tot erant, ut continuò sibi invicem succederent chori, nullo intervallo à divinis laudibus dies noctesque relicto. audit illos Albertus & Ernestus Saxoniae Principes, qui Misnensem Ecclesiam in hunc modum crexerunt & distarunt.

Levit. 6. præcipit Moyse: ignis in altari semper ardebit, in quem locum Philo Alexandrinus lib. de off. victim: meritò inquit ut quidem

arbitror: nam quia perennes DE I gratia non deficiunt, nec intermittuntur, sed interdum nocturne fruendas se præbent nobis hominibus; gratiarum actionem hæc sacra flamma figurat semper instaurandam, nequando extingvatur. S. Augustinus verò Soliloq. c. 18. *sicut nulla est hora vel punctus, quo tuo beneficio non uttor, sic nulla debet esse hora, quâ te non habeam ante oculos.* S. Paulus semper & ubique gratias agi vult Ephes. 5. *gratias agentes semper,* & ad Coloss. 3. *in omnibus gratias agentes,* etiam quando aviculæ cantum audimus, gratiarum dicendarum meminimus, ut eo excitemur ad laudandum magnum DEUM. audiit Joannes Baptista Vitellus Fulginas, teste Rho exempl. l. 1. c. 1. §. 3. aviculam articulatas has voces efferentem: *laudetur Deus.* tum ille: o nos ingratos! alites laudant, homines injuriis afficiunt, *aves surgente & occidente die* ait S. Ambrosius l. 4. hexam. c. 12. *suos cantus instaurare consueverunt, ut decursi & adoriendi temporis laudes suo referant Creatori,* eleganter Seneca de beneficiis lib. 4. c. 6. à minori ad majus argumentatur: si domus tibi donetur, num mediocri munus vocabis? & cum ista quæ habes magis æstimas, quod est ingrati hominis, nulli debere te judicas, unde tibi istum quem trahis spiritum? unde istam per quam actus vitæ tuæ disponis atque ordinas lucem? unde sanguinem, cujus cursu vitalis continetur calor? unde ista palatum tuum saporibus exquisitis ultra satietatem laceffentia? unde hæc irritamenta jam lassæ voluptatis? unde ista quies in qua putrescis & marces? nonne si gratus es, dices: DEUS nobis hæc otia fecit.

S. 4.
Lilia quid
doccant
ex S. An-

Sed jam cogitationes nostras à volatilibus cœli ad lilia agri transferamus: *Considerate lilia agri.* cur

lilia potius quàm rosas, tulipas, violas, narcissos, hyacinthos, granadillas & sexcentos alios flores? Tria in liliis considerat liliatus prædicator D. Antonius de Padua, medicinam, candorem, & odorem. medicina in radice est, candor in foliis, odor in flore. medicina pœnitentes denotat, à quibus medicamen in radice ac origine malorum adhibendum est. Candor autem & Sinceritas animi appareat in flore nostrarum actionum. odor autem boni nominis & famæ in agro, hoc est, in deserto ac solitudine & separatione tumultus hujus sæculi. Et cum his ait D. Antonius citatus, justorum lilia crescunt de virtute in virtutem, & non laborant voluptatibus sæculi, neque nent, hoc est, diversa fila cogitationum non retorquent in temporalibus, sed vincunt Salomonis gratiam, in quo potentes ac divites hujus sæculi significantur, quorum tota Majestas frivola & transitoria est. Alius alii cogitationes elevat, & Lilium idcirco à Nazareno nostro præ ceteris floribus propositum fuisse affirmant, quia liliū teste Pierio apud veteres nunquam non fuit Spei hieroglyphicon. Videre est in nummis Imperatorum parte alterâ DEUM insculptum, liliū dextrâ tenentem cum inscriptione: *Spes publica,* vel *Spes Augusta* vel *Spes Populi Romani,* eratque Romanis solenne cum spes bona affulgeret Virgilianum illud exclamare: *manibus date lilia plenis.* **Æn. 6.** ipsissimâ hac phrasi DEUS utitur, cum fideles lili in spem vitæ assurrecturos promittit Osæ. 14. v. 6. *Israhel germinabit sicut liliū,* eosdemque bene sperare & in floribus dies ducere jubet Eccli. 39. v. 19. *Florete flores quasi liliū,* in Syriaco est: *sicut radix Lili regij attollite vocem & laudate simul.* non potest non fortunatus esse, qui sperat dum

tonio Pas-
duano Do-
minic. 15.
post Pent.

Pierius
lib. 55.

spirat, illudque Jobi nunquam ex corde dimittit: *etiamsi occideris me sperabo*. Ludovicus II. Dux Borbonius equestrem instituit ordinem, cujus insigne esse voluit torquem aureum ex liliis cum Cruce pendula & epigraphe: *Spes unica*. Margarita verò Navarræ Regina coronatum lilium in Symbolum adlegit, ex quo pretiosus unio dependebat cum lemmate: *Spes una coronat*. benedict DEus coronæ anni non dicam benignitatis, sed adversitatis nostræ, si ex corde fiduciam nunquam dimiserimus, licet spinis undique cingamur sicut in terra sancta passim videre est lilia è mediis spinis enasci & proficere.

S. S.
Laus Fidu-
ciæ.

De animo perfecto dicitur (verba sunt S. Nili in Ascetico) Lili-um est inter spinas. Hoc namque inter curas tranquille degentem indicat, sicut lilium inter insidiantes spinas non laborat neque fatigatur, sed quietâ & tranquillâ naturâ crescit, germinat, floret. Fiduciam in DEum commendans D. Laurentius Justinianus tract. 8. de spec. 2. aurea hæc concinnat elogia: *in presenti tempore spes est quedam vigilia Solennitatis æternæ, nam est arbor æterni præmij, & ponderatio futura suavitatis, cui datur intrare in hortum spiritualis voluptatis*. Fusiùs Guaricus Abbas utilitatem & excellentiam Spei extollit serm. 2. de S. Benedicto: *benedictus vir qui confidit in Domino, quia qui in Domino fidit, in eo seipsum figit, ubi autem arbor radicem figit, inde succum vitæ atque humorem pinguedinis bibit: planè humorem ad radices misit, qui spem suam DEO commisit, ac de ipso fonte summi boni, aquas vitæ, totius benedictionis & gratiæ bibit, per hanc nempe piam & fidelem fiduciam remittuntur peccata, propulsantur pericula, terrores contemuntur, vincitur mundus, effugiuntur naufragia,*

declinantur fulgura, tempestates superantur. Spem vocat Divus Augustinus *Scalam* quâ ad DEum ascendimus, *clavim* viscerum divinorum, & *numisma* quo Misericordia ejus emitur. Speremus! & habebimus scalam securiorem illâ, quam Jacob lapidi incubans vidit in cœlum usque porrigi & angelos ascendere ac descendere, ut videlicet suspiria nostra ad thronum gratiæ efferant & charismata cœlestia deferant. figurat hanc scalam caudex lilii viridantibus foliis interfectus rectâque in sublime tendens; hoc enim situ nos docet in cœlum desideria erigere, & ex alto auxilium præstolari. speremus! & clavigeri non quidem cœlorum, sed quod amplius est viscerum divinorum erimus. latent in corde Salvatoris ingentes divitiæ & innumera- biles thesauri multis feris probè custoditi, verum omnes facili negotio referat clavis fiduciæ. Sunt alii Regum & Cæsarum thesaurarii aut Camerarii, clavibus aurcis insignes, nos Camerarii Regis Regum esse possumus, si ex animis nostris clavim Spei nunquam dimiserimus. per viscera misericordiæ DEI nostri obtestor singulos, vitam potius quàm fiduciam erga infinitam Clementissimi nostri pietatem amittant. Crucem Salvatoris vocavit *Vates* Evangelicus *Clavim David* super humeros ter Maximi Pontificis, nos ex hac ipsa cruce clavim Spei fabricare possumus, quâ aditum ad Sancta Sanctorum, viscera inquam divinarum miserationum patefaciamus. adumbrant hanc clavim illi in lilio spectabiles malleoli, revocantque in memoriam clavos crucifixi, ex quibus Fabri filius nobis fabricare dignatus est claves cœli. Speremus! & ecce aureum habebimus nummum, quo Misericordiam Redemptoris nobis redima-

S. Aug. I.
de civit.
DEI.

mus. nummum hunc aurea illa lili flavedo significat, quæ in floris meditullio conspicitur. Venditus quondam Iesus est triginta argenteis, hodie emitur nummo Spei. Nummos gratiarum, ut vocant, quærant alii in aulis principum, nos in caula Bethleemtica, vel in Oliveti area, aut ara Calvariæ inveniemus, ubi aurei nummi liliis insignes, quales Cæsarum Romanorum fuisse supra dixi, disperguntur & dulcissima illa exauditur vox, quam olim Ægypti prorrex ad timidos fratres suos protulit: *nolite timere, venite ad me, & ego dabo vobis omnia bona Ægypti*, Gen. 45. v. 18. o divinissime Joseph Cælorum terrarumque Rex, nos te in servitutem vendidimus, inque peccatis nostris servire cœgimus, nos feris pessimis devorandum te objecimus, nos belluis omnibus immaniores dirisimè te consecimus, & tu misericordiæ viscera nondum exuisti, potesque adhuc invitare nos, & bona omnia polliceri? ita est, respondet benignissimus Salvator, frater vester & caro veltra sum, sanguinem quem fudistis, sudorem quem expressistis, lacrymas quas excussistis, pretium vestrum & litrum est: confidite ego dabo vobis omnia bona. ideo flumina lacrymarum fudi, cum guttula suffecisset, & cataclysmum, sanguinis emisi, cum stillula millenis exhauriendis infernis satis esset, ideo copiosam præstiti redemptionem, ut nullus posset esse locus diffidentiae. exclament nunc Augustinus & Bernardus: desperare utique potuissem propter nimia peccata mea, & infinitas negligentias meas, sed desperare jam non audeo, quia cum inimici essemus, reconciliati sumus per mortem Filii Dei. tota spes mea est in morte Domini mei. mors ejus meritum meum, & refugium meum, Salus

mea & resurrectio mea. meritum meum misericordia Domini, quanto ille potentior ad Salvandum, tanto sum ego securior. multum est, quod mea meretur impietas, longè autem majus est, quod Redemptoris mei possit jure pietas. magna est mea injustitia, satis verò major justitia Redemptoris. quid enim deliquit homo, quod non redemerit Filius Dei factus homo? hætenus Augustinus & Bernardus. en quàm bene sperare nos doccat Liliū.

At non sperare solum docet, operari nos pariter jubet, & candore puritatis in lilia mutari; præcipuum enim quod lilio denotatur, virginitatis decus & fastigium est. Psalmum quadragesimum quartum hoc titulo regius psalmographus insignivit: *Triumphus pro Liliis*, quia in eo Psalmo triumphum castitatis depinxit. Aptissime S. Paschasius: Virginitas quæ Angelis comparatur, per lilia quàm sæpe inscripturis Sacris, præfiguratur. & ideo dixerit Dominus quod nec Salomon in omni gloria sua cooperatus sit, sicut unum ex istis, in quibus nimirum floribus renitentibus floribus veri incorruptio, & pulcritudo per charitatem integræ castitatis, propter quod velim vos considerare, Virginitas quàm præclara, quæ tantis & talibus attollitur præconiis. hætenus S. Paschasius lib. 1. in Psalmum. 44. ubi Vulgata nostra habet: *missus est Angelus Gabriel ad Virginem* Luc. 1. v. 26. alia legit versio: *missus est Angelus ad Liliū*, quasi idem sit Virginem ac Liliū esse. est enim verò Virgo Virginitum illud ab Esdra significatum Liliū: *ex omnibus floribus elegisti tibi liliū unum*, unum præ omnibus floribus placet & præcellit liliū, quia castitas una præ virtutibus ceteris Sponso animarum placet. In Susan

§. 6.
Lilia sunt
Symbola
Castimo-
niæ, cujus
encomium
figuris
quinque
adstruitur.

4. Esd. 5.
v. 24.

Figura 1.
Assuerus
in Susan
Etha. 1.

san habitavit Assuerus, Susan idem quod Liliū significat, inter lilia habitat & pascitur Sponsus, cujus labia sicut lilia, & quantus quantus ipse est, totus Liliū est. à Lilio candorem castitatis addiscere jubemur. Lillii patriam finxere poëtae cœlum: - - ô flos pulcherrime nostri

Portio, flos terræ, cui non cunabula debes

Sed Cœlo, & Cœli quæ te produxit alumnae.

Virginitatis patria cœlum esse dicitur, castitas cœlo accersivit quod imitaretur in terra, inquit S. Ambrosius l. 1. de Virg. prima Virgo est ipsa Sanctissima Trinitas, de qua D. Gregorius Nazianzenus canit: *Prima Trias Virgo est.* Liliorum semen inimicum est serpentibus, castitas dæmonibus, hinc de primiceria Virgine dictum à DEO ad serpentem est: *ipsa conteret caput tuum.* extingvunt ignem sacrum & Yerpere prohibent lilia, *extingvit Sodomaemum in dno infernalem ignem* Castitas, hinc Susanna, quæ *lilium* significat, in balneo deprehensa à malignis senibus aduri non potuit; Confortant caput sanum lilia, debile impetunt, confortat odor Virginitatis ipsum Generis Humani Caput JESUM Nazarenum Crucifixum, qui deo caput in cruce inclinat, ut in sinu Matris Virginis vallato liliis requiescat. at verò caput ebrii Hofernis impetit casta Judith, caput adulteri Sifaræ conficit casta Debora. regium sceptrum inter flores tenet lilium, & coronam auream suo gestat in vertice, quasi natura ipsa Liliū inter flores regem coronasset, corona virtutum est Virginitas, cui videlicet soli præcipue sertum seu corona ubivis gentium asseritur.

Posteaquam divinus Sponsus dixisset: *ego flos campi & liliū con-*

vallium Cant. 2. v. 1. mox subdit de sponsa v. 2. *Sicut liliū inter spinas, sic amica mea inter filias,* quibus in verbis observo Regem appellari florem & Liliū, ac Sponsam Liliū solum, & non florem, cur & hic titulus Reginae non attribuitur? respondet S. Augustinus Christum dici florem campi ob decorem Sanctitatis, omniumque virtutum, liliū verò ob Virginitatem, solum in Sponsa liliū, non verò ceterarum flores virtutum deprædicantur, quia in virginitatis encomiis omnium decor virtutum coronatur, cum ut ait S. Gregorius, *nec opus bonum est aliquod sine castitate.* Eleganter Hildebertus ep. 35. *virginitas curarum est silentium, pax carnis, virtutum principatus, naturæ obliquo, virtutum redemptio;* elegantius adhuc Abbas Clarevallensis ep. 42. ad Senonensem Episcopum: quid castitate decorius, ait, quæ mundum de immundo conceptum semine, de hoste domesticum Angelum, Deumque de homine facit. Sola est castitas quæ in hoc mortalitatis loco & tempore statum quendam immortalis gloriæ repræsentat, sola inter nuptiarum solemnia morem illius beate vendicat nationis, in qua non nubunt, neque nubentur, præbens quodammodo terris cœlestis jam illius conversationis experientiam. hæc Bernardus.

Audi filia & vide, tu quæcunque virgo es audi, quàm DEO grata sit virginitas, quàm pulcra sit, quanta illius dignitas. *magnum reverà quoddam ac præclarum Virginitas est, quod ut totum simul explicem, hominem incorruptibili DEO simillimum facit* inquit Basilii Magnus lib. de vera Virgin. & cur simillimum? respondet Condicipulus Basilii Gregorius Nazianzenus, ut supra insinuavi: *prima Trias Virgo est.* Pater enim sine corruptione generat Filium,

Cant. 2.

S. Greg.
hom. 13. in
Evang.

Figura 2.
Liliū in-
ter spinas.

Filium, ex Patre & Filio purissimè Spiritus Sanctus procedit. ex omnibus titulis hic solus convenit Trinitati: non Apostolus, non Propheta, non Confessor dici potest, sed Virgo. & quia similitudo mater amoris juxta Philosophum, hinc inamaturatur Trinitas in Virgines.

Figura 3.
Agnus supra Montem Apoc. 14.

Apoc. 14. vidit Joannes agnum supra montem, stipatum centum quadraginta quatuor millibus adulescentum: *habentes nomen ejus & nomen Patris ejus scriptum in frontibus suis*, quid hoc rei? quæ virtus in tanto honore? *bi sunt qui cum mulieribus non sunt coinquinati*, Virgines enim sunt. si Virgines, ergo imago sunt Trinitatis, & ideo habent nomen Patris & Filii, habent nomen Patris, *Virginitas enim Deificans* inquinat. Græca in c. 2. Luc. soli purissimèque DEO verè proprièque consortes facit. habent nomen Patris, à quo dicuntur dii & filii Dei, ita Albertus M. Sed ubi nomen Spiritus Sancti? in fronte non apparet! supra corda est, custodit enim Virginum corda: quia proprium officium Spiritus Sancti est formare Virgines easque immaculatas conservare. quod aperte S. Gabriel Luc. i. v. 34. prodidit: *Spiritus Sanctus superveniet in te*, quasi diceret, nè mirere te fore matrem & manere Virginem, quia non humanum, sed Spiritus Sancti opus id est. ubi aureè Chrysologus serm. 57. *ubi Spiritus generat, Virgo parturit, totum divinum geritur, nil humanum*.

Audi filia: quod in te est, non humanum est, sed divinum. vide decorem, qui tantus est ut ipse Rex superemus captus sit, non mirere Adamum Evæ, Jacobum Rachelis amore captum, Samsonem Dalilæ, Davidem Bethsabæ, Salomonem Sunamitidis, Holofernem Judithæ, Assuerum Estheris pulcritudine inescatum, ipse Rex summus ita diligit

castam animam, ut se totum illi donet: *Concupiscet Rex decorem tuum, quoniam ipse est Dominus DEUS tuus & adorabunt eum* Ps. 41. v. 12. concupiscet supra cælorum pulcritudinem, supra Angelorum speciem, quorum castitas est feliciores quàm fortior, juxta Bernardum in ep. pulcritudinem enim quis potest majorem æstimare decore Virginis? quæ amatur à Rege, probatur à Judice, dedicatur Domino, consecratur DEO. quando tu te illi, ille se dicat tibi, quoniam ipse est Dominus DEUS tuus. in corde tuo ò Virgo habitat DEUS tanquam in suo throno tanquam in suo templo.

Cant. 3. v. 9. *ferculum fecit sibi Rex Salomon*. de qua materia? *de lignis Libani*. quæ ligna in Libano? illic cedri Libani quas plantavit. Ps. 103. v. 16. cedri corruptionem non admittunt, & ideo virginitatis sunt symbolum, quæ nullam cogitationem, desiderium, verbum, aspectum, tactum admittit, unde corrumpi possit. Libanus idem significat juxta S. Hieronymum, quod *candidatio* seu *dealbatio*, quæ liberia est Virginum. Plusquam Salomon Rex pacificus, ut sibi in terris thronum competentem fabricaret, non accepit Cypressos ex Sion, sive Patriarchas, non Palmas in Cades seu Doctores, non rosas in Jericho Martyres, non olivas Confessores, non platanos juxta aquas, pœnitescentes, non myrrhas, Viduas, sed cedros seu Virgines, ex his sibi thronum fecit, quia in iis quiescit. ita S. Gregorius Nyssenus hom. 7. in cant. sunt proinde DEI thronus Virgines, sunt & templum.

Elegit Dominus Sion, elegit eam in habitationem sibi Ps. 131. v. 13. *quæ est hæc sedes Domino eterna ac requies?* quærit Zeno in Ps. 26. respondet: *certe virginitas ac continentia humana DEI templum est*. nec mi-

Figura 4.
Ferculum Salomonis Cant. 3.

minor reverentia debetur virgini quàm templo. in Virgine adorari vult DEus. unde idem Psaltes: *& adorabunt eum.* De Constantino Magno testatur Eusebius Cæsariensis vitæ lib. 4. quòd tanti fecerit scamna, in quibus seorsim fedebant Virgines, ut quoties transiret vacua scamna, tam profundam reverentiam fecerit, quàm ipsi altari, ubi Venerabile Sacramentum asservabatur. quod ex psalme didicit, nam ubi vulgata legit: *apprehendite disciplinam* Ps. 2. v. 12. alii ex Hebræo vertunt: *adorate puritatem.* pura Virginitas DEO similem, DEI templum & propè divino honore dignum facit iudice Constantino.

Figura 1.
Sepulcrum
novum
Matth. 27.

Cuilibet virgini inscribit Spiritus Sanctus: *hec requies mea.* Ter invenio Dominum quievisse: in utero Mariæ, in sinu Joannis (ut habet S. Ambrosius lib. 2. de virg. *finum Joannis ut in eo accumberet libenter Dominus elegit*) denique in sepulcro: *sepulcrum autem erat novum, quòd exciderat Joseph in petra* Matth. 27. Marc. 15. *in quo nondum quisquam positus fuerat* Luc. 23. Joann. 19. typus virginis, quæ à mortali corpore violari se non patitur, & contactum morte pejus horret, est sepulcrum in quo Iesus capit quietem, & celebrat resurrectionem.

Ad singulare solatium vestrum est ò Liliatæ virgines, quod dicturus sum, nec dicturus essem, si non citata catena Græca ad hoc me obligasset, ait proinde illa: *quod in inviolata MARIA corporaliter, hoc ipsum etiam spiritualiter in omni anima Virginitatem servante contingit.* hoc est; sicut MARIA promeruit fieri thronus & templum, quies & deliciæ divino Verbo, ita quælibet vera virgo habitaculum est DEI. Insinuatitid CHRISTUS Matth. 12.

v. 5. *quicumque fecerit voluntatem Patris mei, ipse meus frater & soror & mater est.* sed quæ est ista voluntas? fortè voluntas consistit, ut perpetuum servemus ieiunium, cilicium, vigiliis, omnibus nos denudemus? non hoc requirit DEus: eamus ad Paulum & inquiramus ab eo extertio cælo reduce, quæ sit voluntas Patris? ò Doctor gentium! non nega nobis hanc gratiam, non priva hac nos scientiâ, dic obsecro, quæ sit voluntas Patris? audio responsum ex 1. Thessal. 4. v. 4. *hec est voluntas DEI Sanctificatio vestra.* Sancti estote sicut & ego Sanctus sum Levit. 11. v. 44. quid intelligit per Sanctificationem Apostolus? rescimus id ex Discipulo Pauli Dionysio Areopagita, quem citat Cornelius à lapide hic. *Sanctitas est perfectissima ab omni iniquatione libera, hanc docuit nos CHRISTUS petere Oratione Dominicâ petitione tertiâ: fiat voluntas tua. voluntas tua est castitas nostra.* fiat castitas sicut in cælo & in terra. sicut Angeli casti sunt per naturam, ita nos per gratiam tuam, ut mereamur in cælo confociari Angelis juxta illud verbum tuum: in cælo neque nubent neque nubent, sed erunt sicut Angeli DEI Matth. 22. Marci. 12. Luc. 20.

Eccli. 26. v. 20. compendium elogiorum Castitatis lego: *omnis ponderatio non est digna continentis animæ,* dicatur in laudem Virginitatis quidquid potest, minus erit quàm debeat. æstimetur quantum potest, nunquam satis æstimabitur. faciamus ex Cruce stateram & pondere-mus, Castitatis pretium ac præmium. veniant Patriarchæ cum suis meritis, *non est digna ponderatio.* veniant Prophetæ & quotquot sunt Doctores, non tantum ponderant, quàm una Virgo sapiens. Veniant Apostoli & Martyres: non est digna pon-

ponderatio. Veniant conjugati cum suis eleemosynis, non est digna ponderatio. Virginitas aurum est, Viduitas argentum, conjugalitas æs juxta S. Hieronymum in c. 2. Dan. Virginitas Sol est, viduitas Luna, conjugalitas castitas stella. quæ comparatio stellæ ad solem? ita S. Augustinus in c. 12. Apoc. Virginitas nubes est, viduitas terra est, conjugalitatis limbus ad mentem S. Ambrosii in exhort. ad virg. super illud: *ecce Dominus sedet super nubem levem.* non est digna ponderatio. Veniant ipsi Angeli, accedant archangeli, Throni adsint cum Dominationibus, Seraphini cum Cherubinis, quid putatis? num isti præponderant? at attendite ad verba Gregorii in Pastoralibus p. 3. quæ posuit in illam Isaie sententiam c. 36. v. 4. *hec dicit Dominus Eunuchis (Eunuchi sunt qui, inquit Gregorius, compressis motibus carnis affectum in se prævi operis abscindunt) dabo eis in domo mea ubi mansiones multæ sunt locum & nomen melius à filiis i. e. Angelis & à filiabus. i. e. ceteris animabus electis. major est Victoria virginum quàm Angelorum* S. Ambrosius lib. de vid.

§. 7.
Brevis re-
petitio
Concionis
& Emble-
ma.

Atat quò me effusus Liliorum odor, candor, decòrque abstraxit, ut tam profusè in castitatis laudem excurrerem? nimirum vel cogitata Castitas fecundat animam, &

facundam facit linguam. Plura mihi superessent de lilio, quod juxta doctrinam Evangelicam, consideratum, pulcherrimas movet, cogitationes, verum satius fuerit non sub rosa, sed Lilio easdem reservare. Vos interim manibus date lilia plenis, atque à Liliorum nitore puritatem, à rectitudine fiduciam, à medicinali operatione pœnitentiam discite, ut plusquam Salomon in omni gloria sua nunc quidem stollà gratiæ, deinde immortalitatis ac gloriæ cooperiri possitis. Considerare Lilia, sed & respicite volatilia, quæ gratitudinem vocali suo clamore deprædicant, & sollicitudinem nimiam, in auras esse mittendam pervadent, verum utinam hæc universa per aures non exeant, inque auras abeant, quæ de avibus & Liliis docui & dixi.

Pro Emblemate Lilium effigio, cui Philomela infidet cum lemma: *quàm bene conveniunt* Vox bona, Odorque bonus. Lilia & Aves respiciamus, eorùmque ex proprietate, puritati vitæ oris suavitatem jungamus, ut jucundè amœnèque vivamus in bonæ spei Liliis, & ad paradysum aliquando evolemus bonis avibus.

—§—) (—§—



N

PRO-

Problemata P. Philippi Hartung.



PROBLEMA XVII.

Præstetne Viduam nubere?

DOMINICA XV. POST PENTECOSTEN.

Et hæc Vidua erat. Luc. 7. v. 12.

S. I.
Viduas
DEus cu-
raz habet.



Quam cordi DEO sint viduæ, utriusque testamenti paginæ loquuntur. Exod. 22. v. 22. præcipitur: *viduæ & pupillo non nocebitis. si leseritis eos, indignabitur furor meus, percutiâque vos gladio. Isaïæ 1. v. 17. defendite viduam. Jerem. 22. v. 3. viduam nolite contristare. quodsi non audieritis verba hæc, in memetipso juravi, dicit Dominus, quia in solitudinem erit domus hæc. certissima reproborum nota est tessera illa: non parcamus viduæ Sap. 2. v. 10. hos enim manet illa maledictio DEI Deut. 27. v. 19. maledictus qui pervertit iudicium viduæ, & dicit omnis populus Amen. & Jobi 24. v. 20. & 21. obliviscatur ejus Misericordia, ducedo illius vermes: non sit in recordatione, sed conteratur quasi lignum infructuosum, cujus causa additur: Viduæ bene non fecit, en quot minæ & imprecationes adversum eos, qui viduas fovere negligunt. Nimirum Judicem viduarum se vocat Altissimus Ps. 67. v. 6. benefactorem earundem se appellat Ps. 132. viduam ejus benedicens benedicam. patronus quoque futurus promittitur Ps. 145. v. 9. pupillam & viduam suscipiet. DEum æmulatus pûssimus Job hoc*

sibi summo solatio extrema ducit in calamitate: *cor viduæ consolatus sum c. 29. v. 13. ut divinam exoreret clementiam Juditha, hoc solum allegat motivum, quod vidua sit: subveni quæso te Domine DEus mihi viduæ Judith. 9. v. 3. non allegat calamitatem populi, periculum urbis, interitum gentis, sed viduitatem suam, ut DEum commoveat ad pietatem. non parva vis lacrymarum viduæ est, inquit Chrysostomus homil. 69. in Joann. sed ipsum cælum possunt aperire. Maximam viduarum curam in lege gratiæ DEus-Homo ostendit, qui à vidua Anna die quadragesimæ à nativitate sua in templo suscipi, ejusdemque viduitatem in annales suos referri voluit: & hæc vidua erat usque ad annos octoginta quatuor Luc. 2. v. 37. & viduæ minuta duo in templo oblata omnibus ceterorum donariis quantumvis largissimis prætulit Marci. 12. v. 40. & Luc. 21. v. 2. vidit autem & quandam viduam pauperulam mittentem era minuta duo, & dixit: verè dico vobis, quia vidua hæc pauper plusquam omnes misit. hodiernæ quoque viduæ ultrò miseratus est, lacrymâsque terstit: *noli flere, & filium defunctum vitæ restituit: dedit illum Matri sue, cum tamen ad profusas aliorum preces, ipsius**

1. Timoth.
5. v. 3.

ipſus etiam Martha Virginis & Magdalene pœnitentis reſuſcitati-
onem Lazari aliâque beneficia di-
ſtulerit. Quapropter gentium
Doct̃or Ep̃iſcopo Timotheo præ-
cepit, *viduas honora*, quaſi aliquid
ſupra Ep̃iſcopatum habeant ho-
noris viduæ; & Jacobus Apoſto-
lus Summam ſynceræ pietatis ad-
ſtruit: *viſitare viduas* c. 11. v. 27.
ex quibus tot tantisque obiter in-
ſinuatis viduarum prærogativis du-
bitare venit in mentem, utrũ non
ſatius ſit viduam in viduitatis ſuæ
ſtatu contra quaslibet carnis mundi
ac dæmonis infeſtationes perdura-
re, an verò ad ſecundas tranſire nu-
ptias. quod dum breviter diſputo,
ſecundis animis audiri percipio.

§. 2.
Argumen-
ta pro Se-
cundis nu-
ptiis.
1. Cor. 7. v.
39. ib. v. 9.

Secundas nuptias qui dam-
nant, hæretici ſunt, damnati ſuo
cum auctore Montano ab Eccleſia
Catholica & anathemati ſubjecti,
cũ ſecundas nuptias non modò
permiferit, ſed præceperit aliquan-
do DEus, quando videlicet defuncti
fratris conjugem à fratre ſuperſtite
duci mandavit Deut. 25. v. 5. Licen-
tiam nubendi cuilibet viduæ pro-
mulgat Paulus: *cui vult nubat*. imò
hoc melius quandoque fore pro-
nuntiat: *melius eſt enim nubere, quàm
uri*. Certè ſi viduitas à Divo Am-
broſio I. de vid. agris feriantibus
poſt redditos novalium fructus
comparatur, non decebit agrum e-
juſmodi perpetuò ferari, ſed legi-
timis ferendis fructibus poſtlimi-
nio aptari, nè Zizania ſuperſeminet
homo inimicus. habent enim verò
viduæ non unum inimicum, ſed le-
giones integras dæmonum, & qui
dæmone pejores ſunt, hominum,
qui cũ illecebris, tum continuis
quaſi afflictiõibus viduas perfe-
quuntur, donec in ruinam impel-
lant. *quid tibi neceſſe eſt*, inquit S.
Hieronymus ep. 47. *in ea verſari
domo* (dicam ego in ea permanere

vitaẽ conditione) *in qua neceſſe habe-
as quotidie aut perire, aut vincere?*
& ep. ad Vigil. *nolo ſpe pugnare vi-
ctoriæ, nè perdam aliquando victori-
am*. ſit excellentior viduarum Sta-
tus quàm conjugum; at periculofi-
or ille præiſto eſt. navigat enim vi-
duitas inter Scyllam & Charybdim,
illecebras videlicet blandientium
& furias perſequentium, inter quas
ſi non naufragetur aliquando, pro-
pe abeſt à miraculo. De viduis il-
lud Creatoris Dei intelligo: *non eſt
bonum hominem eſſe ſolum*. & v. il-
lud, quod ſolitudo Salomon inten-
tavit, de viduitate accipio: *va ſolt*
Eccle. 4. v. 10. Incarnata Sapientia
in comitatum ſuum conjugatas ad-
miſit teſte Matthæo c. 27. v. 55. *quæ
ſecutæ erant Jeſum à Galilæa mini-
ſtrantes ei*, à Virgine Deipara &
Martha alimenta ſuſcepit, nuſpiam
autem ullius mentio ſit viduæ, quòd
Chriſtum habuerit alumnum, for-
taſſe nè glorioſa viduitati majoris
excellentiæ occaſio præberetur.

Hæc potiſſimum ſunt, quæ
ſubtilius quàm ſolidius adverſus
viduitatem jaſtari poſſunt, unico
tamen diſſanda haliu, ſi dicamus
cum Apoſtolo Spiritum DEI habente:
dico autem viduis (quidquid
contradicant adverſarii) dico au-
tem viduis: *bonum eſt illis, ſi ſic per-
maſerint* 1. Cor. 7. imò unaquæque
vidua *beatior erit, ſi ſic permanſerit*.
Nulla ſola eſt vidua, habet enim, ut
dicemus ſponſum Jeſum, qui cum
ipſa eſt in tribulatione, eodẽque
in lectulo Crucis accubat, & lævam
ſuam ſupponit viduæ capiti, dex-
trâ autem amplexatur & ſtringit.
Nullus furiarum turbo, nulla favo-
riorum illecebra viduæ nocebit, ſi
ex conſilio D. Hieronymi ep. ad
Fur. mortem ſeriò meditata fuerit,
& ſolitudo in turturis æmulata:
*cogita te quotidie eſſe morituram, &
nunquam de ſecundis nuptiis cogita-
bis*.

§. 3.
Viduitas
Conjugio
præſtan-
tior.

bis. Verum ad viduitatis laudes
fufius profequendas progredia-
mur.

§. 4.
Viduas Al-
tari con-
fert S. Ignatius, Spon-
fas Chrifti
vocat
Theophy-
laftus.

Mira eft illa D. Ignatii Marty-
ris parænefis in honorem Viduita-
tis defcripta epift. 7. quâ fideles ad-
hortatur, ut Virgines honorent pro
Sacerdotibus, Viduas verò pro al-
taribus: *eas que in Virginitate de-
gunt in pretio habete velut Chrifti Sa-
cerdotes: viduas in pudicitia ma-
nentes velut altare DEI.* cur Viduæ
altari comparantur? quia res Deo
fakra est, omnique fuperior æftima-
tione; *res enim fakra* ut Juriscon-
fultus de Senat. l. 9. loquitur, *non
accipit æftimationem.* Altare à D.
Ifidoro quali *alta res* dicitur; alta
res eft viduitas, quæ thronum DEI
petit, oculos fupremæ Majestatis
illicit, cor divinum ad fe attrahit, ita
ut Patrem orphanorum & Judicem
viduarum fe gaudeat appellari. Al-
tare legis veteris ex lignis Sethim
fabrefieri Deus juffit: *facies Altare
delignis Sethim* Exod. 22. v. 1. quia
hæc ligna corrumpi non folent,
comhuri non poffunt, ita vidua fi
verè vidua eft carnali putore cor-
rumpi fe non patitur, ignes veneres
minimè admittit, quia tanquam
ara DEO acceptiffima perpetuum
divini amoris alit ignem. non folæ
Virgines Sponfæ Chrifti funt, gau-
dent & viduæ hoc honore: *vidua
Chriftum Sponfum habet, perinde ac
virgo,* inquit Theophylactus in 1.
Tim. 5. fortè magis quàm virgo
Sponfum meretur Chriftum vidua,
tanquam dolorum ejus magis con-
fors, idè quæ dignior amore, quia
plus philothefti illius calicis, ex quo
pro menfura amoris amaror propi-
natur, participant.

§. 5.
Status vi-
duarum re-
gius.

Viduæ Solymæorum Reginæ
fcribens confolatoria Bernardus ep.
289. non minùs eam gaudere jubet
ex ftatu viduitatis, quàm ex ftatu re-

gio: *puto quòd & gloria tibi eft inter
Chriftianos, non minùs vivere
viduam quàm Reginam.* pari paffu vi-
dua ambulat cū Regina. hæc legibus
mariti non fubjacet, illa libera eft à
lege viri Rom. 7. v. 3. hæc gubernat
regnum, illa animum, coronatur
diademate Regina, ad coronam e-
vocatur vidua: *veni Sponfa Chrifti
accipe coronam, quam tibi Dominus
præparavit in æternum.*

De feptima ex Hyadibus (quas
feptem fiores & fex quidem nu-
piffè diis, ultimam verò mortali
fingit fabula) de feptima inquam
Hyadum fcribit Hyginus c. 192.
quòd idcirco non obfervetur, & di-
minutos habeat fplendores, quia ex
imparibus nuptiis erubefcit: *confi-
citur erubefcere, quia mortalem vi-
rum accepit, cum cetera DEos ha-
beant.* erubefcant omnes illæ vi-
duæ, inque pudoris tenebras re-
condant, quæ divinum Sponfum
repudiant, ut terreftri denuò fe
conjungant. Ablatus morte præ-
propera ideo maritus eft, quia Zelo-
tes animarum Sponfus à viduis fo-
lus vult amari, inque demortui affe-
ctus Sponfi ex integro fuccedere.
cur ergò hunc folum unicè non a-
mant, & cum Sanctis Viduabus
Hedvige, Elifabetha, Brigitta, ex-
clamant: *fola relicta Solum DEum
amo!*

Habet hoc Viduitas; ut profufus
fuper marito mortuo lacrymis pri-
ftinos fucos & pigmenta, quibus fe
velut altera Jezabel depinxerat, fe-
liciter diluat, itaque faciem fuam ad
priftinam reducat formam; ad
quam condita à DEO fuerat, prout
S. Hieronymus ad Salvinam viduam
fcribens adnotavit: *Litam purpu-
riffa & ceruffa faciem fuper feretrum
mariti lacrymis diluiffi,* at verò fi ad
fecundas transfire velint nuptias, fa-
ciem denuò deturpare, & DEO An-
gelisque invifam reddere debe-
bunt,

§. 6.
Cur viduæ
atratae.

bunt, quo pacto daemone ipso deterioriores esse manifestè convincentur, qui deformis cum sit, in Angelum lucis se transfigurat, at verò secundò nuptiæ facièm à DEo acceptam deveniunt in angelos tenebrarum se curant transfigurari. Solent viduæ pullis indui vestibus, non tantum ut testentur marito se commortuas, vel ut significant cœlestis Sponsi insigne se induisse, cui præ ceteris nigredo placet, unde Sponsa: *nigra sum, sed formosa* cant. I. v. 4. sicut enim vaccinia nigra leguntur, ita nigras Jēsus præeligit Sponsas, sed ideo potissimum nigrum colorem habent proprium, quia hic color constantior ceteris est, in alium enim colorem transmutari se non patitur. qua de causa Sacerdotes Ægyptii pro nobilissimo optimæ Viduæ symbolo nigram Columbam adstruebant, ut easdem constantiæ in statu viduitatis admonerent.

Virginem Virginum **MARIAM** in supremum gloriæ fastigium à Rege Regum evectam & festivis Hymenæis celebratam describens David, observat gynæceo longè formosissimo eandem cinctam fuisse, non Virginibus modò, sed viduis latera Mariana stipantibus, aut pedissequis supremæ Dominae vestigia legentibus, quin & illud adnotat Psaltes, singulis seu Virginibus seu viduis Angelum comitem quasi paranympum adstitisse: *adducentur Regi Virgines post eam, proxima ejus afferentur tibi* Pl. 44. v. 15. proximarum nomine intelligi viduas D. Paschasii aliorumque interpretum est sententia, ad Virgines enim proximè accedunt viduæ, nam ut S. Ambrosius lib. de viduit. scripsit: *propemodum non inferioris virtutis est eo abstinere conjugio, quod aliquando delectaverit, quam conjugii oblectamenta nescire, quare & Romani vi-*

*duas virginibus pares habuere, teste Valerio Max. l. 2. c. 1. apud veteres Romanos quæ uno contentæ matrimonio fuerant, coronâ pudicitiaæ honorabantur. quas divinus Sponsus non modò ad cœlestes admittit nuptias, sed proximo cordi loco (virgines videlicet à dextris, à sinistris viduas, ubi cor,) honorificè collocat, proxima ejus afferentur tibi, sed quid sibi vult, quòd virgines dicantur adduci ab Angelis, viduæ autem afferri? an potiori in censu apud DEum viduæ sunt, quàm virgines; cum hæc manuducantur, ut aulicæ herulæ solent, viduæ verò manibus deportentur, nè fortè ad lapidem offendant pedem suum? an idcirco afferri viduas oportet, quia virginibus infirmiores sunt, istæ enim propriis innixæ pedibus cœlum ingredi possunt, illæ autem, viribus sufficientibus destitutæ bajulas requirunt manus, ut ad nuptias priusquam claudatur janua, perveniant? ita omninò se res habet, inquit Paschasius, debiliores sunt viduæ ob tolerata conjugii onera, quàm ut certare robore cum virginibus possent, nec dirigerent pedes suos in viam pacis æternæque salutis, nisi Angeli succurrerent, & ad cœlestes nuptias deportarent. *adducentur virgines, proxima afferentur.* oraculum Paschisianum audiamus: *virgines dicuntur adduci, quia corporis integritate robustiores sunt: viduæ verò afferri, quæ plerumque fractæ diversis multisque molestiis, multâ jam corporis imbecillitate fatigantur.* si ergo fatigatæ imbecillitate corporis, nihilominus ad nuptias secundas transeundo fatigari adhuc magis desiderant, nã ego omnibus stultis mulieribus & fatuis virginibus infaniores censuero, liberæque vi discursus pronuntiâro indignas videri, quas denuò cœlestes genii in suas atollant manus, at-*

S. 7.
Virgines
manu du-
cuntur ab
Angelis,
Viduæ ve-
rò portan-
tur, quo
myſterio?

que ad supremas afferant nuptias, quin potius in via cœli destitutas prædonibus inferis in prædam cedere permittant.

§. 8.
Desipiunt
quæ secun-
dum nubunt.

Qui è naufragio vix ereptus mare repetit, ut denuò naufragetur, stultissimo stultior appellatur, quippe qui non sapiat ictus, nec à propriis fiat cautior periculis quandoquidem cavere sibi & sapere debuerat ab alienis, nec ab ea quam fortè evasit vexatione accipiat intellectum. muscipulam nunquam repetet musculus, nec laqueum vulpecula, nec aream passerculus, nec hamum pisciculus, nec locum in quo lapsus est asellus; & vidua in eodem sese induit laqueos & decipulas, ex quibus maximo cum discrimine vix exierat. *Bruta animalia & vage aves in eadem pedicas retiaque non incidunt*, inquit S. Hieronymus ep. ad Furiam. næ ego brutis omnib' brutiores dixero, quæ spreto viduitatis honore ad secundas nuptias transire amant, quasi onera conjugii & tribulationes carnis & jurgia thori & mille tædia Hymenæi nondum satis sint expertæ.

§. 9.
Secundæ
nuptiæ ca-
rent bene-
dictione,
sicut se-
cundus
conditi
mundi
dies.

Qui divina sex dierum opera accuratius observârunt, mirabile quid de die Secundo adnotant, videlicet hunc solum divinâ carere benedictione. benedixit diei primo non secundo, benedixit septimo non secundo, benedixit diebus ceteris secundo duntaxat excluso, divinisque benedictionibus destituto. cur secundus negligitur, & solenne illud non accipit verbum: *vidit Deus quòd esset bonum*? quomodo secundus appellari poterit, si secundissimâ careat benedictione? respondet Magister sententiarum, quòd secundus faciat numerum, unitatem dividat, discordiâque designet: *sacramentum aliquod hic commendatur, ideo enim fortasse non hoc*

Mag. sent.
in 2. disti.
14.

dicit: quod tamen in aliis factum est, quia binarius principium est alteritatis, & signum divisionis ab unitate. non accipit dies secundus benedictionem, & benedictionem speret vidua, quæ primo non contenta marito, transit ad secundum? per numerum binarium intelliguntur nuptiæ, inquit Rabanus, quia pluralitatem spectant, per unitatem vero virgines & viduæ, quæ juxta Isidorum ideo dicuntur viduæ, quasi *non due*, siquidem alterutro conjugum mortuo sit ex duobus resolutio in unum. quâ unitate si quæ vidua gaudere nolit, sed secundam sibi nuptiarum diem creet, miror si sperare possit eam, quam dies secundus in creatione sua non accipit benedictionem. Certè sanctissima JESU Sponsa Ecclesia Catholica in ritualium volumine prohibet ad secundas nuptias transeuntibus dari benedictionem, & interdicto Sacerdotem subjicit, qui eandem dare præsumferit.

Quod si ex doctissimo Didaco Baëza requiram, cur multæ viduæ ad secundas tantoperè anhælent nuptias, ut aliter vivere sibi non posse videantur? dicet causam à Christo satis supérque insinuatam esse in responso quod Samaritanæ dedit Joann. 4. v. 17. *bene dixisti: quia non habeo virum, quinque enim viros habuisti, & nunc quem habes, non est tuus vir. hoc verè dixisti.* clamat vidua: virum non habeo, quia quem conjugii tempore habuerat virum, non erat ejus vir, cum non virum sed quinque viros insaturata bellua habuerit. nimirum conjugalis incontinentia, incontinentiam nunquam non adducit vidualem, ubi vicissim Inuptialis castitas facit viduas continentes. Mirabitur omnis ætas & sexus Juditham feminarum pulcherrimam, viduarum castissimam, amazonum invictissimam,

§. 10.
Castitas
conjugalis
vidualem
parit Casti-
tatem.

Baëza
tom. 2. l. 6.
c. 3. §. 10.

mam, quæ potens divitiis, ætate florens, feminarum ævi sui pulcherrima sic vidua vixit, ut pro miraculo illius castitas suspiceretur. audet hæc formosissima Heroïna in medium incæstissimorum militum irrumpere exercitum, nec vitreo pudicitiae splendori medios inter lenones, interque Principis amores metuere. unde hæc viduæ fortitudo? à lorica & galea, quibus se munit: *induit se vestibus jucunditatis* sue c. 10. v. pro lorica & galea vestes pristini connubii assumpsit, quibus vidualem castitatem inter confertissima pericula firmaret. *bene conjugales pugnatura assumpsit ornatus*, inquit S. Ambrosius lib. de vid. *quia momenta conjugii arma sunt castitatis*. Tantum enim casti connubii temperantia valet, ut pro viduali castitate tutanda sufficiat. Juditham æmulata Galla est, de qua D. Fulgentius ep. 2. c. 7. *ad hoc divina gratia animum tuum conjugali castitate nutrit: ut quæ didiceras illo uno vivente alterum non quære, disceres ab omni viro vidua continere*. erat hæc Galla Symmachi Romani Consulis filia, quæ primo nuptiarum anno orbata marito, cum ad secundas ab omnibus pœnè cogeretur nuptias, dicerentque Medici, nî nuberet propter igneam complexionem barbatam fore, maluit virilis mulier barbam, quam

maritum, digna quam Petrus Apostolus invicens ad æternas nuptias invitaret. continerent se facilius viduæ, si fortassis continentiores conjugii tempore vixissent.

Sed jam contra nupturientes viduas satis dictum, per quæ tamen scrupulum injicere velim nemini, quod minus secundos celebret Hymenæos. nubant permelicer, & tertium septimūque, imò ut Romana illa mulier, quam vidit & descripsit Hieronymus, vigesimā tertiam vice nubant, sed tantum in Domino; ego benedictionem à Domino precari iis possum, impertiri non audeo.

Pro Emblemate turturem in salice colloco, ex qua suspensæ sunt citharæ fidēsque, & turturi quidem inscribo: *miscemus gaudia luctu*; salici verò prope aquas provenienti: *medemur amor*. Prope fluentia lacrimarum & dolorum feliciter viduæ proveniunt, noruntque mederi amoribus, quos scilicet sopiunt lacrymis. Flos salicis libidinem sedat, & sterilitatem creat, Viduitatis flos est oratio, & indefessa operatio, quā fructus continentiae illibati fervantur. Gemere cum turture quamvis videatur Vidua, miscentur tamen luctus gaudio, gaudia luctu, beatæ enim quæ lugent, quoniam consolabuntur.

§. II.
Emblema.



PRO-



PROBLEMA XVIII.

Possitne quis absque veritatis dispendio Maximum peccatorem se dicere?

DOMINICA XVI. POST PENTECOSTEN.

Vade recumbe in novissimo loco. Luc.

14. v. 10.

DIvinam Ethicam Christus hodie tradidit, dum vocatos ad prandium, non primum sed imum ambire locum docuit:

Vade recumbe in novissimo. Quam doctrinam altius imbibens S. Hilarius Pictaviensis Episcopus vocatus à Papa Liberio ad Concilium, impensè id quæsivit ut sederet ultimus. sedit, in terra quidem, quæ altiorimotu se levavit in altum, & cathedræ formam exhibuit, in qua super omnes Spectabilis Hilarius emeretur. Sublimius quid accidit Urigmano Religioso humillimo è familia D. Dominici, qui cum nulum sibi congruum in terra locum reperiret, sub Luciferi pedibus in profundo inferni sese locavit, sed benignissimam hinc cælo vocem accepit: *cito cito huc ascende ad thronum altissimum, in ipsum cor DEI Patris.* nimirum si sublimis fieri desideramus, amplectamur humilitatem, hæc enim unica ad supremos honores via est S. Chrysostomus homil. 66. in c. 20. Matth. Interrogatus magnus ille Spiritus Magister Balthasar Alvarez, in quo quis debeat alios su-

pereminere, respondit: si quæris in quo debeas maximè eminere, dico, in te valde valde valde humiliando. didicit hoc Balthasar à verbis Domini, qui de se: discite à me quia mitis sum, ita magnum est parvum esse exclamat stupens S. Augustinus ferm. 10. de verbis Domini. & ep. 36. ad Dioscoridem: *ad sublimem gloriam unica via est humilitas, secunda humilitas, tertia humilitas.* Libet proinde quærere: utrùm humilitatis amore maximum se quis peccatorem absque veritatis dispendio vocare possit, & novissimo inter omnes peccatores loco semet deponere, ut æternæ sapientiæ obsequatur monito: *Vade recumbe in novissimo loco.*

Multa sunt quæ svadent, illicitum esse Veritatis Studioso peccatorem nequissimum se proclamare & novissimo inter consceleratissimos mortales loco recumbere. Repugnat inprimis rectæ rationi, ut qui teste conscientia suâ minus ceteris peccavit, dicat se esse majorem peccatorem. certè iniqui iudicis partes ageret, qui notorium aliquem nebulonem, puta, Judam, Simonem Magum, Cerinthum &c.

ideo

§. 2.
Congruentia ob
quis non
licet se
peccato-
rem maxi-
mum ap-
pellare.

S. Th. 2. 2.
q. 161. 2. 3.

ideo tibi præferret, quod ex te audierit dicente, maximum esse te peccatorem. quod si ergo absque veritatis detrimento alteri de te dicere non licet, pessimum te esse, nec tibi de te licebit id ipsum pronuntiare, dum ratio & conscientia reclamant, mala commissa non esse tam enormia, quàm quæ ab aliis patrata, fide plusquàm humanâ constat. Quapropter Thomas Aquinas in eam concedit sententiam, ut veraci humilitati repugnare asserat maximum se dicere peccatorem. *Non hoc requirit humilitas, ut quilibet reputaret se magis peccatorem quolibet alio.*

Repugnat proinde Veritati maximum se peccatorem dicere, cùm tamen Veritate DEus magis delectetur, quàm fictâ ejusmodi humiliatione, & imaginatione falsâ, sitque insuper periculum, nè mentiendo se peccatorum maximum, hoc ipso talis evadat, qualem se nominat, ita definiente S. Augustino ser. 39. de Verbis Apostoli: *cum humilitatis causâ mentiris, si non eras peccator, antequam mentireris, mentiendo efficeris, quod evitâ veras, veritas in te non est.* Certè si Jüdex à DEo constitutus definire jubereris, uter major nebulo Cainus an Anti-Christus, etsi uterque clamitaret se se esse sceleratissimum, iniqui partes Judicis obires, si pro Caino potius quàm Anti-Christo ferres sententiam, & hunc præ illo minorem esse peccatorem pronuntiares; ergo iniquus in te ipsum & tibi nequam es, si Caino & Anti-Christo te statuas sceleratorem, quamvis reclamet conscientia, quæ minuste deliquisse præ illis incorrupto testimonio profitetur.

S. 3.
Refutatio
priorum
congruen-
tiam.

Hæc sunt potissimum quæ in contrariam sententiam afferri solent, quibus respondetur, humilem non considerare peccata quæ fece-

runt alii, sed quæ facere ipse potuisset; nec esse comparisonem cum judiciis humanis, sed divinis, in quibus abyssus multa. Scit DEus, utrùm non graviori fordeam scelere, etsi illius cognitio me lateat, quàm universa aliorum DEo Judici displiceant flagitia. Nec est ejusmodi error in substantia, (sicut error non est in substantia eleemosynæ, si sicut eandem mendico conferre) cùm probabilem pro se causam habeat maximum se peccatorem dicendi ob ea videlicet flagitia, quæ commissurus, nisi diuinâ gratiâ præveneris fuisset. Nec obstat quod de altero ferre hoc judicium non audeam, maximum illum esse peccatorem, obstat enim lex charitatis, quæ requirit, ut *semper consideret homo* (verba Petri Bleffenensis ser. 30.) *quid sibi abest boni & quid aliis adest*, non autem quid vitii aliis, quid sibi præstò sit virtutis, quod Augustinum attinet, suorum ipsemet interpretes est verborum, cùm addit: *veritas in te non est, nisi ita te dixeris esse peccatorem, ut etiam esse agnoscas.* Et quamvis ex Angelici Doctoris mente non hoc requirat qualiscunque humilitas ut quilibet reputet magis se esse peccatorem quovis alio, requirit nihilominus humilitas perfectissima, ut secundum DEI voluntatem, Christi præceptum, Sanctorum exemplum, Patrumque latam sententiam unusquisque se reputet maximum peccatorem. A Patribus ordiamur.

Audio Sanctissimos eruditissimosque Ecclesiæ Doctores Gregorium Magnum, Hieronymum Doctorem Maximum, D. Maximum Episcopum, Ambrosium, Chrysostomum, Basilium, Bernardum, Anselmum, Laurentium Justinianum, communibus suffragiis & iisdem pœnè verbis definire. Sanctam & Salubrem esse cogitationem, quâ

S. 4.
Ratio prima, cur quis maximum peccatorem dicere se possit, ab auctoritate Patrum.

O

quis

quis novissimo inter peccatores loco recumbit, & nebulonum omnium confcleratiflimum proclamat. Loquatur Pontifex Maximus Gregorius: *proprium electorum est, quòd de se semper sentiunt, infra, quàm sunt.* Nam probatio Sanctitatis non est signa facere, sed de proximo meliora quàm de seipso sentire. Gregorio accedit Hieronymus ita scribens ad Celantiam ep. 14. *nihil est quod nos ita & hominibus gratos & DEO faciat, quàm si vitæ merito magni, humilitate infimi simus.* suffragatur Hieronymo S. Maximus serm. de S. Michaële: *humilitate pervenitur ad regnum, simplicitate penetratur ad cælum.* Quisquis ergo cupit divinitatis tenere fastigia, humilitatis ima sectetur. imum proinde inter peccatores locum invadet Maximus, ut ex imis fiamus primi Sanctorum. Melchæ Ambrosius lib. 3. offic. c. 4. *Viri Christiani est præferre sibi alterum, nihil sibi arrogare.* Fusiùs S. Chrysostomus eandem exequitur Veritatem Homil. 3. in Matth. & Hom. 33. in Gen. *nihil sic est amicum DEO, quàm si quis minimis se adnumeret, estque id caput totius Philosophiæ atque fastigium.* Minimum de se sensisse tam magnum est, quàm res maximas fecisse. quid clarius? quid elegantius? quid divinius? audet insuper dicere idem Orator aureus, cetera nihil fieri facinora, nisi minimo se quis loco duxerit: *etiamsi quis sibi plurimorum bene gestorum confcius sit, nisi apud se sentiat, quòd omnium sit potestremus, nulla ei futura utilitas est ex omnibus suis operibus.* Basilicè Basiliius Serm. de Abdicatione pronuntiavit: *studiosè operam dato, ut omnium novissimus sis ac servus omnium, quando istà ratione unà veram tibi ac solidam gloriam paries, non autem illam vanam cassamque.* Atque ut idem Doctor scrupulum eximeret, nè dicendo se novissimum

peccaret in Veritatem, pressissimis verbis edicir c. 3. constitut. Monast. *non dices mendacium, si te peccatorem dixeris. dic potius: peior sum reliquis peccatoribus.* Eadem est D. Bernardi sententia Serm. 37. in cant. *non est periculum quantumcunque te humilies, quantumcunque reputes minorem quàm sis, est autem grande malum horrendumque periculum, si vel uni in cogitatione tua te præferas.* Quam ob rem noli te Homo comparare majoribus, noli minoribus, noli aliquibus, noli uni. Quam sui vilipensionem tanti facit idem mellifluus Doctor, ut serm. 13. in cant. pronuntiet: *hoc ego ipsis Virtutibus mirabilius iudico.* Bernardi sententiam comprobatur S. Anselmus, allegatque illud D. Pauli oraculum: *in Humilitate superiores sibi invicem arbitantes, Cujus causam reddit: nè dum se aliis alter humiliat, Humiliatio iret alteri in elationem:* breviter & nervosè S. Laurentius Justin. Serm. de S. Jacobo Apostolo: *omnium te minimum arbitrare, quam submissionem vehementer conducere ad impetrandum DEI misericordias, asserit S. Joannes Climacus gradu 25. si proximum nostrum ubique ex intimo affectu cordis meliorem nobis esse arbitramur, juxta est divina misericordia.* Habemus ut opinor sufficientissima Sanctorum Patrum testimonia, quibus clarè evincitur, non licitum modò, sed salubre admodum, imò & necessarium esse novissimo inter peccatores loco recumbere. Videamus nunc Sanctorum exempla qui quod docuerunt ore, idem opere demonstrarunt, & novissimum inter homines locum, tanquam omnium vilissimi prefaverunt.

De Sancto Sanctorum DEO-Homine testatur Evangelicus vates: *vidimus eum despectum & novissimum virorum* 11. v. 3. Novissimum

Philipp.
2. v. 8.

§. 5.
Ratio secunda ab exemplis Sanctorum.

sumum locum elegit in stabulo, novissimum in Crucis patibulo, novissimum in Sionæ coenaculo, ad pedes sceleratissimi sui proditoris. Fuit Christus in omni vita *novissimus virorum*; jam nunc verò, cum super omnes cœlos exaltatus est, fit novissimus ciborum. Coenam enim Eucharisticam sub vilibus speciebus sub finem usualis cœnæ idcirco instituit, ut infinitam suam Majestatem & gloriosissimam humanitatem ad vilitatis punctum redigeret. quid facit sub Eucharisticis speciebus ter optimus maximus JESUS? Humiliat semetipsum sub vilium specierum velo, nullo se & Majestatem suam prodens indicio, imò exponens se omnibus nefariorum hominum ludibriis atque contumeliis. quid prætereà facit JESUS in Eucharistia? fit obediens & subditus ad vocem cujuslibet scelestissimi Sacerdotis, ut quoties hic voluerit, illic se sistat, nec discedat, quoad species fuerint consumptæ, quidquid intereà illi contingat, aut contingere possit. Quid denique facit Eucharisticus JESUS? vocat, invitat, expectat, esurit peccatores, ut eorum fiat cibus & in vilissimum humani corporis locum, qui est ventriculus, sordium omnium sentina deponatur. Nec illibenter eò deponitur, dummodo suo nos trahat exemplo ad novissimum locum capeffendum. *Scire se submittere* inquit Basilii Magnus l. 3. de abdicatione, *Christum est scire imitari.*

S. Bernardus ser. super signum magnum.

Imitata quàm proximè filium est Mater & humilis Domini Ancilla MARIA de qua Bernardus: *merito facta est omnium Domina, quæ se omnium exhibebat ancillam. merito super Angelos exaltata est, quæ infra viduas & pœnitentes, infra eam de qua fuerant ejecta septem dæmonia, ineffabili se mansuetudine inclinabat. Humilitatem Marianam ex omni-*

bus modestissimæ Virginis gestibus & actionibus colligimus. in matrem DEI electa vilissimis Ancillis se componit: *ecce ancilla Domini!* Elisabetham amicam suam obsequiis & Salutatione prævenit: *ecce enim ut facta est vox Salutationis tuæ* Luc. i. v. 44. & quasi foret Elisabethæ mancipium, quæ erat Domina Angelorum, in domesticis servitiis trimestre exigit: *mansit autem Maria cum illa quasi mensibus tribus* Luc. i. v. 56. Josepho similiter se postponit: *pater tuus & ego* Luc. 2. v. 48. imò inter Apostolos & discipulos ultimum locum capeffit teste Luca Act. i. v. 14. *Hi omnes erant perseverantes unanimiter in oratione cum mulieribus & MARIA matre JESU.* Quocirca de illa scripsit S. Ignatius M. *devotius devotius humiliabatur & reverentius.*

S. Ignat. M. ep. ad S. Joann. Evangel. S. Chrysostomus hom. de pœnit. Achab.

Eodem Spiritu agebatur Doctor gentium qui de se: *peccatorum primus ego sum* i. Tim. i. v. 15. *ego sum minimus Apostolorum, qui non sum dignus vocari Apostolus* i. Cor. 15. v. 9. in quæ verba aureè Chrysostomus: *hoc verè humilitas est in omnibus seipsum abjicere, ac se minimum appellare.* cogita quisnam esset is qui hæc verba proferebat. Paulus cœlorum civis, Ecclesiarum columna, terrestris Angelus, homo cœlestis. talis quippe virtutis est potentia, ut hominem in Angelum converteret, efficiatque ut anima velut pennis prædita in cœlum tendat. hucusque Amator Pauli Antiochenus Orator.

Paulum æmulatus terrestris ille Seraphinus paulò minoratus ab Angelis Franciscus Assisias, maximum peccatorum, teste Bonaventura dicere se solebat. Franciscum Seraphicum imitatus Franciscus Xaverius mortalium omnium nequissimum teste Turfellino se appellabat. minimæ Societatis Fun-

S. Bonaventura c. 6. Turfellino l. 6. c. 8.

Ribat. in
Process.
Tolet.

dator Ignatius existimavit teste Ribadeneira, se omnibus hominibus pejorem.

Non concesserunt in hac sui despicientia viris feminae. S. Catharina Senensis causam se omnium calamitatum, hujus vitae proclamabat. S. Theresia ex corde sentiebat maximam se mundi peccatricem, totoque corpore contremiscebat; S. Maria Magdalena Pazzia Sacram Synaxin accessura à terra absorbendam se rebatur, daemonibus similem & humilitatis dono indignam judicabat. Omitto innumeros alios, neque enim ullum coelorum civem, esse arbitror, qui omnium minimum sese non aestimasset, unde Christus die novissimo electos omnes *Minimorum* titulo compellabit: *quid fecistis uni ex his fratribus meis minimis, mihi fecistis* Matth. 25. v. 40. quid ais, quaerit Chrysostomus, si fratres tui sunt, quomodo Minimos eos appellas? & respondet: *ideo fratres quia humiles, quia abjecti, quia Minimi*. Comparantur electi grano Sinapis, quod minimum est omnibus seminibus Matth. 13. v. 32. ut sciant, qui in immortales paradisi arbores volunt excrescere, minimos se reputare. *Minimus* inter fratres Beniamin fuit, ideoque ceteris charior & typus electorum. Minimum se censuit Gedeon, cum angelo diceret: *ecce familia mea infima est in Manasse, & ego minimus in domo patris mei* Jud. 6. v. 15. atque idcirco meruit, non tantum de manu Madianitarum liberari, sed & ceterorum ager liberatorem: *dixitque ei Dominus: ego ero tecum & percuties Madian quasi unum virum* v. 16. Minimum reipsa se habuit Josue cum deterri- mus pro se suisque posteris in distributione terrae Sanctae locum e- legit, Thamnathsaran urbem diru-

tam, loco aspero & horrido, sterili & montoso sitam, de quo S. Hieronymus in Epitaphio Paulae: *satis mirata est Paula, quod distributor possessionum Josue sibi montana & aspera elegeret*, nimirum quia Josue typum Jesu & Salvandorum exprimebat, idcirco loco ultimo ultimum ac vilissimum fundum sibi postulavit. Minimum se agnovit Saul, ideoque protorex Israelis à Samuele meruit consecrari. *respondens autem Saul ait: nunquid non filius Jemini ego sum de minima tribu Israel & cognatio mea novissima inter omnes familias de tribu Benjamin?* 1. Regum 9. v. 21. & mansisset utinam Saul minimus in oculis suis; non enim modò temporale Israelis regnum, sed aeternum in Empyreo imperium consecutus fuisset. Consecutus id est David, quia semper erat in oculis suis minimus, cœui aetate: *David autem erat minimus* 1. Regum. 17. v. 14. Quotquot peccatores se maximos, mortalium minimos, novissimo loco infra Luciferum & tartari pavementum ter dignissimos se esse arbitrantur, adient aliquando ex ore Christi illud repeti hodiernum: *Amice ascende superius*.

Electos nubibus assimilat Psaltes dum canit Psal. 134. v. 7. *educens nubes ab extremo terre*. Coelos decorant nubes, fecundant terras, ipsaeque coelorum Regem suscipiunt, Cur ergo ab infima terrae parte generantur? cur non ex medio? cur non ex montium cacumine? quia per nubes intelliguntur electi, quos ab extremo humilitatis adducit Deus, ut adnotavit Origenes hom. 8. in Jerem. si volumus nubes fieri ad quas perveniat veritas Dei (veritas enim ejus usque ad nubes) novissimi omnium sumus, ut illi conformemur, qui ait: ego

Cur ab extremo deducat Deus nubes.

Gen. 42.
v. 13.


3. 7. 2

ego sum Alpha & Omega, primus & novissimus, & quidem ideo primus, quia novissimus. *Gaudet summè DEUS* inquit Oleaster in c. 48. Gen. ex minoribus majores facere, ut si cupias major fieri, te facias minum.

Pro Emblemate Spicam gravidam, ideoque in terras pronam fingo cum lemmate: *qula plena. frugifera plenitudinis typus est illa demissio: nemo enim infra alios se demittit ex animo, nisi cujus animus plenus est virtutum.* Spicis Pomum appono fructibus turgidam, cui vetus inscribo lemma: *inopem me copia fecit.* Copia virtutum facit, ut Viri sancti putent se spiritu inopes, & maneant semper corde humiles.

Guarr. Ser.
1. de puri-
fic.

Utinam (cum Guerrico excla-
mo & finio) nos illam haberemus
humilitatem in peccatis nostris,
quam verè Sancti habuerunt in vir-
tutibus suis! ò si vel cum Publica-
no peccus tandem serio dicamus:
mea culpa! mea culpa! major
quàm omnium qui sunt, fuerunt, e-
runt hominum, major quàm omni-
um reproborum & dæmonum
mea maxima culpa.





PROBLEMA XIX.

Quoties & Quando obliget præceptum Divini Amoris?

DOMINICA XVII. POST PENTECOSTEN.

Diliges. Matth. 22. v. 37.

S. I.
Magis a-
mant DE-
um Viato-
res quam
Compre-
henses.
ex trad.
ult. S. Aug.
in Joan.

Paradoxum quid attulisse videbor hodie, si dixero, magis DEUM in terra quam cælo diligere; est nihilominus indubitata hæc D. Augusti doctrina, magis Deum à Viatoribus quam comprehensoribus adamari. Cum enim Sanctus hic Doctor vitam mortalem & immortalem in duobus discipulis Petro & Joanne adumbrari docuisset, quorum alteri dicitur: *tu me sequere in Cruce & tribulatione*, de altero verò pronuntiatur: *sic eum volo manere in statu bonorum omnium perfectò*, augustam hanc profert sententiam: *propterea nos tunc eum minus dilecturi sumus in vita immortalis, quando meliores erimus, cum meliores utique nisi amplius eum diligendo nullo modo, esse possimus, sicut enim Joannes qui vitam æternam significat minus Petro dilexit, & magis Petro dilectus est, ita minus in cælo electus diligit, etsi amplius à Christo diligatur.* at quo ex capite minus diligere censendus est? quia amor comprehensoris necessarius, viatoris verò est liber, ideòque hic capax meriti, expers ille; amor viatoris ob perfectæ cognitionis defectum difficilis, comprehensoris autem ob

claram DEI visionem facillimus. amor beati absque dolore & cruciatu est, amor verò hominis mortalis quotidianâ mortificatione velut aurum in fornace probatur. *ideo misericordiam Domini, quam nobis de miseria liberandis exhiberi volumus, plus amamus, eamque quotidie maxime pro peccatorum remissione poscimus & habemus. hoc per Petrum significatum est plus amantem, sed minus amatum, quia minus nos amat Christus miseris, quam beatis. Veritatis autem contemplationem, qualis tunc futura est, minus amamus, quia nondum novimus, nec habemus. hæc ergo per Joannem significata est minus amantem, sed plus amatum, quia id quod per illum figuratum est, hoc efficit beatus.* Hucusque Doctor Hipponensis. Verum etsi ex hoc capite amor Petri five Viatoris laudabilior censeretur, quàm Joannis seu comprehensoris, ex aliis nihilominus rationibus in immensum perfectior beatorum amor esse, convincitur, quàm terrigenarum, inter quas ultima non est, quod Cælestiū amor interruptus non sit, sed continuus, totisque ex viribus procedens, amant enim quantum possunt, & quamdiu possunt, at verò amor noster remissus & interpolatus est. quotusquisque enim Deum

DEum interdiu (de nocte taceamus) diligit, non dico horâ integrâ, sed vel integro horâ quadrante? quot sunt, qui neque tunc DEum diligunt, quando sub lethifera noxa amare tenentur, etsi rarò admodum & non nisi tribus vicibus, ut breviter dicturus sum, sub æternæ mortis reatu amare teneantur.

S. 2.
Cor DEO
offerendum.

Vulgatissima Historia est de Eremicola ardentissimis DEum interpellante suspiriis, dignaretur sibi revelare, quid sibi agendum sit ad salutem securissimè obtinendam? talia oranti transformatus in Angelum lucis dæmon apparuit, dixitque auditas esse supplicis preces, seque ideo missum, ut compendio viam Salutis edoceat. Tria inquit donanda DEo sunt: nova Luna, totus Sol, Caput Romæ. novam Lunam, Solem totum & urbis Romanæ caput DEo offer, & salva sunt omnia. ex his si vel unum desit, oblatio est nulla & salus impossibilis. stupuit eremiicola & moto capite judicavit hæc esse impossibilia, adeoque desperare cœpit de salute. sed misertus DEus miseri, submisit verum Angelum, à quo doctus est Eremicola, priorem fuisse tenebrarum genium, qui quamvis rem primâ fronte impossibilem proposuerit, reverà tamen facillimum quid & prorsus necessarium protulisse. Tria illa designant COR. Luna nova format literam C. Circulus, Solis designat literam O, per Caput Romæ intelligitur litera R, & hæc tria Conjuncta COR significant. per Cor autem exercitum divini amoris exigitur, hoc enim est primum & maximum mandatum, diligere Deum ex toto corde, anima, mente, donando illi voluntatem, intellectum, & memoriam. hoc verò præceptum nos primum obligat in adolescentia, deinde in omni graviore

tentatione, demùm in articulo mortis.

Plena mysterio est illa devotæ animæ sententia Cant. I. v. 2. *oleum effusum nomen tuum, ideo adolescentulæ dilexerunt te.* dilectionis causa est olei effusio, & quid sibi vult hoc oleum? illuminatissimus Ludovicus de ponte lib. I. exhort. 31. per oleum intelligit divina beneficia in creatione, redemptione, speciali vocatione unicuique collata quæ si ritè expendantur, impossibile est, non amare DEum. Unde & Coelium amor non est liber, sed necessarius. quamdiu recens fuit memoria creationis mundi, nulla potuit esse idololatria, *neque erant ab initio idola* Sap. 14. *propter recentem memoriam creationis mundi* ait S. Thomas. quamdiu recens fuit memoria redemptionis mundi, homines erant Sanctissimi, ad omnem cruciatum pro Christo paratissimi, ab omni peccato alienissimi, ut patet ex actis Apostolorum in primis Christi- colis, quia videlicet oleum effusum, ideo adolescentulæ, sive tales animæ, quæ habent recentem memoriam, dilexerunt. & quid hoc vult *adolescentulæ*? non omnes homines promiscuè, sed tantum adolescentulæ? libenter illas aulæ cœlestis Herulas nôssent! existimant quidam peritiores lingvæ Hebraicæ, quòd per adolescentulas intelligantur illæ virgunculæ, quæ spretis deliciis & divitiis, magnificis Hymenæis & officiis, spebus & rebus divinis obsequio manciparunt. SS. Bernardus & Anselmus interpretantur omnes incipientes in virtute, seu qui sunt in via purgativa. SS. Gregorius & Ambrosius volunt illos intelligi, qui positâ vitiorum & antiquorum Habituum senectâ renovati sunt in baptismo vel Sacramento poenitentiae, qui omnes dum beneficia divina mente versant, cogi se

S. 3.
Recentis
memoria
divinorum
beneficio-
rum cogit
ad amaran-
dum.

S. Thom.
2. 2. q. 94.
a. 2.

Sentiunt, non trahi tantum, ad amandum tam bonum DEum, quod impossibile est melius quidquam fingi. Adolescentulæ sunt omnes in virtute constantes animulæ, quæ videlicet non veterascunt vitiis, sicut Angeli adolescentum specie effigiantur; adolescentulæ sunt, quotquot DEum nunquam graviter offenderunt, nec contra primum egere mandatum. & hoc collige ex verbis: *dilexerunt*. nec enim absque causa dictum est: *dilexerunt*, non *diligunt*, vel *diligent*, non quod DEus non sit omni ætate, omnique tempore amandus, sed quod sit amandus in adolescentia, quam primum quis perfecto usu potitur rationis.

§. 4.
Obligamur Deum amare ab adolescentia.

Unde docet S. Thomas I. 2. q. 89. a. 6. peccare illum mortaliter, qui perveniens ad usum rationis, ommittit amare DEum super omnia, quia non ordinat seipsum ad debitum finem, non faciens quod in se est. non obligat autem hoc præceptum, nisi postquam per fidem sufficienter illustraris de amabilitate DEI, à quo omne tibi bonum procedit, quâ cognitione habitâ, si diu differas, v. g. per annum actum divini amoris, mortalissimè peccas. ita peccârunt Angeli caduci, quia non amârunt super omnia summum bonum intrâ illud temporis punctum, quod à Creatore DEO iisdem fuerat indultum. Clara obligationis hujusce similitudo deducitur à Rege terreno vel Cæsare, qui legitime propositus & ut ajunt *installatus*, si à subdito & vasallo non accipiat homagium intrâ certum tempus, habet subditum pro læsæ Majestatis reo, confiscanturque bona omnia. Similiter quando tibi per agnitionem Regum Rex in intellectu proponitur, nisi cor eidem offeras, perduellis & mortis æternæ reus es.

Alteram obligationem ponunt theologi, in tentatione valde gravi & periculosa, unde Fernandez censet hanc fuisse ultimam dispositionem in Eva ut laboretur in actum rebellionis, seu inobedientiæ, quia tentata non dixit, non cogitavit: *diligo DEUM meum*, & ideo in tam bonum Dominum peccare non possum. Prudentius egere Abraham, Isaac, Jacob, Joseph, tres in fornace Babylonica pueri, qui quoddam amoris divini in gravissimâ periculo tentationis elicuerint, omnem meruere felicitatem. Tres pueros audiamus virili hac se voce animantes: *nunc sequimur te in toto corde, & timemus te & querimus faciem tuam*, hæc illos resolutio ab ignibus præservavit æternis, & temporali etiam incendio absolvit. *non aliter progressi sunt ex camino, quam si ex ipso cælo prodirent* inquit S. Joannes Chrysostomus. Josephum ab amore fœdo purissimus DEI amor continuit, & salutarem pervasit continentiam divinorum memoria beneficiorum: *quomodo hoc possum malum facere & peccare in DEUM tam bonum & amabilem?* Jacobum in exhaustis quatuordecim annorum laboribus amor ita confortavit, ut quamvis diu noctuque æstu ureretur & gelu fugeretque somnus ab oculis, ut ipsemet ingenuè confessus est Gen. 29. v. 25. dies tamen viderentur pauci *pre amoris magnitudine*. Rachelis pulcritudo stimulus & scintilla Jacobo fuit ad amandum DEum pulcritudinis omnis fontem, subeundisque in illius gratiam omnes labores: *laborem servitutis* inquit S. Augustinus, *facilem & levem amor faciebat*, & rursum: *ubi est amor non est labor*. quod enim grave (quærit D. Gregorius) non leviter tolerat, qui amat? leviter est Isaac fascis lignorum, leviter ad montem & mortem, propter levem

§. 5.
Alteratio obligatio est in graviore tentatione.

Dan. 3.
v. 41.

S. Chrysostomus
Hom. 8. in
ep. Eph.

S. Augustinus. q. 88.
in Gen. Id.
inc. 21.
Joann.
S. Gregorius l. 1. c.
2. in 1.
Reg. 17.

jaclu-

jactura floridæ sit ætatis, quia amat DEUM, cui sese immolare gaudet in svavissimum amoris holocaustum. Poterat Isaac cum Sponsa dicere: *fasciculus myrrhæ dilectus meus mihi*, non qualecunque lignum, sed lignum Sacrosanctæ Crucis, in quod Messiam aliquando affigendum didicerat, sibi ferre Isaacus, ideoque & in ipso fasciculo ipsummet dilectum gestare videbatur. Pulcrè de hoc fasciculo Bernardus: *non fascem sed fasciculum dilectum dicit, quod leve præ amore ejus ducat, quidquid laboris imminet vel doloris. Observat insuper mellifluus Doctor myrrhem fascem non cuicumque sed amanti fasciculum vocari: mihi que diligo fasciculus est, nec enim levis est passionis asperitas, sed levis est amanti. unde & Dilectum nominat monstrans dilectionis vim omnium amaritudinum superare molestiam, quia fortis est ut mors dilectio. levis Isaac lignorum fascis fuit, dulcis gladius, svavis ignis, jucunda pro DEO mors, quia amabat, & in gravi hac tentatione mandatum maximum exercebat. Sed & parenti Abrahamo ex eodem capite leve fuit iter, sive cum egrederetur ex patria, sive cum ingrederetur Ægyptum, sive cum progrederetur ad montem Moria, quia divini amoris ardor, qui ejus pectori insidebat, verba sunt D. Hieronymi, ita omnes viarum asperitates mitigabat, ut illas quidem adire, non sentire videretur. viæ licet duræ fuerint, Abrahamo tamen faciles amor fecit, ut dicere potuerit: ego custodi vi vias duras. Ps. 16. v. 4. duræ sunt timori ait Augustinus, leves amoris. Faciemus & nobis ex asperis planas, ex longis breves, ex duris vias leves, si in omni gravi tentatione actum amoris divini elicere meminerimus, nè a salutis semita deviemus.*

Tertia obligatio est pro articulo mortis, in quo tenetur Homo Creatorem suum tantum amare, quantum potest sine magna aliqua difficultate, ut contra hostes viriliter decerter, salutem suam assecuret, veniam peccatorum assequatur, quia juxta Testatum per actum divini amoris delentur peccata venialia, & facienti quod est in se, DEUS non denegat gratiam, finalem potissimum, quam tametsi de condigno promereri non possumus, possumus tamen de congruo. Nec sufficit amare tunc DEUM amore concupiscentiæ, sed benevolentiae, hoc est, super omnia, videlicet, plus quam divitias omnes, delicias omnes, honores omnes, famam, fortunam, vitam, salutem, coelum, ut multis probat D. Augustinus tract. 5. in Joann. c. 12. Sed non speret quis actum amoris DEI in morte, qui se non exercuit in vita. sicut in somnio occurrunt illa, quæ de die phantasiæ fuere objecta, ita cum somnus mortis appropinquat, recurrit ea, quæ charissima fuere in vita.

I. Reg. 17. armat Saul Rex monomachum Davidem ad duellum, induitque pastoritum puerum vestimentis regiis, galeam æream capiti, lorica pectori, rhomphaeam lateri, sed pastorculus iste non valet incedere & se movere, unde ad Saulem conversus: *non possum sic incedere, quia non usum habeo.* v. 39. sic multis morientibus contingit, pugnandum illis est cum terribili gigante, certandum pro regno æterno, pro victoria æterna, pro gloria æterna. Liberet tibi Angelus Custos imponeret galeam salutis, scutum fidei, lorica charitatis, tunc oporteret sumere gladium spiritus Eph. 6. v. 14. sed replicatur à multis: non possum sic incedere, quia

P

non

I. Thess.
5. v. 8.

Problemata P. Philippi Hartung.

non usum habeo, clamet Confessarius: *Ami DEum super omnia. Eger fractâ voce reponet: non possum sic incedere, quia non usum habeo. ingerat bonus Angelus: lega substantiam tuam, non amicis, quia non indigent, non in usus profanos, quia nil prodest; sed pauperibus, quia hi maximè grati sunt: at: non possum, quia non usum habeo, vel cruciferum illibenter dedi in vis, & jam vis ut legem millia? surdo hæc canitur fabula.*

S. 7.
Praxis amoris exercenda quolibet mane.

Exerceamus itaque nos in vita, & quia tota vita per diem naturalem adumbratur cujus aurora adolescentiam, meridies ætatem virilem, senectam vespera significat, ab adolescentia cujusvis diei, primo videlicet manè amemus DEum, sitque prima occupatio evigilantis cum Anselmo dicere: *veni Domine, veni ô bone JEsu! aurora mea, lux mea, sol meus, vita mea, dies meus! jam enim pedes meos nolo, nisi ut te quæram; nolo manus meas, nisi ut tibi serviam; nolo genua, nisi ut te adorem; nolo linguam, nisi ut te laudem; nolo denique cor, nisi ut te amantissimè diligam.* Dic cum Seraphino terrestri, Ignatio: *suscipe Domine universam meam libertatem, amorem tui solum mihi dones, & dives sum satis.* pereat pecunia, dummodo non pereat in corde amor divinus, qui me solus divitem facit. conflagret domus, dummodo non extingvatur amor DEI in corde meo, habebō aliam domum, non manufactam, habitabo in vulnere lateris Christi. rapiat mors quidquid charum est, charior omnibus DEus & ejus amor est, quem mortale scelus mihi non eripiat! ita manè & sæpius interdiu dic, ut idem dicas in morte. non sumus tam multum meriti, ut moriamur martyrio amoris cum SS.

Theresia, Catharina Senensi, Stanislaſo Kostka, desideremus saltem ex amore mori, & in hoc desiderio exerceamus nos à cujusvis infantia diei.

Notavit S. Ambrosius in Psal. 118, quòd Saul non admisisset Davidem ad duellum cum Goliatho, nisi is demonstrasset fortitudinem ab infantia 1. Reg. 17. dicenti enim Regi v. 33. *non vales resistere philisthæo isti, nec pugnare adversus eum quia pueres, hic autem vir bellator est ab adolescentia sua.* respondit David v. 36. *Et leonem & ursum interfeci ego servus tuus.* in quæ Mediolanensis Orator: *non esset admittus David, nisi fidem fecisset, quòd in sua adolescentia leonem suis manibus peremisset.* Similiter de multis ex vero dici potest: non vales resistere huic & illi tentationi per decursum diei, quia sub diei crepusculum amare, & Jacobi instar surgente aurorâ cum amore divino luctari neglexisti, multò autem verius in agone vitæ tuæ dicitur: non vales resistere morti, & tamen nisi vincas periisti. Hic bellator est ab adolescentia sua, quando mors adhuc juvenis fuit (mortis cunæ fuere in arbore vetita) terribiles illos gigantes, de quibus Gen. 6. v. 4. *isti sunt potentes à seculo viri famosi* debellavit, jam autem multò evasit robustior; non vales pugnare adversus eam, nisi possis dicere, quòd ab adolescentia jam te exercueris, mortem provocâris, mori desiderâris. non est enim alia ars vincendi mortem, quàm per amorem. *Omnia vincit amor* ait Virgilius Eclog. 6. *& nos cedamus amor.* S. Augustinus verò lib. de Doctrin. Christiana: *sola charitas est, quæ omnia vincit.* charitatem hanc & dilectionem quæ fortis ut mors canitur Cant. 8. v. 6. impetrandi duo sunt media facilia, sed tertium certius. Medium primum:

S. 8.
Ab infantia morti colluctandum.

mum: recole quotidie septem do-
lores B. Virginis. Secundum: age
gratias quotidie pro conversione
S. Mariæ Magdalena. tertium est
usus & exercitium frequens: *mul-
tum differt assuescere* ait Aristoteles
2. Eth. in hoc exerce te quotidie, si
vis vincere in prælio novissimo.

O si de unoquoque nostrum dici
possit, quod de Moyse Deut. 34. v. 8.
mortuus est Moyses iubente Domino,
in Hebraico est, *in osculo Domini.*
moritur in osculo Domini, qui in o-
sculo Domini vixit. Goliath mor-
tuus est in osculo terræ: *cecidit in*
faciem super terram v. 49. curn non
supinus cecidit? respondet Abulen-
sis, quia terræ filius fuit, in osculo
terræ mortuus est, qui in affectu
terrenorum vixit. non sic Stephe-
nus qui moriens clamat: *video cæ-
los apertos*, non Petrus qui inversus
crucifigi vult, quia in affectu cæle-
stium vixit, non sic JESUS, qui incli-
nato capite super Mariam ut vult
Philippus Abb. in Cant. ideo spiri-
tum emisit, quia in amore ejus vixit.

Faxit Amor Omnipotens, ut ex hoc
momento incipiamus totis viribus
eundem diligere, & primum, maxi-
mum, ultimumque hoc mandatum
de dilectione observare in finem,
observaturi post finem vitæ finē
finē.

Pro Emblemate pyrobolum
in aere cum tonitru expirantem fin-
go & inscribo: *in fine motus.* Cum
expirandum est, majori Amoris
motu opus est, ut nobis dent fidera
plausum. Addo & Cygnum in a-
qua sub vitæ finem dulcius modu-
lantem: *Suavius in fine.* Suavis-
simū divini amoris canticum in fi-
ne Dilecto cantemus, ut nos
cantantes sublimē ferant
super æthera
Cygni.

§. 9.
Emblema.





PROBLEMA XX.

Qui, & Quare cogitent mala?

DOMINICA XVIII. POST PENTECOSTEN.

Ut quid cogitatis mala in cordibus vestris?

Matth. 9. v. 4.

§. 1.
Pharisæi
similes pavonibus.



Non quare ò optime Jesu cur mala in cordibus suis cogitent, in promptu tibi que apprimè perspecta est ratio, mala cogitant, quia mali sunt. mali coryi malum ovum. fœtus cordis sunt cogitationes, à corde malo non nisi malæ concipiuntur. Ut quid cogitatis mala ò Pharisei, nisi quia ipsi blasphemii pro blasphemo sanctissimum censetis DEi filium? Pavonem scribit Anglicus Bartholomæus l. 12. de proprietatibus rerum c. 31. cum femella posuit ova, persequi marem & reperta frangere. cur hoc? an natura invidet nobis propagationem volucris tam nobilis? Scorpio jure devorat fœtus suos, quia noxii sunt, cur pavo? ò Auditores nec omne quod splendet aurum est, nec omne quod bonum videtur, reverà tale est. Pavo habet pennas Angeli, sed gressum furis, caput serpentis, vocem diaboli. merito adhuc in ovo ab ipso patre ad necem quæritur. Pavones erant Pharisei, ad speciem Angeli, sed cum de proximo loquendum, detrahebant tam liberè, ut vocem haberent diaboli, caput serpentis,

quia invidia pleni & dolo erant, gemina illius, qui ex invidia abstulit paradisum, gressus furis, quia sub prætextu pietatis spoliabant viduas & pupillos hæreditatibus. in hac tamen parte pavonibus deteriores, quod suos fœtus non quæsierint, cogitationum inquam suarum malitiam non scrutatisint, neque in radices earundem investigarint. quas dum ego in lucem hodiernam profero, nolite cogitare mala in cordibus vestris, quia ut dubitare non possum, ad Bonos loquor & Bonas.

Impudentissimus Orci canis ausus allatrare Dei filium, imò & mordere nisus, super templi pinnaculum eundem extulit & extemplo super montem excelsum statuit, omniâque regna mundi & gloriam ostentavit, ut lapsum pervaderet. unde hæc insolens audacia? responderet Author imperf. hom. 5. sicut diabolus concupiscentiâ vane gloriæ ipse ruit de cælo, nam cum esset angelus, volens se ostendere DEum, perdidit & illud quod erat; sic putavit & Christum concupiscentiâ vane gloriæ ferri; nam sicut difficile aliquem suspicatur malum, qui ipse est bonus, sic difficile aliquem suspicatur bonum, qui ipse est malus.

§. 2.
Ideo dæmontentat Christum ad superbiam quia superbus ipse.

Com-

§. 3.
Adam genuit filium
Seth ad suam non
DEi similitudinem
quia vitia-
rat naturam,

Compendium Geneseos ponens Moyses sic inquit c. 5. v. 1. & 3. *Hic est liber generationis Adam in die quā creavit DEus hominem. Ad similitudinem DEi fecit illum. Adam genuit filium ad similitudinem suam.* in quibus observandum verbis est, quod Adam dicatur factus ad similitudinem DEi, Seth verò genitus ad similitudinem Adami, cur non potius ad similitudinem DEi? quia natura vitata originali culpā non potuit aliam generare naturam, quā sibi similem. animadversio hæc est Tostati: *Dicitur genuisse ad imaginem & similitudinem suam, & non ad imaginem & similitudinem DEi, quia natura corrupta prolem ad DEi imaginem & similitudinem referre non potuit, sed talem genuit qualis erat.* qualis pater, talis filius, qualis author, talis conceptus, qualis pictor, talis imago. Similiter tales quisque format imaginationes, qualis ipse est; judicia ad imaginem vitæ morūque suorum generat, ut quotidiana docet experientia. omnes mendaces putat, qui nunquam verum loquitur: omnes pro criticis habet, qui neminem non cavillatur. Hoc est quod Chrysostomus asseveravit homil. de David & Saul: *Plerumque vulgus hominum ex suo animo de aliis judicat: velut qui sæpe inebriatur, haud facile credere potest esse quempiam hominem sobrie frugaliterque bibentem; qui scortis indulget, etiam pudicē viuentes habet pro incontinentibus.*

§. 4.
Cain putat
omnes esse
homicidas,
quia ipse talis.

Hoc est proprium malorum ait S. Thomas Aquinas in c. 7. Joann. ut credant, alios similes eis animi passiones habere. Fratricidam Cainum maledictione justus DEus percusserat: *maledictus eris super terram;* at ille conclusionem mox temeritate plenissimam infert: *omnis igitur qui invenerit me, occidet me, quis ille omnis? an pater an*

mater? crudelissimus iste fratricida quia fratri non pepercit nec ab ulla creatura sibi parcendum putat. mirum ut ex Augustino jus loquitur C. nonnulli dist. 46. *malus malum, bonus semper bonum præsumit.* Dam-natus epulo preces suas non vertit ad Lazarum, sed ad Abrahamum, quia adhuc malevolentia in sanctum mendicium flagrabat, & juxta affectum suum crudelem metiebat-ur & Lazari cor, quasi immite ac ferum. audiamus Theophylactum: *Cur non vertit sermonem ad Lazarum, sed ad Abraham? confundebatur fortasse existimans Lazarum vindictæ aridum, & ex suis causis judicabat illum, immisericors epulo judicabat & Lazarum talem esse.* Et hoc parum est, quod homo hominem talem censeat, qualis ipse est, in ipsum met adeo DEum venena audet effundere & Deum de suo metiri. *Quam bonus Israel DEus his qui recto sunt corde* exclamat sacer Citharædus, tam bonum habemus DEum, ut melior esse non possit; solem suum oriri super bonos & malos facit; benefacit malevolis, prævenit omnes gratis, nec momentum abire sinit, quo non conferat novum cuilibet beneficium. Bonus est etiam erga damnatos, dam-nandosque, imò his longè majora præelectis confert beneficia. nihilominus tamen cum omnibus tantoperè benefaciat, non satisfacit nisi bonis, etsi in seipso infinite bonus sit, malis autem non videtur bonus esse. *quam bonus Israel DEus his qui recto sunt corde?* qui autem depravato sunt corde, talem sibi metiuntur & mentiuntur DEum, quales ipsi sunt, ita ut apud Sanctos DEus audiat sanctus, apud perversos audire debeat perversus. Augustini hæc est Commentatio in Ps. 44. *ait in alio loco Psaltes: cum Sancto Sanctus eris, & cum perverso perversus eris, non*

§. 5.
Malus homo etiam
Deum malum putat.

Ps. 72. v. 11.

quia peruersus DEus, sed quia peruersi peruersum eum putant. placet tibi bonum, bonus est DEus, displicet tibi quasi prauus est, curuus est ad te DEus, tua curuatura facit hoc, nam illius rectitudo semper manet. audi in alio Psalmo: quàm bonus DEus Israël rectis corde.

§. 6.
Adam &
Nabuchodonosor
ex suo me-
tuntur
DEum.

Quamdiu recto corde Adam fuit, non timuit Deum, non erubuit, non se abscondit, at postquam concupiscentia illi potior fuit præcepto Dominico, abscondit se & nuditatem prætexit: *timui eo quod nudus essem, & abscondi me* Genes. 3. v. 10. ecce Adam ex sua erubescencia metiebat Deum, quasi hic pudefieret ex nuditate corporum, sicut ipse nudus erubescerebat. non ita mi Adam, DEi oculis omnia nuda sunt, nec ideo minùs videt, quòd vestibus teñtus sis aut absconditus, imò ita te citiùs inueniet, prodet, confundet, quòd tu DEum ex te depingas.

Absurdiùs Adamo Nabuchodonosor deliquit, cum ita de DEO iudicauit Daniel. 4. v. 31. & 32. *Regnum ejus in generationem & generationem, juxta voluntatem suam facit tam in virtutibus cœli, quam in habitatoribus terræ, & non est qui resistat manui ejus.* audistis impij Regis blasphemiam? venenum Saccaro condidit, fel melle tegit, vitium in medio collocat, dum dicitur: *juxta voluntatem suam facit*, quasi diceret: non attendit quid expediat creaturæ sed quid ardeat ejus potentia: voluntas illius pro fulmine est, quo sternit omnia. Reclamat blasphemo Regi S. Hieronymus: *loquitur quasi homo secularis, non enim quod vult hoc facit, sed quod bonum est, hoc vult DEus.* aurea prorsus Doctoris Maximi sententia, unde bonus quisque ingens in omni casu solatium hauriat. Non agit Deus cæcè, non agit tyrannicè, non quærit suum interesse, sed no-

strum unicè spectat emolumentum, neminem creauit ut damnet, neminem deserit priusquam desertus fuerit, neminem flagellat ut perdat, neminem tentat, ut condemnet, at unde Rex Nabuchodonosor talem de DEo concepit existimationem, quasi à sua Omnipotentia cæcè se sinat abripi, nec attendat, quid magis expediat? ipsemet talis fuit, qualem Iuuenalis depingit: *Sic volo, sic jubeo, stat pro ratione Voluntas.* Loquitur ut homo seculi, loquitur in opprobrium suum; quisquis enim malè sentit siue de Deo, siue de proximo suo, certum sibi opprobrium adsciscit: *amputa opprobrium meum* rogat Psaltes Ps. 118. v. 39. *quod suspicatus sum*, hoc est, ut Cardinalis Hugo interpretatur: *fac nè malum suspicer de alio, quod si faciam est opprobrium meum, quia & falsum iudico, & me talem qualem eum suspicor esse vel fuisse ostendo.* Similiter S. Augustinus in Ps. 118, *amputa opprobrium meum, quod de alijs suspicatus est, hoc enim procliuus homo suspicatur in alio, quod sentit in se ipso.*

Joann. 8. adducunt mœchorum Duces pharisæi adulteram in flagranti flagitio deprehensam ad tribunal Jesu: *Magister hæc mulier modò deprehensa est in adulterio* v. 4. lex nostra Levit 20. v. 10. fert lapidationis sententiam. tu ergo quid dicis? cur à me potior legem habes, quàm meretricis, quid tuo volutas in corde, quid decidis? O temerarii nebulones, meus Jesus non est tam præceps, ut parte inaudita altera ferat sententiam, fortè oppressa est sicut Thamar ab Ammone 2. Reg. 13. fortè intercessit ignorantia inculcata. Tacet itaque Jesus Juxdex omnium, cui Pater omnes dedit iudicium, tacet inquam, & non condemnat. illi autem non desisterunt cum suo Ergo. *cum ergo per se uerarent interrogantes eum erexit se* v. 7.

§. 7.
Cur Phari-
sæi adulter-
am adduc-
cant ad
Christum.

cur.

scripsit interea JESUS, & quid scripsit? sunt, qui putent, fatalia hæc verba: *Mane Thecel Phares*, quæ Daniel. 5. in convivio, Balthazaris Anno mundi 3516. digiti ignoti Scribæ scripserant in pariete aulae contra candelabrum, nunc à JESU denuò exscripta fuisse. Dionysius Carthusianus censet exarata hæc verba: *Terra judicat terram*, alii eadem verba quæ dixit: *qui vestrum sine peccato est, primus in eam lapidem mittat*, S. Ambrosius ep. 79. ait scriptam fuisse sententiam: *festucam quæ est in oculo fratris tui vides, trabem verò quæ in oculo tuo est non vides*. S. Hieronymus lib. 2. contra Pelag. scripsit eorum qui accusabant peccata mortalia juxta illud Jerem. 17. *recedentes à te in terra scribentur, quæ singuli legentes & se velut in speculo contemplantes, remiserunt ab accusatione & judicio & condemnatione: unus post unum exhibent incipientes à senioribus* v. 9. ostendit iis JESUS, si ipsi non essent adulteri, adulteram non adduxissent, non accusassent. Christianè Seneca lib. 7. de beneficiis: *fortasse vitium de quo quereris in sinu invenies, si te diligenter excusseris, uti meritò in tumum ipsius sinum inspicere possis ac debeas, & quoties de alio succurrit improba cogitatio dices: hæc (& his graviora) & ipse commisi*, sed nimirum videmus mantissimam non manticeam nostram, quæ à tergo est, uti fecit Moyses Ab. accersitus ad judicandum fratrem. vel patrâsti vel patrabis similia, ut in se expertus est Vir Sanctus Machates teste Cassiano lib. 5. institut. c. 30. *mibi manifestè compertum est iisdem vitiis hominem illegari, in quibus de aliis judicare præsumserit*, maneat ergò vera paræmia: mala mens, malus animus. ostendunt, quàm sanctè ipsi vivant, qui malè de omnibus suspicantur S. Hieronymus ad Vigil. in principio.

Qui nausæa & vertigine laborant ait Gregorius Nazianzenus orat. 16. omnia fursum deorsumque verti putant, cum ipsi vertantur. ita perversi pervertunt omnia, juxta tritum illud: Omnia perversæ possunt pervertere mentes. Dorotheus verò doct. 16. ait: *melancholici quidquid sumunt, vertunt in bilem, hydropici in aquam, in flavedinem ictericici*. sic animæ malè dispositæ unaquæque res quamvis bona & utilis suo vitio nocet.

Jobum gravissimè afflictum conveniēre amici, non ut solatores sed censores, pungebant enim eum quasi hypocritam occultis scaten-tem criminibus, ob quæ aded enoimenter è DEO vindice plecteretur. ad quos ille conversus in hæc verba prorupit c. 19. v. 22. *quare persequimini me sicut DEUS?* non est satis quodd me flagellet omnipotens, etiamne vos iniquis lingvis flagellatis? *quare sicut DEUS?* o Job quid loqueris? si te persequuntur sicut DEUS, ergò faciunt optimè, quia se conformant Deo. file, nè querere, DEUS te persequitur justè, si illi sicut DEUS, ergò iustissimè atterunt, te. respondet pro afflictissimo Jobo S. Gregorius lib. 25. fol. 90. non ita intelligenda sunt verba mea: sicut DEUS, hoc est, ac si vos o amici nullis miseriis essetis obnoxii: ita me ex infirmitatibus meis affligitis, ac si ipsi more Dei de infirmitatibus meis nihil habeatis. Bona est hæc verborum Jobi interpretatio, sed meo judicio melior adhuc, quam S. Paschasius lib. 2. c. 1. attulit: *quare persequimini me sicut DEUS, verba sunt non conquerentes sed in crepantibus, quomodo vos inquiritis in statum conscientie mee, & judicatis me de internis, quod soli DEO competit?* Auctori tantum debetur hoc privilegium, ut conscientiam possit intrare: secretam hanc clavim soli sibi refer-

§. 8.
DEO se as-
similat qui
de inter-
nis judi-
cat.

servavit: *ego Dominus scrutans cor* Jerem. i. v. 7. de internis alios censurare, est se Altissimo æquiparare, quid? cogitare de altero mala in cordibus suis, est dæmonem incarnatum repræsentare. *Emulantur divinitatem* ait Tertull. Apolog. 22. *dum furantur divinitatem*, hoc est, dum usurpant judicandi alios maxime de internis facultatem. Quod Achab ad Prophetam dixit 3. Reg. 20. hoc aliquando tibi DEus repetet, quisquis mala de proximo tuo in corde tuo cogitas: *hoc est judicium quod ipse decreveristi*, quisquis male de aliis sensisti, malum te ipsum effecisti.

§. 8.

Reprehenditur
malus adolescens
qui Christum
vocat bonū.

Marci 10. blandissimis verbis Christum interpellat adolescens: *Magister bone quid faciam, ut vitam æternam percipiam*. sensit aculeum Dominus & reposuit: *quid me dicis bonum?* quid? bonum? quis te ò Christe bonum non dicat, qui ipsissima Bonitas es; nemo te melior, quia ter optimus es. nemo locutus est verius. si veritatem ergò locutus est adolescens, laudari & amari dignus est. at JESUS scintillator cordium scit, quid cui respondeat: *versuta interrogatio* ait S. Ambrosius lib. 8. in Lucam *& ideo acuta responsio*. adulator ille vaser fuit & censor pessimus, censuit enim Christum non esse DEum, bonum nihilominus appellavit, unde Christus: quomodo tu me confiteri audes bonum, quem diffiteris in animo tuo DEum? seu ut Ambrosius: *quid me dicis bonum, quem negas DEum?* quid bonum dicis, cum bonus nemo nisi solus DEus? neminem tu vocaveris bonum, qui ipse malus es, & ideo de Bono sentis malè, cumque bona loqui videris, sentiendo interim malè non laudem sed vituperium, non amorem sed odium,

non beneficium, sed supplicium promeris.

Quare si apud DEum & homines bene audire volumus, sentiamus de proximo in bonitate, sicut Joseph de Sponsa sua, sicut tres Reges de Herode, sicut undecim discipuli de Juda. Dixerat Christus: *qui intingit mecum manum in paropside, hic me tradet* Matth. 26. v. 23. nec tamen mali quidquam bonus Apostolorum chorus suspicabatur: *Cum enim longè à tali scelere abessent, nec de aliis suspicabantur* S. Chrysostomus hom. 71. in Joannem. Tres Reges quærunt in alieno regno non onatum Regem, nihil sinisterum de Herode suspicati: *quia bonà erant mente præditi, talem quoque Herodis mentem esse credebant* ait Balthasar Arias serm. 2. de Epiphania. Joseph cum esset justus, noluit traducere gravidam virginem, quia possibilis esse credebatur mulierem sine viro posse concipere, quàm Mariam posse peccare ait S. Chrysostomus. Voluit tamen dimittere quoniam *magnum Sacramentum in ea cognoscebat, cui approximare se indignum aestimabat* Origenes apud D. Thom. in cat. Horum exemplo cogitemus de proximo mali nihil, de nobis verò boni nihil; & erimus boni, boni valde.

§. 9.
Bene cogitare de aliis Bonorum est.

Chrysost.
hom. 1. in
Matth.

Denique ut Problematis hodierni resolutionem: *Qui & Quare mala cogitent* in Emblemate assignem, Aquilam prope Corvi nidum colloco, quæ infausa ave expulsâ, ova pariter confringit, nè mali superfit propago, nam Mali corvi malum ovû. inscribe lemma: *ab Ovo mala multa sequuntur*. Vel Liliûm fingamus, in cujus cor sive bulbûm, qui speciem cordis refert, si a ter infundatur liquor, totum nigres-

§. 10.
Emblema.

grefcit lilium. lemma ; indictum milititer ex malitia oris & operis praecordis. ex nigrore videlicet lilii in- vitatem cordis concludamus. fectionem radicis colligimus ; fi-



PROBLEMA XXI.

Quid Vestis Nuptialis significet ?

DOMINICA XIX. POST PENTECOSTEN.

*Amice quomodo huc intrásti non ha-
bens vestem nuptialem? Matth.*

22. V. 12.

S. I.
Cultiori
vesti ad-
scribit co-
vivam ad-
missionem
ad epulas.



Narrant mercatorem Florentinum in more positum habuisse, ut singulis Dominicis, festisque diebus ad frugale admitteret epulum, quotquot prandere unà luberet, dummodò honesto pràditi amictu comparerent. Accidit aliquando Civem ingenio, quàm opibus locuplettiorem ad mercatoris comparere januam, atque ad solitum prandium cupere admitti; verùm quia laceris indutus erat vestibus repulsam pati debuit, donec comparato nescio unde honestiori vestimento compareret denuo ad mercatoris ostium, ubi sine mora admissionem impetravit. Qui, dum prandium hilariter peractum esset, & convivæ cæteri modimperatoris suo liberales referrent gratias, tunicam exiit, & non hospiti, sed vesti gratias egit, quòd huic præ illo admissionem ad epulum deberet. Vesti itaque profundissimam reve-

rentiam exhibuit, osculum fixit, gratiarum verba protulit, & gratitudinem non sine spectantium joco, planctumque dixit. Quid si & hodierni Evangelici convivæ, gratias potius vesti, quàm Regi egissent, quòd ad nuptiales recepti epulas, lautissimè festivissimèque habitis sint? potuissent sanè, nisi vestem nuptialem non alteri, quàm ipsimet Regi in acceptis referre debuissent; ab hoc enim non tantum gratiosè invitati, sed & congruis vestibus donati sunt, ut nisi sordidi esse vellent, malè vestiti comparerere non possent. Verùm cum hæc vestis Evangelica non corpus ornet, sed animam, (sicuti epulum non est sensuum, sed affectuum) quærere merito quis possit, quid ea vestis propriè significet, quàm nos indui Rex supremus tantopere desiderat, ut non nisi bene vestitis convivium regale indulgeat, carceres alioquin & compedes, æternaturaque supplicia minetur? Omnis plurimis interpretum opinionibus,

Q

Problemata P. Philippi Hartung.

bus , tres solummodo in medium proferam , & pro bona intentione definiam. Sit hæc *Intentionalis Questio*, quæ in bonam , quam præviè Auditoribus meis inesse cupio , resolvetur intentionem.

Potior Doctorum pars cum magno Augustino per Nuptialem vestem *Gratiam* intelligit *justificantem*, vestem omnino pretiosam , de qua Doctor Angelicus : *bonum gratiæ unius majus est , quàm bonum naturæ totius universi*. Nulla res in toto orbe cum illa (gratia) potest comparari , inquit S. Chrysostomus & D. Augustinus in Ps. 102. sanguinis theandrico eandem æquiparat : *sanguinem fudit unicus DEI Filius pro nobis , & anima gratiosa tanti valles*. Conscit hanc nobis vestem Sanctus Spiritus , cujus materia infiniti omnino est pretii , sanguis videlicet & merita Christi. Ductus enim Christus ad occisionem sicut ovis , tunsus & tonsus in passione , candidum & rubicundum corporis vellus deposuit , atque nobiles has divini corporis sui exuvias in indumentum nostrum à Spiritu Sancto adaptandas reliquit , quidum *virtute ex alto* Apostolos die Pentecostes induit , vestis hujus , sive gratiæ justificantis dispensationem in se recepit. Juvat repetere breviter & nervosè , quæ in gratiæ appropriationem illuminatissimus nostri ævi asceta , cujus sanctis luminibus plurimi debemus plurimum , in suo Theophilo consignavit. Per gratiam justificantem timus filii adoptivi DEI , adeoque ratione illius accipimus jus ad gloriam cœlestem , tanquam hæreditatem filii debitam. *Sis filii & heredes*. Hinc infanti baptizato debetur gloria cœlestis tanquam hæreditas , quia in baptismo accepit gratiam. Fit autem hæc adoptio filiorum DEI non solâ opinione , ut apud homines , apud

quos , qui adoptantur , non fiunt reipsâ filii , neque Patris adoptantis aliquid acquirunt præter externas fortunas ; at quos DEUS adoptat , hos regenerat , & sibi similes facit , ut sint *novæ creatura*. Facit hæc vestis , gratia , inquam , animam pulchram , divitem , dilectam. Cum eâ vestirentur Apostoli , contestatus mox est Christus : *jam non dicam vos servos , vos amici mei estis*. O mira divinæ bonitatis dignatio , exclamat D. Gregorius , servi digni non sumus , & amici vocamur. Tam chari DEO sunt , quicunque sunt in gratia , ut si DEUS ratione immensitatis suæ non foret ubique , nihilo minus semper intimè præsens esset illi , qui est in gratia , nec vellet ab eo separari , sed mansionem apud eum faceret , ut societas ejus sit cum filio ejus JESU Christo per Spiritum Sanctum. Divitias quid memorem ? pone mendicum , qui habet gratiam , & monarcham mundi sine gratia , quasi infinities hoc ditior est mendicus ille. Pulchritudo porrò tanta est , ut si clarè eam videres , cor tuum rumperetur præ gaudio , pro ut Dominus aliquando S. Brigittæ dixit , Divæ Catharinæ Senensis autem pulchritudinem animæ gratiosæ cum revelâisset , extra se raptâ fuit Catharina , & ab eo momento mundus ei forduiit. Si omnis pulchritudo naturalis , quæ est in Angelis & hominibus , & aliis creaturis poneretur à Deo in una creatura , quàm esset illa formosa ! tamen respectu animæ habentis minimum gradum gratiæ sanctificantis , nulla ratione esset comparabilis , imò videretur esse quædam deformitas. Hæc pene ad verbum ex Asceta illo eximio.

Vidit Apocalyptica Aquila cap. 12. signum magnum in cœlo , mulierem sole amictam , lunâ calceatam , stellis duodecim coronatam , per quam

Joan. 15.
v. 14.

§. 2.
Per Vestem Nuptialem intelligi potest Gratia Sanctificans.

P. Joan. Weier Exerc. Spiritual. hebd. 2. p. 27.

Rom. 8.
v. 17.

§. 3.
Varia animæ in gratia continentur symbola.

quam licet passim benedictam in mulieribus Virginem DEI param intelligi, aut sponfam Christi Ecclesiam non ignorem, potest nihilominus quælibet anima in DEI gratia constituta signo huic assimilari, quam sol iustitiæ Iesus undequaque protegit, & communit, ut eam amicare videatur, virtutum quoque radiis cingit, & coronat. Lunam proterit, quia cuncta temporalia, ut loquitur D. Gregorius, & omnem creaturarum mutabilitatem despicit, duodecim redimitur stellis, quia duodecim fructus Spiritus Sancti, quos Apostolus enumerat, perpetim participat. Hoc nimirum est amictum esse sole sicut vestimento.

Regius Psalmographus animam gratiâ præditam Reginam appellavit auro vestitam, divinæ assistentem dexteræ, cujus decor, non tam foris, quam intus mirum quantum coruscet: *adstitit Regina à dextris tuis* (o Regum Rex) *in vestitu deaurato, circumdata varietate. omnis gloria ejus filia Regis ab intus, in simbris aureis circumamicta varietatibus.* Regina merito dicitur, quia per gratiam, velut pronubum anulum filio æterni Regis desponsata est: *Sponsabo te mihi in sempiternum, & sponsabo te mihi in iustitia & iudicio.* Quapropter in hodierno Evangelio dicitur Rex instruxisse nuptias filio suo, ut ei desponsaret Reginam auro vestitam, gratiâ videlicet instructam, & virtutum varietate, puta candore innocentiae, rubore reverendiæ, virore spei, carulo contemplationis, pallore sanctitatis, prasino humilitatis exornatam. Potissima gloria non in externo virtutum moralium habitu, sed in interiori perfectissimorum habitum nitore, ac potissimum in aureis sanctissimarum cogitationum simbris elucefcit. Sic exornata, stantique à dextris Reginae o-

mnes Angelorum chori applaudunt, & epithalamium canunt.

Considerant alii animam gratiosam velut speculum crystallinum soli objectum quod solem excipit, à radiis totum penetratur, & illuminatur, vicina quoque accendit. S. Theresia vidit globum crystallinum, in cujus medio sedebat speciosissimus DEI Filius radios spargens undequaque speciosissimos; hic est typus animæ, in qua sol iustitiæ relucet. Alii hierothecam Eucharisticam sibi fingunt (in cujus medio SS. Eucharistia ab Angelis sustentetur) vel ex cetera Virgine sicut nonnunquam apes construxisse leguntur, aut ex achate, qualis est in Monasterio S. Laurentii prope Madritum, aut ex auro purissimo, crystallo nitidissima, carbunculo radiantissimo, & hanc esse ajunt gratiosæ animæ imaginem, in qua Sacrosancta Trinitas facere dignatur mansionem. Veneramus MARIE uterum, tanquam thronum eburneum, thalamumque aureum, in quo Incarnatus DEUS quievit; pœne suppar animæ gratiosæ est dignitas, quam matrem suam & sororem & fratrem DEI filius nuncupare dignatus est, propter expletam Patris cœlestis voluntatem.

Gratiosè ista pro gratia tantquam nuptiali veste dicuntur, sed neque rejiciendi illi sunt, qui pro veste nuptiali, imitationem Christi accipiunt juxta illud Doctoris Gentium monitum: *Induimini Dominum Jesum Christum*; quæ S. Thomas sic exponit: Dicitur autem induere Christum, qui Christum imitatur, quia sicut homo continetur vestimento, & sub ejus colore videtur, ita in eo, qui Christum imitatur, opera Christi apparent. Hæc vestis odorator, quam illa Esau, *sicut odor agri pleni, cui vendidit Dominus.* Qui enim Christum indutus est, non

S. 4.
Potest præterea per Vestem Nuptialem intelligi Imitatio Christi.
Rom. 13.
v. 14.

Gen. 27.
v. 27.

Ælian. va-
riar. hist. c.
12. c. 1.

potest non suavisissimam virtutum omnium exhalare fragrantiam, & esse bonus odor Christi, idēque novas ac novas à Patre misericordiarum promereri benedictiones. Ælianus refert Theridate præcipuo Artaxerxis Regis aulico vitā fundō, vehementer indoluissē Regem, dixisseque Conjugi viduæ: quoties à me quidvis petitura venies, Theridatis vestibus accede induta, quod & Aspasia Conjug præstitit; nec unquam à throno regio, nisi obtentis omnibus, quas postulabat, gratiis recessit. Munificentissimum experimur DEum, si ad thronum gratiarum supplices, Christum induti, accefferimus. Quod si enim nihil iis denegandum à Patre, asseverat veritas, qui interposito Filii nomine orabunt, quanto magis paternam exorabunt Clementiam, qui JESum induti acceptissimam Filii personam cultissimè repræsentabunt. *Induimini JESum Christum.* Intellexerat Paulus, ut ait Ambrosius, à Romanis Neronem indui togis suis, & paludamentis intertextum. Monet proinde: *Induimini JESum Christum*, non Neronem, sed JESum habitu, gestūque referte, ut vita JESu manifestetur in corporibus vestris, dicique de vestrum unoquoque possit: *sic oculos sic ille manus, sic ora ferebat.* Placebit id magnopere Patri cœlesti, cui externa etiam tunica arridet, si dicere possit, *quia tunica filii mei est.* In persona animæ gratiosæ est locutus Isaias: *Induit me vestimentis salutis, vel ut legunt alii: induit me vestimentum JESum.* Hac veste Agnes induta leoninos assumsit animos, uti habet Breviarium Romanum. Induamur hac veste, & erimus Hercule leoninas exuvias induto fortiores, atque animosiores.

Cum Henricus IV. Rex Christianissimus certo internuntio acce-

piisset Alexandrum Farnesium Galliae imminere, ad arma ocyus clamavit, primusque in acie hosti obviam processit. ne autem præfulgidis aciliatis armis robur omne hostile in se concitaret, palam in campo arma exiit, oculisque lustravit, delegitque Heroem, quicum arma mutaret, prævalidum omnino militem, nomine Mesplez, quem armis regiis induit, dicens: animos tuos meis pares habeo exploratos, nemo Te validius in medios hostium cuneos Regia inferet insignia. I, perge, & Regem te induisse memento. Perrexit ille, itaque fortiter dimicavit, ut gentilitia lilia, non jam candida, sed hostili sanguine rubentia referret, dignus in perennaturæ gloriæ fastos referri: O quæ gloria, quanti nos manent triumphi, si Christum induti, pro Christo dimicemus, victuri cum Christo, & immortaliter triumphaturi!

Nemo re idē sentientium est, qui non ingentibus afficeret honoribus simbram vestimenti Salvatoris nostri, qualem Leo Isauricus Imp. Constant. summo dono ad Angelum Patriarcham Venetum transmissit. At longè pretiosior is DEO est, qui totum Christum induti membris omnibus: *Hunc etenim indutus. ut Chrysostomus asserit, omnem simul virtutem habet; Nam dum dicit Induimini, undique nos illo circumdari vult.* Quod ipsum Gregorius Magnus adtruit, ad illa verba Job. 29. *Iussit iā indutus sum, & vestiri me sicut vestimento: vestimento utique cum vestimur, ex omni parte circumdamur.* Ille ergo Iustitiā, sicut vestimento vestitur, qui se undique bono opere protegit, & nullam partem actionis suæ peccato nudam relinquit. Invenire est aliquos, qui Christum oculis induunt, quos raro de terra levant; Alios, qui manibus, quas sæpe le-

S. f.
Christum
omni ex
parte in-
duamus.

Chrysost.
hom. 24. in
ep. ad
Rom.

Greg. I. 19.
moral.
c. 12.

Gen. 37.
Isa. 61.
v. 10.

vant in altum exemplo Christi: sic oculos, sic ille manus. Per pauci sunt, qui in omnibus ad vivum referant. *Exhibe te undique virtutum nitore conspicuum* monet B. Petrus. Dam. *Et uniformi, ut ita loquar, veste sanctitatis ornatum, cui videlicet nullus cujuslibet vitii pannus videatur assutus.* Auree Chrysostomus: *vult nos Paulus undique velut vestimento circumdari, Et ipsum in nobis per sanctimoniam conspicuum esse; indutus enim id esse videtur, quod indutus est.* Hanc Augustinus vocem audiit, cum tollere & legere iussus, in illud incidit ad Rom. 13. *abjiciamus opera tenebrarum & induamur arma lucis.* & cum venisset ad id *Induimini*, ait ipse: *nec ultra volui legere, nec opus erat.* Aaron in monte nudatus obiit, Eleazaro ejus Filio in paternæ vestis hæreditatem subeunte. Opulenti Booz pallio Ruth paupercula sese operuit. Josephi polymita ad invidiam usque placuit, si Christi imitatione nuditas nostra contegatur, non poterimus Patri non placere. Didacus Vega narrat de Pilato, quod Romam evocatus à Tiberio Imperatore, ut rationem necis Christo illatæ redderet, vehementer furias Cæsaris timeret, inconfutam itaque Christi tunicam subinduit, & ita se Cæsari stitit. Tiberius viso Pilato affurrexit, omnique posito furore, insolitâ illum humanitate ac clementiâ excepit, remisitque non sine honore. Vixabierat Pilatus ex oculis, mox ira Cæsaris recrudescit, sed ad conspectum denuò evanescit. Quod toties factum, donec fraus Præsidis innotuisset. Hanc ergo exutus tunicam Pilatus, capitalem à Cæsare sententiam audit, & Viennam in exilium est relegatus. O peccatores! o DEICIDÆ! Christi induite tunicam, & poteritis cum electis revelatâ facie gloriam Domini specu-

lando in eandem imaginem transformari, & nuptiali veste induti immortalibus epulis accumbere hospites gratiosi.

Satis jam de vestis nuptialis significatione altera dictum existimo, ad tertiam accedo, & intentionem bonam propriè intelligi per nuptialem vestem contendo. Interulam propinquiorem corpori, quam togam esse proverbio dicimus, & nobis propiori esse curæ oportet intentionem rectam, quam opus ipsum. Stultus ille foret qui indusium gestaret foris, intrò ad corpus togam. Unde dum albâ induere Christum in Herodis regia, ut stultum habuere, & nos quandoque sic desipimus, imò & Christo illudimus, dum intentionem nostram per inanem gloriæ cupiditatem propalamus, opera autem, unde proximus ædificari deberet & glorificari Pater cœlestis, celamus contra decantatum monitum S. Gregorii: *sic opus sit in publico, quatenus intentio maneat in occulto.* Vestis extima tegit interiorem & defendit, similiter intentionem tueatur, celatque opus externum. Externa spectant homines, interiora DEUS, qui etsi opus quoque exigat externum, prius tamen vult esse cor seu intentionem perfectam. Interior non exterior vestis in hodierno desiderabatur conviva, ex cuius defectu ad tenebras & lacrimas stridorésque amandatus est. Qui enim exteriorem tunicam sordibus contaminatam præ se tulisset, à vigilibus palatii custodibus nequaquam intromissus in aulam, quin & retrusus à convivis ceteris ocyus fuisset. Interior ergo vestis illi defuerit, bona videlicet intentio, quam solus ille perspicit, qui intima lustrat, renes & corda scrutatur.

Ecclesia Catholica est mulier illa fortis proverb. 31. descripta, quæ

S. 6.
Optimè
per Vestem
nuptialem
intelligitur
bona
intentio.

Greg.
hom. 11. in
Evang.

S. 7.
Duplicem
omne

à nobis ve-
stem re-
quirat De-
us, opus &
intentio-
nem.

S. Bern.
Serm. 3. de
omnib. SS.

Apud Syl-
veir. tom.
3. l. 5. c. 26.
num. 31.
Exod. 25.
v. 17.

Pl. 77. v. 60.

Jerem. c. 3.
v. 31.

omnes domesticos suos vestit duplicibus, ut non tantum exterius boni, sed præcipue boni sint interius, non habeant duntaxat lanam foris, sed & linum intus: *quesivit lanam & linum*. S. Bernardus expendens illud Apoc. 6. v. 11. Data sunt illis singula stolæ albæ, *acceperunt inquit jam singulas stolas, sed non vestiuntur duplicibus*. Domestici mulieris fortis Ecclesiæ militantis duplicibus vestienti sunt. Duplex vestis est, hyemalis & æstivalis. Vestem hyemalem dico virtutes, quibus protegimur contra pluviam & grandinem tentationum, & persecutionum; hujusmodi sunt: Patientia, Mansuetudo, Humilitas, & alia id genus. Æstivalem dico virtutes quibus tempore pacis & tranquillitatis vacatur bonis operibus & contemplationi, qualis est: Charitas, pietas, devotio, sapientia. Hæc Hugo. Præcipitur Moyfi: *facies quoque duos Cherubinos aureos*. Hi debebant tabernaculi esse custodes, eâ formâ ut sub alis occulerent legem, *testimonium quod dabo tibi*. Elegans mysterium! per tabernaculum significatur Christus: *Tabernaculum DEI cum hominibus*; hujus tabernaculi servi seu custodes debent esse Cherubini, intellectu scrutantes divina, & aurei quidem per sincerissimam intentionem, alas extendant per amplitudinem desideriorum, ita tamen ut infra alas habeant legem DEI, quàm continuò observent, & afficiantur illi tanquam thesauro suo. De electis dictum est: *in visceribus eorum dabo legem meam*, in corde. ipsorum, inquit glossa. Et hoc est habere vestem duplicem, intentionem rectam & charitatem indeficientem in visceribus, legem verò ipsam in operibus. Ninivitarum prædicationem Jonæ compuncti vestiti sunt saccis à majore usque ad minorem. Quæ res ita movet DE-

um, ut dicat textus: *Vidit Deus opera eorum quia conversi sunt, & misertus est super malitia eorum*. Notat aureus orator, quòd viderit opera, non verba. Non dixit: vidit jejunium & cilicium & cinerem. hæc tamen non eò dico, ut jejunium tollam, avertat hoc DEUS, sed ut vos ad id, quod jejunio præstantius est, faciendum hortet, ut scilicet ab omni vitio abstineatis. Ita Chrysostomus.

Pharisæus jejunans bis quot sabbatis, decimas dans omnium, extimam vestem laneam habuit (incessit in vestimentis ovium, totus humilis, mansuetus, beneficus) nec tamen DEO placuit, defectu vestis interioris, quam DEUS primariò spectat, synceræ videlicet charitatis. Alludit huc Bernardus: *quidquid in ore devotum sonuerit* (quale erat illud: gratias ago &c.) *cordis non sufficit excusare tumorem apud eum, qui alta à longe cognoscit*. En ut Deus priùs cognoscat intima, quæ alta seu profunda ac recondita possunt appellari.

Matth. 17. v. 21. transfigurati Christi vestis describitur: *vestimenta ejus facta sunt alba sicut nix, sicut lux* legunt alii; hæc vestis exteriora signat opera, per quæ illuminantur homines; at quæ vestis interior? *resplenduit facies ejus, sicut sol*. Facies intentionem & affectum internum denotat, docetque tantam debere esse differentiam inter externa & interna opera, quanta est inter lucem & ipsum lucis fontem, solem. Qui foris apparet ut candidus Angelus, intus sit fulguris instar aut solis. *Viderunt* (Judæi) *faciem ejus* (Stephani) *sicut faciem Angeli*; & quare foris facies Angelica? causa præmittitur: *cum esset Stephanus plenus Spiritu S.* Combinat hanc causam S. Fulgentius: *Habens intra se Spiritum sanctum, vultum præ-*

Jonæ 3. v. 5

S. Chrysost. hom. 4. in ep. 2. Corinth.

Luc. 18. v. 11.

S. Bernard. Serm. 13. in Cant.

Act. 6. v. 15.

se

se gestabat Angelicum. plus intus latebat, quàm foris apparebat.

Cant. 1. v. 10. Tres DEitatis Personæ de anima devota loquuntur: *Murenulas aureas faciemus tibi, vermiculatas argento.* SS. Augustinus & Bernardus per murenulas intelligunt numisma pretiosum ornando pectori, ad indicandam extraordinariam sanctitatem. Sed quid hoc significat, quòd numisma aureum debeat vermiculari argento? Nos argentea numismata deauramus, non verò aurea deargentamus. DEus è contra non vult foris esse aurum, sed intus. Hypocrisin derivat S. Antoninus 2. p. tit. 4. c. 6. quasi *suprà aurum ab extra in operibus se ostendit esse aurum sanctitatis, sed intus est lutum cupiditatis.* ut de eo repeti possit illud: *ecce iste coopertus est auro & argento & omnis spiritus (aurum charitatis optimi) non est in visceribus ejus.* &c.

Attendamus proinde, ut vestis interior quàm mundissima sit, & integerrima, optima videlicet ad DEum intentio, & non deerit ad æternum convivium vestis nuptialis, sed tanquam gratiosissimi hospites, acceptissimique convivæ epulabi-

mur & jucundabimur in perpetuas æternitates.

In Emblema Cygnus & Corvus veniant, quorum hic pennas nigras, pellem verò candidam habet; e contra Cygnus sub albicantibus pennis atram cutem fovet; lemma: *in cute noscendus.* Multi candidare videntur verbis & operibus, sed si interiorem inspicere daretur affectum, nigriora carbonibus omnia deprehenderentur. Alii simplicitate se suâ involventes dilectum Superis hominibusque foveant candorem, veri cœlorum Candidati, quorum velut cœlorum decor omnis ab intus. Inclusæ intra concham gemmulæ inscribitur: *valor omnis ab intus.* Malo grana to aliisque asperi corticis fructibus apponitur: *sapor omnis ab intus.* Horologio rotatili thecæ simplici incluso adjicitur: *Ars omnis ab intus.* Idem de recta intentione re-

ctissimè protuleris: decor, valor, sapor, ars omnis ab intus.

S. 8.
Emblema.



PRO-



PROBLEMA XXII.

Cur Horâ septimâ sanatus Reguli
filius?

DOMINICA XX. POST PENTECOSTEN.

Heri horâ septimâ reliquit eum febris Joann.

4. V. 52.

§. 1.
Causæ Cur
Regulus
inquirat in
horam sa-
nitatis,



Ulr tam accuratè Regulus inquirat in horam, quâ filius habere melius cœperit, causam dat Ammonius & Maldonatus, ut fidem suam in Christum solidaret, solemus enim ad confirmationem eorum, quæ credimus rationes investigare. Nec fidem solum sed gratitudinem quoque Regulus suam erga Sospitorem exercere volebat, ut deprehensâ sanitatis horâ obligatiorem se pro tanto miraculo profiteretur, gratus enim animus omnibus viribus intendit cognoscere non tantum auctorem beneficii, sed etiam diem, horam, minutum, ut nunquam memoria ab animo recedat, sicut vicissim ingratus laborat & beneficii & benefactoris memoriam ex animo penitus tollere; atque nē cogatur obligatum se fateri, fingit nescio quam offensam, optatque absentiam vel interitum benefactoris. Ut autem majorem exerceat regulus gratitudinem, non est contentus in Jesum credere, sed familiam insuper suam ad fidem Salvatori habendam sūaviter inducit, ideoque interrogat *horam ab eis.*

idcirco fortè horam quæ sivit, ut & alios præsertim domesticos suos solidaret in fide ait Dionysius Carthusianus, nimis bene horam sibi notârat regulus, quâ plenum gratiarum Verbum *Vir*it à Christo acceperat, interrogat nihilominus de felicitatis temporis articulo, ut inde summat occasionem instruendi servos, & excellentiam Servatoris nostri deprædicandi, quod eo affectu præstitit, ut teste Evangelistâ crediderit domus ejus tota. Felix certè hora fuit, quâ filius reguli sanatur in corpore, regulus in corde, tota domus in fide. & quæ illa hora? septima. cur septima? septem breviter causas insinuabo.

Primum quod Evangelistâ Joannes docet per biverbium *horâ septimâ* videtur esse, quod DEUS numeratos habeat, non tantum annos, menses, dies, sed horas & momenta, quibus nos lætari aut tristari, abundare aut penuriam pati, valere vult aut ægrire. Duravit febris ad horam usque septimam, non casu, sed providentiâ divinâ. *Constituiſti terminos ejus, qui præteriri non poterunt* inquit Job. c. 14. v. 5. terminos sanitatis, terminos felicitatis.

§. 2.
Causa pri-
ma, ut con-
ſtet deſi-
nita habere
DEUM
tempora
& horas.

citatis, terminos morborum, terminos miseriarum constituit, sicut mari & elementis ceteris terminos posuit, quos excedere non possunt. ita namque DEUS ordinavit tempora, ut in rationum divinarum libro scriptum habeat non tantum quid unquam & uspiam factum, sed & quid horis singulis liberè & necessariò sit futurum. eximie Paulus Atheniensibus concionatus est, & paucis verbis multa dixit, dum DEUM distributorem esse temporum docuit: *definiens tempora.* Quod Paulus ex libro Sap. c. 11. v. 22. addidit: *omnia in mensura & numero & pondere fecisti.* Inspiciens agit, qui calamitate nescio quâ pressus suspirat, & tantum non desperat: *hoc nimis grave est, hoc nimis longum est, hoc nimis multum est.* ò insipientissime mortalium, scit sapientia æterna, quod pondus, quis numerus, quæ mensura tibi apprimè conveniat. Et quia eadem est Sapientia Dei, quæ Bonitas, non patietur tentari te supra id, quod potes. Incipiebat hodiernus filius mori, sed mori non potuit, necdum hora moriendi fuit. patientiam habet ò regule, dum septima audiat. Et vos patientiam tenete afflicti quotquot estis, donec veniat hora vestra, quam novit & definivit DEUS. hæc veritas in ipso Christo quasi in speculo clarè elucet. habuit ille tempora & horas & momenta definita, quorum arenulam aut guttulam non excessit, non præterivit. Petebat Mater Domini primum abs filio miraculum, Joann. 1. v. 3. at ille v. 4. *nondum venit hora mea.* expectat videlicet momentum illud, quod ab æterno Pater præordinavit ad aquam in vinum mutandam. Sic petunt multi aquam tribulationis verti in vinum consolationis, sed respondet è cælo Christus: *nondum venit hora mea.* habet ergo

DEUS horam beneficiendi & consolandi, extra quam nihil fiet. habuit Christus horam recreationis: *in illa hora exultavit spiritu* Luc. 10. v. 21. habuit horam patientiæ Matth. 26. v. 45. *ecce appropinquavit hora, & filius hominis tradetur in manus peccatorum.* *Surgite eamus,* evadere non possumus, quia hora ab initio & ante sæcula à Patre constituta præsto est. Habuit horam orationis ac desideriorum, quæ gemebat, ut si fieri posset transiret ab eo hora Marci 14. v. 31. habuit horam tentationis: *hæc est hora vestra & potestas tenebrarum* Luc. 22. v. 33. habuit horam mortis Marci. 15. v. 34. *hora nonâ exclamavit JESUS.* quoties volebant judæi interimere innocentem, sed *nondum venerat hora ejus* Joann. 7. v. 30. *necdum venerat hora ejus* Joann. 8. v. 20. venit autem anno ætatis trigésimo tertio, exacto mense tertio, tertiâ post meridiem horâ. Discamus proinde horam nobis destinatam prætolari, ut simus tæque quaterque beati omnibus horis, certissimò experturi Ferdinandæ illius tessere veritatem:

Accidit in puncto quod non speratur in anno.

Alterum quod hora septimâ indicat, est insigne mysterium sacri hujus numeri post septem dies, ex quo Noë in arcam ingressus est, diluvium exoritur, die septimâ Columba ex arca emittitur Gen. 7. septem colorum (ut volunt pictores arcus in signum fœderis erigitur, septem agnæ ad puteum fœderis Abrahamum inter & Abimelech initi statuuntur Gen. 21. septem annis servire pro sponsa Jacob jubetur Gen. 29. septem boves pingves, & septem spicæ fertiles fecunditatem & frugum copiam designant Gen. 40. septem diebus azyma comedenda Ex. 12. totidem diebus

S. 3.
Causa secundæ, quia numerus septenarius mysteriis plenus est.

festum tabernaculorum celebrandum Lev. 23. septem agni & septem vituli pro peccatis immolandis Num. 28. septem dierum solennitates multoties præcipiuntur, septem crinibus fortitudo Samsonis definitur, Naamon in Jordane lavari jubetur septies 4. Reg. 5. septies intincto in passeris sanguinem digito aspergitur leprosus Num. 19. septem tubas adhibet Josue, & septies urbem circuit, ut Jericho evertatur Josue 6. v. 6. septem sunt columnæ, quibus domus Sapientiæ innititur proverb. 9. v. 1. septem lucernas videt Zacharias in candelabro Tabernaculi indeficienti oleo abundantes, septem sigilla in agni libro, septem cornua agni, septem stellas in manibus Filii hominis Joannes describit.

Pythagoras dicebat septenarium esse numerum universitatis, numerum authoris naturæ, numerum sacrum ac divinum. Cujus asserti causam dat Philo lib. I. alleg. *senarius vocantur mortalia, quia dividitur senarius, septenario immortalia, quia dividi nequit.* Sapientius Cicero in somnio Scipionis: *septenarius est plenitudo rerum, quia Deus est unitas, à quo fuit senarius creaturarum,* nempe angeli, elementa, mixta, inanimata, bruta, homo. Septenarius numerus Medicus est ait Tostatus, crises enim ostendit naturam, si aliunde impedita & laceffita non sit die septimo, aut ejus geminatione, ex qua naturæ inclinatione docent Medici septimo quoque anno fieri aliquam in humanis corporibus inclinationem. quin & numerus septimus decies repetitus pro vitæ termino à Psalmista ponitur: *numeri annorum in ipsis septuaginta anni* Ps. 9. Magnus itaque animarum corporumque Medicus eâ horâ dispulit febres, quæ numerum medicum sonat.

Horâ septimâ reliquit eum febris. per septem horas septena Sacramenta designari existimo, per quæ septuplex animæ febris, septem videlicet peccata capitalia felicissimè persanantur. Notavit enim Doctor angelicus febrem esse septuplicem: Febris *continua* & quidem caustica seu ardens est luxuria. *Quotidiana* gula. *Tertia* ira. *Quartana* acedia. *Hectica* avaritia. *Ephimera* superbia, *putrida* invidia. Contra has febres instituit Archiater noster septem Sacramenta, & quidem contra febrem continuam luxuriæ, magnum illud in Christo & Ecclesia *Matrimonii* Sacramentum; contra quotidianam gulæ sanctissimum *Altaris* sacramentum, in quo omne delectamentum sva vitatis; contra Tertianam iracundiæ *Confirmationis*; contra quartanam acediæ *Ordinis*; contra febrem avaritiæ hecticam, *extreme unctionis*, contra febrem putridam invidiæ, *baptismi* Sacramentum, ut sicut per invidiam diaboli mors intravit, ita per baptismum diabolus sua cum invidia submergatur atque extingvatur; contra ephimeram superbiæ Sacramentum *pœnitentiæ*, & hac horâ derelinquit febris hominem, cum hic delicta sua contritus & humiliatus in aures Spiritualis Medici deponit.

Horâ septimâ reliquit eum febris. per divina quæ enumeravi Sacramenta speremus sanitatem, hæc enim nobis ut vulgo loquimur indicant, quotam sonuerit horam, quantam videlicet salutis spem concipere possimus. Habent namque Sacramenta ista voces suas, imò sunt mera vox, unde & à Psalte Ps. 28. per voces denunciantur. *Vox Domini super aquas* in baptismo. *Vox Domini in Confirmationis virtute.* *Vox Domini in Eucharistiæ Magnificentiâ.* *Vox Domini*

§. 4.
Causa ter-
tia ut con-
notetur
numerus
Sacramen-
torum.

Deut. 16.

mini confringentis Cedros in pœnitenria. Vox Domini intercidentis flammam ignis in Matrimonio. Vox Domini concutientis desertum in Ordine. Vox Domini præparantis cervos in extrema unctione. En quàm sonorum tibi DEUS præparat horologium.

§. 5.
Causa
quarta,
quia eadē
horâ Re-
gulus Chri-
sto crede-
re cœpit.

Horâ septimâ reliquit eum febris. quia eadē horâ, ut vult Ammonius in catena græca, regulus credidit & obedivit; qui enim ad DEum accedit per fidem, eidemque per patientiam adhæret, & abscedit per obedientiam, nâ is fructum fidei suæ ocyûs consequitur. Non differt dona sua DEUS, cujus dicere est facere, & promittere gratiam, est reapse conferre. Plus dat Christus donis, quàm proferat verbis, & citius dat, quàm rogetur, imò excellentius quid confert, quàm expectetur. Dixerat Christus: *filius tuus vivit*, neque addidit: *sanus est*. dicendo autem Vivit, contulit sanitatem; non distulit ut Elisæus Namamano significans: *vade lavare septies in Jordane, & recipiet sanitatem caro tua* 4. Reg. 5. v. 11. Sed eo ipso momento sanitate filium donavit, & vivere fecit, quo vivere eum dixit. efficax nimirum DEI verbum est, nec morulam ullam in executione operis admittit. illa nobis hora septies beata est, quâ fidere DEO serio incipimus, constanterque eidem decernimus obedire.

§. 6.
Causa
quinta,
numerus
septimus
signat
quietem.

Horâ septimâ reliquit eum febris. Numerus septimus est quietis simul & perfectionis symbolum ait Doctor Angelicus & Hebræorum Doctissimus Philo: *septenarius numerus inquit quietis est*, quapropter septimus numerus miris à Deo privilegiis (ut adnotat Cornelius fol. 996. in Pentateuch.) est insignitus. Septimus annus libertatis erat & Sabbati terræ; septem hebdomadæ dierum Pentecosten de-

nunciabant, septem hebdomadæ annorum jubilæum adferebant. Nam Dominus ipse septimo die quievit ab universo opere, quod patrârat; *in quo significatur* (pergit Thomas) *quod vita spiritalis in quiete spiritali consistat. hæc dicit Dominus DEUS, si quiescatis, salvi eritis* Is. 30. v. 15. nihil æquè ad salutem conducit, quàm à negotiis sæculi tantisper quiescere, mentem componere, cor tranquillare. Habet impius cor semper inquietum, & marino æstui perfimile juxta illud Is. 59. v. 20. *Cor impii quasi mare fervens, quod quiescere non potest, redundant fluctus ejus in conculcationem & lutum.* hinc ex tempestate tempestas, hinc salutis naufragium, hinc omnis eaque æternatura calamitas.

Horâ septimâ reliquit eum febris. septima in judæorum horologio hora, nostram primam pomeridianam æquat, & hâc horâ juxta communio rem sententiam cœpit genus humanum in paradiso febrere; cœlestis itaque Medicus filio reguli, qui posteritatem Adam figurabat, eadē horâ contulit sanitatem, quâ morbum contraxerat, & mori inceperat. Quales febres contraxit Adamus? capitales fuerunt, quia videlicet caput generis nostri capitali superbix delicto fataliter æstuavit. Suggestit hanc causam Albertus M. *horâ septimâ febris eum reliquit, eadem scilicet horâ, quâ febris genus humanum apprehendit, hoc enim factum est post meridiem* Gen. 3. v. 8. repræsentat proinde morituriens reguli filius genus humanum, quod incipit mori, cum vivere incipit. Hujus parens Adam ad JESUM venit, quando in cruce pendente Salvatore calvaria Adami ad pedes Crucis jacuit, impetravitque, ut post septimum verbum descenderet beatissima Christi

§. 7.
Causa sexta,
quia
horâ septimâ febris
Adam contraxit.

R 2 anima

anima in limbum, & vivificaret interemta morte genus humanum. *Hæc hora septimâ.* post septem in Cruce verba expirante Jesu vivere cœpimus. Solet nimirum benignissimus DEus per idem medium arceremalum, per quod intraverat, sicut per scorpionum oleum sanat morsum scorpionum, & per simulacrum ænei serpentis morsus serpentinos, & per pilos rabidi canis illata vulnera. Cum fama increbresceret in terra Chanaan adventasse immani numero filios Israel, congregati adversus hos fuere Reges omnes terræ illius numero viginti quatuor, ut vult Carthusianus, unde non populus modò Israël, sed & dux invictus Josue timore concuti cœpit, cui confortando ita loquitur Dominus: *nè timeas eos, cras enim hæc eadem hora tradam omnes istos vulnerandos in conspectu tuo* Josue 11. v. 6. eadem horâ, quâ timor, mœror, dolor invaserat populum, affecurat Dominus de gladio, jubilo, triumpho, ubi enim timor, ibi gaudium, ubi fiducia, ibi victoria, ubi recursus ad DEUM, ibi triumphus. Samaritanam tantam famem presserat, ut nec prolibus parcerent matres, ideòque Rex furore velut febri phræneticâ in Elisæum incitatus, quem mali huius authorem falso iudicio censebat, caput eidem amputari iussit, at impavidus Propheta exclamat: *audite verbum Domini: hæc dicit Dominus: in tempore hoc cras, modius similis uno statere erit.* oppresserat DEus Samaritanas fame magnâ ait Abulensis, & finita fuerat in hoc, quod duæ mulieres comederunt filium unius, ideò DEus jam volebat avertere iram suam & dare abundantiam, & pronuntiavit hoc Elisæ-

us. in tempore hoc, scilicet in hora ista. Notet unusquisque horam quâ premitur, & sciat eandem sibi fore tæque quaterque beatam. Quin & ipsa hora septima parasceves nobis perquam salutaris fuit. horâ septimâ peccavit ut dixi Adam, horâ septimâ secundus Adam paradysum nobis referavit, dum latroni promisit: *hodie mecum eris in paradiso.* dixit enim hoc horâ primâ pomeridianâ, ut communiter tradunt Sacræ Scripturæ interpretes, adeòque eadem, quâ protoparrens paradiso exciderat, inque febres inciderat, adhæreamus Jesu crucifixo boni exemplo latronis, ejusdemque clementissimam sæpius imploremus memoriam: *Domine memento mei in regno tuo.*

Horâ septimâ reliquit eum febris. per horam septimam D. Bonaventura & Hugo Cardinales accipiunt septem dona Spiritus Sancti per quæ confertur nobis remissio peccatorum atque animæ vita, nam *Spiritus est, qui vivificat* Joann. 6. v. 64. *accipite Spiritum Sanctum, quorum peccata remiseritis, remittuntur eis* Joann. 20. v. 22. ipse enim ut confitetur Ecclesia, est remissio omnium delictorum. Pro his donis septies quotidie suspiremus, ut septies oscitantes cum puerulo illo 4. Reg. 4. v. 35. ad vitam æternam respiremus. Amen.

In Emblemate Solem exhibeo curru vestum aureo, quem pro caballis, duodecim Horæ trahunt, ornatu & mole admodum diversâ, ex quibus virgâ aureâ Septimam Sol contingit: *otæque quaterque beata!* cui votum subscribo meum:

hec fluat, hæc refluat!

§. 8.
Causa septima quia numerus septimus dona Spiritus Sancti signat.

§. 9.
Emblema.

4. Reg. 6.
v. 31.



PRO-



PROBLEMA XXIII.

Cur Servodebitori iteratò delinquenti facta
denuò non sit gratia?

DOMINICA XXI. POST PENTECOSTEN.

Iratus Dominus tradidit eum tortoribus.

Matth. 18. v. 34.

§. I.
Septuagies septies
jubet Christus remitti
offensam, cum
tamen Rex non remittat
Secundam.



Qvæsierat ex Christo Petrus, quoties ignoscendum adversario? an satis foret septies condonasse, octavâ autem vice sumere liceret ultionem? cui Dominus: *non dico tibi, usque septies, sed septuagies, septies* Matth. 18. v. 22. vel ut in græco est: *septuagies septem*. hoc est 490. vicibus, ut alludatur ad 70. hebdomadas Danielis, quæ faciunt 490. annos, quot videlicet fluxerunt à decreto reædificandæ Jerusalem ad Nativitatem Christi, per quem facta est plenissima peccatorum omnium remissio. Vel si vulgatæ inherere malumus, ideo numerus septuagesimus septimus positus est, ut alluderetur interprete D. Hilario ad Lamech, qui de se confitetur Gen. 4. v. 24. *Septuplum ultio dabitur de Cain, de Lamech verò septuagesies septies*. Sicut enim Lamech in 77. filiis suis, quos omnes in diluvio perdidit velut in septuaginta septem generationibus punitus est, ita Christus in generatione septuagesima septima prognatus est ad omnem peccatorum culpam pariter

ac pœnam abolendam, aut si Gregorii Magni & Divi Augustini præplacet interpretatio, ideo numerus septuagesimus septimus positus est, quia Septimus numerus est Symbolum Universitatis, eò quòd septem dierum spatio conditum & ornatum sit Universum omneque tempus diebus septem volvatur & concludatur, numerus verò undécimus symbolum est peccati, quia hic numerus unitate transgreditur denarium divinæ legis seu decalogum. jam ergo septies undécim faciunt 77. ergo per 77. numerum omnia omnino peccata remittenda esse Salvator significat. Audeo dicere, inquit Augustinus, etsi septuagesies octies peccaverit, ignoscas: & si centies, & omnino quoties peccaverit, ignosce. Sic enim Christus millia peccatorum invenit, & tamen omnia donavit. Ut ergo suo Christus exemplo persuaderet indefinitam peccatorum remissionem, parabolam adducit de Servo 120. milionum debitore, quod tamen illi debitum ad exiguas preces clementissimè fuit remissum: *Ideo assimilatum est regnum cælorum homini regi, qui voluit rationem ponere cum Ser-*

S. Gregor.
l. 32. moral.
c. 12.
S. Aug.
Ser. 15. de
verb.
Dom.

R 3

vis

vis suis. Sed hac ipsa in parabola perquam difficile mihi semper visum est mysterium, quod Rex Servus secundum delinquenti nequam pepercerit, cum tamen septuagesimâ septimâ vice peccanti parcendum esse monuerit, in eumque finem parabolam hodiernam adduxerit. quid hic responsi? ex alto omnium vestrum silentio indubitatum altissimi mysterii cepi responsum, quod brevissimè pandâ.

§. 2.
Veniam
Servus de-
nuò impe-
trâset, si
rogasset.

Facilem Servus veniam invenit, quia ingemuit, supplicavit, illacrymatus est, itaque grandem debitorum Syngrapham delevit atque diffrauit: *omne debitum dimisi tibi, quoniam rogâstime.* Si denuò rogâset & patientiam divinam appellâset, de obtinenda rursum venia dubitari vix potest, quia verò obmutuit, idcirco clementiam non meruit, sed impatientem Sceleris DEUM perferens. Quotquot unquam in sacris litteris veniam petiisse legimus, non difficulter eandem novimus impetrâsse. paradiso non exulâset Adamus, si orare quàm se excusare maluisset; in paradysum admissus cum dextero fuisset latro sinister, si orare potius quàm blasphemare placuisset. Si Cain, si Core, si ceteri omnes peccatores divinam adorâssent patientiam, spondere ausim exoratuos pariter fuisset, ut recepti in gratiam immortalis gloriæ imperium hodie obtinerent. Habet certè oratio eam vim ac efficaciam, ut imperare potius videatur, quàm impetrare. Percusserat Angelus Domini populum Israeliticum pestilentia ob superbiam Regis, ut pestis peste elueretur: quia tamen justitiam nunquam non committat misericordia: *Miseratus est Dominus super afflictione, & ait Angelo percutienti populum: sufficit. nunc contine manum tuam* 2. Reg. 2. & tamen Angelus pergit percutere,

donec orâset David: Ambrosius in Ps. 37. *Si mandaverat Dominus Angelo, ut parceret, quomodo seriebat adhuc Angelus? etsi Dominus vult ignorare, vult tamen rogari.* quasi Angelus potius precibus deferret eliminatæ pestis horrorem, quàm jubentis DEI nutui.

Matth. 26. Sanatâ Malchi auriculâ increpat Dominus Petrum: *An putas quia non possum, rogare Patrem meum, & exhibebit mihi modo plus quàm 12. legiones Angelorum.* Quid ô Domine loqueris? *possum rogare.* cur non possum imperare, æqualis enim cum Patre es potentia. Scit Filius DEI stylum curiæ, Angeli etsi prompti ad parendum, promtiores sunt ad voces precantum. Itâ Joseph de la Cerda in Judith: *maluit (Christus) uti rogationis potentia, quàm Deitatis imperio, velut si velocius accurrerent castra cœlestia roganti ut homini, quàm ut Numini tunc jubenti.*

Pugnabat invictus dux Josue contra 5. Reges Amorrhæorum, sed deficiente die prosequi commodè victoriam non poterat. quare contra solem conversus exclamavit: *Sol contra Gabaon nè movearis.* c. 10. v. 12. & ecce dicto citius stetit Sol in medio cœli. habuistine Sol aures ad audiendum? & licet audiisset, an non debuisset potius præceptum DEI servare, quod illi præceptum posuit & non præteribit. Stetit Sol obediens Domino voci hominis. Nimirum tam potens est oratio, ut Sol obliviscatur præcepti. Eleganter Salvianus l. 2. de gubern. ad illud Davidicum: *Aures DEI in preces justorum; non audientia tantum DEI, sed quedam quasi obedientia designatur.*

Rebecca post sterilitatis vicenium tandem propter preces Isaac fecundatur. At colliduntur in utero parvuli. tum illa: *si sic futurum*

rum erat mihi, quid necesse erat concipere. Notat Didacus Celada in benedicto Patriarcha verbum *necesse* quod naturæ impossibile est, precari orationis omnipotentiam, non tantum possibile, sed etiam necessarium redditur. quin & ipse Servus debitor post latam primam à Rege sententiam, quæ venumdari cum uxore & filiis & familia universa jubebatur, non venditus est, sed rogare permissus, & veniam consecutus. Stupet Hieronymus epist. ad Damasce nos. utrum potentius sit verbum supplex Servi, quam Regis edictum? vult DEUS esse preces nostras prope potentiores præcepto suo. *Deus ipse qui nullis contra se viribus superari potest, orantis precibus vincitur.* Hinc oratio dominans à Cl. Alex. in strom. vocatur, dominata fuisset vice quoque altera servi oratio, si eam promptè protulisset. quia verò obmutuit servus, obsurdit pariter Dominus. Sed cur obmutuit? cur culpam confessus non est, neque veniam spondit? malitia Servum nequam non tantum excæcavit, ut in infinitam Regis clementiam non respiceret, sed & elinguem reddidit, ut divinarum multitudinem miserationum nè verbulo interpellaret, sed in sua induratus impænitudo, veniam penitus desperaret. Exaggerabatur, ut opinor, eidem execranda relapsus sui enormitas quæ primam culpam facile septies ob septemPLICEM malitiam solet reddere deteriorem.

Et prima quidem est intoleranda ingratitude. *indulgentie ingratus est* (inquit Chrysostomus Ser. de lapsu primi hominis) *qui post veniam peccat.* Sanitate indignus est, qui se ipsum, postquam curatus est, vulnerat, imò qui medicum suum mercedis loco vulnerat; nec mundari meretur, qui semetipsum

post gratiam sordidat. propter quam ingratitude docet idem Orator aureus peccatum secundum præ primo nimium quantum aggrauari: *post hæc peccata dupla & quadrupla fiunt, quia ingrati sumus, propter ingratitude malum fit immedicabile;* ita ille homil. 1. in acta. Ingratitude accedit infidelitas, cum enim juxta doctrinam Divi Hilarii in ps. 137. *confessio peccati professio sit desinendi*, professionem hanc nequiter violat fidemque datam frangit, qui denuò peccare præsumit. idcirco Servus nequam appellatur, qui Domini sui clementiam irritavit. *Servo peior est*, inquit iterum Chrysostomus, *qui Patronum post datam libertatem, imò post fidem stipulatam, offendit.* Unde mirum non est, quòd misericordiam non mereatur, nec patronum facile reperiatur, qui pro reo intercedere dignetur. *Quis miserebitur tui Jerusalem?* ait. Dominus Jerem. 15. v. 5. *aut quis contristabitur pro te? aut quis ibit ad rogandum pro pace tua?* cum enim relapsus peccator DEi & hominum fidem fefellerit, idcirco sanctorum nullus spondere pro tali audebit. Ingratitude hanc committatur contemptus divinæ veniæ, quam si appretiare relapsi, ut par erat, voluissent, tam facile eadem haudquaquam prodigissent: *deliquerunt mihi & spreverunt me* Jer. 33. v. 8. quia verò contemnere, idcirco contemti à DEO sunt juxta illud: *Vae qui spernis, nonne & ipse spernaris* Is. 33. v. 7. vilissimo certè loco inter peccatores ceteros est relapsus, ut patet ex illa admirantis Jeremiæ quæstione c. 2. v. 36. *Quam vilis facta es nimis iterans vias tuas?* Comparantur recidivi *sali infatuato*, quod ad nihilum valet ultra, nisi ut mittatur foras & conculcetur ab hominibus. In statuam salis abiit uxor Lothi, quia respexit & imagi-

S. 3.
Septu-
plex mali-
tia in re-
lapsu.

Matth. 5.
v. 13.

maginem eorum expressit, quotquot ad priora respiciant scelera, & divinam gratiam contemtui habent. qui in agro divinæ amicitiae est, non redeat retrò ad cœnum vitiatorum. *memores estote Uxoris Loth* Luc. 17. v. 32. *quæ Uxor Loth* (S. Prosperum recito) præcepta contemnens retròque respiciens statua Salis effecta, suo exemplo fatuos condivit, in proposito sancto quo tendunt, noxiâ curiositate retrò non respicere. Respexit mulier, quia contempsit, & quia contempsit in salem infatuarum conversa contemni ab omnibus meruit. Extremo digni contemtu & proculcatione sunt omnes illi, qui dum vetera repetunt flagitia, conculcare, ut ait Apostolus, Filium Dei non verentur. *Quomodo conculcat quisquam Filium Dei?* quærit Chrysostomus, & respondet: *quando qui particeps est cum ipso in mysteriis, peccatum committit, nonne illum conculcat? nonne illum contemnit? sic enim, quæ conculcamus, nullius momenti pendimus: Sic & qui peccant, & quidem secundo, quarto, sexto, septuagesimo idem peccatum patrant, Christum nullius momenti existimant.* At Sentient momento vitæ supremo & æternitate totâ quid sit Deum contempsisse, irrississe, proculcasse, *DEus non irridetur*, multò minùs conculcatur, ipse verius in interitu illorum ridebit, subfannabit, conculcabit. Putant quidem relapsi, se facile veniam denuò consecuturos, sicut priùs consecuti sunt, ideoque ex præsumta Dei misericordia peccant (quæ est quarta malitia & peccatum in Spiritum Sanctum, quod æterna Veritas vocat irremissibile Matth. 12. v. 32.) at non erit tam facilis venia, quam sibi ipsis imaginantur. quia enim impudenti ex præsentia Deo toties verterunt dorsum juxta id Jerem. 2. v. 27. *verterunt ad me*

tergum & non faciem, talionem iisdem minatur DEus: dorsum & non faciem ostendam eis in die perditionis eorum Jerem. 18. v. 17. Monet proinde D. Ambrosius diligentissimè cavendum esse relapsum, nè prior pœnitentia in graviores cedat damnationem, sicut prima debitorum remissio Servo hodierno majorem Domini provocavit iram ad severius nequam Servum puniendum: *eos qui pœnitentiam agunt, hoc solum timere oportet, nè ipsius pœnitentie agant pœnitentiam.* quamvis enim sine pœnitentia sunt dona DEI Rom. 11. v. 29. adeoque peccata semel remissa semper remissa censentur ut docent Theologi cum Angelico Doctore, nihilominus peccatum repetitum gravius redditur & acerbius punitur. Quamquam dubitare quis non immerito possit, utrum seriò acta pro peccatis fuerit pœnitentia, si tam citò & facile delicta pristina reiterentur. hypocrisis potius appellavero & crocodili lacrymas, quam ut mihi persuadeam synceram scelerum detestationem & emendationis propositum præcessisse. Si ergò simulata fuit pœnitentia, pœnam longè gravissimam merebatur juxta receptissimam D. Augustini gnomam: *Simulata equitas non est equitas, sed duplex iniquitas.* Demus tamen seriò syncerèque pœnitentiam actam fuisse, si nihilominus condonata rursus perpetrentur flagitia, immanem suam insipientiam recidivus manifestat, & se amenibus omnibus dementiorem esse indubitatè demonstrat. *Arvicula semel capta* (Chrysostomi est oratio homil. 13. ad pop.) *laqueo mox elapsa, & cervus in rete decedens & esugiens iisdem iterum difficile capiuntur. Nam cuique fit experientia cautele magistra. Nos sæpius iisdem capti in eadem cadimus.* Ideoque

S. Ambrosius
1.2. de pœnit. c. 9.

3. p. q. 88.
2. 1. & 3.

S. Prosper
de beneficiis.
&
promissis.
p. 1. c. 16.

Gal. 6. v. 7.

que non tantum jumentis insipientibus à Psalte comparandi, sed brutis ipsis longe deteriores pronuntiandi sumus. & hinc est, quod nè mutire audeat relapsus Servus, eò quod excusatio non occurrat, quàm prudenter nova sua insipientia possit exculpari. Inexcusabilis es o homo omnis, qui te ipso iudice ac teste pronuntiasti: *Malum & amarum est reliquisse Dominum DEUM*, hunc nihilominus Amabilem Dominum dicto citius deseris, & ad amaritudinem concitas. Si timorem, angorem, amarorem, mœrorem, & sexcentas ærumnas, quæ unumquodque peccatum è vestigio consecretantur, peccator non perensisset, excusari fortasse apud tribunal justitiæ & veniam sperare posset, at *quoties tot se tantisque obrutum sensit amaritudinum fluctibus*, quoties stillulam falsæ voluptatis, quàm illitum est peccatum, degustavit, nihilominus tamen easdem appetere illecebras cum enormi Divini Numinis disgustu non dubitavit, quam tandem excusationem proferet, quam veniam sperabit, quam pœnam subibit? Septuplum ultio dabitur de Cain, quod à DEO monitus, nè iram fovendo pessimè sibimetipsi faveret, dum vulzum concidere, quietem animo fugere, omnem vitæ jucunditatem disperire sentiret, post amicam hanc DEI monitionem priorisque remissionem culpæ, nihilo secius in voluntarium istum Dæmonem (itã iam Chrysostomus) sponte incidit, & fratrem innoxium de medio scelestissimè sustulerit. Septuplum ultio dabitur de Cain, qui in seipsum desperatione plenam protulit Sententiam: *Major est iniquitas mea, quàm ut veniam merear*. Non meretur facile veniam, qui facile priorem repetit culpam: cave cum mortuus fueris semel, moriaris ite-

rum, jam non peccato morieris, sed veniæ. itã Ambrosius Scrm. 18. in Pf. 118. Septuplum ultio dabitur de Cain, de Lamech verò septuagesies septies, quia Caini supplicium vidit, nec tamen culpam cavuit, sed duplicavit, cum Cainum pro fera habuit & occidit, armigerum verò suum, à quo falsò monitus de fera fuerat, arcu insuper percussum exanimavit, adeoque duplo sese scelere obstrinxit, dignus non duplo sed septuplò graviore mactari supplicio. Dignus enim verò est omnis relapsus pœnã saltem septuplum majore, quàm prius commuerat peccatum, quod supponimus fuisse remissum.

Ponamus itaque exempli gratiã homicidium, adulterium, perjurium vel quodcunque aliud flagitium primã vice patratum promeruisse septem plagas juxta illud divinæ Justitiæ decretum: *percutiam vos septies*. Levitic. 26. v. 24. & illud Psaltis postulatum: *redde viciis nostris septuplum* Pf. 78. v. 12. si post impetratam veniam denuò patratum est, jam non septem, sed septies septem, puta 49. plagas merebitur. Si secundò remissum, tertiã vice patratum est, merebitur trecentas quadraginta tres plagas. Si tertio remissum, quarto commissum fuerit, multabitur plagis bis millenis, quadringentis & unã. Si quartò, vapulabit plagis decies sexies millenis octingentis & septem. Si quintum, numerabuntur centies decies senties millenæ, sexcentæ, quadraginta novem plagæ: Si post sextam remissionem septimò repetitum fuerit, non sufficient nisi septem milliones plagarum, insuperque septingenta & quinquaginta tria plagarum millia, quingentæ, quadraginta tres plagæ.

Ne quis verò exaggeratiùs & severiùs quàm verius ita à me dici

§. 4.
Relapsus
in peccatum
septuplò
gravior est
prioris lapsu.

§. 5.
Relapsus
frequens
ex-

S

reprobati-
onis indi-
cium.

existimet, appello incarnatæ incorruptæque Veritatis oraculum, à quo didicimus ejectione ex anima dæmone assumere septem alios spiritus nequiores se, *Et ingressi habitant ibi Et sunt novissima hominis illius pejora prioribus* Luc. II. v. 26. magnus dæmon peccatum est, ut aliàs ex D. Chrysostomo dicere me memini, hic autem dæmon seu peccatum septies nequior evadit, cum redit per relapsum pœnitentis, & pœnè desperatam recidivi reddit salutem, ita exclamante Apostolo: *Impossibile est eos, qui prolapsi sunt rursus renovari ad pœnitentiam*, cujus horrendæ assertionis causam mox subjungit: *rursum crucifigentes sibi met ipsos Filium Dei*. læsa toties Dei patientia fit furor, ut vel spatium pœnitentiæ relapsis non concedat, vel gratiam congruam non indulgeat. *super tribus* inquit *iratus Deus sceleribus Gaza, Et super quatuor non convertam eum*. Amos. I. v. 6. per tria scelera intelliguntur plurima cogitatione, ore, opere commissa, & per seriam pœnitentiam remissa, per quartum verò designatur recidiva, quæ divinam tantopere exacerbat clementiam, ut ulterioris conversionis gratiam rescindat: *super quatuor non convertam*. Concludant proinde Doctores Ascetici frequentem in eadem scelera post actam pœnitentiam relapsum, manifestum esse reprobationis indicium, sicuti sæpe relabi in morbum, vicinæ mortis est signum. Clara sunt æterni Judicis verba: *Nemo mittens manum ad aratrum, Et respiciens retrò, aptus est regno Dei*. Manum mittere ad aratrum, inquit divinorum Interpres verborum Gregorius, est per quendam quasi compunctionis vomerem ad profereandos fructus terram sui cordis asperire. Sed retro post aratrum aspicit, qui post exordium boni ope-

ris ad mala revertitur, quæ reliquit. & talis à DEO & Angelis relinquitur, quia regno DEI aptus non habetur, hinc illæ Angelorum voces: *Curavimus Babylonem Et non est sanata, derelinquamus eam*. Cum verò à tutelaribus Geniis, volente DEO, derelinquitur, in flagitiorum omnium barathrum sinitur incidere juxta id Ps. 80. v. 13. *dimisi eos secundum desideria cordis eorum: ibunt in adinventionibus suis*; donec impleta scelerum mensura in puncto in infernum descendant. non sunt canes apti cœlo. *foris canes*, neque mittuntur cœlestium deliciarum gemmæ ante porcos, canibus & porcis similes sunt, qui redeunt ad vomitum & volutabrum luti, infelices heu victimæ, nil miserantis orci! *In duobus contristatum est cor meum*, inquit Siracides *Et in tertio iracundia mihi venit*. Non cupio scire duos illos, qui contristant sapientem, tertium potius rescire a veo, à quo ad justum furorem se concitari fatetur: quis quæso ille est? *qui transgreditur à justitia ad peccatum*, *Deus paravit eum ad rhompheam*. ad romphæam parari est, ad æternum supplicium præsciri, contra reprobos enim rhompheæ bis acuta ex ore judicis egreditur, quæ corpus & animam feriat in perpetuas æternitates. *qui transgreditur à justitia ad priora peccata*, *Deus paravit eum ad rhompheam*. quamvis omne scelus divinam provocet iram, illud tamen longè gravius sentitur, quod post remissionem acceptam. Videamus id breviter in exemplis.

Peccant contra primum Decalogi præceptum tres Magi, peccat & Balaam, omnes maleficiis & præstigiis devoti, ut docent, Augustinus, Ambrosius, Hieronymus. Viderant Magi stellam, prævidit & Balaam; *oriatur stella ex Jacob for-*

Jerem. 51.
v. 9.

Apoc. 22.
v. 15.

Eccli. 16.
v. 15.

§. 6.
Exempla
Relapsorū
August.
Scr. 2. de
epiph.
Ambros.
super Luc.
Hieron. in
C. 19. Jf.
tē

Hebr. 6.
v. 6.

Luc. 9. v. 62

S. Gregor.
hom. 3. in
Ezechiel.

re Magi non vidissent, nisi Balaam præmonstrasset. hac duce stellâ ad solem justitiæ perveniunt tres Magi, & tanquam stellæ firmamenti lucent in omnes æternitates, Balaam contrâ in noctem æternam incidit, & tanquam ignis fatuus in tenebrarum chaos relegatur. Cur salvantur Magi, reprobat Balaam? quia hic veritate sæpius agnitâ ad priores relabatur superstitiones, illi verò ad viam veritatis & salutis semel conversi priorem non repetunt semitam, sed ut Evangelista loquitur: *per aliam viam reversi sunt in regionem suam.* per aliam viam per alteram vitam ad illam primam nostram revertamur, de qua per Adam ejecti infelicitè sumus, ita Chrysostomus Ser. 159. Chrysostomus verò homil. 2. in imperf. qui relicto Christo vadunt ad Herodem, frequenter revertuntur ad Christum, qui autem relicto Herode ad Christum veniunt toto corde, nunquam revertuntur ad Herodem. & hi in bona stella ad solem æternæ felicitatis appropinquant.

Peccat contra pleraque Decalogi præcepta Manasses, peccat & Achab; salvatur ut spes bona est Manasses, reprobat ut extra controversiam est Achab, quia Manasses post poenitentiam poenitenda amplius non commisit, poenitenda verò plurima post poenitentias plures patravit Achab, qui *venundatus* esse dicitur, ut faceret malum, quod suâ se lubricitate & relabendi in pristinos errores pronitate dæmoni manciparit, ut sui vix amplius juris videretur esse, sed pro dæmonis arbitrio nunc per uxorem, nunc per pseudopphetas in quævis scelera præcipitaretur. Et quamvis poenitenti Achab veniam sponderit DEUS: quia igitur *Achab humiliatus est mei causâ, non inducam malum in diebus ejus;* nihilominus ut exfe-

quentic, 22. v. 35. constat, ipse Rex cum exercitu suo devastatus occubuit & periit, non quòd verbum DEI esset immutatum, sed quia immutata erat poenitentia Regis: *Dominus autem non potest mutabilis estimari* inquit S. Ambrosius, *sed confessionis immemari non putabat esse servandum, quod promiserat poenitenti.*

S. Ambros.
de Naboth
c. 17.

Peccat contra quintum & sextum præceptum David, peccat & Herodes; Salvatur David non Herodes, quia ille relapsus non est, concione prophetæ Nathan auditâ, relapsus est Herodes, qui licet audito Joanne multa fecerit, teste Marco, quia tamen priora repetiit malefacta, quidquid aliquando boni egit, actum egit.

Marc. 6.
v. 10.

Peccant contra præceptum quartum & sextum Ruben & Absalon, Ruben Sanctorum Syllabo adscribitur, expungitur Absalon, quia hic reconciliatus patri, sæpius eundem graviusque lacesivit, Ruben verò offensæ primæ secundam non adjecit.

Peccant contra secundum & quintum præceptum Saul & Saul, Saul perjurus innoxius Davidem persequendo, Saulus nomen Salvatoris insectando, omnesque qui invocant nomen hoc ad compedes & catastas inquirendo. Salvatur Saulus non Saul, quia Saulus semel conversus nunquam amplius est perversus, Saul contrâ errorem toties agnitum deslevit, nec tamen infonti genero mortem machinari destitit, indignus idcirco habitus, qui corripetur amplius aut lugeretur cohibente Samuelem DEO, nè preces amplius pro Saule funderet: *usquequo tu luges Saul, cum ego projecerim eum* 1. Reg. 16. indigni sunt, qui lugeantur, quotquot post salutarem poenitentiam luctum lugenda rursus perpetrant; projecti à facie DEI sunt

Matth. 2.
v. 12.

3. Reg. 21.
v. 21. & 29.

sunt qui ad reconciliationis osculum admissi, faciem DEo denuò obvertunt. contra quos clamat Jeremias c. 18. v. 23. *abutere eis in tempore furoris tui* quia tuâ illi patientiâ sunt abusi.

Peccant Ezechias & Pharaon peccato superbiæ, ideòque ambo plectuntur, leviùs Rex Solymæ, graviùs Ægypti, hic tamen in pœnis magis induratur, donet ex profundo aquarum in profundum flammaram devolveretur, Ezechias contra conversus ad parietem plorat & exorat tria vitæ iustria, & æternas insuper beatæ immortalitatis delicias, quia nihil ultrâ dignum lacrimis patravit.

Peccant in mitissimum Magistrum suum Judas & Petrus, hic illo prope graviùs, quia pluribus beneficiis devinctus, & tamen in gratiam ampliorem recipitur, ille in malam abire crucem permittitur. mirum Petrus benigno Christi aspectu ad poenitentiam emollitus coepit flere amarè, nec amare Magistrum destitit, dum supremum illi spiritum in ara crucis litavisset. At Judas postquam poenientiâ ductus argenteos retulisset, & solenne poenitentium verbum *peccavi* protulisset, novo se iterum scelere nefariæ desperationis sordidavit, foetentemque spiritum ruptis illis in fauces Tartari exhalavit.

Caveat relabi, qui timet reprobis accenseri, & bis acutâ justitiæ rhomphæâ jugulari, timeat relabi, qui timet à DEo deferri & disperire, horreat relabi, qui cum servo nequam in æternos compingi carceres perhorrescit. Meritò veniam post lapsum alterum consecutus non est, qui in septemplici suâ malitiâ voluit esse tērque quaterque miser & misericordiæ infinitæ visceribus indignus. Quod Lamachus Centurio de bello dixit, de universa hac vita, quæ est militia super terram, repetere libet: *in bello, in vita, non licet bis peccare.* peccatum satis est, jam non peccabimus ultrâ. Ità nos Deus amet & infinita ejus, quam ad ultimum vitæ spiritum confidentissimè rogamus, patientia.

In Emblemate propono avem stupidam, quæ in laqueum & viscū, unde vix evaserat, revertitur; Scarium piscem, qui in rete ultrò redit & capitur; feram quæ in foveam, unde vix elapsa, sponte recidit & interit; lemma omnibus idem: *si redit illa secundo, non redit illa secunde.* Vel crystallum in frusta comminutam, & rosam in minutias discerptam fingamus cum lemmate: *deperit illa semel.* Multis bis peccare non datur, vel bis peccantibus venia non conceditur. peccatum semel est, peccatum satis est.

§. 7.
Cavendus
re lapsus.

§. 8.
Emblema.



PRO-



PROBLEMA XXIV.

Quomodo Laudatus gerere se
debeat?

DOMINICA XXII. POST PENTECOSTEN.

Quid me tentatis hypocritæ? Matth.

22. v. 18.

§. 1.
Laudato-
ribus non
credidit
Salvator.



Acili veracique ana-
grammate idem est
Laudator quod *Adu-
lator*, & *Minister*
quod *mentiris*. Mi-
nistri aulici erant ii
quos ad CHRISTUM ablega-
tos ex Herodianis & Phariseorum
discipulis accepimus, ut fucatis suis
laudibus incarnatæ Veritati impo-
nerent, hoc est, Christum caperent
in sermone. Adulatores erant,
quia laudatores, mendaces erant
quia hypocritæ & mendacissimi au-
læ Ministri. At frustra ante pen-
natorum oculos rete jacitur, fru-
stra adulationis oleum & fallaciæ o-
pera fallendæ Sapientiæ impendi-
tur, frustra mentitur iniquitas sibi.
Scit beatissimus JESUS servare in ex-
hauriendis calumniis patientiam, in
laudibus modestiam, non flecti in
prosperis, non frangi in adversis, nec
adulantibus credere, nec perse-
quentibus latum unguem à recti
tramite cedere. Quam scientiarum
divinissimam, ut & nos addiscam,
quomodo laudatus gerere sese de-
beat, docebo.

homō progrediatur, & præconiis
potius quàm vituperiis ad vitiorum
odium, virtutumque amorem per-
moveri; unde Salvatorem nostrum
sæpius in laudibus egisse, & pecca-
tores ubi ubi poterat commendâ-
se accepimus, ut salutari hac captos
escâ pertraheret ad salutem & glori-
am. Sic Samaritanæ dictum est:
bene dixisti. sic temerario iudici Si-
moni leproso responsum est: *recte
iudicasti*. sic Magdalena commen-
data: *opus bonum operata est in me*.
sic discipuli rixosi compositi: *Vos
autem estis, qui permansistis mecum in
tentationibus meis*. Sic plurimi a-
lii benedictio Christi ore dilaudati,
cui semper proprium erat laudare
& comprobare, reprobare verò &
objurgare alienum. Verum cum
periculosa admodum laus sit, nō ad-
sit JESUS, faciliusque sit ab humanis
laudibus afflari & disrumpi, quàm
in virtutibus proficere & perfici,
idcirco ingeniosa opus est industria,
ut laudes ipsæ nobis in majorum
honorum segetem excrecant con-
ducantque.

tuperare
solicus est
JESUS.

§. 2.
Laudare
potius
quàm vi-

Negare nemo prudens ausit
plurimum quandoque laudes con-
ducere, ut de virtute in virtutem

Elegantissimus est discursus Di-
vi Epiphani, cur optimus Salva-
tor laudes dæmonis non accepta-

§. 3.
Os potius
quàm au-
res lauda-

S 3

verit,

toribus
dandum.
S. Epiph.
serm. de
malolinguaz.

verit, cum Filius DEI prædicaretur, acceptavit autem fel & acetum, cum à Sathanicis ministris crucifigeretur? cur os proditori porrexerit, non porrexerit laudatoribus demoniis aures? *exibant demonia à multis clamantia & dicentia: quia tu es Filius DEI, & increpans non sinebat ea loqui, quia sciebant ipsum esse Christum.* Luc. 6. v. 41. nimirum securius est os ad osculum inimicis exhibere, custoditis tamen, & à blandiloquio averfis auribus, quam aures ad præconia adulantium convertere, averfolicet ore ab eorundem bassio & amplexu; adeò enim lethale est adulationis toxicum, ut non tantum illius saturitas, sed vellevigustus enecet innocentem, & fontem efficiat. Audiamus ipsummet hac super re loquentem Epiphanius: seipsum sponte morti obtulit Salvator, & Sermonibus mendacii aurem nequaquam, os suum aperiens acetum cum felle gustavit, qui scelesti verba (laudes demonis) auribus excipere recusavit; os proditori osculandum exhibuit, & deceptoris responsum dare noluit; sic & os tuum maledicis osculandum præbe, aures verò minimè. nam si tuum illis os præbueris, osculum illos condemnabit: si aures illis accommodaveris, jam te verborum gustus occidet. hucusque Epiphanius. en quanti plenum sit periculi, laudatoribus aures concedere, & vel gustulum propriæ commendationis admittere, prudentes proinde ut serpentes, imò serpentibus omnibus prudentiores sunt, qui obturant serpentum more aures suas, nè exaudiant vocem incantantium, & venefici incantantis sapienter.

Surdà pertransiit aure humilimus Dei filius ingentia illa præconia quæ in palmari triumpho plenius crepabant buccis festivæ turbæ: *Hosanna Filio David, benedictus qui*

venit in nomine Domini, hosanna in altissimis Matth. 21. v. 9. cur nulum pro tanto præconio reponit præmium, cur vicissim populo benedicere, & verba laudum regerere prætermittit? laudavit Samaritanam, & Chananaeam laudatrices suas, benefecit Jerichuntino cæco, Simoni Petro, aliisque Encomiastis suis, cur non & populo præconi? prævidebat nimirum eandem omnino turbam pauculis post diebus encomia in vituperia verso impiè folio convertsuram, ideoque parum illi deferendum censuit, à qua tam citò se reprobandum deferendumque prævidit. Idem præcogitet, quisquis humanis infascinari laudibus non vult, noveritque laudes humanas Euripo inconstantiores, quâvis aurâ mobiliiores, Veturmino magis esse versatiles, illudque propheticum sibi occinat: *qui telaudant, ipsi te decipiunt.* Non à popello, sed à tribus Regibus opulentissimis Elipha Themanite, & Baldad Suhite, & Sophar Naamathite amicis suis laudabatur Job, quos tamen reciproco iste præconio non affecit, quin potius severissimè objurgavit: *quare detraxisti sermonibus veritatis* Job. 6. v. 25. quid tam asperè à mortalium patientissime in amicos tuos, in Encomiastas, in Reges inveheris, quibus omnem redhibere benevolentiam, pròque exhibito compassionis officio amplissimas dicere gratias convenit? respondet pro Jobo Olympiodorus: Sermone consolabantur eum, verba dabant, fucos faciebant, illudere potius & ciconiam à tergo pinsere gestiebant. Job verò quia simplex erat ac rectus, & timens DEum, laudibus moveri nesciit, hæc etenim rectorum ac simplicium certissima nota est, humanis laudibus non moveri, non perverti, non fascinari.

Laudabat cœlestis genius Nazare-

Turbatur
MAKIA, a-
gonizat
JESUS ad
laudes su-
as.
S. Ambros.
in C. I. Luc.
S. Bernard
fer. 2. de
Annunt.

zarenam Virginem, & gratiarum plenum Ave afferebat, ac prudens Virgo salutationis novam formam mirata, ut loquitur D. Ambrosius (cùm teste D. Bernardo omne novum suspectas reddat insidias) cogitabat qualis esset ista salutatio? non fuit turbata in visione Angeli quia visionibus Angelorum assueta (itâ Doctor Angelicus) sed in admiratione eorum, quæ ei ab Angelo dicebantur, quia de se non tam magnifica cogitabat. hæc enim sapientum est consuetudo, ut cum alieno laudantur ore, proprio torqueantur corde.

Orabat Patrem suum D. Eus. Homo in horto oliveti, ut imminet passionis calicem auferret, cui recreando Angelus cælo lapsus omnes consolatoris optimi partes exactè obivit: *Apparuit autem illi Angelus de cælo confortans eum* at parum momenti Angelica confortatio attulisse visa est, cùm mox subjungat Evangelista: *Et factus in agonia prolixius orabat, Et factus est sudore ejus sicut guttæ sanguinis decurrentis in terram.* Angitur dum laudatur, sudat dum confortatur, agonem subit, dum audit præconem. nimirum confortatio Angelica, si D. Epiphanius & Theophylactus credimus in exaggerata laudum magnitudine consistebat: *Angelus confortabat eum admirando ejus fortitudinem, laudando ac dicendo: tua est potentia Domine, tua est fortitudo ad quas ille obtulit, contremuit, sanguinem sudavit, ipsaque morte intolerabiliore laudes habuit, siquidem tunc horrore mortis ob oculos oberrante solummodo dixit: tristis est anima mea; laudibus verò suis in aures ingestis factus est sudor ejus sicut guttæ sanguinis.* quod totum factum fuit ad nostram eruditionem, ut ad nostri commendationem magis quàm mortis ipsius mentionem perhorrescamus.

Miras Sponsæ suæ laudes divinus decantat Sponsus in toto epithalamio ac potissimum c. 6. v. 3. ubi eam auroræ, lunæ, soli comparat *Et beatissimam* pronuntiat; At illa divertere laudes suas sollicita: *descendi, inquit, in hortum meum, ut viderem poma convallium Et inspicere, si florisset vinea, Et germinasset mala punica, Et nesci vi. quid nescivit? laudes suas, quas surdâ aure pertransiit in quæ hortum suum, si ve cognitionem propriam, ut cum D. Ambrosio Doctor Angelicus interpretatur, descendit reflectendo se in congenitam naturæ suæ vilitatem, & quovis præconio indignissimam reputando. placet audire Philonem Carpathium in sponsæ verba itâ commentantem: Castissima sponsa Et quævis fidelis anima divina gratia s. varietate Et supernâ cognitione repleti solet, ut extra se posita quid senserit, ubi fuerit, quæve torrente divina voluptatis potata sit ignoret, Et id sese nescire prorsus Et apertissime fateatur. descendit enim verò ad poma convallium, & mala punica, dum se infra omnes creaturas collocat, & ad oram sacerdotalis vestimenti fructus suos appendit soli directori conscientie contenta cœlestium charismatum dona aperire, ac velut ad pedes ejus deponere.*

Humandæ uxori suæ Saræ locum exquirens Abraham filios *Heth* convénit, & quâ erat præditus modestiâ, gratiam sibi & dilectæ conjugii fieri rogavit, ut justo pretio spatium in sepulcrum redimere liceret. Captus humanitate Abraham Gethæus populum unanimiter respondit: *Audi nos Domine, princeps Dei es apud nos* Genes. 23. v. 6. quasi dicant: tuum Rex magne quod optas explorare labor, nos jussu capeffere fas est. *tunc Abraham surrexit Et adoravit populum terræ Et ait illi: inter-*

§. 5.
Auditus
laudibus
in cogniti-
onem vili-
tatis pro-
priæ ex-
emplo
Sponsæ
descen-
dendum.

§. 6.
Exemplo
Abrahæ &
Nathana-
elis surdâ
velut aure
laudes ex-
cipienda.

S. Thom.
p. 3. q. 30.
a. 3. in fine

Luc. 22. v.
24.

S. Epiph.
hæres. 69.

tercedite pro me apud Ephron. proh quanta divini hujus Principis modestia & in vilissimum populum reverentia! cur auditis laudibus suis tantopere sese demittit? quia non nisi invictissimi cujuspian herois est, laudibus & encomiis suis non labefactari, sed cedere tempori non virtuti, concedere tantillum mutabilis vulgi consuetudini, nihil recedere à pristinis modestiæ pietatisque moribus. breviter & acutè de Abrahamo Philo. *dum extollitur humiliatur.* Verum Abrahami posterum se Nathanaël exhibuit, quem ipsemet Rex gloriæ suis dignatus est laudibus: *Ecce verè Israelita, in quo dolus non est.* Joan. I. v. 47. quid poterat dici candidius, quid nobilior, quid eminentius? nec tamen laude sibi à Jesu attributà capitur Nathanaël, neque vicissim in laudem laudatoris sui sibi incogniti (prout hodie fieri passim amat) subitus erumpit, sed instat prudentissimè inquirendo: *unde me nōsti?* ò verè doli omnis expertem Sophum, qui cognitioni sui ipsius intentus non pensat, quid de se sentiant alii, dum alienis sese laudibus longè inferiore agnoscit, ò verè Israelitam, qui simplice mentis oculo DEum videns videri & laudari ab hominibus non curat. *Animadverte hominis constantiam,* exclamat Chrysofostomus, *non intumuit laudibus, neque bis obviā factus.*

Chrysof.
hom. 19.

§. 7.
Repetitio
Concionis


Satis ut opinor ex dictis colligere est, qui laudatus gerere sese de-

beat, ne laudes in vituperium salutisque suæ periculum cedant, timere nimirum oportet cum humillima Domini Ancilla, surdâ pertransire aure, imò ad agonem usque resistere cum exinanito DEo, demissius se gerere cum Abrahamo, sanctè aliquando indignari cum Jobo, se penitus nosse cum Nathanaele, imò nescire & abnegare cum Sponsa, ut non à peccatore, in cujus ore speciosa laus esse non potest, sed ex incorruptæ Veritatis oraculo æternam aliquando laudem mereamur. Non est in hac vita *laus de tempore*, cum tempus defuerit & beata cœperit æternitas, *tunc erit laus uni cuique à DEo.* D. Bernardus laudatus reposuit: *orate ut talis sim, qualem me prædicatis.* Gregorius Magnus oratori suo Panegyrico acutè dixit: *DEum precare, ut ea quæ de me prædicas, vera efficiat.* CAROLUS V. Lutetiæ laudibus in cœlum elatus sapientissimè respondit: *hæ laudes me commonent, qualis esse debeam.* Ità sentiamus dicamûsque, & omni laude superiores evademus.


1. Cor. 4.
v. 5.
S. Bernard
ep. 11.

Corona Problematis esto Rosa & Tulipa candida & rubicunda; candidum item & rubicundum Pomum ac Cerasum in phialis aureis aureo cum lemmate: *quàm bene conveniunt Candor hic, ille Rubor.* Nihil pulcrius, quàm si Candor innocentiae componatur cum purpura verecundiæ, ut qui laudatur pro merito, erubescat pro modestiæ affectu: Salva enim res, erubuit.

§. 8.
Emblem.



PRO-



PROBLEMA XXV.

Cur Manum Puellæ CHRISTUS
tenuerit,?

DOMINICA XXIII. POST PENTECOSTEN.

Tenuit manum ejus. Matth. 9. v. 25.

§. 1.
Poterat
Christus si-
ne admi-
niculo ma-
nus resus-
citare pu-
ellam.



Quod David de se ce-
cinit, meliori jure
desse repetere Jairi
filia potuit & inter
prima gratiarum
verba Sospitatori
suo JESU accinere:
*DEus meus es tu, in manibus tuis for-
tes meæ Pl. 30. v. 18.* non mihi for-
tuito vita rediit, sed à gratiosa tua
Optime maxime JESU præsentia & à
vitalibus manibus, quibus meas
contingere dignatus es, emanavit.
in manibus tuis fortes meæ, vel ut ha-
bent Hebræa, *in manibus tuis tempo-
ra mea* cum præteritis præsentia,
cum præsentibus futura, cum fini-
tis infinita. in his manib9 meam le-
go vitæ lineam, veramque teneo
felicitatem, quam nemo tollere po-
terit, nisi me tuis tollat de manibus.
Poterat Christus solo vivæ vocis o-
raculo puellam resuscitare, ut po-
stea Lazarum è monumento fœti-
dum evocavit, poterat vitalem in-
halare spiritum, sicut primitus inspi-
ravit in Protoparentem nostrum
viventem, placuit nihilominus ma-
num suam adhibere, manusque
puellæ jungere ex causa, ni fallor,

quintuplici, quam breviter indi-
gitabo:

In promptu prima impositæ
manus causa est, ut desiderio Archi-
synagogi satis fieret, eoque modo
resuscitaretur filia, quo pater petie-
rat, dixerat enim: *Veni impone ma-
num tuam super eam. v. 18.* Manum
Christi imploraverat Jairus, quia re-
cordabatur, quodd suis hominem
manibus DEus in principio formâ-
rit, illudque Jobi altè imbiberat:
*manus tue fecerunt me & plasma ve-
runt me totum in circuitu.* quare ma-
num imponi postulavit, ut destru-
ctum divinæ potentia opus ab eo-
dem Artifice eodémque instrumen-
to repararetur: *quia qui posuit* (ver-
ba D. Paschasii) *cum formaret ex ni-
bilo deposuit. rogat itaque ut imponat*
iterum manum, & reformet eam de
perditione. Clarius D. Chrysoso-
lus serm. 33. *credidit ergo DEo* (Jai-
rus) *quia eadem manu, quâ creatam*
senferat filiam, recreari ac reduci posse
ad vitam noverat: Veni & impone
manum tuam, ut qui sponte posuit ad
creandum, ad reparandum iterum ex-
oratus imponat. habet enim DEus
in more positum, ut primam bene-
volentiam multis beneficiorum in-

§. 2.
Causa 1. ut
satis fieret
petitioni
Patris.

Job. 10.
v. 8.

S. Paschas.
l. 5. in
Matth.

crementis augeat ac multiplicet & plusquam perfecti operis auctorem sese esse demonstret. & verò manum Homo DEus imposuit, votum Patris modumque præscriptum implevit, defunctam redanimavit, eoque mysterio docuit, quòd postulata nostra concedat ad eum modum, quem petimus ac desideramus. Desiderarat leprosus solo voluntatis divinæ imperio se munda-
Domine si vis potes. & mox reposuit Salvator : *Volo. mundare.* Illud mirabile (admirabundus exclamat Ambrosius) quòd eo sanavit genere, quo fuerat obsecratus. Certè tot signa (subjungit D. Chrysostomus) & talia operatus, nunquam hoc verbo usus refertur. Hic verò ut de potestate sua opinionem & leprosi sanaret & populi, addidit : *Volo.* Mirabilis certè DEi nostri humanitas, quòd in benefaciendo modum non determinet, sed servet ab exorante designatum. Ibat Hebræorum heroina Judith ad Assyriorum castra obfirmato in Holofernus necem animo, quam priusquam inferret, in hæc verba DEum legitur allocuta : *hoc quod credens per te posse fieri cogitavi, perficiam.* Cur pugionem Herois nostra non assumit aut certè novaculam, quo guttur pro barba tyranno abradat? cur inermis progreditur? nimirum longà prius oratione ad DEum pro populi Israëlitiçi salute, hostiùmque extirpatione sese Judith armarat, atque inter cetera DEum ita fuerat precatà : *Fac Domine, ut gladio proprio ejus superbia amputetur.* adeoque spem ingentem magnanima mulier conceperat fore, ut alio non egeret gladio quàm Holofernus proprio, quia perbellè divinitatis nõrat genium, quod non tantum votis annuere dignetur nostris, sed nostrum quoque observare modum, quo nobis beneficium conferri po-

stulamus. *Veni impone manum;* venit JESus imposuit, sanavit; nec tantum Jairo precibus respondit, sed plus insuper præstitit, quàm fuerat petutum.

Manum enim suam imponere rogatus, manum insuper demortuæ apprehendit, inque vitæ viam de regione mortis manuduxit. Similiter Centurioni petenti verbum unicum in sanitatem pueri proferret; tantum dic verbo, & sanabitur puer meus. non modò verbum Christus non negavit, sed & descensurum se Capharnaum promisit; Regulo verò pro corporea filii salute roganti non tantum vitam prorogavit, sed & spiritualem tam filio quàm toti familiæ impertit. Paralytico quoque non tantum corporis, quam solam expetierat, sed & animæ tribuit sanitatem. Nimirum uberior est gratia quàm precatio, semper enim Dominus plus tribuit quam rogatur inquit D. Ambrosius L. 10. in Luc. 23. v. 42. ad illa verba: Hodie mecum eris in Paradiso, ille rogabat ut memor sui esset, de Domino autem sequitur & dixit illi JESus: hodie meum eris in paradiso. Dilata os tuum, dicebat in persona Dei Platæ regius & implebo illud, in quæ verba Origenes: *siquid voles petere, pete & plura exhibebo, quàm petas.* Dilata cor tuum voluntatis affectu, ut interpretatur D. Athanasius, & implebitur eà mensurà, quam ipsemet Dominus præscripsit Luc. 6. c. 18. *Mensuram bonam & coagitatam & supereffluentem dabunt in sinum vestrum,* quantumcunque dilatemus desideria, nihilominus DEus donis suis superabundabit, & postulatis majora præstabit. Clamabat Moyses ad dominum pro populi libertate, cum Pharao à tergo immineret & acinacem in inermes stringeret, at DEus dives in misericordia

§. 3.
Plus confert DEus quàm rogetur.

S. Ambr. l. 5. in Luc.
S. Chrysost. hom. 26.

Judith. 13. v. 7.

Plato. v. 11

cordia non tantum ea concessit, quæ pro ingrati libertate populi postulabantur, sed multa alia attribuit, quæ nulli omnium venerant in mentem, aurea videlicet spolia, supellestem prædivitem, validissima arma, celeberrimum triumphum. semper enim DEI manus majora largitur munera, quam mens nostra affectet.

ris sui pabulum admittit, ut viridis semper consistat, vividoque longævitatis flore exultet, per iaspidem Eucharistiam intelligit Andreas Cæsareæ Episcopus: *tantum perpetuo virens cunctisque viventibus vitam largiens*. Mirabile quid observat Rupertus ad illa verba Gen. 35, v. 8. *Mortua est Debora nutrix Rebecca* quod nusquam in sacris litteris obitus Rebecca legatur, cum tamen ceterarum sanctarum mulierum mors, puta Saræ, Rachelis, Judithæ diligenter annotetur: *Rebecca mors nunquam invenitur*, quid mysterii quod Rebecca non describitur mortua ac funerata? quia Eucharistiæ typum gestavit in manibus, cum Jacobo suo impetratura benedictionem panes filio in manus dedit: *deditque ei panes* Gen. 27, v. 2. per quos Eucharistia significabatur teste D. Ambrosio apud Lipom. *cibum utilem indicabat, quo futura erat remissio peccatorum*. cum itaque typum Eucharistiæ manibus gestavit, intervistas mortis recenserit non debuit. & hinc causa Damasceni elucidatur, cur mortuæ puellæ manum Iesus dederit, ut vitæ pignus conferret, & vivificum corpus suum ostenderet. Humato Salvatore monumenta aperta sunt, & multa corpora Sanctorum, qui dormierant, surrexerunt. Matth. 27, v. 51. cur resurgunt mortui? an in contestationem suæ erga demortuum commiserationis? an in vindictam inimicorum? an in Domini reverentiam corporis, cui locum imo loculum cedere reverentissimè considerant? respondeat Abbas Rupertus & causam edicat cur Sanctorum corpora surrexerint: Corpora illorum in monumento jacentia virtute Cibi hujus (de Eucharistia sermo est) non caruerunt: mox ut eodem ventre quo tenebantur & ipsa recepit corpus ejus, nam vir-

T 2

tute

§. 4.
Causa 2. ad
compro-
bandam
efficaciam
divini cor-
poris Cy-
rilli. l. 1. de
recta fide
ad Reginas

Tenuit deinde Dominus puellæ manum, ut divini sui corporis efficaciam manifestaret, quæ est D. Cyrilli pulcherrima ratio ita scribentis ad Reginas: *quare non prius sicut apud Lazarum contentus fuit sermone ad resuscitandam puellam, sed tenuit manum illius? nimirum ut ostenderet vivificum suum corpus, corpus enim est vita*. quibus verbis eleganter alludit ad divini corporis communionem à qua vita procedit.

In cujus typum posuit DEUS in medio paradisi lignum vitæ, quod sic dictum est (inquit D. Damascenus in Gen. 1. v. 17.) *quasi habens operationem tributivam vitæ* non conferebat arbor illa vitam æternam, sed arborem Eucharisticam adumbrabat, ex qua permanentes æternæ vitæ fructus percipimus. Vidit Joannes Apocalypticus Ecclesiam militantem tanquam sponsam Christi sub civitatis sanctæ schemate, mirabili lumine præditam: *Ostendit mihi civitatem sanctam Jerusalem descendentem de celo à DEO, habentem claritatem DEI, et lumen ejus simile lapidi jaspidis*. Ap. 21, v. 11. cur lumen jaspidi potius, quam adamanti, topazio, carbunculo, sapphiro assimilatur, causam dat doctissim⁹ Sylveira, quia proprii jaspidis color est viror, viror autem vitam significat quam Ecclesiæ suæ confert Christus, cum eam ad vivificum corpo-

Sylv. l. 5, c.
35, in Evā
gel. q. 1.

tute hujus cibi factum est, ut multa ex ipsis resurgerent in testimonium futuræ resurrectionis. en quantæ virtutis ad vitam demortuis restituendam sit corpus Christi. Audivit dilectus Discipulus voces animarum sub altari gementium & vindictam exigentium: *usquequo Domine non vindicas sanguinem nostrum?* quid sub vindictæ nomine postulent, sanctissimè exponit D. Gregorius l. 4. moral. c. 4. *quid est animas vindictæ petitionem dicere, nisi resurrectionem extinctorum corporum desiderare.* cur autem non alio in loco quàm sub altari vota sua Deo pandant, in sinuat D. Augustinus Ser. II. de Sanctis: Rectè sub altari animæ Sanctorum requiescunt, quia super altare corpus Domini offertur. hoc nimirum resurrectionis cum sit pignus, convenientius nullibi sua deprement desideria, quàm subtus altare. Solenne erat primis Christianis in sarcophagum defunctorum panem vitæ deponere, tum ut corpora Sanctorum ab omnibus dæmonum ludibriis forent immunia, tum ut indubitatum resurrectionis suæ pignus capesserent. feliciter proinde actum cum Archisynagogi filia, quando in pignus vitæ Dominicæ contingi manu meruit & mox virtutem vivifici corporis persensit. dabatur olim sacra Synaxis non in os sed in manum dexteram, ut scirent se Eucharistico beneficio ad vitam manuduci & velut manu stipulatâ de beata immortalitate assecurari. Mortua Rachel, quæ Ecclesiæ sanctæ typum gerebat, in Bethleem sepelitur, quæ vox domus panis significat. Cur non potius in monte Oliveti, unde Salvator cælum conscensus erat, vel in monte Calvariae, ubi acturus animam, vel prope electum Salvatoris sepulcrum in spem vitæ melioris humatur? quid Racheli am-

plius conferre potuit Domus panis, præ loco vitæ, sive sepulcro ubi JESUS revixit? nimirum semel è sepulchro redivivus prodiit JESUS, in domo panis autem, quæ est Eucharistia, quotidie reviviscit, novoque se exortu multiplicat; itaque vivaciorem immortalitatis spem nobis ingenerat. Has nobis cogitationes suggerit D. Paschasius l. 2. in Balthasarem ita locutus: *Rachel figuram gerens Ecclesiæ ibidem sepulta legitur, ut in eodem loco plena requies ejus signetur, ubi Christus Panis vivus, qui de cælo descendit quotidie exortu novo sine defectu versatur.* Finiam hanc partem verbis Cyrilli Alexandrini l. 3. in Joannem c. 37. vivificat corpus Christi & ad incorporationem suâ participatione reducit: non enim alterius cujusdam, sed ipsius vitæ corpus est, virtutem incarnati Verbi retinens, & plenum potestate illius quò universa vivunt & sunt. Experta est hanc efficaciam puella, quæ à Christi contactu revixit, ideoque manibus dare lilia plenis Sospitatori suo potuit à cuius manibus omnem sibi emanare felicitatem & vitam persensit.

Tenuit manum puellæ, quia nisi prius mundatæ fuerint manus, mortua non surget inquit D. Hilarius in cat. per manus opera designantur, & hæc Dominus prius explorat, quàm ad vitam nos evocet immortalem. nisi manus puræ, opera videlicet plena fuerint, vitam beatam non speremus. sicut Isaac Patriarcha voce filii contentus non fuit, sed manum insuper exploravit, utrum duræ essent ac pilosæ; *Vox quidem vox Jacob est* mollis ac tenera, *manus autem manus sunt Esau* solidæ ac laboribus induratae, ita Pater cælestis non tam voces nostras in precibus ac promissis dulciter sonantes, quàm manus ac opera observat

§. 5.
Causa 3. ex
Hilario
quia ne-
minem ad
vitam glo-
riæ Chris-
tus susci-
tat nisi pur-
æ sint
manus.

Gen. 27.
v. 22.

Apoc. 6.
v. 10.

Gen. 35.
v. 19.

ut benedictionem æternæ hereditatis impertiat, & sicut Jehu Rex ad Jonadab dixit: *si est cor tuum rectum cum corde meo, da mihi manum tuam*, ita & Iesus Regum Rex uniuscujusque fidelis manum & operam inspicit, unde cordis colligat integritatem. Denique sicut non in oculos, non in linguam, sed in manus Patris moriens Christus commendat spiritum, ut ex illa nobis impetret digitum paternæ dexteræ, qui est Spiritus amoris ac vitæ, ita desiderat DEUS ut juxta Davidis oraculum, anima nostra sit in manibus nostris *anima mea in manibus meis semper*, hoc est ut operibus ipsis nostram erga DEUM fidem ac dilectionem comprobemus, itaque mereamur ad æternæ beatitudinis vitam die mundi novissimo resuscitari. Mundemus proinde manus, ut cum Archisynagogi filia nos Iesus manuteneat.

extendere. manum Putipharis uxor in Iosephum innoxium extendit, & vel invitum in vitæ periculum cum in animæ non posset, arrepto pallio detraxit. at pallio relicto castus Ephebus profugit, nè virus ex veste in corpus serperet, & ex corpore in animum subintraret. prudentissimè Iosephus vel à veste imò vestis filo cavendum sibi duxit, quod manus femina tetigisset, penderet vita & salus non raro à filo, quod mollioris manus articulus inquina-
navit.

4. Reg.
10. v. 15.

Pl. 118.
v. 109.

§. 6.
Causa
quantant è
manu Vir-
ginis virus
expellat.

Tenuit manum ejus. Lubricæ sunt mulierum manus & vix ab alio teneri possunt, quàm ab eo, qui potest facere mundum de immundo conceptum semine. Nullius viri manum Christus tetigit cum contulit sanitatem, mulierum verò duarum attigit manus, puellæ scilicet hodiernæ & socræ Simonis Petri, cum ab hac febrem pelleret, illam è manibus mortis eriperet. *Que necessitas tangendi erat, ubi inerat vis jubendi?* quærit D. Chrysostomus & respondet: *sed Christus tenuit manum mulieris ad vitam, quia Adam de manu mulieris acceperat mortem.* lethales sunt mulierum manus, nisi divinæ manûs antidotum accedat. Manum mortifero foetam pomodedit Eva Adamo, & totam naturæ humanæ massam intoxicavit: ut Lothum non retraheret uxor, in salis statum prius convertitur, quàm alloqui virum posset, aut manum

Denique tenuit manum, ut ostenderet se corporum Medicum, Virginum Sponsum, Angelorum Dominum, plâsten corporum, fidei iussorem incorruptissimum. Tanquam fidei iussor manum stipulat, illudque Siracidis tacitè inculcat: *gratiam fidei iussoris nè obliviscaris, dedit enim prote animam suam.* Eccli. 29. v. 20. Tanquam plâstes primævus plasma suum restaurat, ut cum Jobo puella repetat: *Manus tuæ fecerunt me & refecerunt me.* tanquam Angelorum Dominus manum apprehendit, cum Angelis velut servis pedes tangendos servandòsque commiserit, applaudente Psalte: *Angelis suis mandavit de te, in manibus portabunt te, nè forte offendas ad lapidem pedem tuum.* tanquam sponsus Virginum manum tenet Virginis, eamque pro anulo pronubo habet, aut pro anuli gemma hyacintho, quo manus divini sponsi redundant teste sponsa: *Manus illius tornatiles aureæ plene hyacinthis* tanquam thaumaturgus corporum medicus non quidem arteriam contactu explorat, sed contactu suo vitam confert & sanitatem elargitur. Fatalis quondam erat manus Domini sub qua ingemuit Jobus: *Manus Domini tetigit me!* & Azotum suspirat expirat-
que:

§. 7.
Plures
causæ infi-
quantur.

Job. 10.
v. 8.

Pl. 90. v. 11
& 12.

Cantic. 5.
v. 14.

Job. 19.
v. 21.


que: *aggravata est manus Domini*, at nunc vitalis & plena gratiarum est, postquam manus suas stringi fasciis, imò & funibus ligari clavò-que perpeffus est perforari, ut ad conferendas mortalibus gratias sese obligatum testaretur, totque gratiarum maria in humanum genus profunderet, quot divini cruoris guttæ ab inexhausto Amore prolicitæ emanarunt: Tangant nunc nos benignissime Salvator teneantque manus tuæ, in quas nos totos projicimus, omnemque beatæ immortalitatis spem reponimus, & cum Archisynagogo ardentissime deprecamur: impone super nos manum tuam & vivemus! impone manum tuam, & operi quod operatus es in nobis supremam imponens manum perfecti dicaris Author operis,

imponere manum tuam, & tuâ nos imple benedictione.

Coronemus hoc Problema Emblemate Manuali, quo Jupiter in cælo anulum manu tenet, quem frustra Dii omnes conantur extorquere cum lemmate sacro: *nemo, qui de manu tua possit erueri*. In terra verò Hercules Clavam manu ostendet, quam nemo Gigantum abstrahere valet: *quis eripiet?* Ah servet nos in manibus suis DEUS, in quibus descripsit nos, & non tantum vitam, felicitatem, salutem habebimus in manibus, sed ipsa nos Felicitas pro Anulo, imò Anuli gemma habebit in manu.



PRO-



PROBLEMA XXVI.

Curretrò accedat Hæmorrhœissa, &
fimbriam tangat?

DOMINICA XXIV. POST
PENTECOSTEN.

*Accessit retrò, & tetigit fimbriam vestimenti
ejus. Matth. 9. v. 20.*

S. 1.
Quæ fue-
rit hæc
mulier, &
quam per-
sonam re-
præsentat
rit.



Mulier hæc gentilis & nobilis ex Cæsarea Philippi oriunda, quæ S. Ambrosius Martham, Nicodemi Evangelium vocat Veronicam, eo cepit anno ægrotare juxta Ruperti lib. 8. in Matth. computum, quo nata est Jairi filia, (hanc enim duodennum fuisse probabile est) cum audisset de Adventu Salvatoris, spem concepit salutis, quæ deposita erat à Medicis, ut eleganter ponderat D. Chrysologus: *in arduis langvoribus dat sepe consilium vis doloris, in desperatis causis est sepe magistra necessitas, invenit ipsa sibi passio medicinam.* Si divi Ambrosio, Hieronymo, Hilario, Paschasio credimus personam egit hominæ mulier totius gentilitatis, quæ tunc infirmari cepit, quando Synagoga in Patriarchis Abraham, Isaac, Jacob prognata est. tunc vero persanata est, quando Synagoga est mortua, fluxus sanguinis sacrificia idolis oblata, & scelera idololatris familiaria significat, à quo sanari per philosophos suos & ariolos non potuit, sed magis deterius habebat, donec à fimbriæ contactu

sanitatem recepit. portabat Christus pro more gentis fimbriam Hyacinthinam, quæ præceptorum divinorum memoriam cœlique spem adumbrabat. De hac fimbria & accessu ad eandem salutare duas quæstiones instituiam, si solita, quæ unice necessaria, patientiâ fuero donatus.

Non clamat hæc mulier ut Chananaea, ut leprosi decem, aut cæcus Jerichuntinus, non rogat ut Archisynagogus aut Regulus, aut Centurio, sed in turba secretò latentèrque accedit, ut pio quodam furto rapiat sibi sanitatem. pulchrè Chrysologus citatus: *cum tangit fimbriam Christi, tunc divini pectoris pulsat arcanum, & furto fidei summam rapuit de fimbriæ summitate virtutem. Felix fraus quæ & lucrum salutis contulit, & damna sustulit mox pudoris.* Gaudet DEUS piâ nos fraude & dolo bono cum hæmorrhœissa, latrone, Nicodemo uti, & cœlorum rapere regnum. Sic rapiunt, qui in abscondito orant, virtutes suas celant, mundum sanctè fallere nōrunt.

Accessit retrò, quia Salvatoris oculis se judicavit indignam, ut vult Alber-

S. 2.
Cur retrò
accesserit.

Chrysolo-
gus Serm.
33.

Albertus Magnus, agnovit enim fœdo se morbo obnoxiam, ideoque tantopere sublimata est, ut non tantum conjiceret oculos in eam Iesus, sed etiam filiam appellaret, quo titulo nullam aliam in toto Evangeliorum Codice honoratam à Christo comperies. Si ad filiorum & filiarum titulum ascendere cupimus, humilitatem mulieris æmulemur, certissimè exaltanti, si retrò ad Christi fimbriam nos collocaverimus, est enim semperque fuit exaltatrix humilitas.

Accessit retrò, ut consuleret dignitati & auctoritati Christi ut vult Chrysologus serm. 34. curabat, nè cura sua ad curantis redundaret injuriam: providebat, ut redderetur sibi salus salvà reverentiâ Salvatoris. injuriam facit Meccenati mendicus, si apprehendat manum, aut trahat importunè per vestem: injuriam facit reus Judici, qui supplicem libellum intrudit in sinum: injuriam facit subditus Regi, qui in via detinere, aut dorsum eidem obvertere, aut nimiam familiaritate cum eodem agere præsumit. Reverenter cum Christo agendum est, ut monebat S. Theresia, quia honestissimis natalibus oriundus, atque ad omnem civilitatem expolitus aulicè tractari amat.

Accessit retrò, quia sequi vestigia Salvatoris & crucem suam bajulare post Iesum cupiebat; hic sanè optimus morborum fructus est vestigia Christi legere, fimbriam contingere, & cogitare morbos nobis ideo immitti, ut IESU simus memores, imò ut ejus induamur insignibus, quia ipse est vir dolorum, sciens infirmitates.

Accessit retrò ait iterum S. Chrysologus citatus: *ibi faciem quam declinavit, invenit. erat totus oculus, qui post se supplicem ita videbat.* non possumus ullibi nostra figere vesti-

gia, ubi suum prius oculum non fixerit DEUS. *ipse considerat vias meas, & cunctos gressus meos dinumerat.* Job. 31. v. 4. cur tam accurate singulas computet gressus, causam dat glossa: ut nè minutissimæ quidem cogitationes & verba tenuissima ejus judicio indiscussa remaneant.

Accessit retrò, quia ut vult Beda, mysterium exprimebat convertendæ gentilitatis post Ascensionem Salvatoris, ut crederet in eum, quem non videbat, ideoque foret beator: *beati qui non viderunt & crediderunt* Joan. 6. v. 21. dum enim absentem in cœlo amamus, absconditum in Eucharistia reveremur, ab invisibili nos videri credimus, ingentia nobis fidei merita, imò & cognitionis certitudinem comparamus. Certius enim illa scimus, quæ mentis quàm corporis intuemur obtutu. Unde Abraham Epuloni respondit: *si Moysen & prophetas* Luc. 16. v. 31. (qui mortui pridem erant:) *non audiunt, neque si quis ex mortuis resurrexerit, credent*, quasi dicat, uti habet S. Zenon Serm. de Resurrectione: Non credunt suis oculis, qui non credunt Prophetis, fides enim quæ per auditum, superat fidem, quæ est per oculorum sensum.

Accessit retrò, ut nos instrueret, quomodo à sanguinibus per Sacramentum Pœnitentiæ liberari debeamus. Retrò accedendum est, retrorsum in acta, dicta, cogitata reflectendus animus, retrò accedendum est considerando, quid habeamus ex illicitis voluptatibus, ex ætate temporis, ex supplicio quod impendit. Discamus non sufficere fidem & contritionem, quæ omnia DEO confiteamur peccata, sed oportet eadem ad aures Sacerdotis velut Christi pedes deponere, eaque ratione tangere vestimenti fimbriam, de quâ porrò agendum est.

Ter-

S. 3.

Cur fimbriam solum attigerit.

Tetigit fimbriam, non manus, non vestem superiorem, sed oram ultimam, quia credebatur, quidquid in Christo est sanctum esse ac salutare redundantē divinitatis virtute in oram vestimenti, sicut de unguento Aaron Pfalter meminit, quod descendit in oram vestimenti: in *Christi fimbria* ait. S. Chrysologus serm. 34. *divinitatem totam videt inhabitare*. Inducti hoc mulieris exemplo plurimi alii, de quibus Matth. 14. rogabant Christum, ut vel fimbriam vestimenti ejus tangerent. Confundit proinde & condemnat mulier hæc nostrates heterodoxos, qui persuadere sibi nolunt, crucem, spinas, aliâque passionis instrumenta, virtutem aliquam supernaturalem à Dominici corporis contactu contraxisse, idēque veneratione digna esse; at amabō intelligant, reliquias Sanctorum idcirco nobis esse in pretio, quia non minùs virtutis habent, quàm ossa mortui Elisæi, quorum contactu mortuus revixit 4. Reg. 13. Legissent melius acta Apostolica, ubi Pauli sudaria Act. 19. imò & umbram Petri. Act. 5. deprehendent à primis Christianis affectata fuisse. Sicut autem virtus erat in veste Pauli & umbra Petri ad sanandum ægros, ita in Sanctorum cineribus ad expellendos dæmones ait S. Chrysostomus serm. 35. de virt. & vit. *custodit enim Dominus omnia ossa eorum* Ps. 83. *capillus de capite non peribit*. Luc. 21. si ergo DEUS ea habet in honore, nos in honorare ausimus?

Habent Sanctorum cineres & ossa affinitatem cum animabus cœlesti jam gloriâ donatis, quibus uniendæ denuò sunt, ut cum laborum fuerint focii, sint aliquando & bonorum; honoranda proinde similia ossa, quia cœlo certissimò inferenda; honoratur designatus Epi-

scopus vel Rex, etsi solum suum nondum conscenderit, possessionem necdum adierit, honorant Anglicanæ aulæ Ministri vacuum Registronum eumque circumstant, veluti Rex ipse actu sederet, honorantur vestes festales, & mundo loco asservantur, cur non vestes ac reliquæ Sanctorum, qui cœlestibus jam gaudent nuptiis? simus Ægyptiis non deteriores, qui sublatam Saram ob formæ miraculum, in domum Pharonis amârunt, & amore illius benefecerunt Abrahamo: *Abraham vero bene usi sunt propter illam*. Gen. 12. v. 16. sustulit DEUS animas Sanctorum in domum suam, nos si aulici esse volumus, honoremus corpora propter animas, eritque nobis propter hunc ipsum cultum bene in corpore & animâ.

Tetigit fimbriam. per fimbriam S. Bernardus intelligit Sanctos & servos DEI, ac proinde, si Salutem consequi nolumus, ad DEI Servos manus nostras & obsequia extendamus. *Tetigit fimbriam*, cum magna sinē dubio reverentia, humilitate, compunctione, fide, spe ac desiderio sanitatis, quibus virtutibus quia nos destituimur, idcirco sanitatem non consequimur, etsi non fimbriam, sed ipsam carnem Christi realiter tangamus, & Christum cum hodiernis turbis comprimamus. Aurea est illa S. Petri Chrysologi serm. 34. oratio: *Audiant Christiiani, qui quotidie corpus Christi attingunt, quamnam de ipso corpore possunt sumere medicinam, quando mulier totam rapuit de sola fimbria sanitatem? sed quod nobis sciendum est, mulier de vulnere medicinam tollit, nobis medicina ipsa retorquetur in vulnus*.

Denique accessit retrò & fimbriam tetigit, ut quàm reverentissimè cum Salvatore ageret, certa de-

U

fide-

fideriorum se fuorum eò faciliùs fore compotem, quo majori in precando modestiâ uteretur. Ità enim passim comperimus in Evangelio Centurionem, Chananæam, decadem leproforum aliòsque citò singula impetrâsse, quæ petebant, quia singulari cum reverentia Dominum convenère, at verò Matrem filiorum Zebedæi, Pharisæos signum aliquod de cælo petentes, Scribam in familiaritatem JESU sese minùs reverenter ingentem tulisse repulsam, non sinè verborum sale, quo Sapientia æterna insulas eorum preces condire solebat. Sapientissimum Seraphicæ Virginis Theresiæ erat monitum: honestissimo genere JESUS meus natus est, amat proinde modestè reverentèrque tractari. Reverentissima erat illa Mariæ vox ac gestus dicentis: *Ecce Ancilla Domini*, ideòque in reginam cœli

sublimari meruit, modestiâ Joannis Baptistæ, quâ corrigiam Dominicorum calceamentorum solvere pro summa reputabat gratia, majoratum inter natos mulierum eidem obtinuit. Civilitas Zachæi, reverentia Publicani, demissio Magdalenæ, exquisitam Dei-hominis commendationem ac gratiam conciliârunt. quorum exemplo submissè reverentèrque nos geramus, ut corporis atque animi consequamur & integram servemus sanitatem.

Corona Problematis esto Solsequium, quod Solem non præit, sed sequitur: *Dulce sequi*. quid miramur retrò accessisse mulierem? Solsequium esse voluit, non ergò antecedere sed subsequi debuit, id quod illi utile ac dulce fuit.

-83) 0 (23-





PROBLEMA XXVII.

Quantum temporis ad Diem
Novissimum?

DOMINICA XXV. POST PENTECOSTEN.

Stitote quia propè est in januis. Matth.
24. v. 33.

S. 1.
Mundus
semper
deterior.



Uod mundus senescat & passibus magnis ad interitum vergat, dubitari vix potest. abundat enim iniquitas, refrigerit charitas non tantum multorum, sed potissimum, refrigerit heu! sanguis Christi in multorum cordibus, memoria passionis tabescit in mentibus, serius salutis Zelus in plerisque evanescit, certè si S. Medardus circa annum quingentesimum quadragesimum, S. Gregorius circa annum quingentesimum nonagesimum secundum, S. Vincentius Valentinus circa annum millesimum quadringentesimum decimum quintum consideratis sceleribus illius temporis putarunt paulò post consummandum sæculum, quid de hoc nostro sentirent, si viverent, in quo deteriora omnino omnia, quàm quondam fuerint, invenirent. Fuit Ecclesia sicut statua Nabuchodonosoris, cuius caput aureum per primos quadringentos annos aurea fulsit charitate, fuitque omnium cor unum. successit pectus argenteum tempore SS. Hieronymi, Ambrosii, Augustini,

quando Ecclesia, ut loquitur S. Hieronymus in vita Malchi, potentia quidem & divitiis major, sed virtutibus minor facta est ob Hæresin Arii, Venter dei arcus usque ad Gregorii magni tempora, succrevit, quibus Mahomet vastabat Africam, & Christus perditurus erat mundum, nisi Divi Franciscus & Dominicus columnæ duæ suppositæ fuissent. Hinc ad nostra tempora tibiæ extant ferreæ, cum homines ferro duriores verberibus coerceri potius debeant & frangi, quàm flecti se & regi patiantur, candoris & splendoris expertes. Sequuntur porro pejora sub Anti-Christo tempora, pedes videlicet ferrei & lutei, indurati toti & immersi volutibus homunciones. & tunc lapis sine manibus abscissus decider, Christus ad iudicium descendet, totamque hanc machinam conteret & conquassabit; quod quanto post tempore futurum sit, conjecturis pauculis definiamus.

Quamvis nostrum non sit nosse tempora, quæ Pater posuit in sua potestate, non est tamen à modestia Christiana alienum piè indagare in tempora mundi novissima, quorum

S. 2.
Conjectura
1. ex
creatione
mundi.

U 2 rum

rum scientiam nobis Incarnata insinuat Sapiētia: *Scitote quia prope est (seculorum finis) in januis.* Nichil ex sensu meo definiam, sed quæ à doctissimis divinarum paginarum Lucubrationibus congesta esse comperi, in medium breviter proferam. Observat in primis doctissimus Hebræorum Philo in verbis illis, quibus creationem mundi descripsit Moyses: *in principio creavit DEus cælum & terram* Gen. 1. v. 1. sex aleph apud Hebræos reperiri; cum autem quodlibet aleph arithmetice mille significet, insinuare visus est DEus mundum ad sex aleph, sive ad sex millia annorum, quibus perdureret, esse conditum. Sex diebus conditus est mundus die septimo requiebit DEus ab universo opere. Sex diebus puta Sex millibus annorum probabiliter mundus consistet (mille enim anni, ut David & Petrus inquirunt, sunt apud DEum sicut *dies unus*) post quos requiescent homines à laboribus suis: *Ego arbitror inquit D. Hieronymus ad S. Cyprianum, Psalmi 89. versum quartum explicans, Ego arbitror. ex hoc loco mille annos pro una die solitos appellari, ut scilicet, quia mundus in sex diebus fabricatus, sex millibus tantum annorum credatur subsistere, & postea venire septenarium & octonarium numerum, in quo verus exerceatur Sabbatismus.* similiter S. Gaudentius Brixianus tract. 10. S. Germanus Patriarcha Constantinopol. S. Cyrillus aliique sentiunt: *expectamus illum verè Sanctum diem septies mille finis anni, qui adveniet post dies sex, sex millium videlicet annorum seculi, quibus completis requies erit verè Sanctitati.* Sex primi parentes orbis, Adamus, Seth, Enos, Cainan, Malaleel, Jred, mortui sunt, septimus verò in paradysum translatus adhuc vivit, ex quo infert D. Isidorus, sex millibus annorum regnatu-

ram in mundo mortem, septimo autem millenario inchoandam immortalitatem, & homines vel in paradysum coelestem vel in centrum terræ transferendos esse. Definitur ætas hominum Gen. 6. v. 3. centum viginti annorum, quos si symbolice accipias & annos Mosaicos seu jubilæos interpreteris, habebis sex annorum millia, quibus totius mundi ætas terminetur.

Hæc de creāione mundi insinuasse sufficiat, ex conservatione ejusdem sive statibus diversis, quos Leges distinxere, durationem mundi libet observare. Triplex in mundo Status seu Lex notatur, Naturæ, Circumcisionis, Gratiæ; duravit Lex naturæ ab Adam ad Abraham annis prope bis millenis; Lex Circumcisionis ab Abraham ad Christum annis præcisè bis millenis, durabit & Lex Gratiæ non pl9 bis millenos ultra annos, in cujus Symbolum doctissimus Serarius in l. 3. Josue gratiosè observat mandatum à DEo fuisse, ut Arca fœderis in transitu Jordanis bis mille cubitis distaret à populo, quò per cubitos bis millenos totidem anni describerentur, per quos facer baptismus per Jordanem significatus patèbit, & sanctissima Sacramenta populum electum ad terram promissionis deducunt. Vix fore autem legis gratiosæ tempus longius, quàm fuerit Naturæ aut Circumcisionis, conjicimus ex illa scribendi formula, quâ Petrus, Paulus, Joannes, Jacobus, in epistolis suis usi sunt: *omnium finis appropinquavit* 1. Petri 4. v. 7. *finis seculorum* 1. Cor. 10. v. 11. *novissima hora est* 1. Joan. 2. v. 18. *adventus Domini appropinquavit* Jacob. 5. v. 8. ex quibus omnibus inferas: si juxta computum Cornelii à lapide Christus natus est Anno mundi 3950. & consequenter hoc anno Christi 1680. agitur annus mundi 5630.

S. 3.
Conjectura
Secunda ex
statibus seu
legibus.

1. Petr. 3.
v. 8.

1680. in
gloss.
Gen. 5.

5630. non restabunt ad septimum millenarium & mundi finem anni plures 370.

S. 4.
Conjectura
3. ex
prophetia
Malachiae.

Non modicum huic nostrae conjecturae pondus accedit ex oraculo S. Malachiae Ardinacensis in Hybernia Episcopi Anno 1148 pie demortui ac plurimum a S. Bernardo dilaudati, cujus annua in Sanctorum factis memoria celebratur 2. Novembris. Consignavitis secutorum Romanorum Pontificum numero centum duodecim seriem, eosque sub obscuris depinxit Symbolis, ex quibus viginti sex post Innocentium undecimum, cui DEUS annos Petri faveat, supersunt, hisce sub tesseriis designati. 1. *Poenitentia gloriosa.* 2. *Rastrum in porta.* 3. *Flores circumdati.* 4. *de bona religione.* 5. *Miles in bello.* 6. *Columna excelsa.* 7. *Animal rurale.* 8. *Rosa Umbria.* 9. *Ulysus velox.* 10. *Peregrinus Apostolicus.* 11. *Aquila rapax.* 12. *Canis & Coluber.* 13. *Vir religiosus.* 14. *De balneis Etruriae.* 15. *Crux de Cruce.* 16. *Lumen de caelo.* 17. *Ignis ardens.* 18. *Religio depopulata.* 19. *Fides intrepida.* 20. *Pastor Angelicus.* 21. *Pastor & Nauta.* 22. *Flos Florum.* 23. *de medietate lune.* 24. *de labore solis.* 25. *Gloria Olive.* 26. *Petrus secundus Romanus, qui pascet oves in multis tribulationibus, quibus transactis Judex tremendus judicabit populum suum. Quae prophetia si vera est, ut esse pie creditur, adeoque non nisi viginti sex supersunt, nullus omnium vero 25. annos in pontificatu vivere solet, unde & electo novo Pontifici solenni verbo acclamatur: Annos Petri beatissime Pater non videbis, annos videlicet*

25. quot Petrus regi Dominico praefuit, facile conjicimus ultra annos 370. mundum nequaquam duraturum. Demus enim quemlibet secutorum Pontificum annis duodecim regnaturum, ex residuis 26. pontificibus non plures annis trecentis supra 12. constabuntur. Scimus autem complures Romanorum Antistitem nec annum nec mensem supervivisse, & quovis seculo facile 16. pontifices sibi invicem successisse, primo quidem seculo quatuor numerantur; undecim secundo & quarto, quindecim seculo tertio, duodecim seculo quinto, tredecim seculo sexto, & octavo, viginti seculo septimo, septendecim seculo nono, viginti sex seculo decimo, octodecim seculo undecimo, sedecim seculo duodecimo, totidem decimo tertio, decem seculo decimo quarto, tredecim seculo decimo quinto, septendecim seculo decimo sexto, novem hoc nostro seculo decimo septimo, videlicet Leonem XI. Paulum V. Gregorium XV. Urbanum VIII. Innocentium X. Alexandrum VII. Clementem IX. Clementem X. Innocentium XI. Bene proinde Bernardus Eugenium suum in pontificem anno 1145. electum monuit ep. 237. *quantorum in brevi Romanorum Pontificum mortes tuis oculis aspexisti? ipse praecessores tui tua certissime & citissime decessione admoneant & modicum tempus dominationis eorum paucitatem dierum tuorum (addo & interitum mundi) nuntiet tibi.*

Hierarchico imperio politicum addamus dominatum & ex Romani diminutione Imperii (quod usque ad Anti-Christi tempora duraturum praedixit Dani-

S. 5.
Conjectura
ultima
ex Romani
Imperii
diminutione

el. c. 2. v. 43.) prope esse mundi interitum conjecturemus. Consvēre Christi fideles pro Romani diuturnitate Imperii frequentissimas ad DEum effundere preces, ut testatur Tertullianus in Apologet. c. 23. utpote ex cujus incolumitate integritatem orbis bene ominabantur. Est enim quadruplex mundi Monarchia Nabuchodonosori per statuam grandem objecta, cujus caput aureum felicitatem & gloriam Babyloniorum, pectus argenteum opulentiam Persarum, venter æreus potentiam & sapientiam Græcorum, tibiæ ferreæ firmitatem Romanorum designabant, & quia Imperium hoc in Orientale & Occidentale divisum fuit, per geminas tibiæ adumbratur, desinētque tandem in decem digitos cum dividetur in decem regna ab Anti-Christo conterenda. At quota jam Romani pars Imperii superest, quanta regna & provinciae ab ejus se dominatu subduxere & poene quotidie subducunt? ubi Hispania, Gallia, Anglia, Polonia? ubi Ægyptus, Græcia Syria, Asia? quantilla extant terrarum mariumque tractu particula Romani Imperii titulo digna? Decrescit Imperium, senescit orbis totus, scitote quia interitus prope est in januis. Quod de suis temporibus scripsit D. Cyprianus ad Demetrianum, verius de nostris repeti debet: scire debes tenuisse jam mundum, non illis viribus stare, quibus prius steterat, nec vigore & robore eo valere, quo antea prævalebat, hoc mundus ipse jam loquitur & occasum sui rerum labentium probatione testatur: non hieme nutriendis seminibus tanta imbrium copia; non frugibus æstate torrendis solita

flagrantia est; nec sic verna de temperie sua læta sunt; nec adeo arboreis fætibus autumnus fecunda sunt. Minus de effossis & fatigatis montibus eruuntur marmorum crustæ, minus argenti & auri opes suggerunt exhausta jam metalla. Deficit in agris agricola, in mari nauta, miles in castris, innocentia in foro, justitia in judicio, in amicitis concordia, in artibus peritia, in moribus disciplina. Minuatur necesse est, quidquid sine jam proximo in occidua & extrema devertit. hæc sententia mundo data est: hæc DEI lex est, ut omnia orta occidant & aucta senescant; & infirmetur fortia & magna minuantur; & cum infirmata & diminuta fuerint, finiantur. Cum olim ultra 800. & 900. annos vita hominum longæva procederet, vix nunc potest ad centenarium numerum pervenire. Canos videmus in pueris, capilli deficiunt antequam crescant, nec ætas in senectute desinit, sed incipit à senectute. Sic in ortu adhuc suo ad finem nativitas properat, sic quodcunque nunc nascitur, mundi ipsius senectute degenerat; ut nemo mirari debeat singula in mundo cœpisse deficere, quando tot ipse jam mundus in defectio- nesit & in fine. Hucusque Rhetor & Martyr Cyprianus.

Ex his omnibus conjiciat unusquisque suo arbitrio, quantum prudenter censi possit superesse temporis ad mundi finem. mihi dicere sufficiat cum recentissimo Concionatore: Malè sibi quidam imaginantur procul abesse judicii diem; contra quam Servator clamat: *Attendite ne superveniat in vos repentina dies illa.*

tan-

§. 6.
Omnia dies, hora, momentum fit nobis novissimum.

tanquam laqueus enim superveniet in omnes. Luc. 21. v. 35. Pisces & aves cum securissimè vivere videntur, ecce laqueo capiuntur, ex quo extricari difficile, poenè impossibile est. *sic capiuntur homines in tempore malo, cum eis extemplo supervenerit.* Cur laqueo dies novissima comparetur, causam triplicem reddit Cornelius; sicut laqueo ex insidiis capiuntur aves incautæ, ita homines voluptuarii die novissimo capiuntur; sicut laqueus aves strangulat, sic iudicii dies peccatores suffocat; sicut laqueus semper retinet, quod semel cepit, sic novissimi iudicii sententia homines perpetuò constringit. Extemplo superveniet

cum minimè putabitur; erit proinde ille dies novissimus, illa hora novissima, illud novissimum momentum, quod non putatur. in aliis putare est errare, in hoc verò Salutis æternæ negotio putare quemlibet diem, horam, momentum esse novissimum, est extra omnem errorem versari.

Quodsi igitur scire quis velit, quot anni, quot dies, quot horæ & quadrantes, & quadrantium momenta ad novissimum sint diem, horam, quadrantem, minutum? huic respondeo esse unicum:

Omnem crede diem tibi diluxisse supremum.

nec diem tantum, sed horam, sed momentum supremum puta:

Momento à quovis vitæ pendere memento,

Sive perenne bonum, sive perenne malum.


Tantum à die novissimo abes, quantum abes à morte: qualom te novissimus vitæ dies inveniet, talem novissimus mundi dies te iudici sistet, hæc duo cogita & age quod agis, quia mors, iudicium, æternitas prope est in januis.

Antonii Magni documentum fuit supremum: ut manè quotidie cogitent diem illum fore sibi novissimum, itaque ætus omnes quisque die illo sic obeat, quasi certò sit moriturus & coram æterno iudice redditurus rationem. dicat unusquisque sibi quotidie: hodie

cepi vivere DEO, hodie quæ finiam & moriar. Idem documenti dedit D. Gregorius Nazianzenus in monostichis: *Agendorum principium & finem constitue DEUM, vitæ lucrum sit quotidie excedere vitæ & mori.* Utilitatem hujus exercitii describit S. Hieronymus epistola ad Cyprianum qui ubi dixisset: *nihil ita decipit genus humanum quàm quòd, dum ignorant spatia vitæ suæ, longiorem sibi sæculi hujus possessionem repromittunt. unde & illud egregie dictum est, nullum tam senem esse & sic decrepita ætatis, ut non se adhuc uno plus anno vive-*

vivere suspicetur. hæc inquam ubi dixisset, prudentissime subiungit: ad hunc sensum pertinet & illud quod dicitur: memorare mortis tuæ & non peccabis: qui enim se recordatur quotidie moriturum, contemnit præsentia & ad futura festinat. Diem novissimum cogitare esse in januis, ut cum dominus venerit & pulsaverit, confestim aperias ei, dicāsque festivum illud: Ingredere auditurus vicissim: Intra in gaudium Domini tui.

Corona Problematis esto §. 7. Emblemata.
Horologium, cuius indicem Mors dirigit, cum appposito circumscriptis duodecim horis lemmate: *Ex his una.* Ex nubibus tubicen Angelus innat: *quâ horâ non putatis,* in idem horologium digitum intendens Pathmæus Vates monet: *filioli hora novissima est* Tutelaris verò Genius suggerit: *Quovis Momento Finem appropriare Memento.*



PRO-



PROBLEMA XXVIII.

Cur incarnandus DEI Filius rori comparetur? DOMINICA I. ADVENTUS.

Rorate Cæli de super! Isaia 45.



Quemadmodum annus solaris in quatuor partes; Ver, Æstatem, Autumnum & Hyemem sapienter est divisus; ita sapientissime in quatuor principaliores partes, annum suum sanctum, Sancta Mater Ecclesia partitur: Adventum scilicet, Quadragesimam, Pascha & Pentecosten. Initium facit hodie à Dominico Adventu; qui quia quadruplex est, quatuor item Dominicas sese insequentes quadruplici Adventui sacras esse voluit; quarum quælibet diverso Domini ad nos adventui corresponderet. Et primus quidem Domini adventus fuit secundum Carnem; quando videlicet Verbum Domini carne vestitum apparuit: quem figurasse videtur in Evangelio Dominicæ quartæ, utpote Nativitatis Christi vicinissimæ, in quo mentio fit vaticinij Isaia Prophetæ, de Messia venturo ita vaticinantis: *Videbit omnis Caro Salutare DEI*. Quo tempore mundus quasi in Vere quodam delicio fuit, ac florido; siquidem *Virga lesse tunc floruit & flores apparuerunt in terra nostra. Cant. 1.* secundus Domini Adventus fuit, estque defecto per inhabitantem corda nostra gratiam sanctificantem, secundum illud Christi: *si quis diligit me, Pater meus diligit eum, & ad eum veniemus.* Joannis 14. Adumbratur adventus hic in Evangelio Dominicæ

secundæ, in quo multiplices gratiæ, à Christo adveniente, hominibus collatæ memorantur, quæ gratiæ fructus quidam autumnales sunt, & poma nova. Cantic. 7. in vicem pomi Adamei, humano generi fatalis, à Redemptore nostro mortalibus allata. Tertius Domini adventus erit in particulari cujusque nostrum judicio juxta illud Pauli: *statutum est omnibus hominibus semel mori, & post hoc judicium.* Huic respondet Evangelium Dominicæ tertiæ Adventus, ubi Joannes: *Tu quis es?* rigidè examinatur. Hoc verò judicium brumali tempori apprimè comparatur. Quartus Domini Adventus erit in die judicii, quem ipsum hodiernum Evangelium æstivo tempori comparat. De novissimo hoc adventu, quia jam fusè egi alibi, & S. Mater Ecclesia singulis totius adventus diebus solenni suo *Rorate* primum Domini adventum in carne, nobis in memoriam revocat, huic ipsi & ego hodie immo rabor, quæstionem hanc resoluturus: Cur incarnandus DEI Filius rori comparetur?

Hebr. 9.

Famosus ille inter Poetas Naso Tomitanus postquam mundi Creationem versibus suis adamussim depinxisset, in quatuor ætates eam ita dispertijt, ut primam auream, argenteam alteram, tertiam æneam, quartam demum ferream compelleret:

Aurea prima sata est ætas, - - -
Subiitque argentea proles,
X
Tertia

§ 2.
Mundus in
quatuor
ætates
divisus.

§ 1.
Uti solaris
annus, ita
Ecclesiasticus
quadrifariam
dividitur.

Isaia 40.

Matth. 11.

Problemata P. Philippi Hartung.

(Proles)

Tertia post illam successit ahenea
 - - - de duro est ultima ferro.

Hæc ille sub gratiofo fabularum involucro. Et sanè, si nuda sub veritate rem consideremus atque proponamus, quid aliud fuit Innocentiæ prima ætas, quam ætas argentea, argento pretioso æquè ac candido persimilis? Verùm pro dolor! vix paucorum illa dierum, imò nè vix quidem, sed paucarum fortè horarum fuit, & en mox illi ferrea successit, ferreos proferens homines, qui horridis diluvij aquis absorpti, mole sua graves, in ima barathri præcipientes, ferri ad instar iverunt. Ætatem ferream ænea subsequuta est, qua durante scriptam legem DEUS Israëlito dedit populo, æneumque serpentem Moyses exaltavit in deserto. Extrema tandem ætas illuxit aurea, quando DEUS ipse, simul Dominus, illuxit, & in carne nobis apparuit. Ætas profectò aurea, ac felicissima, quæ ceteras omnes fulgentissimi auri, margaritarum, & omnigenâ bonorum copiâ superavit: tunc enim apertis, imò disruptis Cœlis, qui teste Jobo solidi, & quasi ære fusi, veluti quodam cornucopiæ super tellurem effuso, quæ antehac marcida, sterilis, & infæcunda reviviscere, & revirescere cœpit humus; impletumque est illud Davidicum: *Descendet* (Christus Messias) *sicut pluvia in vellus, & sicut stillicidia stillantia super terram. Orietur in diebus ejus Justitia, & abundantia pacis.* Veluti post pluviam vernam, seu Majalem rorem fieri afolet. Hæc nimirum est illa p'uvia, hic ros tantis tamque diuturnis per quinque millenos centum & nonaginta novem annos antiquorum Patrum votis expetitus, indesinenter clamantium: *Rorate Cœli desuper, & nubes pluant justum.* Rorârunt, pluerunt, in tantum quidem, ut, quod prædixit Joël c. 3. In

illa die (id est Incarnationis Christi) stillaverint montes dulcedinem Cœlestis illius roris. Plûsne amabò ad auream ætatem, sæculumque requiri potest, quàm cum Cœli nil, præterquàm merum aurum, aurum purissimum rorant, & verò pluunt? Quòd si enim rorem ordinarium, & pluviam; auri insignimus nomine, quâ sitiens terra opportunè irrigatur, singulâsque guttas merum aurum reputamus, non alia de causâ, quàm quòd irrigatio ejusmodi frugibus mirum in modum proficua, ubertatem rerum omnium spondeat, & afferat; quantò magis rorem vocamus aurum, pluviamque auream, voluntariam illam, quam segregabit DEUS hæreditati suæ? Et verò, quid aliud est Caro Christi in utero Virgineo concepta, nisi aurum optimum, quale in terra Hevilath progignitur? ita docet S. Richardus à S. Laurentio inquires: *corpus Mariæ terra est Hevilath* (Genesis 2.) *de qua exortum est aurum optimum, scilicet Caro Christi, ex cujus pretio impretriabili omnes Justî locupletati sunt.*

S. Augustinus lib. 1. Confess. c. 15. fabulam recenset, quam 4. Metamorph. scripsit Ovidius: quòd summus Deorum Jupiter inamoretus sit in puellam Danaën (quam aheneæ turri incluserat Pater Acrisius, nè illius pulchritudo cuiquam mortalium pateret) útque eadem frueretur, in rorem aureum se mutârît, atque sic transformatus in puellæ sinum illapsus sit, ex cujus deinde partu Perseus prodijt Gorgonis domitor. Placuit hæc fabula Augustino, ut umbra ingeniosæ veritatis. Jupiter idem significat, quod Juvans Pater, & denotat Filium DEI, qui ab Isaia cap. 9. & 8. *Pater futuri sæculi* nuncupatur, hoc est aurei sæculi. Adamavit hic pulcherrimam mulierum, David filiam, quæ erat

Numer. 31.

Job. 37.

Ps. 71. v. 6.

Isai. 45. v. 8.

Ps. 67.

Richardus
lib. 4. de
laud.
Virginis

§ 3

Jovem in
rorem au-
reum amo-
re Danaës
mutatum
fabula est:
Filius
Dei velut
rorem au-
reum vir-
gini illa-
psum, vo-
ritas est.

erat ipsamet *Turris David*, *Turris eburnea*, *Turris Libani* cum propugnaculis, ut ait S. Bern. serm. 4. super salve. in cuius castissimum sinum se insinuans homo factus est, & hominum quidem heroūque fortissimus, qui infernale monstrum contrivit, mundūque totum aureo, id est, gratiarum & donorum omnium rore irroravit. Præfatus Jupiter (eodem Nasone fictore) tenebrum sui cultum compensaturus Rhodij, aureique cujusdam seculi speciem factururus, super eos auream rupit nubem, aurōque in signum favoris pluit. At obmutescat Ovidius: sileant Rhodij aureum in nube Jovem, quinimō stupeant, & admirantur in omnibus aureum Numen: quantus enim non iste DEI favor est, quantæ non opulentæ seminarium, non unam aliquam roscidam nubem, sed ipsum, ut itā dicam pectus rupisse, indeque fontem omnis boni, thesaurōsque incomparabiles non super unam Rhodum, sed super universum mundum effudisse! *fic DEUS dilexit mundum, ut Filium suum unigenitum daret*, ait ipsemet DEI Filius Joannis 3. quasi diceret: sic dilexit, ut magis non potuerit: dedit enim cum hoc rore & pluvia aurea quidquid habuit Paulo teste: *quomodo non etiam cum illo omnia donavit nobis?* Rom. 8. v. 32. scitè Hugo in illud Matth. 13. *simile est Regnum Cælorum thesauro etc.* Christum, *DEI Thesaurum* appellat; rursus explanans illud, quod sequitur: *simile est homini negotiatori querenti bonas margaritas etc.* Christum margaritæ comparat pretiosissimæ, quæ ex sæpe dicto aureo rore cœlitus delapso nata est. Divus item Ambrosius, *margarita* (inquit) *Christus est Dominus, quam negotiator ille dives in Evangelio, venditis omnibus rebus suis emere festinavit, & maluit omnes quas habebat seculi gemmas amittere,*

tantum ut unam Christi emeret margaritam.

Quærit Job 38. v. 28. quis genuit stillam roris? O Job quam miror, te id ignorare. si de rore naturali quæris, respondebo cum Physiologis, Lunam esse genitricem roris; si de Divino loqueris, dico: pulchra ut Luna Maria hujus roris Genitrix fuit, & idcirco hoc sacro Adventūs tempore illius honori *Rorate* decantatur; Maria equidem est, quæ *procedit quasi aurora*, seu aura rorans, cujus castissimus uterus conchæ instar fuit, in quam Ros ille aureus decidens in pretiosissimam margaritam efformatus est. Quapropter S. Damascenus hortatur: *Letetur mundi mare: in ipso concha gignitur, quæ cœlitus concipiet, & Christum, ingentis pretij unionem pariet.* Et D. Ephrem serm. de margar. pretio: *O immensam DEI liberalitatem! conchæ enim (Mariæ) committit margaritam* id est, Filium suum.

Plinius l. 9. c. 35. principium, culménque pretij rerum omnium margaritam appellat. Tertull. Lib. de habitu mulier: vocat eas Patrimonia. quasi nimirum pretio suo ampla patrimonia & hereditates, imò Insulas & Regna integra exæquent. Brevissimis conchæ prolibus (inquit) patrimonium grande præfertur, *saltus & Insulas cervix fert.* Ob hoc margaritæ, ut res desideratissimæ votum mundi dictæ sunt. Inde etiam metaphora ad homines, qui nobis præ alijs cari & desiderati sunt, ducitur, ut margaritæ dicantur. Sic Theodora Augusta Theodosium post longa desideria sese illi exhibentem, Gemmam suam nuncupavit. Sic Proclus in panegyrico Chrysostomi, eum prædicationis margaritam asseruit; cupidissimè siquidem ab omnibus audiebatur. Et quis amabo majoris pretij, quis magis in votis orbi universo erat, quàm Christus

§ 4.
Rorem gignit Lunæ, Jesum Mariæ, in cujus utero velut concha in Gemmam efformatur.

Orat. de Nativ. Virginis

Epiphani. Ep. 40.

Nicolaus
Causinus
Symb. L. 1.

D. Ambrosius
in festo S.
Luciæ.

Christus Messias : qui idcirco Prophetæ Aggæo desideratus cunctis Gentibus ac populis indigitatur *Veniet desideratus cunctis Gentibus*; vel ut Hebræus habet: *venient desideria cunctarum Gentium*. Licet enim (ait Cornelius hic) Gentes infideles eum non desiderarent desiderio & appetitu elicitō, utpote quem non cognoscebant, desiderabant tamen appetitu innato seu naturali, tanquam sibi maximè utilem & necessarium ad hoc, ut è suis tenebris liberarentur, sicut terra arida hiando pluviam, & quodammodo ipsa clamat: *Rorate Cæli*.

§ 5.
Margaritæ
magis præ-
tiosæ: sed ma-
ximæ, & in-
æstimabi-
lis Incarna-
tus Dei Fi-
lius.

Gemmæ ob pretium & venustatem, quâ nitent, præcipua hominum ornamenta sunt. *Gemmæ* (inquit Tertull. de habitu mulier: c. 6.) *tardè teruntur, ut niteant, & subdole substruuntur, ut floreat, & anxie forantur, ut pendeant*; de collis videlicet, auribus, & pectore &c. quo sese ornandi studio fæminas maximè distineri asserit, porro inquit: *maximi pretij margarita mundum muliebrem per summam lasciviam mirandum in modum invasit*. Non pudet miseras totum suum studium in hoc ostreo ponere. Verùm quid margaritæ orbis universi, si in computum veniant cum illa, quæ est Christus ex cœlesti rore aureo in concha Virginei corporis concepta & efformata? Omnis illarum splendor respectu hujus meræ tenebræ; pretium, non nisi quisquilæ sunt. Oquàm infinities venustius hoc unione exornata comparuit S. Agnes, castissima sponsa, quæ dum ad profanas nuptias à Præside sollicitaretur, hunc in modum protestabatur: *Amo Christum, in cujus thalamum introibo; cujus Mater Virgo est, cujus Pater seminum nescit: quem cum amavero, casta sum, cum accepero, Virgo sum, qui dexteram meam & collum meum cinxit lapidibus pretiosis, tradi-*

dit auribus meis inestimabiles margaritas, & circumdedit me vernantibus atque coruscantibus gemmis. Quàm longè illustrior incescit converſa ad Christum Pelagia Antiochenaquàm dum meretricio ornatu in tantum fulgebatur, ut mera gemma videri posset; rogata enim subinde à S. Nilo, quod ipsi nomen? respondit: *naturali nomine Pelagia dicta sum à Parentibus, Civēs verò Antiochiæ margaritam me vocant, propter pondus ornamentorū, quibus me adornaverunt peccata mea*. Ego enim eram ornamentum & ergasterium Diaboli. Quasi dicere voluisset, ornamenta, quibus peccatrix ornabatur, fuisse quasi carbonēs & titiones inferni, respectu donorum Cœlestium, gratiæque Divinæ, quâ eam verus sponsus Christus JESUS decoravit. Rectum judicium, & prorsus conforme D. August. Margarita pretiosa est Christus, sine qua nihil tibi prodest quodcunque habueris; quam si solam habeas, sufficit. Huic enim verò longè melius convenit epigraphæ, quam Carolus IX. Rex Galliarum Gemmæ cuidam insculpi fecit, Nobili post matronæ donatæ: *Qui me habet, omnia habet*.

Tract. 5. in
ep. Joan.

De Cornelia Gracchorum Matre scribit Valerius, cum Campana Matrona apud illam hospitata, annulos, uniones, gemmas, omnia denique ornamenta sua illo seculo pulcherrima ostendisset, Corneliæ dum è schola redirent liberi (qui ad nutum Matris Campanam salutaturi accesserant) dixisse hospitæ: *hec mea ornamenta sunt*. O quanto magis anima, quæ Christum, hanc gemmam possidet, illius gratiâ ornata dicere potest: *Hæc ornamenta mea sunt*. Sicut enim teste S. Ignatio Mart. pretiosissimum Christi monile sunt Virgines, atque adeo omnes animæ iustæ; ita illis pretiosissimum monile est Christus.

A. A.


In officio
Ecclesiæ:

§ 6.
Quàm vili
aliqui ro-
rem aure-
um, & pre-
tiosissi-
mam mar-
garitam
habcant.

A. A. Faciamus ad Epilogum, bre-
vem super nos ipsos reflexionem,
in quo pretio memoratum hucus-
que Cœlestem aureumque Rorem
& Margaritam habuerimus. Nobi-
lissimus nonnemo in Gallia Cardina-
lis gemmam habuit charissimam,
quam propter mirificam lucem &
pulchritudinem centum ferè milli-
bus aureorum æstimabat, dederat
hanc fidissimo familiæ suæ securita-
tis gratiâ ad cor gestandam. Ver-
bum, quod nostri amore Caro fa-
ctum est, dignissima sanè gemma est,
quæ ad cor, imò in corde ipso mun-
do, ut concha, feratur. Sed (prò)
quàm multi mortalium cæci sunt!
qui pretiosissimam hanc gemmam
vilissimis rebus posthabent! Quid
vilius edulio lentis? & ta-
men huic pretiosam primogeni-
turam Esau postposuit. Esau ad-
mentem Cornelij peccatorem signi-
ficat edulium vile, vilem quamvis
delectationem, quam in quovis gra-
vi peccato inquit peccator. Pri-
mogenitura Mariæ Primogenitus
Christus est, & sancta ejus gratia, cui
sæpe sæpius momentanea, eaque

peccaminosa delectatio præponi-
tur, atque ita gratia venditur. Judas
mercator pessimus dicitur, eò quòd
gemmam pretiosissimam Christum
30. argenteis vendiderit. Judâ pe-
jores, viliori quandoque vendunt.
Vt ejusmodi stultis mercatoribus
in ultimo illo adventu Domini! di-
cetur illis: *nescio vos*. quia vos me
prodegistis & pretium mei agnosce-
re noluitis. Non sic nos A. A. sed ut
monet S. Chrysostomus discamus
nunquam negligere à DEO data, ne-
que perdere magna propter parva
& vilia. Quod si aliquis neglexisset,
gemmam & rorem hunc perdidisset;
hoc sacro tempore clamare & inge-
minare non cesset: *Rorate Cœli!* O
aurea hora quando venies! O Luna
pulchra & plena, quando rorem pa-
ries? en hiat cor meum, ut concha:
expando cum Gedeone vellus desi-
deriorum meorum: cum Jacob de
rore Cœli benedici postulo! Porro
ubi desiderio adverterimus annuisse
Rorem hunc aureum, hanc pretio-
sissimam gemmam feramus in cor-
de, ut vicissim ejus in corde ab ipso
portemur, id est, æternum amemur.

Matth. 25.



PRO-



PROBLEMA XXIX.

Quare Joannes in Vinculis?

DOMINICA II. ADVENTUS

Joannes in vinculis. Matthæi II. v. 2.

§ I.
Elogia S.
Joannis.

Ioannes in vinculis? Joannes gratiam sonat, gratiarum epitome Joannes fuit, & ille in carcere? *Joannes virtutum schola, magisterium vite, sanctitatis forma, norma justitie, Virginitatis speculum, pudicitie titulus, castitatis exemplum, pœnitentie via, peccatorum venia, fidei disciplina, Joannes major homine, par Angelis, Legis summa, Evangelij sanctio, Apostolorum vox, silentium Prophetarum, Lucerna mundi, præco Judicis, præcursor Christi, Notator Domini, Testis DEI, totius medius Trinitatis.* Chrysologus serm. 167. Et Joannes in vinculis? Joannes, qui antè pervenit ad cælum, quàm terram tangeret, antè cepit vivere DEO, quàm sibi, inquit idem serm. 91. Et hic Joannes in terra in vinculis? *Inter natos mulierum, qui in terra unquam vivere, vivunt defuncti, aut victuri sunt, Joannes præcellit cunctis, Joannes eminet universis, & quisquis ex muliere (scilicet non Virgine) inferior est Joanne.* S. Ambrosius serm. 94. Et hic in vinculis? *Quisquis Joanne plus est, non tantum homo, sed DEUS est.* Augustinus serm. 4. de Bapt. nimirum ut doctè S. Maximus: *hic est, qui judicio cœlestis sententiae cunctis mortalibus antefertur, dicente Domino: Inter natos mulierum non surrexit major Joanne Baptista.* Ex quo Dei

hominis oraculo colligit Gerson, Dominum in Cœlo Matrem suam super omnes & hominum & Angelorum choros collocasse, & huic proximum Joannem Baptistam, loco scilicet thronoque Luciferi. Et hic tantus Joannes, adeo apud DEUM gratiofus in carcere, vinculis, tribulatione & adversitate? Ità est, *Joannes in vinculis*, & paulo post educendus, capite crudeliter minuendus. sed cur hoc? Nomen pro ratione est, quia *Joannes*, id est gratiofus DEO, quod ipsum Joannes agnovit. *Joannes specie homo, formâ Angelus*, quia nihil carnis erat in eo. corpus tenebatur in carcere, anima autem in cœlo. *Et quod Herodes illi faciebat pro pena, ille suscipiebat pro beneficio.* *Et irâ illius quasi DEI misericordiâ, seu gratiâ fruebatur.* Chrysostomus hom. 27. operis imperfecti. Quâ, ut & nos fruamur, vincula, & per hæc intelletas adversitates Dei beneficiû gratiæq; signum certum esse ostendam.

Caeteras inter multiplices sollicitasque curas, quibus cor humanum frequenter inquietatur, etiam illa est, quæ hominem in dubio ponit, qualis coram oculis Dei appareat: *Nescit enim homo, utrum amore an odio dignus sit, sed omnia in futurum servantur incerta.* Ecclesiastes 9. v. 2. *Quis potest dicere (quærit S. Bernardus serm. 1. de septuag.) ego de electis sum, ego de numero filiorum sum? Et ferè similem fecit ad suos fra-*

§ 2.

Nescit homo utrum amore an odio dignus sit, mortalem tamen habet certitudinem si multa patiat.

os fratres interrogacionem Idem fer. 2. in Ascens. S. Aug. L. de ovibus. c. 10. *Quis scit an omnium vestrum, quos hic video, nomina scripta sint in cælo? Quanto putas gaudio repleantur omnia, ossa mea si id scirem? ovem te putas, hircum te forte novit DEUS.* Hæc ipsa cogitatio S. Mechtildem multum quondam angebat, quæ cum feriâ quartâ post pascha in sacri, cui aderat, introitu legi audiret illa verba: *Venite benedicti Patris!* In lacrymas soluta, in hæc prorupit verba: *O si scirem me unam esse ex benedictis illis!* cui Christus comparens dixit: *Scias certò filia te unam ex illis esse, Et ut nihil dubites, ecce ego do tibi cor meum in pignus amoris.* Tanto repleta fuit gaudio, & consolatione, ut penè dissolveretur, sicque hoc divini amoris pignus Mechtildem confortavit, ut usque ad vitæ finem inter millenas adversitates, quibus eam exercuit DEus, semper hilaris, semper in divinam conformis voluntatem plura pati promptissima vixerit. Tantum potuit ad patienter ferenda omnia adversa pignus amoris Divini. Et licet nos ejusmodi oculari & palmari signo sui erga nos amoris non dignetur DEus, satis tamen esse debet ad æquo fortisque animo ferenda adversa omnia, illa, quam ex Patribus & Scriptura sacra habemus, assecuratio Divini erga nos amoris, vel ex hoc ipso, si DEUS nos sæpe numero adversitatibus visitet, si ut terram aratro & occâ tribulationum findat & scindat, si ut frumenti granum varijs tentationum ventis probet. *Ubi patientia ibi DEUS* inquit Tertullianus, Patientia in adversis signum est evidens, ac apertissime demonstrans animam in me consistere pariter & in ea me per gratiam esse, dixit, repetijtque cœlestis Pater S. Catharinæ Senensi Revelat: dial. & T. 145. *Vis scire utrum in hoc regno,*

in hac Urbe in hac Domo, in hoc homine, habitet DEUS? Vide utrum ibi sit patientia. Ubi patientia ibi DEUS. Patientia, velut magnes ferrum, & magnetem stella polaris ad se trahit, ita DEum attrahit. Clarissimis verbis id ipsum Christus Matth. 5. *Beati qui persecutionem patiuntur propter justitiam.* & S. Spiritus Apoc. 3. v. 19. *Ego quos amo, castigo. Quem diligit Dominus corripit, Et quasi Pater in filio complacet sibi.* Proverb. 3. *Multæ tribulationes non quoruncunque sed justorum,* ut S. Ambrosius L. 4. in Lucæ 4. Blofius dialogum refert inter Sapientiam divinam & B. Henricum Susonem, in quo Sapientia errorem communem hominum de tribulationibus sic refutat: *Non rectè sapiunt illi, qui gravatè, Et cum querimonia afflictionem ferunt, omnino enim paterna castigatio est Et virga mea ex maximo amore proficitur.* Blofius de consolatione puill. c. 24.

Fingunt Poëtæ quod summus DEorum Jupiter sagittas quibuscum pingitur & quibus hominibus immittat diversæ tribulationes significantur, priusquam illas ejaculetur in ardentissima Vulcani fornace igniat. Hæc fabula, sed Christiana Veritas est, quod magnus & verus DEus sagittas tribulationum non mittat, nisi ignitas prius in fornace amoris Divini. Unde David psalmo 7. v. 17. *sagittas suas ardentibus effecit,* quæ verba Græcus ita habet: *sagittas suas amore implevit:* clarius Hugo Cardinalis supra memorata psalmi verba interpretans ait: *Ex igne Divini amoris sagittæ amoris veniunt.* Credo tibi querenti præ dolore cum lacrymis mi Christiane, quod longæva infirmitas tua, quæ dolorosè lecto affixus jaces, quod multiplex contemptus, quem patris, gravis persecutio, sub qua gemis, dura quacum consistaris paupertas

Ovidius. 1. Metamorph.

§ 3. Jupiter sagittas quas cœlo ejaculatur, prius in vulcania ignit. Deus verus in fornace Amoris.

Blofius in
appendice
de quatuor
sanctis fœ-
minis.

pertas tua instar acutarum sagittarum sint, quæ cor animamque ipsam transverberant, falsas ex oculis cient lacrymas, è profundo corde amaros protrudunt gemitus; sed hoc solatio tibi esse debet, quòd omnia, quæ pateris immediatè aut mediatè à Deo proficiscantur, quòd ejusmodi sagittæ ex Divini amoris fornace proveniant, in animæ tuæ bonum illis vulnereris corporaliter. *sagittas suas amore implevit.* Veritatem hanc docuit DEUS Moysen Exodi 3. v. 3. *pascebat* (inquit Scriptura) Moyses oves Jetro, cùmque minâset gregem ad interiora deserti, venit ad montem *DEI Horeb*, apparuitque ei Dominus in flamma ignis de medio rubi, & videbat, quòd rubus arderet, & non combureretur. Interpretes in hunc locum apud Cornelium dicunt rubum fuisse spinam, per spinas DEUM significare voluisse tribulationes, quas actu patiebatur, passurusque deinceps erat populus sub Pharaone; apparuit autem ardens rubus, ut intelligeret Moyses, docerètque populum tribulationem ex amore, cujus ignis symbolum est, proficisci, & ideo in patientia ferendas. Quod ipsum aliâ Scripturâ confirmari potest. Mundo & vulgo notum est, quæ & quanta ab inimico Saule innocentissimus David pati debuerit, penes DEUM in cælo, unum Davidis in terra solatium fuit Jonathas Saulis filius. Hunc, dum vice quadam ad mortem quæreretur, David pro sua fortuna obvium habuit, à quo de occultis struētis insidijs admonitus, & quise gere debet instructus fuit 1. Reg. 20. à v. 19. *Cras, inquit, calendæ sunt, & requireris. Descendes ergo festinus, & venies in locum, ubi celandus es &c. & sedebis juxta lapidem, cui nomen est Ezel. Et ego tres sagittas mittam juxta eum: & iaciam*

*quasi exercens me ad signum. Mittam quoque & puerum dicens ei: vade, & asser mibi sagittas. Si dixerò puero: Ecce sagittæ intra te sunt, tolle eas: tu veni ad me, quia pax tibi est &c. si autem sic locutus fuero: Ecce sagittæ ultra te (sive extra te) sunt, vade in pace &c. ubi notandum, quòd sagittæ intra, signum posuerit Jonathas, quòd bene ageretur res cum Davide, extra quòd malè. Sed cur sagittæ intra signum vitæ, signum pacis, contra extra signum malum, signum periculi David & mortis? Auditores Christiani, voluit DEUS hoc mysterioso sagittas jaciendi modo docere nos, qui agnoscamus qualis apud DEUM & nos sit constitutio. Si sagittæ tribulationum intra nos sint, si affligamur, signum bonum est; secus, si extra, si nunquam patiamur. Quo mysterioso jaculandi modo Jonathas edoctus jam tunc David passus postea, & sagittas tribulationum sentiens solatiose & confidenter Domino locutus est psalmo 37. *Domine nē in furore tuo arguas me.* Quod idem erat, ac si diceret, certus sum, quòd me non arguas in anima nimirum. Sed unde hæc certitudo? *Quoniam sagittæ tuæ infixæ sunt mihi*, quasi dicat, certum signum sunt flagella, quibus me cædis in corpore, quòd animæ meæ sis parsurus. *Quæ in nos interdum potens DEI manus jaculatur, non ad interitum sunt, sed salutem, quoniam signa sunt amoris Divini, non furoris*, ait S. Basilii in annot. in L. 1. Regum. Quòd bellè intellexere Sancti DEI, unde non, sicut nos plerumque facimus, qui pro malo signo habentes & poena, sagittas tribulationum declinamus, fugimus, & ipsi fugerunt, sed potius postularunt cum Augustino L. 3. Confess. c. 6. & 8. *Jacula tua Domine in me sint, & sagittæ tuæ seriant cor meum, ut dicere**

dicere continuo possim, cbaritate Divinâ vulneratus sum. Et dum illos DEUS adversitatibus visitavit, dum senserunt ejusmodi jacula, non murmurârunt, nec questi sunt ut nos, sed egere cum eodem pro illis gratias: *Gratias tibi ago Domine qui me creâsti hunc humilem vermem, pascis omnibus bonis, & sagittâsti cor meum cbaritate tuâ.* Non igitur murmurare, non queri, aut tristari & pusillanimes esse debemus, si quandoque flagellamur magis quàm alij, sed dolere, sed metuere & sollicitâ curâangi de anima, si bene cedant omnia, si etiam peccantes non castigemur pœnis corporalibus & temporalibus. *Flagellat DEUS omnem filium quem recipit* (inquit Scripturæ verbis S. Augustinus L. 1. de Pastoral.) *Esne forte exceptus? Si exceptus es à passione flagellorum, exceptus es à numero filiorum.*

Inquit Doctorum modernorum aliqui, cur super Christum in monte Thabor in gloria transfiguratum S. Spiritus descenderit, Paternaque vox audita sit: *Hic est filius meus dilectus in quo mihi bene complacui.* Matth. 17. Et cur dum in infami patibulo crucis affixus erat, inter millenos corporis, animæque dolores adeo à Patre desertus sit, ut erumperet in illa cor frangentia, & lacrymas excutientia querula verba: Matth. 27. *DEUS meus, DEUS meus, ut quid dereliquisti me!* Auditores tunc, tunc nostrâ opinione in doloribus & desolatione penè pereunti Domino Pater succurrere aliquo consolationis verbo debuisset, eumque suum filium dilectum nominare, cum ei sic, & ad mortem usque obediens factus fuit. Causam ingeniosam dat supra insinuat Doctor, in Cruce non fuisse opus ut filium suum nominaret, testareturque, si quidem ipsa passio, siquidem milleni dolores, quibus ex Pa-

tris voluntate patienter cruciabatur Christus, sat clarum indicium erant, quod sit dilectus filius; secus in monte Thabor, ubi, quia finè dolore, ubi, quia in gloria, quod tamen esset Filius DEO dilectus, expressâ voce opererat. Igitur non maleficium, sed beneficium est pati, & affligi à Domino, tantum quidem, ut S. Chrysostomus hom. 8. in c. 4. ad Eph. dicere non dubitet: *Vinctum esse propter Christum illustrius est, quàm sive Apostolum, sive Doctorem, sive Evangelistam esse.* Si quis Christum diligit, novit quid dico. addit: non ita beatum dico Paulum, quod in paradysum raptus, quàm quod in carcerem conjectus est. Si mihi cum Angelis standum fuisset sursum, aut cum Paulo vinctum in carcere, carcerem peroptâsem. Et S. Greg. hom. 15. in Ezech. *Tribulatio supremi gaudij introitus est:* quasi dicat: hæc est via Regia, qua DEUS ad gloriam nos rectâ deducit, extra quam omnis alia via error est ad perditionem. Si enim Regnum cœlorum emendo comparatur, solæ passiones illius sunt pretium: si gratuito donatur, non nisi solis donatur patientibus: si titulo amicitiae obtinetur, haud alij censendi sunt amici, quàm qui patiuntur: si vi accipitur, patientes soli vim ipsi inferunt: si per cambium, aut transmutationem, non nisi cum patientia commutatur: si dignæ mercedis loco confertur, nullius merces cœlum est, nisi passionis. *Tribulatio supremi gaudij introitus est.* Omnes cœli incolæ vestem

Apoc. 19.

Ezechiel, 9

Apoc. 7. tribulationes passi. Eccli. 30.

Problemata P. Philippi Hartung.

Y

Omnes

v. 1.

Tob. 12.
v. 13.Numer. 33.
v. 9.

Omnes, quotquot Deo accepti sunt per tentationem necessariò probantur. *Tribulatio supremi gaudij introitus est.* Electi ad 7 O. palmas nequaquam pertingunt nisi priùs amaras in Mara aquas tansierint. Peregrini Domini nequaquam terram intrant promissionis, nisi post frequentes cum septem nationibus barbaris superatos confictus: Joseph priùs in Ægypto non dominatur, nisi venditus priùs à proprijs Ismaëlitis fratribus. Onustus divitijs ad patriam Jacob non revertitur, nisi perpeffa priùs, eaque divitinà peregrinatione, atque exilio. Nec ad Regnum priùs sublimatus est David, nisi post longas Saulis persecutiones. Denique nec patientissim⁹ Job benedictione omniù priùs repletus est, nisi bonorum omnium corporis, atque ipsarum etiam prolium jacturam passus fuisset. *Tribulatio supremi gaudij introitus est.* Nullus unquam ex his qui maximè DEO acceptabiles fuerunt, sine pressuris vixit, ait Idem I. de Provid. sed bene illi, qui peccatores, qui filij iræ. qui quia spem non habent æterni boni, propter aliqua, quæ tamen agunt bona, permittit in temporalem remunerationem. DEus, ut illis ad tempus sit bene,

quibus æternum erit malè. Unde S. Hieron. ep. 25. ad Castrat. *Magna ira est, quando peccantibus non irascitur DEUS.* Medicus deferat infirmum; de sanitate desperatum est: si Magister eliminet discipulum è schola, signum est incapacitatis: Pater si conniveat omnia filio, signum est, quòd seriò non amet. His tribus officijs erga nos DEus Medici, Magistri, Patris, si non propinet subinde amaram potionem tribulationum, virgà te adversitatis non percutiat, exigua spes profectus in virtute, amoris & salutis est. S. Hieronymus in c. 16. Ezech. *Non eris amore dignus, qui indignus castigatione censeris. Misericordiam banc ego nolo, super omnem iram miseria ista est.* S. Bernardus serm. 42. in Cant. Si ita est Auditores, si tribulari, si pati adeò fructuosum est, si signum. Divini amoris, conformemus nos in omni passione Divinæ voluntati, osculemur paternam nos castigantem Virgam DEI, optantes cum Bernardo: *volo, irascaris mihi Pater misericordiarum, sed illà irà, quæ corrigit devium, sic cum sentio te iratum, maximè considero propitium.* dixerim ego. Verbo: dum sum in vinculis, agnosco me Joannem, Amen.



PRO-



PROBLEMA XXX

Qualis vox olim Joannes fuerit, & quales defactò voces sint homines?

DOMINICA III. ADVENTUS

Ego vox clamantis. Lucæ 3.

§ 1.
Universæ
Creaturæ
Sunt voces



Diffissimus Philo, posteaquam subtiliter de Divino sex dierum opere disseruisset, quasi pro complemento absolutissimam illius molis, unicam aliquam vocem pro universo diffusam desideravit, quæ DEO debitam diceret panegyrim. Laudetur DEUS, qui tam bene omnia fecit! Sed, quam Philo desideraverat vocem, hanc illo sapientior Paulus observavit & deprehendit, dum Creaturas omnes vocales & lingvâ præditas nominavit. *Multa* (inquit) *genera linguarum sunt in hoc mundo, & nihil sine voce est.* Nam teste Psalmistâ Psal. 18. *Cæli enarrant gloriam DEI. Vocem dederunt* (& usque modò dant.) *nubes*, Psal. 78. *Flumina quoque elevarunt vocem tuam.* Habac. 3. *Dedit vocem suam terra.* Psal. 92. Denique, canente Ausonio: *Nil mutum Natura dedit.* Et sanè si prorsus elingves agnovisset David Creaturas irracionales inanimatas, cur eas ad laudandum DEUM toties invitâisset? maximè Psal. 148. *Laudate Dominum de Cælis* &c. Laudant equidem, & in seipsis DEI Potentiam, Sapientiam, Bonitatem, & Pulchritudinem omnibus commendant; Juxta illud S. Au-

I. Cor. 14.
v. 10.

gust. lib. 13. Conf. *Ecce Cælum & Terra clamant: facta sumus. Tu Domine fecisti ea, quia pulcher es; pulchra sunt enim*, &c. Quid jam dicemus de homine, Creaturarum visibilium faciliè princeps? O! quanta in hoc solo vocum diversitas! quanta linguarum varietas! cum unaquæque Natio alio atque alio utatur sermone; Ut non immeritò *Homo* in Latino duplici vocali O. O. & M, quæ semi-vocalis est, exprimatur; ad significandum credo, hominem totum debere esse in mundi hujus deserto, quemadmodum Joannes erat, *Vocem Clamantis.* Quòd si ita est, videamus primò, qualis olim Vox S. Joannes fuerit? secundò, quales defactò voces sint homines?

Prænotandum, triplicem homini esse vocem: Una, est *Oris*, altera *Cordis*; postrema tandem *Operis*. Quod primam *Oris* vocem attinet; sua inter Philosophos quæstio, eaque controversa est. Stoici volebant esse percussum aërem. Democritus sonum in aëre excitatum. Alij, fluxum verborum ex ore fluentium, & ad se invicem allidentium, ut solent undæ. Aristoteles melioris Philosophiæ ocellus, ait esse sonum animalis ore prolatum. Et hæc prima hominis vox est. Sed

§ 2.
Triplex
hominis
vox est.
*Oris, Cor-
dis, Ope-
ris.*

Y 2

& altera

& altera, quæ Cordis dicitur; hoc enim subinde auditum est loqui. Certè hoc, quo vivimus ævo, P. Rochus Gonzalez Soc. JESU, fidei & Religionis causâ à barbaris capite plexus, auditus est ab illis, ex imo corde voces edere, & quidem articulatas, quæ ijs immanem cordis duritiam exprobrabant; quod hominem, qui ab extremo orbe, eorum salutem quæsiturus, venerat, capite minuissent, vitamque mortalem ei abstulissent, qui immortalem illis allaturus venerat. Sed hoc recentioris est memoriæ; demus alterum antiquioris. S. Mechtildis superis chara JESUM audivit, hæc ad se corde proloqui: *Veni amica mea, soror mea, sponsa mea; veni posside paratum à me tibi regnum.* Cui & ipsa corde respondit: *Dilecte mi, sponse mi; Ecce me!* Manet ergo cor humanum subinde loqui, & in voces abire. Sed cum miraculo inquires: non abnuo, verumtamen etiam illi sua vox, & quidem sinè miraculo est; Vox inquam, amoris atque affectûs pij, quâ cum DEO loquitur. Juxta illud Davidicum: *Eruðavit cor meum Verbum bonum.* Psal. 44. Postrema vox est Operis; de qua ita D. Cyprianus L. 2. de Martyr.: *Habent opera linguam suam; habent facundiam suam, etiam tacente lingua.* Hæc paucis de triplici illa voce, à qua olim in Orbe Judaico insonuit non solum ore sed æquè corde ac opere Magnus Baptista, imò insonuere rupes quoque, & nemora.

§ 3.
Joannes
fuit vox
Oris, Cor-
dis, & O-
peris Luc.
3. v. 3.

Primum ab oris voce; fuit enim *vox clamantis in deserto: parate viam Domini: rectas facite semitas ejus.* Ecce! quæ vox ab illius ore fluxit; quæ concio ad frequentem populum, dum esset *predicans Baptistismum pœnitentiæ.* Quem ut Auditoribus pervaderet, ad vocem

oris addidit & cordis affectus, piósque motus, & quibus efferveret cor, ebulliret, eruðarétque illud adversus obdurata capita, Lucæ. 3. *Genimina viperarum, quis ostendit vobis fugere à ventura ira? Vis aliam cordis vocem, eamque demissionis? audi quid de Christo dicat. Marci I. v. 7. Venit fortior me post me, cujus non sum dignus procumbens solvere corrigiam calceamenti ejus.* Vis & aliam fidei testem, atque indicem Messiæ? Excipe, quid de illo: *Ego Baptizavi vos aqua, ille baptizabit vos Spiritu Sancto.* Ecce cordis voces! Excipe & operis, simulque illud Evangelistæ: *factum est Verbum Domini super Joannem Zachariæ filium.* Cur inquires, in deserto factum, ac non potiùs dictum? sanè *Verbum dicitur non fit.* Hic latet arcana quædam secretioris Mysterij ratio, quâ docemur Joannem non tam voce, quàm opere locutum. Et verè in Joanne loquebantur omnia. Solitudo, in quam se abdiderat, vox erat; vestitus è pilis camelorum & Zona pellicea circa lumbos ejus vox erat: Locustæ & mel sylvestre, quòd edebat, vox erat: pœnitentia, quam subibat, & quòd etiam alijs prælucebat, exemplum, vox erat. & hinc Evangelistæ calamo rectè dicitur: *factum est Verbum Domini super Joannem*, non autem dictum; quia magis incubuit illi facere, quàm dicere. Unde bene Chrysologus serm. 167. sic de Joanne: *Erat Joannes totus vox, non ore solum sed vultu, vestitu, toto corpore, totòque animo DEUM sonabat.*

Marci I. v.
8.

Luc. 4. v. 3

Qualis vox olim in deserto Joannes erat, talem nos vult DEUS etiam habere modò in deserto hujus mundi; vult, ut simus vox Oris, alios ad bonum hortando, Christum confitendo &c. Verum non tantum Oris, sed vult, ut simus etiam vox Cordis; corde & opere illum diligen-

§ 4.
Homines
defecti in
mundi de-
serto ple-
rique nuda
vox Oris.

diligendo. Sed, proh! quàm pauci æmulantur Joannem! plerique enim philomelæ similes sunt, de qua ille: *Vox, es, prætereâque nihil.* Vox, sed nuda oris tantum quales erant Pharisei & Scribæ, de quibus Christus, Matth. 23. v. 2. *Dicunt, & non faciunt.* Quasi diceret, inquit Cornelius hic: *beneloquuntur, bene judicant, sancta docent, sed male vivunt, tum quia exemplo suo alios scandalizant, & ad violandam legem impellunt.* Contra ejusmodi inanes Oris voces, vox & verba Christi stant Matth. 7. v. 21. *non Omnis, qui dicit mihi: Domine, Domine, intrabit in Regnum Cælorum; sed, qui facit voluntatem Patris mei &c.* Consequenter & meam: Nam Patris & Filij eadem est voluntas; Regnum enim Cælorum sola verborum officia non obtinet (inquit S. Hilarius apud Cornel.) *de nostro est beata æternitas promerenda, præstandumque aliquid de proprio.* Unde S. Chrysostomus: *qui, inquit, non conversatur secundum verbum Christi, non intrabit in Regnum Cælorum.*

si diceret: Christianus non debet solum esse vox Oris & Cordis, sed & operis. Putassẽ hanc Hieronymi doctrinam sufficienter exprimendam fuisse, si cor electis dandum fuisset in Manus, prout S. Augustinus cum corde inflammato in dextera pingi solet. Verum profundius hic latet Mysterium, dum cor dare jubemur in humeros. Tandem ubi prius rationem inquisiero, cur Salvator post Petri oretenus factam Confessionem, & manifestatum cordis amorem, & propter utrumque traditas ipsi claves, concionem habuerit, de cruce bajulanda. Ediderat Apostolorum Primicerius fidei suæ professionem ad Cæsaream Philippi, & Apostolorum Collegio præponi meruerat. *Tibi dabo claves.* Matth. 16. Cum ecce cœpit, mox Dominus sermonem de abnegatione sui, & tollenda in humeros cruce instituere: *Si quis vult post me venire, abneget semetipsum & tollat Crucem suam.* v. 24. Et paulo post v. 27. *Filius enim hominis venturus est &c. & tunc reddet unicuique secundum opera sua.* Cur confessioni Petri subjungit Salvator abnegationem, & ad hanc sequaces animat spe mercedis & secururæ retributionis? Potuissent cogitare Apostoli, & circumstantes Auditores, sufficere ad salutem, si quis corde credat & profiteatur ore Christum esse Filium DEI vivi. Ad hunc errorem præcavendum, instruendosque fideles, quod præter vocem Oris & Cordis, Operum insuper requiratur, subjunxit: *Si quis vult &c. tollat Crucem suam.* Crucem tollere, hoc enim verò est: *Cor dare in humeros; seu: vocem esse Operis. Verus amor, non nisi passionibus probatur,* S. Chrysost. serm. 18. Conceptus hic S. Chrysostomi est causam reddentis, Cur post Confessionem Fidei

Y 3

subjun-

§ 5.
Deus vult
cor gestari
in humero
ad indican-
dum, ut fi-
mus vox
Cordis &
Operis.

Romani veteres pro Nobilitatis insigni Cor aureum gestabant in pectore, quod nulli præterquam Nobili sanguine prognato licebat gestare. Vult & DEUS à Christianis ut electo & Nobiliori populo suo Cor gestari. Sed ubi? Respondet Jeremias 31. v. 21. *Dirige cor tuum in viam rectam.* Septuaginta Interpretes habent: *Da cor tuum in humeros.* In humeris, non in pectore, ut genuinæ Nobilitatis insigne, vult DEUS cor gestari. At nunquid Cordis locus est in pectore; cur ergo in humeris ferendum? Causam symbolicæ hujus gestationis reddit S. Hieronymus hic: *significavit DEUS, quod cogitationes & verba debent operibus conjungi.* Quod est tantundem, ac

subjungatur bajulatio Crucis : *Confessus erat Petrus Christum esse Filium DEI; nè autem ad salutem hoc sufficere putaret, adjunxit ad hoc opus esse sui abnegationem, & Crucis bajulationem.* Nè verò Crucis portatio plus nimio Cor affligeret, ipse præmij loco recreavit addens : *Filius hominis reddet unicuique secundum opera ejus.* Quasi diceret : supremus Musices Magister, non delectatur, nec remuneratur solas voces *Oris*, nec solius *Cordis*; sed simul *voces operis.* *Opera enim illorum sequuntur illos.* Apoc. 14. v. 13.

§ 6.

In deserto hujus mundi non desunt voces: sed ut plurimum pessimè sonantes vitiorum 1. Joan. 1. v. 19.

1. Joan. 5. v. 19.

Non est quidem in hoc mundi deserto defectus vocum operum, sed non parium S. Joannis; nempe *virtutum*, cujus concentu (teste Tullio) *nihil est suavius*; sed vitiorum aures Divinas ferientium, & pessimè sonantium, Habere enim & vitia, quibus mundus plenus est (*totus mundus in maligno positus est*) voces suas, planè indubitatum est; cum id sacræ paginæ & SS. Patres compluribus adstruant testimonij. Sic apud Prophetam Jonam de Ninive (Jonæ 2.) ejusque incolis peccatoribus queritur DEUS : *Malitia ejus ascendit coram me.* pro quo Septuaginta legunt : *Vox seu clamor malitiæ ejus.* Et de Sodomitis, Genes. 18. *Clamor Sodomorum & Gomorrhæ multiplicatus est, & peccatum eorum aggravatum est nimis.* Quasi dicat : Peccata Sodomæ ita enormia sunt & impudentia (hoc enim teste Augustino clamor significat) ut ubicunque & publicè in omnium ore versentur, adeoque fama (ut Vatablus legit) eorum per Angelos in Cælum sparsa ad me pervaserit. Quàm horrenda autem vox & clamor sit ille peccatorum, declarat David pœnitens, Psal. 37. cum rugitu Leonis proferens; *Rugiebam à ge-*

mitu cordis mei. Porro, quantò majora & enormiora sunt peccata, tantò enormiores edunt voces, ita ut celari & abscondi non possint. *Clamorem* (inquit S. August. L. 1. in Genes.) *solet ponere Scriptura pro tanta impudentia, ut nec verecundiâ, nec timore abscondantur.* Cujusmodi apud D. Thomam tria; in Catechismo P. Canisij quatuor ponuntur in Cælum clamantia peccata, sic per Antonomasiâ dicta : Homicidium nempe voluntarium, Sodomia, Oppressio pauperum, Operariorum merces defraudata. Nil quidem peccatoribus potiùs, quàm peccata occultare; nihilominus silente lingua clamant, & mirabiliter propalantur.

Stupendum est, quod Stengelius Noster refert. (a) Seniculus quidam Lucernæ Helvetiorum in hospitali jam longam ætatem vixit, ab omnibus habitus simplex & rectus. Accidit aliquando, ut otiosus inter reliquos vetulos & vetulas præforibus domûs hospitalis affideret, ut istis in more est. Ibi eis diversa, fabulantibus per longissimam Urbis plateam, horrificus descendit Molossus demortui hominis caput ore ferens. Quo cane cum Capite conspecto tremor cunctos & horror invasit; sed canis imperterritus per mediam stantium, sedentiumque turbam irrumpit, & seni jam septuagenario aut octogenario calvum cranium in sinum ponit, eoque relicto tacitus abit. Admirantur factum insolens omnes, & senem intuentes obstupescunt; qui & ipse consternatus surgit, palamque fateatur : ante 30. annos puerum à se studiosum in sylva vicina occisum, eò, quodd sperasset, se pecunias apud illum inventurum; sed non nisi tres cruciferos reperisse; corpus in fossam abjecisse; agnoscere autem caput

§ 7.

(a) Divinorum Judiciorum T. 4. l. 52. n. 2. Vox peccatorum horrida

put occisi nunc ad se delatum; quia a puero ad DEI tribunal citaretur. Captus igitur, & in tam fera ætate capite plexus est, ut supplicio suo doceret: & mortuos, eorumque ossa vociferari & clamare. Ecce! hoc est, quod dixit Christus Hierosolymam ingressus, Lucæ 19. *Amen dico vobis, si bi tacuerint, lapides loquentur.* Pharisæis hoc dictum, volentibus turbæ Hebræorum festivum Osanna impedire. Idem tibi dictum puta sanguinarie parricida, scelestè fur, & inique raptor, turpissime Sodomita, pupillorum ac viduarum injuste Oppressor, si tua flagitia tu tacueris, lapides, elementa, bestię & irracionales creaturæ loquentur & divulgabunt, sicut divulgasse, passim in historijs legere est. Dicant, quod volunt pupillorum Præsides; Viduarum iniqui Oppressores; familiæ, & servorum, defraudatores, operariorum & Mercenariorum, Salarij seu debitæ Mercedis retentores: pallient, quantum possunt fraudes & injurias: aliena apud se vi retineant; illa tamen velle ipsa arca & crumena clamant, instantque: Cur me detines? cur me captivas, cum tua non sim, sed pauperum, quorum sudor & sanguis in me collectus adversum te bullit, non secus ac homines occisi cadaver ad præsentiam occisoris? Hoc namque

peccatum homicidij permagnum esse docet Divinus Sapiens, dum Ecclesiast. 34. ait: *Qui effundit sanguinem, & qui fraudem facit mercenario* (addo ego, pupillo & viduæ:) *fratres sunt.* Uterque enim vitam aufert alteri; ille percutiendo &c. iste negando, videlicet, media conservandæ vitæ necessaria; Unde fame, ærumnisque miseros sensim perire ac tabescere est necessum. Ecce (Jacobi 5.) *merces operariorum, qui messuerunt regiones vestras, quæ fraudata est à vobis, clamat: & clamore eorum in aures Domini Sabaoth introivit. Nonne lacrymæ viduæ* (idem est de pupillis &c.) *ad maxillam descendunt, & exclamatio ejus super deducentem eas?* Ecclesiast.. 35. *à maxilla* (pergit ille) *ascendunt usque ad Cælum, & Dominus exauditor non delectabitur in illis.* Planè non delectabitur, sed, ut Rabanus loquitur, gravissimè offendetur, indignabitur, & puniet. Absit à Nobis, ut tales voces simus, sed qualis Joannes, virtutum omnigenarum, bonorumque & DEO placentium operum, quibus delectatur Sponsus. *Sonet vox tua in auribus meis: vox enim tua dulcis.* Cantic. 2. Ut in die illa audire mereamur dulcissimam vocem illam: *Venite Benedicite &c.* Matth. 25.



PRO-



PROBLEMA XXXI.

Nascituro rursus in mundo Domino ,
quænam ipsius Mater &
Genitrix?

DOMINICA IV. ADVENTUS

*Venit in omnem Regionem Jordanis prædi-
cans Baptismum Pœnitentiæ.*

Lucæ. 3.

§ 1.
Contraria
juxta se-
posita ma-
gis eluce-
sunt



I aliunde nescirem S. Evangelistam Lucam artis pictoriæ gnarum fuisse satis id ipsum colligerem ex ordine hodierni Evangelij ab ipso scripti. *Contraria juxta se posita magis elucescunt* : Philosophorum axioma est. Quod re ipsa periti Pictores observant : qui, ut colorem unum, vg. album, melius educant in lucem, umbram obscuram, aut colorem nigrum juxta ponunt. Simile quid S. Evangelista & Pictor Lucas in hodierno Evangelio observasse videtur : qui, ut immensam DEI erga Mundum benignitatem & misericordiam clarius proponeret, juxta posuit miserandum mundi statum, in quo, adventante in mundum DEI Filio, erar. Caput Orbis Romanique Imperij, Tiberius erat, ob crudelem lasciviam

que vitam universale scandalum : Judææ præerat Pontius Pilatus, ab injusto agendi modo & pernicioso humano respectu infamis : Galilææ dominabatur turpis adulter Herodes : summi Pontifices erant Viri sacrilegi, Annas & Caiphas &c. Ex quibus mundi Caputibus, qualis tunc Mundus fuerit, colligere est. Teste namque Lucano ipsaque experientiâ : *in vulgus manant, exempla Regentum. Et qualis Rector est Civitatis* (idem est de toto Regno aut Imperio :) *tales & habitantes in ea.* Ecclesiastici 10. v. 2. *Verè ad vesperascebat* (inquit de illis temporibus S. Bernardus ser. 1. de Adam) *& inclinata erat jam dies : recesserat sol Justitiæ, & abundante iniquitate fervor refrigerat charitatis. Jam non apparebat Angelus, non loquebatur Propheta. &c. Et ego (ait Filius DEI) tunc dixi : ecce venio.* Puta, ad mundi salutem.
Tunc

Tunc apparuit benignitas Salvatoris ad Tit. 3. v. 4. Tunc, cùm *Mundus totus in maligno positus* esset: Joan. 5. Tunc, cùm universali rursus cataclysmo mergi mereretur, aut delapso cœlitus igne instar Sodomæ & Gomorrhæ incinerari; tunc apparuit benignitas Salvatoris. Præcursores suum Joannem ex eremo evocat qui Orbi toti prædicet Luc. 3. v. 3. *Baptismum Pœnitentiæ in remissionem peccatorum.* Eundem nobis prædicat S. Mater Ecclesia repetens Præcursoris verba: *Parate viam Domini &c.* Quod autem id faciat ante instans Feitum Nascens Domini, meâ opinione facit ideo: ut denuo formetur Christus in Nobis, Galat. 4. v. 19. & spiritualiter nascatur. Quod si ita est: quænam illius Mater & Genitrix futura? audiamus.

Dies isti, quos annuè hoc tempore obimus, ab Ecclesia dies Adventûs; vel, ut placet alijs, *dies Expectationis* dicuntur, eò quod toto hoc sacro tempore & diebus, expectemus adventum & Nativitatem Domini JESU; unde etiam in quotidiano officio Ecclesia nos monet: *Prope est jam Dominus, venite adoremus.* Sed percontari licet: si nasciturus rursus Dominus est, quænam erit ipsius Mater?

§ 2.
Pœnitentia est Mater Christi.

Scio equidem annis abhinc mille sexcentis 88. castissimam Virginem MARIAM peperisse Christum; sed cùm iteratò instet Nativitatis festus dies, quænam Mater Christum Nobis est paritura? Resolvit dubium doctissimus Hugo Card. in Problemata P. Philippi Hartung.

Judith 6. v. 7. dum ait: *Pœnitentia Dominum parturit.* O beata Christi Mater Pœnitentia! quis dignitatem tuam dignè prædicet? multum in tui laudem dixisse videri potest Isidorus L. 1. c. 12. inquires: *Pœnitentia sanat, Pœnitentia justificat, Pœnitentia peccatorum veniam donat, omnis spes in Pœnitentia.* Multum pœnitens Augustinus L. de vera pœnit. c. 1. *Hæc est, quæ homines ad Angelos ducit, & Creaturam reddit Creatori.* Multum S. Chrysostomus in Isaïam. *Pœnitentia Cœlum aperit, eadem hominem in Paradisum introducit.* Sed laus laudum: quod *Pœnitentia sit Mater Christi*: quod Dominum rursus pariat. Nequis verò nudum sine re, honoris titulum arbitretur, utramque Christi Genealogiam inspiciamus.

§ 3.
Ex duplici Christi Genealogia ostenditur, Christi Matrem esse Pœnitentiam.

Lucas. c. 3. in Christi Genealogia recenset septuaginta septem Generationes Christi: *JESUS, putabatur Filius JOSEPH, qui fuit Heli, qui fuit Matbat, qui fuit Levi &c.* & sic usque ad septuagesimum septimum numerum. Sed quid, quæso, vult sibi hic numerus? Meministi sine dubio, quod interroganti quondam D. Petro Matth. 18. v. 21. *Domine quoties peccabit in me Frater meus & dimittam ei? usque septies?* dixerit Dominus: *non dico tibi usque septies, sed usque septuagies septies.* Locum hunc explicans S. August. L. 2. c. 4. de consensu Evangel. dicit numerum septuagesimum septimum pertinere ad perfectam pœnitentiam, & peccatorum remissionem. Dum ergo D. Lucas

Z

Lucas

Lucas dicit: Christum per septuaginta septem Generationes descendisse, natumque esse; quid re ipsa aliud dicere vult, quam quod memoratus Hugo Cardinalis: *Pœnitentia Dominum parturit*? quid aliud, quam quod Mater & Genitrix Christi sit? Sed audiamus ulterius, quid de Christi Progenitoribus dicat Matthæus? sic ipse Evangelium suum orditur: *Liber generationis Jesu Christi, filij David, filij Abraham &c.* Matt. 1. Præposterum ordinem dicet quis hunc esse generationis Christi, quando David junior seniori Abraham præponitur. *Liber generationis Jesu Christi filij Abraham, filij David*, ponere debuisset. At sapienter factum, prout notat Hugo Carenfis, cum ordinem generationis Christi sic Matthæus conscripsit, Abrahamo Davidem præponendo; quando causam assignat: *profundus peccator David fuit, & pœnituit*. Quasi diceret: in generatione Christi idcirco primus ac primarius ponitur David, quia, cum esset profundus peccator, egerit autem de profundo, id est, sincero corde, pœnitentiam: hæc vero Dominum parturiat, meritò prior ponitur.

Jam non miror id, quod Lucæ, 15. ipse Christus dixit: *Majus gaudium erit in Cælo super uno Peccatore pœnitentiam agente, quam super 99. justis, qui non indigent pœnitentia*, posteaquam ex doctissimo Hugone audiui: Pœnitentiam Christi Matrem & Genitricem esse. Decet e-

nim, ut, quemadmodum gratiosa illa primâ Nativitatis Christi horâ gavisa est *multitudo militiæ cœlestis*, Luc. 1. id est, Angeli in Cælo, ita pariter gaudeant in peccatoris conversione; siquidem illius pœnitentiâ de novo Dominus nascitur: sicut, tunc secundum carnem, ita hic & nunc secundum gratiam in corde & anima pœnitentis. Jam non amplius miror dictum illud Damiani, serm. 56. *Conservevit DEUS honorare Pœnitentes magis, quam innocentes*. Lex Divina est: *Honora Patrem & Matrem*. Exod. 20. v. 12. Lex ista, licet secundum Jura, *Legem, Princeps*, Filium DEI non obligaverit, nec strictè obligare, juxta Theologos & S. Thomam, potuerit, quia ex essentia sua erat impeccabilis; servavit tamen eam liberè: *erat enim* (teste Evangelistâ) *subditus illis* Luc. 2. id est, Nutritio suo Joseph, & Matri Virgini Mariæ. In quo verò constiterit hæc subjectio, explicat S. Ambrosius lib. 8. in Luc. 18. *Honoravit, inquit, Joseph & MARIA M Christum, non naturæ debito, sed pietatis officio*. Jam si Nutritium suum, sic corporalem Matrem suam ita honoravit JESUS, quid mirum, honorare Pœnitentes peccatores, cum mediante hac spiritualiter Genitores Christi efficiantur. *Pœnitentia Christum parturit*. Jam adverto, cur Christus Capharnaum voluerit dicere, *Civitatem suam*. Matt. 9. v. 1. Capharnaum enim, *Ager Pœnitentiæ* interpretatur. Meritò agrum *Pœnitentiæ* habuit pro Patria, qui

ipsam

S 4.
Cur majus
gaudium
in Cælo
super uno
peccatore
quàm 99.
justis.

ipsam pœnitentiam habet pro Matre atque Genitore. *Pœnitentia Dominum parurit.*

§ 5.
Cur Magdalena ante pœnitentiam Mulier, post Maria dicatur?

Quodsi ampliùs placet veritatem hanc perspicere, Magdalenam intueamur, Pœnitentiæ speculum. Conversionem illius describens Lucas Cap. 7. v. 37. *Ecce (inquit) mulier, quæ erat in Civitate peccatrix.* NB. *Mulierem* vocat Magdalenam peccatricem ante pœnitentiam, quam mox peractâ pœnitentiâ, *MARIA* nōminat. *MARIA*, inquit, *quæ vocatur Magdalena.* c. 8. v. 2. Miratur hanc nominum diversitatem Orator aureus Petrus Chrysologus serm. 77. *venit*, inquit, *mulier, sed dedit MARIA.* Adverte mysterium: *MARIA*, id est, *Mater Domini*; cū enim Pœnitentia, Hugone teste, parturiat Dominum, idcirco Magdalena, quæ ante pœnitentiam vocatur Mulier, post eam vocatur *MARIA*, id est Mater Domini. Unde prædictus Hugo in c. 4. Matt. dicit: *Alij portant Christum in utero cum MARIA, qui humiliati per fidem habent veram humilitatem exteriorem & interiorē facientes amarā Pœnitentiam.* Nec mirum, quod verè pœnitentes portent Christum cum *MARIA*; *MARIA* enim oritur & deducitur ab Hebræo *Mar*, & teste S. Hieron. L. de nomenclat. Hebræ. *Myrrha congeriem* significat. Quid autem aliud est Pœnitentia quàm Myrrha, id est, amara? Portavit *MARIA* Christum in ute-

ro, ita ut corpus ejus, quemadmodum post alios docet Salmeron T. 3. tract. 9. fol. 99. non ex quovis corporis sanguine, sed sanguine Virginei cordis sit efformatum. Unde verò, nisi ex pœnitentis lacrymis, quæ sunt sanguis cordis seu Amoris, Christus rursus efformatur? *Pœnitentia Dominum parurit.*

§ 6.
Christi Matris Baptismus Pœnitentis consecratur.

S. Leo Papa de Baptismo Christi sic loquitur serm. 5. in Festo Nativit. *Originem, quam sumpsit in utero Virginis, posuit in fonte Baptismatis, dedit aquæ, quod dedit Matri.* Ergo Baptismus, Christi Mater est juxta hunc S. Pontificem, assentiente etiam D. Hilario in Psal. 2. v. 7. cū ad Christi Baptismum refert illa verba: *Filius meus es tu, ego hodie genuite.* Et S. Augustinus serm. 36. de die Baptismatis ait: *Hodie Natalis est quodammodo Salvatoris.* Quodsi verò Baptismus est Mater Christi, quis inficiabitur pœnitentiam esse Christi Matrem, cū Pœnitentia, teste Petro Damiano L. 4. fidei Ortho. c. 10. sit *Baptismus laboriosus.* Et ad hunc Baptismum hortatur nos Laurentius Novariensis. L. de Pœnitentia sic: *Noli tu jam quæverere neque Joannem neque Jordanem, ipse tibi esto Baptista, baptiza te ipsum laborioso Baptismo Pœnitentiæ.* Et quia, teste memorato Leone, *eam originem posuit Deus in Baptismo, quam sumpsit in utero Virginis,* Ergo Pœnitens pariet, & erit spiritualiter Mater Christi. Hæc ergo causa est, cur S. Mater Ecclesia sacro Adven-

tus tempore ante Festum Natalis Domini diem nos ad poenitentiam hortetur, & Joannem Præcurforem, & Poenitentiaæ Præconem nobis proponat. Vult nimirum sacro instante Natalis Domini tempore nasci in nobis Dominum per gratiam, qui olim ex M A R I A natus est per carnem.

§ 7.
Qualis de-
beat esse
Poeniten-
tia, ut Do-
minum
pariat?

Duo, quæ ad finem adjungam, habeo, ut tanto certiores simus spiritualis partus Domini mediante Poenitentia: ut veræ DEI Genitrici Christi MARIE similis sit Poenitentia nostra, & dissimilis. Paradoxum loqui videor. Explicome.

1. M A R I A E similis sit Poenitentia nostra nimirum sit Virgo non vetula; matura, non procrastinata de die in diem, de anno in annum, & ut multorum, in decrepitam senectutem. Cum enim, teste Augustino, *Poenitentia fera, raro vera sit*, rari eiusmodi Poenitentes Dominum parient. sicut enim miraculum fuit, quod Elisabeth, Anna &c. ætate provectâ & effatâ fructiferæ sint effectæ, & pepererint filios, ita, testibus Patribus, si non miraculum, certè miraculi ad instar, ut differens nimium Poenitentiam, serio poeniteat, & Filium DEI spiritualiter, ipsius putâ gratiam pariat.

2. Dissimilis DEI Genitrici MARIE sit nostra Poenitentia. M A R I A sine dolore Christum pe-

perit; Christum autem & ejus gratiam sine sincero cordis dolore non parit Poenitentia. Lucas Pinellus L. I. de altera vita c. 5. refert. superiori sæculo fuisse Canonicum Parisijs, qui in supremo morbo Sacramentis omnibus munitus è vivis excessit; extra dubium erat, poenitentia quod ipse suâ Dominum pepererit, sed secus factum. Defuncti anima post mortem amico cuidam suo comparens manifestavit; qualiter nimirum æternum damnatus sit. Admiratione & metu plenus quærit Amicus: nunquid non poenitentiam egisti? Egi, reponit ille, sed sine vero dolore emendationisque proposito. O! quàm ego metuo, nè hodie dum multorum Poenitentia, talis sit, sine dolore, sine emendationis proposito, ac proinde Christum illis non pariat. Veræ Poenitentiaæ exemplum fuit S. Thomas Apostolus; cujus festum fors ideo S. Ecclesia agit hoc tempore, quo ad poenitentiam nos hortatur. Virgo erat illa; posteaquam enim incredulitate peccavit, non procrastinavit poenitere, sed primâ comparentis Christi occasione poenituit. 2. Dolorosa erat: quod cor frangentia verba illa significant, in quæ prorupit: *Dominus meus & DEUS meus*. Joannis 21. habetur, qualiter Christus Discipulis suis in littore se manifestarit. Petrus audiens appropinquare Dominum, *tunicâ se succinxit (erat enim nudus) & misit se in mare*. Examinemus, an non per peccata à JESU elongati simus, & ideo gratiâ meritisque nudi. Si ita est, *Eccce Dominus propè est*, clamat. Ecclesia Appro-

pinqua,

pinquat, & in cordibus nostris esse & sanguinem in corde & anima no-
vult. Accingamur tunicâ bono- stra natus fuerit, amplectamur eum
rum operum : immittamus nos in cum MARIA Matre ejus, verbis
mare veræ Pœnitentiæ, & pariet sponsæ uterres Cant. 3. *inveni quem*
Dominum. Ubi autem in Euchari- *diligis anima mea.* Aut cum Thoma :
stica sumptione secundum Carnem *Dominus meus & DEus meus.*



PRO

PROBLEMA XXXII.

Quare Sanctus JOSEPH cum infante
JESU timuerit redire in
Judæam?

DOMINICA ANTE EPI- PHANIAM.

Timuit illò ire. Matth.
2. V. 22.

S I.
Ideo Jo-
seph cum
puero Jesu
declinat
judæam, ut
mortis de-
clinat per-
iculum.
Declinent
malos in-
nocentes,
ut perfeve-
rent inno-
centes.



Favete cœli, ut
contentos lapsis
diebus oculos
meos, & in Beth-
leem stabulo, a-
mabili objecto,
ibi nati parvuli

occupatos, aliquantùm hodie laxare possim, ut extra Bethleem in publicis in Ægyptum ducentibus vijs exspatientur.

Sed quid primo oculorum ja-
ctu video? video hoc aspero frigi-
dòque hyemis tempore terrestrem
Trinitatem, tenerum JESUM, MA-
RIAM, & Joseph itinerantes. O
tenerrime! O pauperrime! O infans
JESU! vix nuper pretiosum sangvi-
nem in Circumcisione tua profudi-
sti pro salute hominum, & jam de
vita tua periclitaris, jam ad mortem
quæreris? Id ipsum nupero manè
profusus roseus sanguis nobis pro-

gnosticavit: manè rubens cœlum ven-
turos indicat imbres. Tu vivum
cœlum rubuisti à profuso sanguine,
hic rubor imbris persecutionis,
quam pateris, fuit præsignificatio.
Hanc effugiturus Divinus infans JE-
sus in Ægyptum fugerat, ibique tam
diu mansit cum Maria & Joseph,
quoadusque Joseph esset in somnis
instructus, de morte eorum, qui vi-
tæ Pueri insidiabantur. Et quam-
vis admonitor Angelus Josephū in
terram Israël seu Judæam abire jus-
serit, ipsèque monito paruerit & ve-
nerit in terram Israël; nihilominus
audiens regnare in Judæa Archela-
um pro Patre Herode, *timuit illò ire*,
& prout in somnis monitus est, se-
cessit in partes Galilææ, & habitavit
in Nazareth; nè videlicet novo mor-
tis discrimine se, innocentemque fi-
lium Jesum exponeret. *Per quod
monemur* (ait Paulus à Palatio in.

Cap

Cap. 2. Matth.) ut licet *DEUM* nobiscum habeamus, eò tamen timeamus ire, ubi filij iniquitatis regnant. neque enim S. Joseph sibi tantum timuit ab Archelao malo filio pessimi patris Herodis, sed ut plurimum filio innocentissimo JESU: ut hinc discant adulti omnes, & potissimum parentes à consortio malorum, non solum cavere sibi, sed vel maximè innocentum sibi commissorum curam gerant, nè malorum consortio utique periculosissimo jungantur.

desijt: ad focum stat, & dissolvitur: vult calefieri, & tepescit, imò obriegescit; ibi nil Petro fragilius, timidius, inconstantius. Nimirum Petrus bene dixerat: *Tecum paratus sum*, q. d. quamdiu tecum sum, constans in tui amore & fide ero; si inter malos, non constabo mihi. *Quàm noxia pravorum colloquia!* (ait Glossa ord.) *inter infideles homines negavit se nôsse, quem inter discipulos jam Filium DEI fuerat confessus.*

O si Petrus timuisset illò ire!

§ 3.

O stetisset à longè, non caderet tam profundè. Stare cum peccatoribus, habere cum malis societatem, esse in peccandi occasione, & non peccare, malum non fieri, rarissimum est, & certum est, quòd talis verè, & exquisitè bonus, imò Dei filius sit.

Unde Centurio Christum in Cruce justum, unde Deignoverit Filium?

Aristippus apud Stobæum ferm. 35. cùm mota esset quæstio: *quid in orbe difficillimum?* respondit: *Virum probum inter improbos probitatem servare. Serpunt enim* (ut ait Seneca L. 2. cap. 7. de tranquill.) *vitia, & in proximum quemque transiunt, & contactu nocent.* Verissimè Iliodorus, L. 2. soliloqui: *ante ignem consistens, nisi ferreus sis, aliquando dissolvèris.* Expert⁹ id est damno suo Petrus ad ipsam usque mortem continuis deplorato lacrymis, qui stans ante ignem ô quàm dissolutus est! nemo magis novit Christum quàm Petrus, *Tu es Christus*, consistit ut *petra* in partibus Cæsareæ. Quid generosius Petro in cænaculo? *tecum paratus sum*, &c. Quid fidelius Petro in horto? *Simon ergo Petrus habens gladium, eduxit eum, & percussit Pontificis servum.* Tunc Petrus erat in bona societate: tunc erat cum JESU, & JESU discipulis. verum vix atrium Pontificis ingressus cadit: aulam intrat, & bonus esse

Quid putatis A A. Voluerit sibi illa conversi Centurionis vox: *verè hic homo justus erat!* sive ut habet Marcus c. 15. *Filius DEI erat!* nisi ut testimonium daret, Christum verè esse justum, & plus quàm hominem, quòd à mala latronis societate non corrumpetur. videbat Probum inter improbos, unde sic arguebat: inter malos non est malus, ergo Filius Dei; tam enim rarum & mirum, non corrumpi à malo, ut vix certius esse possit Deitatis indicium.

S. Propheta Isaias cap. 40. v.

6. die quadam vocem audit dicen-

tem

§ 2.
Nil difficil-
lius quàm
inter ma-
los manere
bonum.

tem sibi: *vox dicentis clama: & dixi: quid clamabo? omnis caro fenum; & omnis gloria ejus quasi flos.* Ubi notandum; quod omnem carnem (excepto Incarnato Verbo) dicat; ecquis igitur sperare poterit si ad ignem accedat, se ab igne non corripiendum, si nec Petre (intellige memoratum Petrum) securæ sunt. *Nunquid potest homo abscondere ignem in sinu suo, ut vestimenta illius non ardeant; aut ambulare super prunas, ut non comburantur plantæ ejus?* inquit Salomon Prov. 6. v. 27. Unde monet B. Laurent. Just. *devita opportunitatem peccandi, quia ante ignem consistens, etiamsi frigidus sis, aliquando dissolvèris, proximus periculo, diututius non erit.*

§ 4.
Quemadmodum
ignis materiam
aptam facile corripit, ita
peccaminosum
confortium.

Papilio luminis splendore allectus, eo usque lumen ignis circumvolat, donec alas comburat & pereat. Idem multis animabus accidit, quæ cum hac illave persona periculosas foveant conversationes & societates, licet sub specie amicitie aut alio honesto prætextu continuent, tandem si non illicito igne ardeant, à fumo tamen ad minimum nigrescunt. Nunquid enim tu saxeus es (querit S. Chrysostomus) num ferreus? Homo es communi nature imbecillitati obnoxius, ignem cernis, nec ureris? An istud rationi consentaneum est? lucernam in fenum pone, & tunc vide, an non fenum exuratur? quod porro fenum est, hoc quoque natura nostra est. Memini me in Concione de peccato veniali dixisse, quam misere Carolus Navarrae

Rex perierit. periculosius is ægrotabat, morbo pellendo hoc datum à medicis consilium; ut linteo cremato intincto infueretur, cui dum candela abrumpendo filo admoveretur, flammam concepit, quæ priusquam extingveretur, Rex est extinctus. In pari discrimine versamur AA. cujusque anima corporis hujusmodi quasi linteo involuta est, concupiscentiæ fomitem quaque versum circumferimus, & levi digiti, aut manûs attactu ignem concipimus & misere sæpe animo tenus conflagramus, dum incauti appropinquamus.

De Maria Stvarta Scotiæ Regina refert Causinus L. 4. Aulæ sanctæ. Induxerat illa regno, & in aula sua foverat Nobilem Adolescentem, quem propter eximia naturæ dona charissimum habuit, qui sibi conscius de reginæ gratia & favore, die noctûque in- & egredi secretum reginæ conclave audebat; ergo nocte quadam illius cubiculum ingressus, suspenso gradu, nè quiescentem, si dormiret, excitaret reginam, lecto regio appropinquans dormientem reperit Stvartam, brachiûmque aliqua parte nudum lecto dependere notat; accedit intentione optima, manum attingit, modestè semel iterumque basians: excitatur Regina territa, nec sciens, quis esset manum tangens, exclamat: cubiculo aliquem irreperis. exciti vigiles accurrunt, misellum juvenemprehendunt, & priusquam, quid egisset, audirent, misere gladio con-

§ 5.
Tetigisse
vel leviter
est perisile

diunt;

diunt. In condave reginæ ivisse, nudam manum solum tetigisse fuit perijisse.

O quot honestæ & castæ aliàs Virgines & Innocentes juvenes Domini & Dominae, quia incauti hanc aut illam domum, hoc aut illud cubiculum, maximè ad tenebras, ingressi, tactu manûs incipientes, eò tandem pervenere, ut JESUM ejusque gratiam perdiderint cum animæ jactura! Time cum JOSEPH illò ire, unde quoties redivisti, cum jactura gratiæ & DEI ferè semper redivisti.

Franciscus Salesius elegantem adducit similitudinem hujus veritatis: Hominem peccata quidem averfantem, sed non satis occasiones & pericula declinantem, dum ait, aliquos abstinere à peccatis, ut ægri à melonibus, aliisque fructibus crudioribus, quos tametsi medicus sub jactura vitæ illis interdixerit, nequeunt tamen sibi temperare, quin manu contrectent & odorentur; quò fit, ut dum orexis moveatur, & saliva in ore est, quandoque procedant ad saporem & esum.

Genesis 2. posuit DEUS lignum in medio paradisi, cujus fructus edere, sub pœna mortis vetitum; Utque occasionem omnem præscinderet DEUS, & timerent Proto-parentes illò ire, posuit illud in medio paradisi. Alijs arboribus abditum, nè (ut rectè Procopius) dum fre-

quenter illud cernerent, quasi quibusdam irritamentis illesi, in datam legem peccarent, & manifestum incurrerent exitium. In quod ut induceret serpens, Evæ suggestit, ut arborem curiosè consideraret, fructum videret minimè esse vetitum. Successit conceptus serpenti, *inquit illò mulier Gen. 3. v. 6. vidit igitur mulier, quòd bonum esset lignum ad vescendum, & pulchrum oculis, aspectuque delectabile.* Tum pervasit, si fructum legeret ac manu tangeret, odore exploraret, non morituram. Ergo tulit de fructu illius. O Eva! aspexisse, & tetigisse, perijisse est! mox enim sequitur: *comedit*: & ecce cum illa omnes filij morimur. Ejusmodi hodie dum dæmonis sunt suggestiones, quibus ut culices & papilionum in perniciem inducere solet, dum, ut indubitatum habetur, in familiari consuetudine, primùm nil periculi honesto cuiquam juveni à virgine imminere, si puellam antehac juvenem sæpius visat, oculos in istam aut illam conjiat, diutius loquatur, manum porrigat, charissimum det osculum, quid hoc mali? quid peccati? & tandem *tulit de fructu illius*, perit innocentia, castitas, gratia. Ità nimirum scintilla, quæ in fomitem cecidit, grande excitavit incendium, ignem libidinis tantum, qui nisi tempestivo largòque lachrymarum fonte pœnitentiæ ferriæ extingvatur, ardebit usque ad inferni novissima.

Marci 7. v. 33. cum devota illa turba hominem illum surdum &

A a

mutum

§ 6.
Solutus
quandoque
aspexit
deus nocet.

§ 7.
Ut curet
Christus
male affectos
multos
extra hit
confortio.

mutum Christo præsentâset (figuram peccatoris) plenè quidem sanavit, cælestis Medicus, sed *apprehendens eum de turba seorsum*; cujus rei causam addit Eusebius Gallicanus: *hæc turba, de qua hic homo à Domino trahitur, vitiorum est multitudo, qui de hac turba non trahitur, à Domino non sanatur.* Idem Dionysius Carthusianus ferm. 2. in hac Dominica assentit: *In hoc datur intelligi, quod DEUS eos, quos à vitijs curat & salvat, oportet prava vitare consortia.* Sic cum alijs fecit Christus, quos aut à morte, aut morbis corporis, qui erant mortis animæ aut infirmitatum figura, curavit: fuscium Lazarum *jussit abire*: Joann. 11. v. 44. mulieri Samaritanæ inspiravit, ut exiret de Samaria: Joan. 4. v. 28. cæco illi visum redditurus, *apprehensâ manu cæci, eduxit eum extra vicum Marci 8. v. 23. quasi eum curare non potuerit in loco*, Petrus Chrysologus. ferm. 176. Licet verò nunquam non periculosa sit malorum Societas; periculosissima tamen est teneræ ætati, ad malum magis pronæ. *adoleſcentia pervia videtur incomodis aje-*bat Cassiodorus; tunc autem vel maximè, cum aliorum præsertim malorum utitur contubernijs, *tunc enim alter alteri pro vitiorum fomite est* ait apud Naxeram in Libri Judicum c. 17. Construxerat sibi Michas idolum, ædificavit ædiculam, atque è filijs unum adolescentem, imò puerum in idoli Sacerdotem extulerat: *implevitque unius filiorum suorum manum, & factus est ei Sacer-*

dos, v. 5. Non multò post cum Levites adolescens in Michæ domum divertisset, ibi adolescentis confortio sic à religione descivit, ut idoli Sacerdotium susceperit; v. 7. *Fuit quoque alter adolescens de Bethelem Juda ex cognatione ejus: eratque ipse Levites, & habitavit ibi. Mansit apud hominem, fuitque v. 11. & 12. illi quasi unus de filijs, implevitque Michas manum ejus, & habuit puerum sacerdotem apud se.* Expende illud: *Alter adolescens*, id est æqualis ætate filio, cognatus. Ergo hic dum apud Micham divertit, dum cum filio Sacrificulo agit, videt quæ ipse agit, fit quod ipse sacrificulus. Connivete Parentes: sinite puerum, filium, aut filiam domum amici intrare, in qua male frugis sint proles: mox pares illis efficientur.

Filij Heli in flore juventutis cum puero paris ætatis agunt, ministro omnis impietatis. i. Regum 2. v. 13. *Veniebat* (inquit Scriptura) *puer Sacerdotis, dum coquerentur carnes, & habebat fuscinulam tridentem in manu sua, & mittebat eam in lebetem.* Qualis Sacerdos! audi: *erat peccatum puerorum grande nimis coram Domino.* Quorum puerorum? jubentium & famulantis. Fratres pueri, cum famulo puero agitant consilia, ad sacrificia surripienda; servus puer effert fuscinulam ad rapinam. O! quanta fuit Heli incuria, dum cum pueris puerum agere permittit; peccant unà; & ideo fors punitur, ut &

§ 8.
Malorum
conforti-
um ætati
teneræ
periculo-
sissimum.

ipse,

ipse, & filij miserè periérint, parentibus in doctrinam, quàm periculosum sit, & quam poenam metuere debeant, si illorum conniventia aliquid mali agant filij.

Danieli in lacum leonum projecto, misit Dominus Angelum in custodiam, qui ora leonum, nè nocerent, clauderet. Daniel, 3. *DEUS meus misit Angelum suum &c.* Eripiendo à leonum ferocia Danieli angelus mittitur. At pueris in fornacem ardentem missis aderat Filius DEI. *Species quarti* (ait Nabuchodonosor) *similis filio hominis.* nimirum ubi puer Daniel solus, non est tantum periculum, quàm ubi tres coetanei.

Ejice ancillam banc & filium ejus Genes. 28. v. 20. (Sara rogat Abrahamum) videns cum suo Isaac currentem Ismaëlem; Isaac erat bonus, petulans Ismaël. nè ab hoc ille seduceretur, rogat ejici.

Concludo cum Petro, quocum

poenè cœpi. Actorum 12. Petrus naemoratur vinctus in carcere; post & vinculo solutus. vinctus in carcere, figura est peccatoris; vinctus solutus, figura poenitentis.

Petrus ab angelo expergesctus, jussus se induit, catenæ solutæ liber fuit; Sed esto vinctus exsolutus esset; quia tamen nondum erat carcere egressus, *existimabat se visum videre.* v. 9. tandem procul jam carcere credebatur se liberum, aitque v. 11. *Nunc scio verè quia misit Dominus angelum suum, qui eripuit me de manu Herodis.* Hoc ego ad peccatorem applico: blasphemè, injuste, incaste, confitere prout vis, & quoties lubet: solvat te Sacerdos à vinctulis peccatorum, te plene liberum non credam, nisi carcere, id est occasione egrediâre. Hoc factò dicam: nunc scio verè, tunc credam te seriò nolle peccare, ubi verificatum fuerit: *timuit illò ire.*



PROBLEMA XXXIII.

Cur in medio inventus JESUS?

DOMINICA I. POST EPI- PHANIAM.

Invenērunt illum in medio Doctorum.
Luc. 2. v. 46.

§ 1.
Jesús sem-
per in me-
dio.



Taceat nunc Roma-
Papyrium Prætex-
tatum adhuc ex e-
phebis nondum e-
gressum & tamen
jam inter Roma-
nos Senatores conspicuum: de quo
A. Gellius libro 1. cap. 23. Taceat Æ-
gyptus Adolescentem Joseph, me-
dium inter Satrapas, fortunatissi-
mum somniorum interpretem:
Genesis cap. 41. Taceat Judæa pue-
rum Danielelem, medium inter po-
puli seniores, pro innocentis &
morientis Susannæ vita ac libertate
nervose perorantem: Danielis cap.
13. Taceat Israël Salomonem, ætatis
anno duodecimo postulantem à Deo
sapientiam, inauditamque impe-
trantem: Libro 3. Regum cap. 3. Hos
inquam aliósque taceat mundus;
at Jesum loquatur, laudet, & de-
prædicet, anno ætatis duodecimo
medium inter Doctores confiden-
tem, & ad stuporem omnium eis

sapientissimas quæstiones propo-
nentem, & ad eorum responden-
tem. Bene de venturo Messia vati-
cinatus est Propheta Regius Psal. 83.
operatus est salutem in medio terræ. in
medio inquam: utpote qui princi-
paliora salutis nostræ opera, alios
inter, medius operatus reperitur.
Nascitur in medio: *cum medium si-
lentium tenerent omnia: in medio du-
orum animalium cognosceris*, inquit
Habac. 3. Cum primum in templum
illatus est puer JESUS, præfago de
illo ore & spiritu cecinit David. Psal.
47. *suscepimus DEUS misericordiam
tuam in medio templi tui.* Ubi ætatis
annum attigit duodecimum, à mæ-
stis perditus, & quæsitus parenti-
bus, in templo in medio Doctorum
invenitur. Munus Prædicatoris o-
biens stat medius: *Medius autem
vestrum stetit*, inquit Joann. 1. Ad
Salutis humanæ consummationem
properans, crucem bajulans, & in

ea pendens, medius inter latrones ducitur & moritur. *Crucifixerunt eum, & cum eo duos alios hinc & hinc, medium autem JESUM.* Joann. 19. A mortuis resurgens, tristibus affurur solatio discipulis: *stetit in medio illorum* Joann. 20. pacem apprecans. Ubi denique gloriosus in cœlum abiit, seditque ad dexteram Patris, visus est Apocalyplicæ aquilæ c. l. v. 20. *in medio septem candelabrorum aureorum.* Cur autem JESUS tenuerit medium, sequens evoluet Concio.

§ 1.
JESUS tenet
medium,
quia æ-
quus est
omnibus.

Causam assignat S. Bernardus sequentem: quam dudum ante extulit Tertullianus Lib. advers. Judæos. cap. 7. quod æquus sit in omnes nullique propinquus magis. *Non Regis apud illum major gratia, non barbari alicujus imperiosa letitia, non dignitatum aut natalium cujusquam discretæ merita: omnibus æqualis, omnibus Rex, omnibus DEUS, & Dominus est.* ita Tertullianus. Et S. Bernardus in suprâ allegata verba: *suscipimus DEUS misericordiam tuam &c. In medio templi misericordia est, non in angulo, aut diversorio, quia non est acceptio personarum apud Dominum, in communi posita est, offertur omnibus, & nemo illius expers, nisi qui renuit.* Nimirum sic se habet JESUS, ut hic sol aspectabilis, qui, ut scitè advertit Sanctus Ambrosius Lib. 4. Hexameth. c. 6. *à nullo distat, nulli presentior, nulli absentior est.* Quod in Christo JESU, hoc & in Deo

notat Divus Augustinus in psal. 45. in illa Psalmistæ verba: *DEUS in medio ejus.* Quid, inquit, est *DEUS in medio ejus*? hoc significat: æquus est omnibus *DEUS*, & personas non accipit: quomodo enim illud, quod in medio est, paria habet spatia ad omnes fines; ita *DEUS esse* dicitur æqualiter omnibus consulens. In exemplum eorum, qui favente Numine, ut præsent alij, electi sunt, ut & ipsi sint in medio eorum, quibus præsent hoc est, æquales in omnes, æquè distiti, æquè propinqui, omnibus æquâ manu beneficia sua favoresque distribuentes, non in unum aliquem profusè cogentes omnia, & alios siccò alveo destituentes, quod est contra boni Principis, ipsamque donorum naturam. De quibus extat illud Regis Theodorici L. 3. c. pist. 29. apud Cassiodorum: *hoc sunt regia dona, quod semina, sparsa in segetem coalescunt, in unum coacta depereunt.*

Aliam cur Dominus in medio steterit, & cur in medio Doctorum sedens inventus JESUS, causam assignat Didacus Nissenus Periochâ 3. Dominicæ in albis. *voluit, inquit, nos eo facto Divinus Præceptor docere modum, quem in omnibus nostris operibus servare debeamus medium, scilicet seu discretionem, sine qua nulla virtus.* Virtus (unde Creaturæ sua laus) generatim loquendo, significat cujusque creaturæ vigorem, & bonam dispositionem, à quo vigore & dispositione quævis res bo-

§ 3.
Alia causa
cur in me-
dio Jesus
ut discre-
tionem
nos doce-
ret, sine
qua nulla
est virtus.

na & perfecta denominatur. Ità definit Aristoteles Lib. 2. Ethicorum c. 6. *Virtus est, quæ bonum facit habentem, & opus ejus bonum reddit.* Sic virtus v. g. oculi, est interior vigor, & dispositio, clarè & constanter videndi; Equi, promptitudo currendi, aut sessorem portandi ab his namque oculus, aut equus dicuntur boni: Humana proinde virtus, seu hominis, est ille vigor, & dispositio, propter quæ homo, & ejus operatio dicitur bona ità, ut unum, idémque sit esse bonum, & esse virtuosum. Et quia homo secundum animam rationalem duplici pollet facultate operandi; Intellectus scilicet & Voluntatis, sunt etiam duplices hominis virtutes; Voluntatis nempe & Intellectus; quæ virtutes singulas perficiant Potentias v. g. Intellectum, Sapientia, & Scientia, de quibus Aristoteles Lib. 6. Ethicorum cap. 7. Aliæ voluntatis, seu morales, quæ propriè sunt virtutes, quia propriè hominem bonum reddunt. Tales sunt Justitia, Fortitudo, Prudentia, Temperantia, quæ Cardinales dicuntur, sic dictæ: quia omnes aliæ morales, putà Vigilantia, Patientia, &c. ad eas revocantur & illis subordinantur.

§ 4.
Omnis virtus in medio.

Jam verò omnes virtutes morales, vi quarum homo bonus, laude & merito dignus, apud DEum & homines efficitur, in medio constant, seu discretionem, ità ut sinè hoc medio, non virtutes, sed vitia sint, ut suprà memoratus Aristoteles cla-

rè docet. Cui concordat Severus Boëtius Lib. 4. de persona Christi, tom. 2. *omnis, inquit, virtus in medio rerum decore locata consistit, siquidem ultra vel infra, quam oportuerit, fiat, à virtute disceditur, medium igitur virtus tenet.* Verbi gratià, qui facilè omnia metuit, nil aggredi audet, timidus est; contrà verò qui audet omnia, quidvis sinè discrimine aggreditur, est ultra vires, pro audace habetur. Medius horum, qui cum discretionem agenda aggreditur, confidit, sed & metuit, quando & ubi oportet, fortis est &c. Unde sæpius memoratus Aristoteles concludit: quia medium tangere difficile est, multò plura darivitia, quàm virtutes. *Curare ergo prudenter debemus* (monet Didacus Nis-senus) *ut discretionem in omni casu teneamus, sic, ut nec plus æquo, nec minus debito faciamus, quia par in utroque periculum est.*

Expendit S. Chrysostomus id, quod Petro, in qua nocte ultimò cum discipulis Christus cænavit, accidit. Hoc tempore exemplum humilitatis daturus nobis, Discipulis suis pedes lavit, cum ad Petrum ordine venisset, videretque Regem Regum, pedibus accidere, attonitus exclamat: *Domine tu mihi lavas pedes? non lavabis mihi pedes in æternum!* Joan. 13. v. 6. & 8. comminatur illi Christus, nì admittat officium: *si non laveris te, non habebis partem meam.* Territus hac Domini com-

mina-

minatione Petrus: Domine, inquit, non tantum pedes, sed & caput, & manus &c. ibid. v. 9. Quæ verba expendens D. Chrysostomus: in recusando, ait, *vehemens Petrus, in permittendo vehementior.* Notandum (sunt verba Didaci Nisfeni) quod Petrus, tamesi amor illum non nihil excuset, bis peccavit, & cum lavari recusavit, & cum id obsequij à Christo admittere voluit, primò cum pedes Christo, quos petebat, negavit; tum post hæc, quòd majorem partem quam Christo constitutum ac lubitum, lavari cupijt. Quid porrò agat Petrus, ut virtuosè agat? medium & discretionem servare debuisset. Omnium ciborum sal salubre condimentum est, si mensura non desit, inquit Petrus Chrysologus serm. 125. alioquin sine modo, & ipsum perit. amaricat enim nimietas, quæ poterat condire mensura.

Et hoc est, quòd Christus ad discipulos suos, quos non tantum Apostolos, sed exempla insuper omnigenarum virtutum, orbi Christiano constituit, dixerit Matth. 6. *Vos estis sal terræ*, hoc pacto indicaturus: quomodo ijs, in omnibus actionibus, ut eæ essent virtuosæ, medium servandum sit. Pulchra virtus, Deo grata, homini pernecessaria, est mortificatio, ut quis rebellem carnem domet, & impuro Astrodæo fræna injiciat, & svadet utrumque cælestis Magister Marci 9. v. 29. causam assignans. *Hoc genus demoniorum non ejicitur nisi in ora-*

tione & jejunio. At si quis immeratâ nimium inediâ & oratione, se tantum non exanimaret, ac præfenti periculo mortis exponeret; is meritum virtutis perderet, & mortificatio ipsius non ampliùs virtus, sed vitium esset. Ad carnis virtuosam emacerationem invitans Christus ait: Luc. 9. v. 23 *si quis vult venire post me, abneget semetipsum, & tollat crucem suam, & sequatur me.* Adverte diligenter verba hujus dicti (monet Galtridus L. 1. Epist. 12.) quod generatim omnibus Christianis proponit; quicumque ita sequi illum volunt ut allequantur; bajulare quidem Christus crucem jubet, non quærere sepulturam. Pius Dominus est. (loquitur citatus Didacus Abbas) idcirco non vult, ut sui gratiâ consciscant sibi necem, quos habet ab obsequijs, sed ut ad regulam discretionis ita exigant sua opera penitentiae, nè justam normam excedant. Medium tenere via beatitudinis est.

Pulchra virtus est, & creberri-
mè in scripturis recommendata, ut homo in quavis corporis animæque constitutus necessitate, spem suam ponat in Domino, id quod svadet psal. 54. v. 23. David: *jasta super Dominum curam tuam, & ipse te enutriet.* Sed medium tenendum; si quis enim epulari vellet quotidie splendide, laborare parum, aut nihil pensi habere, quid ipse, quid sui in craftinum sint habituri, jastans illud, sed sensu longè aliò, quàm in

§ 5.
Sal dicitur
tur Apo-
stoli, ut
servent, &
doceant
discretio-
nem in
omnibus.

§ 6.
Virtus,
quomodo
non vir-
tus, nisi in
medio,
exemplis
demon-
stratur.

DEum

DEUM projectus ab utero David : psal. 39. v. 18. *Dominus sollicitus est mei.* Non virtuosâ confidentia, sed vitiosa præfidentia foret ; metueretque posset talis, nè ipsi accidat, quod cuidam Eremitæ accidisse scribit Cassianus Collat. 2. c. 6. Paverat hunc aliquo tempore miraculosè DEUS, submisso per angelum cibo, qui postmodum præfidebat, nec curam ullam quid comederet habens, imò nec aliud, nisi quod ab angelo allatum esset, manducare, volens, hac suâ præfidentia, inedia mortuus est. Audi quid Scriptura dicat Gen. 2. v. 15. *Posuit Dominus DEUS hominem in paradiso.* Sed quo fine ? fors ut die totâ spaciaretur ? minimè, sed ut *operaretur.* Si DEUS hoc jam tum in statu Innocentiæ petijt ab homine, ut labore manuum suarum victum mereretur sibi, quantò amplius id requireret ab homine post peccatum ? *in sudore vultus tui vesceris pane.* Gen. 3. v. 19. Sed nec nasutus quispiam mihi oggerat illud Christi, Matth. 6. v. 34. *nolite solliciti esse in crastinum, quid manducetis &c.* Scio ego hæc ipsa solliciti Patris nostri verba esse, sed & scio, quo sensu ea protulerit : eo nimirum, quem Glossa interlinearis insinuat : *non labor, & providentia prudens damnatur, sed sollicitudo suffocans.* Immodica videlicet, qualis multorum est ; qui affectu nimio temporalium abrepti, totâ hebdomadâ solitudinibus pleni laborant, imò vix festis & Dominicis diebus sacro audiendo semi-horam inveniunt, vix hebdomadâ Sanctâ, aut sa-

cro Paschæ die tempusculum, confessioni & communioni aptum. Ejusmodi, quia nimia, diffvadet Christus, non verò moderatam curam temporalium. Joco-serio memoratum Christi monitum : *nolite solliciti esse in crastinum*, Libello 100. historiarum, pulchrè explicuit reipsâ Regi Lusitanie pauper, sed eximius Theologiæ studiosus, cui postquam die Jovis sancto cum alijs Pauperibus Rex pedes abluisset, & omnes unâ frugali mensâ refecisset, notavit dictum Theologum sollicitâ curâ mensæ reliquias vasi testaceo coacervantem, quod notans Rex sciscitatur : cui rei studeret ? cùmque studiosus reponeret : se Theologiæ dare operam, admirabundus Rex ait : parum videris Theologiam intelligere : ignorare videris illud Scripturæ : *Nolite solliciti esse in crastinum.* Cui faceret studiosus : quin, inquit Serenissime Rex bellissimè intelligo, nam ob id ipsum, nè cras curam ullam habeam, hodie sollicitè mihi provideo. Nimirum *non labor, & providentia prudens damnatur, sed sollicitudo suffocans.*

Plerumque simplices scrupulo anguntur, seque toties peccare arbitrantur, quoties irascuntur ; sed enim moderata & justa ira non peccatum, quin imò virtus est ; & creberrimè in Scripturis ipsum DEUM iratum fuisse legitur. Sed virtus in medio. *Irascimini & nolite peccare* hortatur DEUS per Psalmistam psal. 4. v. 5. si Pater aut Mater irascaris quandoque prolibus malè feriatis,

§ 7.
Ira si non
est semper
peccatum

si Domi-

si Dominus, aut Domina subditis & servis, dum officium suum perpetuare agere, vitam Christiano homine indignam eos ducere animadvertis &c. virtus est sic irasci. quod si in furiam sic agere, ut fremas dentibus, evellas crines, spumes ore &c. fulmina & tonitrua cieas, tot Sacramenta, quot in nullo catechismo reperire est, agglomeres; si ita irascaris, ut proli, marito, subdito, totā non loquaris hebdomadā, per diu & pernox specularis, qualiter vindictam fumas, hoc enim verò hoc peccatum est, non virtus, sed vitium. *Omne nimum vertitur in vitium.*

Virtus est correptio fraterna, quam svadet Scriptura, & ad quam quandoque sub peccato obligamur: *unicuique enim mandavit de proximo suo.* Ecclesiastici capite 17. v. 12. Proxima marito uxor, uxori maritus est; hunc si quandoque sapiens mulier reprehendat, *fortis*, id est *virtuosus* nomen meretur, hoc tamen pacto, ut *medium*, ut discretionem, ut temporis opportunitatem observet.

nomen suum) & *aversatus est eos* &c. *quam obrem considera & recogita quid facias: quoniam completa est malitia adversus virum tuum, & adversus Domum tuam, & ipse est filius Belial, ita ut nemo possit ei loqui.* *Festina vit igitur Abigail, & tulit ducentos panes* &c. Cum autem vidisset Abigail David, *festina vit & descendit de asino, & procidit coram David super faciem suam.* Et panum vini-que oblatione placavit David. Quo feliciter peracto venit Abigail ad Nabal: & ecce erat ei *convivium in domo ejus, quasi convivium Regis, & cor Nabal jucundum: erat enim ebrius nimis.* O quantā furia imprudens aliqua mulier maritum talem increpasset! sed quid Abigail sapiens, non indicavit ei *verbum pusillum, aut grande usque mand,* inquit Scripta v. 36. *Medium tenuit, discreta fuit, temporis opportunitatem praesto.* *Diluculo autem, cum digessisset vinum Nabal, indicavit ei uxor sua verba haec,* notate quā fructuosè: *emortuum est cor ejus intrinsecus & factus est quasi lapis.* Sic sic observato medio reprehendant uxores quandoque maritos, sed *medio*, discretionem, opportunitate servatā, ne importuna reprehensio discordiarum sit seminarium, & pro verbis reprehensorijs reportentur verbera. Virtus denique est severitas parentum in filios & filias; & svadet hanc Scriptura Prov. 23. *Tu virgā percutes eum, & animam illius de in-*

§ 8.
Uxor exemplo Abigailis maritum reprehendat.

Sic medium servavit Abigail i. Reg. 25. Intellexerat haec ab uno de pueris suis: *Ecce David misit nuntios de deserto, ut benedicerent Domino nostro* (Nabal is erat, stultus juxta

Bb


ferno

ferno liberabis. Sed virtus in medio, moderata & discreta sit oportet correctio. In camo & freno maxillas eorum constringe monet Psal. 31. v. 9. Hebræus: *in flagello & freno*. Flagellum severitatem, frænum moderationem significant. Annuè exundans Nilus Ægyptum rigat, *justum in crementum cubitorum* 16. *est plus aut aquo minus nocet* inquit Plinius

l. 5. c. 9. Severitas instar fructiferi Nili est, sed moderata sit, est necesse. *Angusta porta est, quæ ducit ad vitam, & ille hanc ingreditur, qui in cunctis, quæ agit, discretionis subtilitate propter hanc sollicitè coarctatur* Basilii M. Lib. de Virginitate. Verbo: de quo verificatur, quod dicitur de Christo: *invenerunt illum in medio. &c.*



PRO-



PROBLEMA XXXIV.

Cur initium signorum à vino fecerit
JESUS?

DOMINICA II POST EPI- PHANIAM.

*Hoc fecit initium signorum JESUS in
Cana Galilææ. Joan. 2. v. II.*

§ I.
Cur initi-
um signo-
rum à vino
fecerit
Christus?



Antiqua quæstio est: cur initium miraculorum à vino sumpserit JESUS? à vino inquam, quod est luxuriosa res. Proverb. 20. v. 1. quod apostatare facit sapientes Eccles. 19. v. 2. quod in fine mordet, ut coluber. Proverb. 23. v. 32. Denique quod est ipsa iniquitas. Proverb. 4. v. 17. His tamen non obstantibus, mutat JESUS aquam in vinum, & à vino miraculorum facit exordium. Ex hac nî fallor causa: ut ostendat se suavem esse Dominum. psal. 33. qui omnes affectus suos non aquâ potest, sed vino. Aquam mutat in vinum, ut indicet: quòd legem veterem converteretur veniat in novam, dulcem, & salubrem: lex enim vetus, aqua frigida, insipida; at lex nova,

cùm sit lex amoris, vino optimo similis est. Unde promulgatâ lege novâ musto pleni, Act. 2. Apostoli dicti sunt; benè musto, non vino antiquo, quia suavior, utique novi ad instar vini, lex nova præ antiqua. Aquam mutat in vinum, ut te doceat jam, quod postea dicit verbo: Joannis 15. Ego sum vitis vera. Attrahit vitis succum terræ, & beneficio Solis alterat in vinum. Hic est, qui solus aquam tribulationis convertere novit in vinum consolationis. Aquam mutat in vinum; ut ultima correspondeant primis; in ultimo convivio mutabit aquam & vinum in sanguinem, in primo, cui hodie interest, convivio, aquam mutat in vinum: sic nimirum instituendæ postea Eucharistiæ præludere placuit. Et quia vinum propinquius est sang-

Bb 2

vini;

vinum, quàm aqua vino, non dubitant dicere D. Cyprianus ep. 100. Irenæus, & Isidorus Pelusiota: majus fuisse miraculum mutationem aquæ in vinum, quàm vini in sanguinem. Pulchrè memoratus Cyprianus ep. ad Cæcil. Cum dicit Christus: *Ego sum vitis vera, sanguis Christi non aqua est utique, sed vinum est.* Ego putarem primum hoc fuisse miraculum, ut discat Christianus à Christo, quòd princeps & præcipuum illius miraculum esse debeat, ex aqua facere vinum; potest hoc, dummodo velit: sicut enim solà voluntate aquam in vinum mutavit. Christus, ita & mutare potest Christianus. Sed quomodo fiet istud? Attendite, docebo.

§ 2.
Ubinam
aqua carissima?

Non rarò quæri solet: ubi aqua sit carissima? responderi potest: in vasta fontibus & scaturiginibus carente solitudine, in qua urente sole, altà æstate, longiori tempore aut peregrinandum aut subsistendum est. Ibi, quantumcunque pretij pro unico haustu frigidæ offeras, non facile accipies, ut sis levis. In ejusmodi solitudine detentus quondam cum exercitu suo Darius Persarum Rex, oblatam tepidam ex lacuna vermibus scatente, eo gustu bibit, ut postea, teste Curtio; dicere sit solitus, se in vita nil sapidius unquam, neque carius bibisse. Quod si quæstionem de loco aquis abundante intelligamus, dicerem ego cū veritate me cariorè nō vidis-

se aquam, quàm in territorio Egrensi, acidulis abundante Patria. hæc namq; aliò ad 20. solummodò vectæ millaria, pretium melioris vini æquant: neque hoc mirum est; notissima siquidem & probatissima aquarum salubritas, quam ipse in annum quintum expertus testari possum, pretium etiam vino majus meretur. Quòd si verò quæstio non de præfata, sed ordinaria aqua, quâ passim pagi, oppida, & Urbes abundant, procedat; ubi est copiosa, reficiendis non solum hominibus, sed & jumentis, carissima nihilominus sit; non putem me errare, si dixerò: apud Cellarios & œnopolas quosdam, qui immixtâ vinis aquâ vinum augere, unum in aliud, domesticum in extraneum damno hospitum, suo tamen non exiguo lucro dexterrimè commutare norunt. Jucundum est, quod referam, & ex ore mihi notî œnopolæ recenseo. Venerunt ante annos tres Illustrissimi aliquot peregrini hospites ad diverforium cujusdam Excellentissimi non usque ad eò multis leucis hinc diffitum, qui mensæ accumbentes ex hospite domûs sciscitati sunt equalenam vinum haberet? reposuit, quod res erat, bonum, vetus Boëmicum, ad hoc movère capita peregrini, sèque Boëmici non esse affectos respondent. Mox, facetus hospes subjungit, etiam præstò esse vîna extera, Rhenana & Mosellonica. Hæc, inquit illi, placent, hæc adfer. Festinato igitur cursu ad cellam properat; justæ magnitudinis,

ampho,

amphoram fontanæ secum bajulans vinum Boëmicum aquâ temperat, eâ dexteritate, ut pro optimo mosellanico biberetur & solveretur. Insuper, quod magis mirè; ubi postliminio Excellentissimum loci Toparcham convenère, in profusas excurrere laudes, quoddam tam præstanti vino mosellanico iter per bona sua facientibus in diversorio suo providisset. Miratus interim tacite Excellentissimus & indignatus Hospiti, quoddam in fraudem Domini peregrina vina educillaret; ad Capitaneum literas exarat, in fraudem inquiri jubet, rem prout gesta, deprehendit. Ridentur Peregrini, quoddam vinum Boëmicum aquâ dilutum pro Mosellanico bibissent, solvissentque. Transeat semel hæc ars aquam appetiendi, & in vinum mutandi; sed nec semel, multo minùs sæpius licita est. Metuendum habet ejusmodi aquæ in vinum transmutator, nè DEO vindice lucrum ex aqua, unâ cum lucro ex vino in aquam abeat.

Exemplum elegans recenset S. Gregorius Turon. L. 1. c. 109. de gloria Confessor. Lugdunensem ænopolam fuisse, qui per Ararin fluvium ad nundinas vestus, cum fortè è marsupio rubro nummum vellet educere, milvus prætervolans corium rubrum ratus frustum carnis, aufert marsupium; advertens subinde carnem non esse, in aquam cum pecunia dimittit. sic malè parata, malè dilapsa, & pecunia, quæ

ex aqua vino immixta provenerat, in aquam redijt.

Aliam licitam, & summè quæstuosam artem, aquam in vinum mutandi, docet S. Bernardus sermone de Coena Domini. dum ita loquitur: *Super omnes delicias nectaris, lacrymis anima delectatur; funde lacrymas peccator, atque ad Dominum convertere, & aquam in vinum convertisti.* Et serm. 68. in Cant. vocat lacrymas *vinum cæleste*, quo unice Cœli incolæ Angeli delectantur: *Lacrymæ* (inquit) *Pœnitentium, sunt vinum Angelorum.*

Triplici modo vina probantur: odore, colore, & sapore. Inest lacrymis ante omnia odor suavissimus, quo omnis fœtor aboletur. Ter Magdalenam flevisse lego, sed & ter odorem optimum dedisse Christo; 1. Lucæ 7. v. 87. apud Pharisæum. 2. Bethaniæ post Lazarum resuscitatum Joan. 12. Denique Matthæ 28. ad sepulchrum. Ubi lacrymæ, ibi odor. Porro color hujus vini pulcherrimus est sic, ut ipsos DEI oculos capiat. *Posuisti lacrymas meas in conspectu tuo.* psal. 55. v. 9. oculo scilicet amante lacrymas intueris. *Quod amamus, libenter intuemur* (inquit Beda) *quod execramur, ab eo oculos avertimus.* Pagninus memorata psal. verba ita vertit: *posuisti lacrymas in libro tuo.*

§ 4.
Ars generat
ina aquam
mutandi
in vinum.

§ 5.
Lacrymis
omnes
probat
vini pro
prietates
insunt.

§ 3.
Illicitum
lucrum
ex aqua in
vinum mu-
tata in a-
quam
diffuit.

In libro rationum tuarum; nè scilicet lacryma unica non numerata maneat. alius: *in oculo tuo*. Clarius alij: *in thesauris suis*. Clarissimè Vatablus: *in lagunculis tuis*, scilicet ut vinum pretiosum, exempli gratiâ Gallix Frontiniaco dictum, in lagunculis signatum mitti & vendi solet. Sit vinum quodcunque, & quantumcunque pretiosum, lacrymas non æquabit. *Pulchriores sunt oculi ejus vino* Genes. 49. v. 12. intellige oculos lacrymis poenitentiae, aut amoris DEI perfusos. Porro sapor vini hujus, lacrymarum videlicet tantus est, tamque snavis, ut non credat, nisi expertus. Credamus Chrysostomo hom. 12. in ep. ad Coloss. Nihil est lacrymis jucundius, sicut scit, qui experitur quantam habeat res hæc voluptatem. S. Augustinus hoc sapidissimo vino inebriari cupiens medit. 36. exclamat. *Calix tuus inebrians Domine, quam præclarus est! da mihi gratiam lacrymarum, ut iste calix inebrians satiet sitim meam*. Sunt ergo lacrymæ calix inebrians. aquæ non inebriant: neque inebriarent lacrymæ, nisi in vinum converterentur: sponsa cum impetrasset donum lacrymarum Cant. 2. v. 4. ait: *Introduxit me Rex in cellam vinariam, & ordinavit in me Charitatem*. sperat etiam aliquid David psal. 79. *Potum dabis nobis in lacrymis*. Paraphrastes ait: *Potum dedisti eis vinum lacrymarum*.

sitit. Juxta illud S. Chrysologi serm. 93. *Christus delinquentium gemitus esurit, sitit lacrymas peccatorum*. Joannis 4. venit JESUS in Samariam, in Civitatem Sichar. *fatigatus* (ut ait Evangelista) *exitinere; sedebat sic supra fontem*. Venit aquam haustum mulier, cui Christus: *mulier da mihi bibere!* Quæro cum Bernardo: *quid sitis Domine?* Respondet Augustinus: *qui bibere querebat, fidem, & lacrymas mulieris querebat*. Lucæ. 7. Idem JESUS Simonis Pharisei domum intrat, invitatus mensæ accumbit. Sed nolite scandalizari Judæi, quod ipsa sanctitas cum peccatoribus manducet. causam ex supra citato Chryologo audite: Christus Pharisei domum intravit, non sumpturus Judæis usitatos cibos, nec pocula melle soporata: mensæ accumbit poenitentis Magdalenæ lacrymas ex ipsis oculorum fontibus potaturus. Lucæ 22. conversus JESUS respexit Petrum. Sed cur modestissimus Dominus respicit? nimirum sitit lacrymas; conversus *Petrus fleavit amarè*. Adeo dulce JESU fuit vinum lacrymarum, ut ab earum potu sibi in morte temperare, non potuerit. Mors erat in labijs, mors in oculis, mors in corde, mors in toto corpore, vix aliquid amplius poterat, & clamat: *sitio*. *Non satis credibile est* (verba sunt S. Bernardi) *ipsum de siti corporali dixisse, ut peteret carnalem, qui in instanti sciebat se carnaliter moriturum*. Bene proinde Chryologus. *sitit lacrymas peccatorum*. Dederat in Cruce morienti bibere

§ 6.

Lacrymas
Christus
uniet
sitet.

Ecce vinum lacrymarum, quod ipse Salvator in vita & morte uniet

Latro

Latro poenitens, ad dexteram; sed quò plus sunt potæ, plus sitiuntur aquæ. unde conterendi sinistri Latronis conversionem præstolabatur, expectabat poenitentis lacrymas. idcirco clamat: sitio! non placuit vinum myrrhatum, sed vinum sitivit Angelorum. Hic illud mysterium venit expendendum, cur David ps. 149. dicat: *aque omnes, quæ super Cælos sunt, laudent nomen Domini.* Quæ illæ aquæ? putat S. Augustinus, Iustinus M. Basilijus M. esse ingens mare ad igneam sphaeram attemperandam, & ardorem siderum. Thomas Anglicus Cardinalis in ps. 1. ait: lacrymas esse, quæ laudant DEum, quia causant gaudium in ipso DEO, & sanctis, & de gaudio laudem. O Peccatores! etiamnum per vos ex hilarari vult DEus, sitim suam levare vult JESus; unde etiamnum in clamat. *Da mihi bibere!* Da sitiienti DEO hoc solatium: dic cum Isaia c. 16. *Inebriabo te lacrymâ;* sic deinceps flebo, ut in veritate cum Psalm. dicere possim: *lacrymis meis stratum meum rigabo.* Psalm. 6. v. 7.

§ 7.
Quid agendum, ut in lacrymas solvamus.

Sed dicet aliquis: Credo lacrymas esse vinum Angelorum, nec solum Angelos, sed ipsum DEUM recreare; at ego hoc modo aquam in vinum mutare nequeo: flere, mihi impossibile est: vir sum, non mulier, quæ in promptu habeat lacrymas; cor habeo saxeam. Siti bicor saxeam est, ecce Moysen: ecce cum virga crucis Christum: ora hunc, ut bis percutiat: tuorum pec-

catorum gravitatem tibi proponendo, & suorum beneficiorum exhibendo magnitudinem; fluent aquæ vinigeræ timoris & amoris. Roga cum Augustino, Lib: meditat: cap. 36. Da mihi Domine amorem tuum sanctum, castum, qui me repleat, teneat, totumque possideat. Da mihi evidens signum amoris tui, irriguum lacrymarum fontem jugiter manantem, ut ipsæ quoque lacrymæ tuum in me testentur amorem, ipsæ loquantur, quantum te diligat anima mea, ut sic te sitientem reficiam, & propter hunc meum tui amorem reciproco tui amore æternum reficiar. Aut si mavis ad Matrem Domini accede; hæc pro te solenne illud suum ad filium repetet: *Vinum non habent.*

Sed satis jam de lacrymis; sunt etenim & alij aquam in vinum mutandi modi, si videlicet JESU sitientis amore genium tuum vini generosi haustu generosè defraudes, aut calicem aquæ frigidæ eroges. S. Radbodus Ultrajectensis Episcopus vino abstinens, aquam è vase onychino bibere solebat, hospitibus verò reliquis vinum optimum apponifaciebat. fuit non nemo qui eodem è poculo, de quo S. Præsul biberat, curiosè libaret, ratus quod erat, esse aquam; at vinum optimum esse, deprehendit. ecce abstinencia voluntaria à vino, aquam mutat in vinum optimum. De Joanne Baptista, quò inter natos mulierum non surrexit major, testatur

§ 8.
Alius modus mutandæ aquam in vinum: abstinere à vino, & aquam dare sitiienti.

Evan-

Evangelista; Luc. 1. v. 15. *Vinum & re. Quæ verba Augustini, in illud ficeram non bibet.* Bonum est, quando suppetit, non bibere vinum, sed servare, ut de abstemio quandoque in Cœlis dicant Angeli: *servâ- sti bonum vinum usque adhuc.* Joan. 2. v. 10.


§ 9.
Exempla
artis feli-
cissimæ.

S. Homobonus lagenam vini ferebat aliquando operarijs in prædium (Surius 19. Novembris) cui cum sitibundi pauperes occurrissent, & potum rogassent, dedit; sed evacuato ad fundum vase, cum domum ob pessimam hospitam Xantippen pro vino reverti non auderet, aquam hausit, benedixit, & bibendam Operarijs detulit: gustârunt illi, & protestati sunt, se nil unquam pretiosius in vita bibisse. Homobonus rideri se ratus, gustat & ipse, & advertit reverâ aquam in vinum optimum abijisse. S. Augustinus ferm. 231. de tempore, expensa divitum erga pauperes paritate, exclamat: *O infelicitatem generis humani! quàm multi inveniuntur, qui ebrios amplius, quàm oportet, cogunt bibere, & ante ostium petentibus pauperibus vel unum calicem dissimulant dare: non attendunt, quòd illud, quod luxuriosis videntur erogare, Christus in pauperibus deberet accipe-*

re. Quæ verba Augustini, in illud Christi collimant, ubi dicit: *quicumque potum dederit uni ex minimis istis, calicem aquæ frigidæ &c. amen dico vobis, non perdet mercedem suam.* Matth. 10. v. 42. quibus verbis insinuare videtur artem ex aqua vinum faciendi; si non illud, quod bibunt homines, certè illud, quod bibunt in Cœlestibus nuptijs Sancti omnes; vinum, quod verè lætificat cor hominis; vinum, quo hausto nunquam sititur in æternum; quod expectare possunt omnes ac singuli, quotquot haustu frigidæ misericordiam exhibent sitientibus. Non perdent mercedem suam; nec tantum calicem, qui quidem unicus inebrians & præclarus est; sed integrum recipient liquidissimæ voluptatis torrentem. Audivistis ergo causam, Auditores, cur Christus in vino initium signorum suorum fecerit: intellexistis & modum, quo aqua in vinum illudque optimum, possit commutari. Et quia, ut audivistis per aquam intelliguntur lacrymæ, intelligitur Pœnitentia, Abstinencia & Misericordia erga pauperes, tantam artem, aquam nimirum in vinum convertendi probaturi, *Haurite nunc.*



PRO-



PROBLEMA XXXV.

Cur Leprosus veniens adoraverit
Christum ?

DOMINICA III. POST EPI- PHANIAM.

Ecce Leprosus veniens adoravit eum.
Matth. 8.

§ I.
Cur lepro-
sus adora-
verit
Christum.



Multis infirmis ,
quos magnus
mundi Medicus
(sic Christum ap-
pellat Augustinus)
tempore vitæ suæ
sanctæ curavit, duplices etiam ab
Evangelistis nominantur leprosi.
Decem vice unâ curatos memorat
Lucas c. 17. unum in hodierno Evan-
gelio Sanctus Matthæus. In sin-
gulis animadversione dignissima,
quâ sese præsentârunt Domino, est
circumstantia. De decem illis, in-
quit Lucas, *steterunt à longè*; de ho-
dierno uno ait Matthæus, *adorabat*
eum; haud dubiè & hic prout decem
illi, non propè, sed *à longè stans* a-
doraverit Dominum. Quòd flexis
Christum adoraverit genibus, cau-

sa esse poterat, quia infirmus, & af-
flictus erat; optima namque humi-
litis Magistra, miseria est, & infir-
mitas. Docentur virgâ animalia
genua flectere, tribulatio virga DEI
est, quâ coram Altissimo & nos pro-
sternere docemur. *Adorabat eum*,
quia Majestatem illam agnoscebat,
coram qua non solum cælum, & ter-
ra, sed & ipsi inferi sua in-flectunt ge-
nua. Quòd si enim olim, dum ad-
huc infans ab uberibus pendens
Matris, inque Ægyptum fugiens ab
inclinantibus sese adoratus est arbo-
ribus, quid mirum, leprosum hunc
genua curvare, & à tot patris mi-
raculis gloriosum adorare Domi-
num? Verum genuinam adoratio-
nis humilis ut præcedentium de-

C c

cem,

cem ita leprosi hujus absque omni dubio à longè stantis affert causam Paulus de Palat: in Caput octavum Matth. quòd metuerit, nè morbo suo fætido, & contagioso, Domino Paradisi molestus esset, *sentiebat plane leprosus Christi Majestatem: sentiebat, & lepræ fætores, ideòque coram tanta tremebat Celsitudine.* Lepra namque (prout auditum aliàs) peccatum denotat. si lepra itaque peccatum, fætor profectò lepræ, graveolentiam peccati denotabit, & graveolentiam quidem non solum DEO, & cuivis homini probo, sed & dæmoni ipsi intolerabilem. Idipsum, & quomodo fætor hic pelendus, audiamus.

Ecce leprosus veniens adorabat eum. Matth. 8.

§ 2.
Cur in sacrificio hircum sibi offerri voluerit DEUS.

Inter reliqua, quæ in lege veteri, præscripserat populo suo DEUS præcepta, erat & illud: ut in quovis sacrificio pro peccatis offerendo, hircus DEO oblatus sacrificaretur. Hircus sacrificium erat pro peccato sive Principis cuiuspiam, sive plebeij hominis offerendum. Imò licet aliam sibi subinde bestiam sacrificari vellet DEUS, attamen hoc ipso, quod ejusmodi pro peccato offerenda esset bestia, & hircum in ejus societatem offerri voluit, ut legere est Levitici 4. v. 23. Oritur itaque nunc quæstio: Cur in peccati remissionem hircus sacrificandus fuerit, cum animalia plura, eaque mundiora populo fuerint? Oleaster in Cap. 7. Libri Numerorum reponit hanc ob causam id præstitum esse, ut

hoc ipso hirci sacrificio, fætor peccati infinuaretur. *Mirum valde est, verba sunt Oleastri, quòd ut plurimum hircus pro peccato offertur; quo DEUS peccati horrorem, atque fætores adumbrari voluit; est enim animal horribile, & fætidum.* Ethæc ipsa causa est: dæmonem ex peccato horridissimum, & fætidissimum, plerumque sub hirci specie comparere, sibi que similibus peccato fætentibus hominibus, ad magias, vel saltus magicos, & conventicula evocando, non equum, sed fætidum plerumque in veredum submittere solere hircum. Imò quòd Christus ipse, damnandos hircis comparer, id factum est, ut notat Jansenius in Concord: Evang. c. 127. *ob illorum fætores, & immunditiam, vicujus peccatores hædis comparantur.*

Misericors, & bonus ille Samaritanus confractum, ac miserabilem illum hominem, qui in via Hierosolymitana in Jericho inciderat in latrones, vestibus spoliatum, vulneribus ad mortem fauciatum, non in alium locum, quàm in stabulum duxit, *imponens illum super jumentum suum, duxit in stabulum, & curam illius egit.* Luc. 10. v. 34. Nemo sanus negaverit magnam Samaritani hujus fuisse charitatem, magnamque compassionem; sed, laudabilius eum fecisse, asseret alius, si pauperculum hunc in meliori hospitio hominum, & non in jumentorum mansione, domo, atque habitaculo accommodasset: sed enim ordinatissimam hanc ipsam fuisse charitatem, censet Dionysius Carthusi-

§ 3.
Cur Samaritanus ille vulcratus à latronibus stabulo inferatur.

anus

anus in Lucæ Caput decimum dum ait, *eum potius in stabulum, quam domum duxisse, ut præsentis vite factorem attendamus*, id est, peccata, quibus affecti mortales; (per hæc enim peregrinus ille denotatur) & jam non hominum, sed irrationalium, foetidissimarumque bestiarum induentes naturam, haud aptior ipsidem hospitij censeatur esse locus, quam foetidum animalium stabulum. Peccati foetor gravissimus. *Revera enim stabulo, putredineque omni peccatum deterius est, atque foetidius*, inquit Chrysostomus hom. 2. in I. ad Timoth. c. 1. Quid amabò cadavere foetidius, quid abominabilius est? homo æstivo tempore vel à longè mephytin cadaveris sentiens, illicò sibi nares obstruit, quoad transierit. Foetet ut diabolus (dicere amant Mortales) intolerabilem foetorem quempiam indicaturi, quid enim dæmone foetidius? nam quemadmodum illo in gratia constituto nil pulchrius, ornatius nihil fuerat, ità post lapsum peccati corruptus, foetidissimus effectus est, quo foetidius nihil: juxta illud Philosophorum: *Optimi corruptio pessima*. Et sanè post diabolum foetidius nihil diabolico homine, ut peccatorem dicere audeo, pejori etenim hunc ipsum jam dudum ante me insignivit, & vocavit titulo D. Hieronymus in Isaia c. 14. dum edixit: *peccatum est cadaver diaboli*. Intolerabilis fuerat Davidi hic foetor, utin illa Jobi prorupisse verba videatur. Job. 7. v. 20. *factus sum mibimet ipsi gravis*: quando jure merito conquectus est;

putruerunt, & corruptæ sunt cicatrices meæ à facie insipientie meæ psal. 37. Græcus textus legit: *corruptæ sunt, & foetuerunt*. quasi dicat: vulnera animæ meæ, scilicet peccata, adeò gravia sunt, ut non solum propter illa mortem æternam metuum, verum & adeò graviter olentia, ut eorū foetori sustinendo diutius nō sim.

Hic ipse foetor causa erat, ut David precaretur Dominum: *salva me ex ore leonis* psal. 21. v. 22. David non precatur de ore canis, serpentis alteriusque liberari animalis, sed *leonis*, & cur id? causam intelligo ex Plinio Lib. 8. c. 16. asserente: leonem, ob carnem, quam in ore suo masticat, feris omnibus esse horrore, atque formidini ob foetidissimum illum, nec non venenatum halitum, quo cibum illum inficit. Peccatum morsus quidam leonis est, & hac de causa vulnus ejus non solum lethiferum, verum etiam foetoris ergò intolerabile. Morsu leonis, saucius, vulneratusque fuerat David peccato adulterij, à morsu hoc, utpote Davidi intolerabili, inclamat, & unice expetit à DEO liberari. Foetorem hunc (itā annotante D. Bernardino part. 4. serm. 45.) à longè sensit purissimus Dominus in horto Gethsemani Luc. 22. dum eum osculaturus accessit cadaver diaboli, leonino, infernali morsu saucius Judas, ut quodammodo abhorrens, dicat: *Juda, osculo filium hominis tradis?* quasi diceret: non horreo Juda mortis meæ præsentiam, passionisq; instantis tormenta, sed intolerabilem foetorem, quem tu ore sacrile-

§ 4.
Cur David
ex ore Leonis peccat
liberari?

go, & osculo offers: hunc abominor, hunc detestor. Nam *putredo illius osculi* (inquit præfatus Bernardinus) *fuit de horribilibus fœtoribus, quos unquam sensit Christus.* Jam quidem tunc odoratu perfecto destitutus non fuerat Christus, quando in mundum infans natus, huius multiplicem persensit fœtorem, verum corporalem non abhorruit, siquidem & in stabulo bovem inter, ac asinum nasci dedignatus non est: horret autem animi, horret peccati fœtorem tantum, ut in lamentabiles, illas prorumpat querelas: *Juda osculo filium hominis tradis!* Horrendum fateor tormentum, quod barbarus, omnique feritate ferior olim ille ingeniosâ excogitavit crudelitate Maxenti⁹ tyrannus, hominem vivum cum homine mortuo infrusta dissecto, sacco includens, ut sic morte lenta, & fœtore enecaretur: sed foetidiore longè, abominabilioreq; Christi⁹ affect⁹ est tormento, dum osculo peccati foetidissimo à Juda est traditus.

S. 5.
Peccati
fœtor i-
psum pec-
cum pœ-
trat.

Quis ignoret peccati fœtorem esse tantum, ut in cœlum ipsum penetret, & divinum, ita loquendo, hebetet odoratum? Id ut manifestum faciam, placeat tantisper per pensulati⁹ illa filij prodigium minare verba, quibus, in se reversus, Patrem deprecatus est: *Pater, peccavi in cœlum, & coram te.* Animadvertite, quod filius hic degener veniam à patre petens, doleat unice se in cœlum peccasse. Nam si filius hic, ut lucifer, aliquando cœli fuisset incola, miranda haud essent verba illius, quibus se in cœlum peccasse

ait, quemadmodum nec mirandum est, cum dicere, *coram te*: nam in conspectu vixerat aliquando Patris, rursumque periturus comparet. Verum, rectè (inquit Bernardinus part. 1. ser. 24. a. 2. c. 2.) fatetur culpam suam in cœlum, quia peccando in terra, cœlum infecit peccati fœtore. DEus ubique est, ubi DEus, ibi cœlum; peccans itaque coram DEO, cœlum quodammodò fœtore inficit. Ethæc causâ, quod viginti quatuor illi Seniores, quos, Apocalypcticus ille vidit oculus c. 5. v. 8. habentes *pbialas aureas plenas odoramentorum*, stent coram Agno; *pbiale* namque *auree*, quas Joannes vidit *odoramentorum plenas*, ad aliud non sunt, quam ad *abolendam criminum nostrorū corruptelam, odorem suavitatis emittentes*; inquit Greg. XI. in Bulla Canoniz. S. Francisci Seraphici. Adeo certè foetent peccata, ut nec dæmon foetidissimus, quandoque horum sufferre potis sit fœtorem. Testatur id Holcott 21. Sap. lect. 128. Nicromanticum quempiam, ait diutino dæmonem advocasse tempore, eumque tandem sed post moras longiores ex longinquo sibi comparentem habuisse. Moræ, ac distantiarationem exquirens Nicromanticus admirationis plenus ex diabolo, hanc accepit responsionem: fœtor tuæ luxuriæ propiorum ad te mihi inhibet accessum. Et ita sanè est. *graviores* namque *sine comparatione putorem cloacis ipsis luxuriose reddunt cogitationes*; quia fœtores bi animarum sunt, illi corporum: inquit Cæsarius Arelat:

hom.

hom. 6. Si tantû itaq; solæ cogitationes luxuriosæ exhalant foetorem, saniore, oro, revolvite mente, quantò majorem dictâ p̃sa, factâq; exhalent

Enim verò reponet.

fors quispiam: si tantus, peccati factor, ut cœlum ipsum feriat, penetrêtque, qui fit, cum Universum peccatis plenum sit, & ut accidit, ut ab hominibus in mundo degentibus non notetur? Respondeo: Quantumvis foetor iste à nobis perceptibilis non sit, exinde tamen sequela non est, graveolentiam quoque à se non diffundere peccata: ratio hujus defumitur vel ex hoc; quia nares nostræ putoribus illis plenæ sunt, utpote in foetoribus ejusceinodinati, educatîque. Sicut enim pisces inter amaras maris aquas nati, atque enutriti ejus amaritudinem minimè persentiscunt; ita & nos universi hujus incolæ peccati foetorem haudquaquam percipimus, quia in illo nati, & educati sumus. Hoc ipsum sequentibus confirmat verbis D. Vincentius serm. 1. Domin. 2. Adventûs, dum ait: *Nec pisces sentiunt amaritudinem maris, nec stabularius odorem stabuli persentiscit, quia nati, & enutriti in foetore illo.* Et mellifluus Bernard. Lib. 1. de Consider. *Ubi omnes sordent, unius factor non sentitur.* Et quia in sordescente hoc mundo multi, sine his peccatorum sordibus, mundi, & immaculati vixere, hi nimium sordidum istum peccatorum persentiscebant foetorem. Hunc persentiscebat purissima illa, atque sanctissima Virgo Catharina Senensis, quæ quotiescun-

que obvios habebat homines luxuriosos, tantam ex foetore peccatorum ipsorum passa erat molestiam, ut eundem sustinere non valens, omni ex parte faciem suam divertere cogeretur. Imò, cum die quopiam cum Gregorio hujus nominis XI. Summo Pontifice sermonem familiarem misceret, dicere non dubitavit: se Senis constitutam eorum peccatorum, quæ Romæ committebantur, foetorem manifestè & distinctè percepisse. S. Antoninum, ipsius Sanctæ, verba referentem audiamus, par. 3. tit. 23. l. 14. §. 13. *Ad honorem Omnipotentis DEI audeo dicere: quod plus ego percepî foetorem peccatorum, quæ in Romana Curia committuntur quotidie, existens in civitate mea, unde sum orta, quam percipiant ipsi, qui commiserunt ea.* De Sancta Francisca Romana vitæ autor refert, Sanctam, quandoque deliquium passam ex foetoris peccatorum graveolentia. Superiori allegatæ causæ, cur ordinariè ab hominibus foetor peccatorum non percipiatur, adjungo aliam, quam assignat Simon de Cassia gest. Christi L. 5. c. 15. Quod si ab unoquoque mortalium peccatorum humanorum foetor persentiretur, nullus hominum in hoc mundo vivere, aut cum altero conversationis confortium habere posset. *Si foetor in iniquitatibus sentiretur* (verba illius sunt) *conversatio omnino mortalium scinderetur, necessest aliqua necessitudo, aut copula seu amor innedens simul conversari consentientes.* S. Bonaventura in diætâ salutis c. 39.

§ 6.
Cur peccati foetorem homines passim non sentiant?

ausus est dicere: adeo immanem, vel unius damnati esse corporis foetorem, ut si in hunc mundum inferretur, mox omnes domos, pagos, urbes, Provincias, imò pisces omnes sub aquis, volucres in aëre, feras in silvis, & quidquid spirat, lue pestiferâ inficeret, & interficeret. Nunc verò certum est, illum intolerandum foetorem, non allunde, quàm à peccatis, quibus dum viverent, contaminârunt corpora, originem suam habere, atque enormitatem diabolicæ turpitudinis tantam esse, ut suprà memorata D. Catharina videns ad momentum vice quâdam diabolum, dixerit Domino: se millies morituram potius, quàm ut iteratò turpissimum illum intueretur spiritum.

§ 7.
Remedium
um pellendi
di foetorem
peccati.

Intellectâ foetoris peccati enormitate, superest nunc abolendi huius efficax quoque præbere remedium, quod qui cupitis, capite illud ex Lucæ c. 7. v. 34. Hic describens Mariæ Magdalenæ in civitate peccatricis facta, ait, mulierem hanc adeo peccatorum foetore contaminatam fuisse, ut sibi ipsi gravis, & intolerabilis, neutiquam auderet vel antrorsum coram Jesu comparere: quid itaque egit? attulit alabastrum unguenti, & stans retro secus pedes ejus lacrymis cœpit rigare pedes ejus, & unguento ungebat. Cur hoc? causam percipite ex Didaco Stella in Lucæ c. 7. Peccatrix

hæc mulier suavissimis odoribus venit ad filium DEI, nè peccatorum foetore Christum offenderet, ita ille: hoc factum vice unâ in domo Simonis; vice alterâ in Bethania domi propriæ, in qua resuscitato Lazaro fratre dignatus est Christus unâ mensæ accumbere, & tunc rursum, librâ unguenti unxit pedes JESU, additque Joannes, capite duodecimo v. 3. Domus repleta est ex odore unguenti: Sed quæ causa, quòd vice primâ allati secum unguenti odor taceatur, vice verò alterâ clarè describatur? eam ex Sancto audite Paschasio ser. in Matth. c. 26. neque odoriferū dicitur, quia peccatrix mulier accusatur. Primâ vice cum unguento comparens Magdalena peccatrix erat, cujus foetor refugit unguenti odorem; veniens verò vice alterâ, quæ jam erat post pœnitentiam, post peccatorum remissionem, & audiêrat: remittuntur tibi peccata, tunc ita unguento suo redolebat, ut odore illius repleta fuerit domus tota. Gratia ergò DEI per pœnitentiam obtenta unguentum illud est, quo foetor ille peccati pessimus enervatur, atque propellitur. Exemplar pœnitentis erat quatridentanus, Lazarus à Christo resuscitatus, cujus sepulchrale saxum, dum Christus revolvi jussit, clamabat Martha: Domine jam sætet. Sororibus sætebat, non Christo, peccatum ante Dominum non sætet, si de ipso pœnitentiam agat, inquit Thomas Trugillus serm. 6. Dom. 4. Quadr. Conc. 2. Et D. Chrysost. peccata mali odores sunt, putri-

da

da sunt; tamen si agamus pœnitentiam, si ploremus, peccata putrida unguentum efficiuntur Domini. Ecce remedium: Si leprosi estis, DEO fœteturis, & Sanctis; pœnitentiam

agite: studete probæ vitæ, & ædificativis moribus; & cum Paulo dicere poteritis 2. Cor. 2. Christi bonus odor sumus, Amen.



PRO-



PROBLEMA XXXVI.

Cur Christo navigante cum Discipulis
excitata tempestas?

DOMINICA IV. POST EPI- PHANIAM.

Ecce motus magnus factus est in mari.
Matth. 8. v. 24.

S I.
Mundus
mare tem-
pestatibus
plenum



Nil in Scriptura & apud Patres est frequentius, teste S. Augustino Lib. 20. de Civitate DEI c. 15. & ferm. 13. de Verbis Domini, quàm quòd mundus iste mari comparetur, propter stabilem instabilitatem, amaritudinem, & pericula. Nullum mare tam instabile, nullum tam amarum, nullum tot ac tantis quot & quantis mundus, obnoxium periculis. Tempestas quotidiana, & unde tempestas? à vento. Et quid ventus? res adeò levis; ut Jobo nulla sit levior visa, unde vitam suam ventum vocat: *memento, quia ventus est vita mea* Job. c. 7. v. 7. ut ut autem ventus res sit levis, unus sufficit ad tempestatem, ad naufragium, ad

interitum. De hodierna tempestate ait Marcus: *Erat ventus contrarius illis.* c. 16. v. 48. Non opus ventis, unus sufficit, qualiscunque sit navis, ut vel periculo exponatur, vel re ipsa mergatur. Ecce navis, in qua vehuntur Apostoli, potuitne navis esse sanctior? Ecce navis, in qua est JESUS, potuitne esse felicior? *Cæsarem, & fortunam ejus vebis*, exclamavit exanimato propè nautæ Julius Cæsar. Jesum vehit navis, & tamen nulla ei est securitas: *Ecce motus magnus factus est in mari, ita, ut navicula operiretur Flutibus.* Ecquænam Causa tanti motus, tanti periculi? Judæ, qui eadem navi vehebatur, adscribit S. Ambrosius ser. 62. in Domin. 5. post Pentecosten sic loquens: *Erat ibi Simon Petrus. sed erat pariter & proditor*

Judas,

Judas, quamvis illius fides fundaret naviculam, bujus tamen eam perfidia conturbat. Origenes homilia 6. in divers. dicit factam ideo tempestatem magnam: ut Christus suam potentiam ostenderet, seque esse Dominum supremum terræ ac maris. hac de causa Angelus ille Apocalypticus cap. 10. v. 2. qui pedem alterum super mare, alterum super terram habebat, ad mentem venerabilis Bedæ, Richardi, Ansberti &c. Christi ubique potentiam designabat. Theophylactus excitatæ tempestatis causam hanc assignat: ut discipuli magis timerent, & in periculo rogarent Dominum. Nunquam est securitas (inquit Bernardus ser. de ligno fœno & stipula) neque in cœlo, neque in paradiso, multò minus in mundo. Quò quis sanctior, eò plùs timere habet: plùs enim tentationum ventis ac tempestatum fluctibus est obnoxius. Hoc nunc ostendam,

§ 2.
Homines
naves sunt
tempesta-
tibus ex-
positæ.

Ecce motus magnus factus est in mari. Ingeniosum est illud cœnotaphium, quod sibi struxit vir consilij, in Modin Civitate à mari duodecim horarum itinere columnas ingentes & super columnas naves sculptas, quæ viderentur ab omnibus navigantibus mare. Lib. 1. Machabæorum Cap. 13. v. 29. Consilium autem erat, omnibus exponere, omnes nos in pelago hujus mundi vehi, & licet videamur esse columnæ, non tamen esse nisi naves minimè securas, ad quarum submersionem unus sufficit ventus, tempe-

stas unica tentationis. Columna cœli visus est Lucifer, navis fuit, & navis quidem virtutibus & prærogativis onustissima; & tamen unus ventus ab Aquilone flavit: in lateribus Aquilonis Isai. 14. v. 13. tempestatem excitavit, naufragium intulit, in quo cum oneraria navi tot milliones periverunt. Si tanta navis (vento superbie in ima demersus Lucifer) tot mercibus onusta mergitur, quomodo nos cymbulæ subsistemus? Duæ naves in paradiso Adam & Eva à DEO ædificatæ & elaboratæ, ab uno halitu serpentis, ab uno vento gulæ orientali superatæ sunt; & vix in tabulis pœnitentiæ diuturnæ enatârunt. Quàm divina navis David! erat ita instructa, ut nullo timeret à turbine: Ego dixi in abundantia mea: non movebor in æternum. ita de semetipso ait Psal. 29 v. 7. unus tamen ventus veniens ab Occidente Zephyrus, unus ventus Venerus mersit hanc navim. colligo enim ex tabula Geographica Adrichomij, fenestram, quâ curiosè vidit Bethsabeam lavantem, fuisse ad Occidentem. O tu es Bethsabea à filio laudata, prov. 37. v. 14. quasi navis institoris. quàm depauperatæ es, ut nec occurrerit tibi cum adultero tuo clamare: psal. 68. v. 3. tempestas demersit me. Petrus navis videbatur esse solidissima, contra quâ Math. 18. portæ inferi non prævalebunt; at ab uno halitu, à vento unico timoris & respectus humani alliditur, imò in brevità & syrtes impellitur: hæret in sicco, donec ex aula oculis JESU, quasi funibus fuif-

set extractus, fufis copiosè lacrymarum aquis ficcitati succurrens. Ecce quàm verum, quò quis sanctior, eò magis expositus est tempestatibus. O quàm bene S. Bern. de tempestatibus: *Nunquam est securitas, neque in cælo, neque in paradiso, multò minùs in mundo.* serm. de ligno fœno & stipula.

§ 3.
Cur Diabolus
Princeps
æris dicatur?

Nescivi hætenus quare Diabolus vocetur *Princeps æris*. Cur hoc nobile elementum rebeli spiritui attribuitur? quòd *Princeps terre* appelletur, transeat, Si Princeps ignis Lucifer nominaretur, nihil esset dissonum à nomine. Sed quòd *Princeps æris* 4. Eph. v. 2. à Doctore gentium vocetur: *ambulastis secundum potestatem Principis æris*, non satis capio. An ideo maledictus spiritus æris Princeps audit, quia ær in libro Genesis omisus est, nec ulla benedictionis datæ facta mentio? Fors ideo quia nec colorem proprium, nec figuram habet, & ad omnium rerum, quas suscipit, motus se accommodat; genuinum pseudopolitici symbolum. An ideo Princeps æris dæmon, quòd omnia illius promissa ventis leviora sunt in auras abeuntia? S. Thomas in loco citato existimat, idè dæmonem Principem æris dici: quia magnus numerus, dum cælo excidissent, hæsit in ære. Origen. opinatur idè vocari Principem æris, quia *ventos concitat tentationum*, & quidem eò majores, quò majores in virtute & sanctitate homines sunt. Tentatio fuit ille ventus, quò iusti Jobi domus corruit; Tentatio fuit ille ventus quo Jonæ navigatio impedita fuit.

§ 4.
Quò quis
est sanctior,
eò magis
expositus
periculis.

Et quamvis tentatio neminem immunem permittit, ita ut rectè Job. capite. 7. v. 1. vitam hominis *militiam*, vel ut alij legunt, *tentationem* vocet; nihilominus si-

cut alta ædificia ventis sunt magis exposita & tempestatibus, sic Sathanas magis infestat, concutit, & agitat, quidquid in sublimi positum est virtutis & perfectionis. *Agit hoc sanè superba & invidiosa malitia* (inquit de diabolo S. Bernardus in psal. 90. v. 8. *perfectiores vehementer pulsant*, Bellè hoc novit Ecclesiasticus, ut paternè monet unumquemque Virtutis & sanctæ vitæ studiosum: *Fili accedens ad servitutem DEI sicut iustitia & timore: & præpara animam tuam ad tentationem.* Eccl. 12. v. 1. In quæ verba Rabanus apud Cornelium in Ecclesiastici caput modò citatum: *quantum enim quis se à mundi errore arvertere certat & ad servitium DEI coadunare festinat, tanto graviora bella accertamina ab hostibus tolerat. quisquis enim accingi in divino servitio properat, quid aliud contra se quàm antiqui adversarii certamen parat? ut liber in certamine ictus suscipiat, qui quietus sub tyrannide in captivitate serviebat.* Unde S. Hilarius in c. 4. Matthæi: *In sanctificatis nobis, inquit, maxime diaboli tentamenta grassantur.* Ut enim idem Hilarius ait. *Victoria est ei magis exoptata de sanctis.* Quàm ob causam meritò S. Chrysost. hom. 31. in Genesin, dæmones ait similes esse piratis: *Quemadmodum, inquit, piratæ, quando vident navim multis mercibus oneratam, & plurimas adducentem divitias, tum potissimum varijs moliuntur insidijs, ut possint mercibus omnibus navigantes spoliare; ita sanè diabolus, cum videt spirituales divitias coacervatas, avaritatem servidam, mentem vigilem, & quotidie divitias augeri, cruciatur & dentibus frendet. & quasi pirata circum, & innumeras excogitat artes, ut si qua vel parvum inveniat adiutum, quidquid in nobis est spiritualium divi-*

divitiarum deprædetur. Et in eandem sententiam sanctissimus Pontifex Leo serm. 1. de Quadragesima, *Intelligamus*, ait, *quânto studiosiores pro nostra salute fuerimus, tantò nos vehementius ab adversarijs impetendos*. Similiter lib. 3. de summo bono capite quinto loquitur S. Isidorus: *Quia Diabolus in sanctis intrinsecus non regnat, contra eos extrinsecus pugnat, & qui intrinsecus amisit dominium, exterius commovet bellum*. Optimè notat S. Bernardus in expositione illius versûs: *Cadent à latere tuo mille, & decem millia à dextris tuis*. Psalm. 90. v. 8. Prophetam hoc loco voluisse attendere ad morem belli, in quo concertaturus cum hoste, majori impetu cornu dextrum, ubi solet esse major & robustior nervus militiæ, invadit nulla alia de causa, quàm ut residuum exercitum in confusionem & turbationem redigat. Manus dextera electorum symbolum est, *militia seu tentatio*, ut dixi, *est vita hominis*. in hanc dextram maximè diabolus vires exerit, *agit hoc sanè superba & invidiosa malitia*, ait de diabolo S. Bernardus, *perfectiores quoque vehementer pulsat*. Non quærit diabolus homines infideles, inquit epist. ad Eustochium de Custodienda Virginitate Divus Hieronymus: non quærit in gravibus peccatis hærentes, hi enim satis certi ipsi sinè hoc sunt, *de Ecclesia Christi rapere festinat*. Sanctos & perfectos magis tentat; hi enim: *ut escæ ejus electi sunt*. Habacuc. c. 1. Venatores per montes præruptos & horridas silvas, apros, cervos, non jumenta, equos & asinos &c. qui ad manum sunt, quærunt; horum enim carnes, non ita electas escas præbent. Cervus similes perfecti: *qui perfecit pedes meos tanquam cervorum, & super excelsa*

statuens me psal. 4. Jumenta, homines inquam vitiosi, carnales, semper sunt parati ad obsequia dæmonis. *Hostis noster*, ait D. Gregorius, *quânto magis nos sibi rebellare conspiciat, tantò amplius expugnare contendit, eos enim pulsare negligit, quos quieto jure possidere se sentit*. Miram non nemo Patrum quâdam vice habuit visionem apud Josephum. Mansi tit. Tentatio, discursu 7. num. 9. vidit nimirum Eremum quandam dæmonibus refertam, juxta verò Urbis portam unicum dæmonem, & hunc quidem sedentem quasi somnolentum, revelatum illi à DEO, non debere mirum ipsi videri, quòd unum duntaxat videret diabolum ad portam Urbis, tot in Eremo; eò quòd in delitijs viventes sine labore ad vitia pertrahantur, difficulter in eremo sanctitati unice invigilantes; ac proinde hos magis tentari oportere. Ingeniosè observat Rupertus, To. 2. Lib. 4. in Apocalyp. c. 7. 4. cur post Ruben, qui *Videns* interpretatur, ponatur Gad, qui significat *tentatus*. Ex quo hanc deducit moralitatem proposito nostro accommodam. *Post Ruben sequitur Gad, qui tentatus vel accinctus interpretatur; post inchoationem enim boni operis, majoribus necesse est hominem tentationibus probari, ut fidei illius fortitudo comprobetur*.

De copiosissimo numero hostium, qui convenerant contra Regem Josaphat, ait Scriptura Lib. 2. Paralip. c. 20. v. 2. *venit contra se multitudo magna de his locis, quæ trans mare sunt*, Lyranus notat modum, quo Spiritus S. Capitis hujus facit initium. *Post hoc congregati sunt filij Moab*. Postquam nimirum Rex Josaphat humiliter suscepisset correctionem Prophetæ, & omni conatu studuisset populum suum re-

S. S.
Magis Vigilantibus
magis invigilat
dæmon.

ducere ad obedientiam & cultum veri DEI, tunc contra eum hostes surrexere, ad indicandum, inquit Lyranus, quòd tunc, maximè exsurgunt contra nos tentationes infernaliū hostium, dum intimiūs DEO jungimur, & illius sancto servitio mancipamur. Vix David sanctè decrevit: *Juravi & statui custodire judicia justitiæ tuæ*, mox fatetur: *humiliatus sum usquequaque*, psal. 118. v. 106. id est ut Hugo interpretatur, *tribulatus tentatus sum*. Ecce post propositum DEO sanctè serviendi, statim tentationes insurgunt contra David. Quod S. David, hoc omnes Sancti experti sunt. *Perlege*, inquit S. Thomas Villanova, Domin. 1. Quadragesimæ conc. 1. *si vis, omnium Sanctorum libros, & miras invenies passos tribulationum procellas*.

Id ipsum de ipsa sanctitate Christo invenies. *Ductus est JESUS in desertum à spiritu*, Matth. 4. ut ibidem jejunium nostrum sanctificaret, & orationi vacaret in solitudine. quo peracto, *accessit ad eum tentator*. Vidit dæmon Salvatorem mundi insolenter jejunantem, mox ventum vanæ gloriæ immisit, cum tentationem temeritatis immisit, quā elevatum præcipitare volebat: *Mitte te deorsum*. Tandem spiritum procellarum afflare ausus: *Hæc omnia tibi dabo si cadens adoraveris me*. Unde tanta dæmoni audacia? Inde, quia ex esurie, quam Christus passus erat, collegit esse hominem, adeoque sic fecum ratiocinatus est: Si ego Angelus cadere potui, Cur non iste, qui homo est? Ità S. Leo serm. 3. Quadragesimæ: *viderat superbiam suam, baptizati Domini JESU humilitate calcatam, intellexerat quadraginta dierum jejunio omnem cupiditatem carnis exclusam, & tamen non desperat de artibus suæ malitiæ spiritualis improbitas, tantumque sibi*

de naturæ nostræ mutabilitate promittit, ut quem verum experiretur hominem, presumeret posse fieri peccatorem. Hæc S. Leo. Si proinde mergere se posse præfidit dæmon, talem hominem, tantam navim; quantò magis te fragilem cymbulam? Hoc autem nè fiat, nè tempestas maris & tentationis te demergat, imitandi sunt nautæ, qui factà tempestate anchoram eiciunt & navim firmant. Anchoram salutarem timorem intelligo; quo mediante Apostoli periculum evitârunt. *Sicut nautæ, dum è portu solvunt stante favonio, non ideo omittunt accipere anchoras, quæ tempore tempestatis sunt necessariae, ità & servus DEI licet magnâ fruatur quiete, nunquam tamen debet esse sine judiciorum Divinorum metu, sed hunc semper apud se habere, ut tentationum fluctibus insurgentibus uti possit*. Ità monet Sanctus Franciscus de Sales Lib. 18. de Amore DEI c. 17. *Sicut navis sine saburra securæ non est, sed à quovis vento sine periculo propellitur, ità & anima periclitatur, quæ saburram seu anchoram DEI timoris non habet*. ità Granatensis in duce peccat. fol. 487. Quisquis in mundi hujus procelloso mari navigat, & sine timoris anchora navigat, temerarius est, clarumque dat indicium, se virtutibus vacuum navim esse. Philosophus percelebris, ut ex A. Gellio S. Hipponensium Præsul, de Civit. DEI lib. 9. cap. 4. refert, cum multa hominum fœce navigio vehebatur, cum ecce tibi ingens exoritur tempestas: nemo tunc Philosopho illo cernebatur timidior, cessante post cæli furore, prodit nescio quis securarum, & Philosophum acerbè ridens: O præclarum, ait, Philosophum! putabam ego te præ nobis omnibus cordatum esse; at vidi-mus te jam omni lepore timidior.

ego

§ 6.
Cur jejunantē Salvatorem tentarit Dæmon.

ego sanè in hac tempestate timui nihil, sciens, quia ridere solet post nubila Phœbus. Cui Philosophus idem ferè, quod simillimo in casu, simillimæ farinæ nebuloni Aristippus respondit: Non erat profectò, cur timeres pro anima hominis nauici, quo fluctibus hausto quidnam fuisset damni? At ego pro anima Philosophi timebam, nobiles mecum porto Sapientiæ thesauros, quos cum periclitari cernerem, erat, erat cur timerem. Siquis non timet, sanctus non est, alioquin cum converso & sancto psal. 81. v. 2. clamaret: *Custodi animam meam, quoniam Sanctus sum*: Idemque ab omnibus bonis & sanctis requirit: psal. 33. v. 11. *Timeate Dominum omnes Sancti ejus*. Et tales se esse timendo Dominum ostendère Sancti Apostoli, & quidem ostendère in cœna: audientes namque verba de perfido & abjectæ mentis Juda: *unus vestrum me traditurus est: contristati valde cœperunt singuli dicere: nunquid ego sum Domine*? Cur tam feridè apprehendunt unius casum ut singuli putent esse suum? Venistne tibi unquam in mentem O Petre, Thoma, Joannes, tanta improbitas?

Nónne ò Thoma in sententia manes mori paratus cum Christo? nónne & tu Petre, *etsi omnes scandalizati fuerint*: cur ergo contristantur, cur pavent securâ conscientia? Respondet S. Leo ser. 7. de Passione Domini: Contristati sunt non de conscientia reatu, sed de humanæ mutabilitatis incerto, timentes, nè minùs verum esset, quod in se quisque noverat, quàm quod ipsa veritas prævidebat. Prudenter ò boni discipuli, sapienter ò optimi Apostoli. Sic & nos sentiamus, & cum illo Eremita exclamemus: Hodie peccavit frater, & cecidit, ego cras & turpius quidem. Timeamus & oremus cum S. Philippo Nerio, cujus tres aspirationes omnibus commendò. 1. *Cadam Domine si tardas succursum*, 2. *Domine omnia peccata mundi faciam, nisi tu impediās, diffido mihi, confido tibi*. 3. *Video Domine JESU, manus, latus, pedes: habent 5. vulnera, nisi me hodie teneres, ego tibi sex, imo sexaginta sex majora infingerem. Domine ego timeo mihi, time & tu à me tibi, & non timebimus ambo, sed amabimus nos ambo æternum Amen*.



PROBLEMA XXXVII.

Cur Diabolus inimicus homo
dicatur?

DOMINICA V. POST EPI- PHANIAM.

Inimicus homo hoc fecit.
Matth. 13.



Parabolam hodierni jam perfecti Evangelij ipse Dominus JESUS nobis explicuit, juxta sonum latini textus: Matth. 13. v. 38. *ager est mundus, bonum semen sunt filij Regni, Zizania autem filij sunt nequam, inimicus autem qui seminat, est diabolus.* Mirum valde (inquit Sylveira in consideratione explanationis parabolæ) quod per multum tempus ager iste steterit patens & nunquam in illum ingressus sit inimicus homo, nisi modo postquam noster Sator bonum semem in illo diffudit, tunc super illum seu super triticum seminat.

nequitiam serere consuevit, non ut acquirat Zizanium; sed ut triticum perdat, non ut reos capiat, sed ut adimat innocentes, non ut obsideat mortuos, sed impugnet viventes; quia quanto magis quis DEO servire desiderat, tanto magis in se excitat adversarios, inquit S. Ambrosius, in psal. 118. & ego ante dies octo ostendi. Sed quare diabolus dicitur inimicus homo? Rationem dat S. Paschasius, lib. 7. in Matth. quia bono semine jacto vidit per gratiam homines adoptatos in filios DEI, à quo decore & excellentia ipse ceciderat, propterea malignitatem machinatur. Inimicitias ponam inter te & mulierem, Gen. 3. v. 15. quod autem homo dicatur, causa est: quia sub similitudine rationis humanæ decipit: Albertus M. Diabolus dicitur homo (inquit Hug.) ab homine derivato, sicut Scipio Africanus ab Africa derivata. Hominem inimicum ipsum diabolum, quia semper omnibus obesse conatur, merito ap-

§ I.
Diabolus
dicitur
inimicus
homo quia
homo malus, &
non est.

*Superseminavit, non semina-
vit* (inquit ferm. 96. S. Petrus Chryso-
logus) *quia hæreses inter fideles, inter
sanctos peccatum, inter pacificos lites,
inter simplices dolos, inter innocentes*

pellavit

pellavit, ait S. Chrysoſt. hom. 47. in Matth. Cùm diabolus homo non ſit (Sylveira ſuprà) homo tamen appellatur hoc loco, ut aptius ejus furor exprimatur, cùm nullus major inveniatur, quàm hominis in hominem. Ergone malus homo dæmon? ita eſt, oſtendam imò quod Auctor imperfecti operis hom. 24. probat, Homo mal' pejor eſt, quàm ipſe diabolus. Faxit DEus, ut in potentia ejus digito unum ſaltem dæmonium in præſens ejiciam.

§. 2.
Chriſtus
malum ho-
minem vo-
cat Dæ-
monem.

Incarnata Sapientia quæ, teſte S. Joanne, cap. 2. v. 25. *ſciebat quid eſſet in homine*: videns perverſam intentionem, quæ erat in Juda perfido diſcipulo, qui Magiſtri amantiffimi traditionem machinabatur, videns ſcelus, quod ſucceſſu temporis patraturus erat, prædicens ad omnes ſimul congregatos ait: *Nonne ego vos duodecim elegi, & unus ex vobis diabolus eſt? dicebat autem Judam Simonis Iſcariotem: hic enim erat traditurus eum.* Joan. 6. v. 71. Ecce æterna Veritas, quæ nec fallere, nec falli poteſt, hominem malum, qualis erat Judas, diabolum vocat. Nec immeritò: ſicut enim teſte S. Paulo 1. Cor. 6. v. 17. *qui adhæret Domino, unus ſpiritus eſt cum eo*; ita qui adhæret diabolo, quod per malitiam gravis peccati fit, unus ſpiritus, verbo, diabolus eſt cum eo. Eandem quoque Veritatem aſſerit S. Bernardus ſerm. de S. Benedicte. *Transgreſſor præcepti Dominici ſpurios ſibi ſociat ſpiritus, & adherendo eis unus cum eis efficitur dæmon.* Bernardo concordat S. Bernardinus: T. 1. ſerm. 31. a. 1. c. 2. *Omnis peccator filius diaboli eſt.* Quod Chriſtus Joan. 8. v. 44. de Judæis mortem ſi-

bi machinantibus dixit: *Vos ex Patre diabolo eſtis, & deſideria Patris veſtri vultis facere.* Hoc Bernardinus genericè dicit de omni malo & peccatore homine, ſiquidem Judæis ſimiles ſunt peccatores quovis gravi malo *rurſum cruciſigentes ſibi metiſpis filium DEI.* Hebr. 6. v. 6. & conſequenter filij diaboli.

Ut autem Veritatem hanc profundius intelligamus, quòd peccatores ſpiritualiter à dæmone velut filij illius generentur, revocandus eſt in memoriam textus ille Joannis, epif. 1. Joan. 3. v. 8. ubi dicit: *qui facit peccatum, ex diabolo eſt, quoniam ab initio diabolus peccat, omnis, qui natus eſt ex DEO, peccatum non facit, quoniam ſemen ipſius in eo manet.* In hoc maniſeſti ſunt filij DEI & filij diaboli, omnis, qui non eſt juſtus, non eſt ex DEO. quæ verba Lyranus ſic exponit: *ſcilicet quòd bi non peccent mortaliter, alij vero ſiant filij diaboli propter operationem peccati.* S. P. Auguſtinus ait: *Tract. 4. in Joannem: Neminem fecit diabolus, neminem genuit, ſed quicumque fuerit imitatus diabolum, quaſi de illo natus eſt filius diaboli imitando, non propriè naſcendo.* Cui concordat Dionyſius Carthuſianus de peccatore ſic loquens *Ex diabolo eſt, non animam ab illo habendo, ſed ejus pravitatem ſequendo, aut ejus tentationi conſentiendo, pertinendo quoque ad eum, tanquam ejus membrum atque mancipium.* Alcuinus quæſt. 75. ingenioſè quærit in illa Verba Gen. 3. v. 14. à DEO ſerpenti dicta: *Inimicitias ponam inter te & mulierem, & ſemen tuum, & ſemen illius,* de quo femine, vel de qua inimicitia DEus loquatur? Ipſeque ſibi reſpondet: *Semen mulieris eſt*

§ 4.
Peccatum
facit pec-
catorem
parem
diabolo.

Porro verissimum esse, quod peccatum peccatorem unum idemque faciat cum dæmone, magis confirmabitur, si consideremus id, quod DEUS serpenti post prævaricationem protoparentis dixit: *Terram comedes*. Sed dicit aliquis: Sathan est purus spiritus, cur igitur terra illi in nutrimentum assignatur? pro resolutione notandum, quod DEUS homini post peccatum dixerit: *pulvis es*. Hæc enim maledicta terra, quæ peccatorum spinas & tribulos germinat, nos ipsi sumus. Unde S. Augustinus 3. Tract. de agone Christi c. 1. dicit. *Distum est peccatori: Terra es &c. datus est ergo in cibum diabolo peccator, non simus terra, si nolumus manducari à serpente. Sicut enim quod manducamus in nostrum corpus convertimus, ut cibis secundum corporis qualitatem homo efficiatur, quod nos sumus, sic malis moribus per nequitiam, superbiam, & iniquitatem homo efficitur quique quod diabolus est; & hoc est, quod dicitur manducari à serpente.* S. Gregorius in 4. psalmum pœnitentialem supra nominata verba exponens sic ait: *Antiquus hostis terram comedit, quia peccatores quosque in ventrem suæ malitiæ abscondit.* S. Chrysostomus hom. 28. ad Rom. ait: *Pascunt dæmones, qui corporum vitij saginantur & sordibus, quia sicut qui se Domino jungit, unus spiritus est; ita qui se jungit Diabolo, est dæmon unus.* Et quemadmodum homo comestum cibum in suam humanam, sic Diabolus peccatorem in suam, id est, Diabolicam substantiam convertit. Et Dionysius Carthusianus Opusculo de enormitate peccati art. 18. *Peccatum de membro Christi facit membrum Diaboli, siquidem per charitatem Christo incorpo-*

E e

ramur; sed per peccatum mortale Christum perdetendo incorporamur Diabolo. Unde sæpius viri sancti, qualem describit Paulum simplicem Abbatem Bollandus, 7. Martij. pag. 647. col. 1. graves peccatores non in forma hominis sed horridi dæmonis viderunt.

§ 5.
Peccator
pejor est
dæmone.

Probatum ergo est quod dæmon quidem inimicus homo vocetur, eò quod malus homo inimico humani generis Dæmoni sit similis, quod incarnatus dæmon sit. *Quod autem homo malus pejor sit dæmone, ut ex Autore imperfecti opus supra dixi, ex verbis æternæ Veritatis probare possum.* Matth. 10. v. 26. dixit discipulis; *Ecce ego mitto vos, sicut oves in medio luporum, paulò post v. 17. monet. Cavete ab hominibus.* Ad consequentiam sermonis videbatur dicendum: *Cavete à lupis.* Cur hoc? lupus in Scriptura Diabolum significat, quod homines cavere moneat, indicat malum pejorem ipso dæmone esse. Sancti Chrysostomi hom. 24. in imperf. hæc est sententia: *Ideo dixit; attendite vobis ab hominibus, quasi à quibusdam pessimis malis, & super omnia mala malis.* Diabolus malum dicitur, idèò oramus: *Libera nos à malo;* non uno sed omni, id est, Diabolo & malo homine, quia pejor dæmone est. *Diabolus enim (verba sunt Sancti) si videt justum, non ausus est ad eum accedere, homo autem malus, quamvis hominem sanctum, non solum illum non timet, sed magis contemnit; non enim Diabolus homini præstat Virtutem, sed homo Diabolo. Arma enim Diaboli est malus homo. Sicut enim homo sine armis nihil potest facere contra hostem, sic & diabolus sine homine non valet aliquid*

E e 2

liquid contra sanctos. Quod confirmat Albertus Magnus ex illo Joannis 13. v. 2. *Cum Diabolus jam misisset in cor, ut traderet eum Judas Simonis Iscariotes. Cur suppetias? Hoc enim per semetipsum facere non potuit. Hæc est hora vestra* &c. Luc. 22. v. 52. Et ita notat D. Gaudentius Brixienfis præfat. Tract. in Exod. quod Diabolus tanquam validissimum suum telum contra Job, Mulierem ad ultimum reservaverit, ut mediante muliere hoc efficeret dæmon, quod se ipso non poterat. De utroque audiatur D. Zeno in psal. 128. *Cum Diabolus tentando Job potestatem postulasset, per direptionem substantiæ ejus primum deserviturus, homines ad pastorem cædes & direptionem pecudum excitavit, eosque in hanc voluntatem latrocinij accendit. Egrot ergo, quod volebat, per humanæ operationis officium. Judas quoque in passione Domini ministerium Diaboli fuit, & per eum effectum voluntatis propriæ excitavit, Evangelistâ testante, qui ait: Intravit satanas in Judam. In omni igitur, quam perpetimur injuriâ alterius opus, alterius instinctus est, & non sibi sufficit. Hanc Diaboli majorem humanâ malitiam expertus est pius David: 1. Reg. 18. nam cum spiritus malus torqueret Saul, David manu pulsante citharam, fugiebat spiritus malus & tamen sævitia inclusa manebat in Saul: tenebat Saul lanceam & misit eam, putans, quod configere posset David cum pariete. Mira res! Davidis cantu expellitur tyrannis Diaboli, & tamen rabies & ira homi-*

nis non quiescit. *O novum exclamat Basilii Seleucus orat. 16. injuriûmque facinus, dæmon pellitur, & dæmone liberatus arma capiebat! dæmon vincebatur, homo plus sumebat audaciæ! Ecce quî malus homo malo dæmone pejor sit. Et hæc causa fuit, quod David postea, cum propter peccatum puniendus esset, vel per manus Angelorum, ignorans, an ille sit bonus, an malus dæmon, ut fieri potuisset, docet Abulensis, q. 35. in 2. Reg. c. 24. & factum esse Doctores asserunt psal. 77. n. 49. Exodi. 12. vel per homines, optione sibi à DEO per Prophetam Gad datâ cum multum dubius hæreret, ac diceret: Coarctor nimis &c. se resolverit tandem melius est incidere in manus Domini, (multa enim misericordie ejus sunt, quàm in manus hominum. In fame & bello homines executores DEI sunt; In peste solus DEUS & Angeli. Renuit ergo David (inquit Sylveria L. 5. c. 27. q. 7.) supplicium, in quo agnoscebat homines executores, & elegit illud, in quo videbat Angelos percussores, estd fieri posset, quod mali essent; plus enim nocumenti ab hominibus, quàm Angelis etiam malis sibi metuebat. Quia DEUS & Angeli misericordes, immisericors homo malus, verbo. *Homio malus pejor est, quàm ipse Diabolus*, Non solum ut inimicus hominis, sed ut inimicus DEI, ut peccator. Diabolus enim semel tantum peccavit, uno, ut passim, superbiæ peccato; malus homo forsitan millies, & nec non solum peccato superbiæ, sed & iræ,*

& in-

& invidiæ, & luxuriæ, &c. pejor diabolo; quia pro illo filius DEI passus non est, nec veniæ occasionem, nec tempus dedit; peccatores, verò pro quibus passus, quibus occasio optima poenitendi data, spernentes hæc omnia, filij profectò diaboli in manifesto periculo sunt, nè illis hoc ipsum aliquando eveniat, quod Pa-

tricornum. Veniet tempus messis, quo filij DEI, semen bonum sancti & beati instar tritici congregabuntur in DEI horrea, illi autem filij Diaboli & semen & Zizania collecta ad comburendum in ignem æternum projicientur. Felix qui cum S. Ignatio Martyre verè dicere poterit *frumentum Christi sum*.



endi tenentur, unde Sancti DEI adeo magni, & per quid in tantam creverint proceritatem? responsum cum medio insinuat similitudinem grani Sinapis: *Simile est Regnum Cœlorum grano Sinapis, quod minimum est omnibus feminibus.* Per granum Sinapis Sancti Patres humilitatem intelligunt. *Grano Sinapis se ipsum Dominus comparavit*, notante D. Hilario in Cat. D. Thomæ, *quia fuit humilitate parvus.* Quâ similitudine nos cœlestis Magister erudire voluit, ut si quem parvitas suæ pudeat, desideretque sic magnus esse, ut ad cœlum usque peringat, sit parvus ut granum Sinapis, id est, *humilis. quicumque ergo humiliaverit se sicut parvulus, hic est major, Matth. 18. v. 5.* Conclusio Christi est. Quæ conclusio, ut magnus quisque evadat, artem continet, mihi que porro probanda incumbit.

Videntur Astrologi palmarem cœlo irrogasse injuriam, dum bestias & animalia hujus terræ inter cœli sidera collocarunt. Tali modo ex cœlo, beatissima, & pulcherrima DEI & Sanctorum Urbe, bestiarum harum stabulum effecere, quando è cœlo hospitium arietis, tauri, Leonis, & complurium aliarum bestiarum fecere. Et quamvis memorata animalia omnia ob sua significata potuissent aliquâ ratione cœlo inferri, videtur tamen Canis nullo modo in Cœlo tolerandus, quem ipsemet purissimus DEI Spiritus jam olim cœlo proscripsit Apocalypf, 22. v. 3. *Foris canes.* Scio

quidem Poëtarum commentum, quod pro Astrologorum defensione stare posset dicentium: Canem hunc à Vulcano ex ære fabricatum esse, eidemque ob operis elegantiam animam fuisse inditam, & Jovi fuisse præsentatum, ab hoc DEorum maximo cœlis & alijs stellis fuisse adnumeratum. Quod si mihi liceret meam de memorata stella Canicula sententiam dicere, dicerem per hanc significari Chananæam illam mulierem à Christo Matth. 7. v. 27. *canis* nomine nuncupatam, quæ profundissimâ humilitate ad pedes Christi prostrata pro filiae incolumitate supplicans suâ humilitate tantum merita est apud filium DEI, ut non solum multum laudata, sed in ipsum cœlum referri sit merita, ubi tanquam stella lucebit in perpetuas æternitates, quod omnes corde humiles sperare possunt. *Descendat hæc* (inquit de Chananæa Simon de Cassia de gestis Christi L. 5. c. 24.) *de altitudine animi tumescentis, se curvans ante Dominicos pedes, citò erigenda per spem. Super sidera elevatur, qui ante Christi pedes & humilitate & devotione proclivem se facit.* Mulier hæc à S. Marco 7. v. 25. *Syrophœnissa* dicitur, quod idem ac sublimis significat, quia namque humilis erat, quia canem se vocari passa, super astra est elevata. Si Lucifer ille cum suis adhærentibus humilis fuisset, supra astra (quod Itai. 14. v. 13. optabat) collocatus mansisset, quia verò superbus, cum terra stellarum, id est, Angelorum parte è cœlo in Infernum, ut canis rabi-

§ 2.
Quid Canis
signum
cœleste
sibi velit?

non commiserit Angelis, sed quòd proprio labore paraverit. Sed cur non Ministris, quorum tot habet milliones? ut temerè non innitatur Christi solis meritis, sed propria adamus. Si porrò modum, quo pararit, inquiramus? Respondet S. Vincentius Ferrerius serm. Domin. infra Octav. Ascens. *Dominus paravit sedem suam, qualiter paravit? Per virtutem humilitatis, juxta illud Pauli Ephe c. 4. v. 9. Quod autem ascendit, quid est, nisi quia & descendit & v. 10. Qui descendit ipse est, & qui ascendit super omnes cælos. Sic enim oportebat Christum ascendere* (inquit S. Bernardus serm. 4. de Ascensione) *ut nos ascendere doceremur.* Hanc ipsam autem virtutem humilitatis artem esse quasi unicam & compendiosissimam crescendi seque exaltandi patet ex consideratione vitæ & primariorum mysteriorum Christi, in quibus invenimus quòd Christus semper, quò minor factus per humilitatem, tantò major semper factus sit. Parvulus natus & factus est magnus DEI filius per assumptionem naturæ humanæ, & nativitatem in vili stabulo; hoc ipso quia parvus humilis factus, magnus & gloriosus effectus est. *Gloria in excelsis*, canunt in ipsius nativitate Angeli. Magi ad illum adorandum ex oriente stellâ vocantur. *Peccatum non fecit, nec inventus est dolus in ore ejus*, inquit Petrus. 1. Petri 2. v. 22. tamen minimus factus est, humiliavit se ad personam usque peccatoris, circumcissioni, quæ character peccati olim erat, se subiciens. Mediante hâc humilitate exaltatus est, quando adeò gloriosum magnum nomen JESU illi datum, ut in illo omne genuflectatur. Ulteriùs parvus factus est, humiliavit se, quando Matth. 3. à Joanne in Jordane baptizari voluit. Vix in Jordanem descendit, vix par-

vus factus est per humilitatem, mox crescit, mox honoratur, descendente super eum S. Spiritu, & gloriosâ è nubibus sonante æterni Patris voce: *Hic est filius meus dilectus in quo mihi bene complacuit.* Ductus est Matth. 4. v. 1. in desertum à Spiritu, ut tentaretur à Diabolo. Quanta humilitas! Magnus Coeli Dominus ab inferni incola permittit se tentari. Sed notate exaltationem: *Accesserunt Angeli & ministrabant ei* Profundissimam Christi humilitatem & immutationem illius describit Joannes, Joan. 13. memorans, qualiter Christus ante ultimam cœnam se se ad pedes discipulorum, & primò quidem perfidi discipuli Judæ prostraverit, lavans eos & oscula imprimens in Sionæo cœnaculo grandi strato. Sed nec locus hic absque honore mansit, quo sic descendit Christus humilitate, quando in Pentecoste in ibidem congregatos discipulos Spiritus sanctus descendit. Sanctam Passionem suam ab humilitatis nota auspiciatus, vadit quidem in montem oliveti, sed ut ibidem orans humilietur, ut parvus fiat: *Procidit* (inquit Evangelista Matth. 26. v. 39.) *in faciem suam. Procidit in faciem suam* (inquit Origenes tract. 14. in Matth.) *quoniam pretium exaltationis est humilitas.* quasi diceret, optima & valentissima moneta apud DEUM, & in ipsius cœlesti Residentia est humili as. humilitate honores in cœlo & terra emuntur. Hanc monetam Christus Patri obtulit, humilitate tandem ad ipsam Crucem se se offerendo: Philip. 2. v. 8. *Humiliavit semetipsum factus obediens usque ad mortem, mortem autem Crucis, propter quod & DEUS exaltavit illum &c.* ad, imò supra omnes cœlos.

Christum ex illo ipso montè Oliveti, in quo, ut dixi profunda cum humilitate genibus innixus inque

§ 6.

Nemo cum Christo exaltatur, nisi prius cum Christo humilietur.

F f 3

faci-

faciem prostratus oravit, ex eodem postmodum in cœlum ascenderit, & duro illi saxo sacra vestigia impressa usque in præsentem diem hominibus reliquerit videnda, quasi docturus nos, ut si magni esse velimus, ipsūque aliquando cœlum attingere, ipsius vestigia sequamur, humiliando nos. Quod ipsum suprà memoratus monet Bernardus: *Cupidus es Ascensionis, altitudinem naturali appetitu desideras? descende, ut ascendas; humiliare, ut exalteris. Quis vestrum potest ad staturam suam cogitans cubitum unum adicere?* Luc. 12. v. 25. Quid vos homines, qui staturā vestrā, qui statu, in quem DEUS vos posuit, contenti non estis, cogitatis & desideratis majores & honoratiores esse actum agitis, hoc enim naturaliter & solis naturæ viribus fieri non potest. Vultis causam scire, cur tam parvi maneatis? cur non exaltemini, nec coram mundo nec DEO & cœlo? Christum audite verſu mox sequente sic loquentem: *si neque, quod minimum est, potestis.* Quod est minimum? *granum sinapis*, inquit Christus, granum sinapis testibus Patribus est, aut significat humilitatem; quia hanc non scitis, aut scire & exercere non vultis, non vultis vos peccatores agnoscere, minores, minūs doctos & aptos, quā sint alij, alijs nō vultis cedere, debitū honorem & reverentiam exhibere, minūs honoratum locum eligere; sed quia cogitatione, verbis, & opere alijs vos præfertis, ideo in vestra parvitate, ideo sinē desiderato manetis honore, sinē spe, ut aliquando ad cœlum pertingat. Hic enim magnitudinis, hæc honoris natura est: *fugientes sequitur, fugit sequentes* Seneca in carm. Verissimum

enim est, quod Veritas æterna apud Luc. c. 14. ait: *qui se exaltat, humiliabitur: qui se humiliat, exaltabitur.* Plenæ sunt historiæ, tum sacræ, tum prophanæ hanc Christi sententiam confirmantes. Exaltavit se Lucifer supra astra, humiliatus est ad ima inferni. Exaltat se Nabuchodonosor Dan. 4. v. 27. *Nōne hæc est Babylon magna, quam ego edificavi* &c. humiliatur usque ad terram & bestias. Exaltat se Herodes divinos admittens honores *superbā vestre* Act. 12. v. 23. humiliatur paulō post à pediculis devoratus. Humiliat se Abraham Gen. 18. v. 27. pulverem & cinerem se agnoscit; exaltatur, *Pater credentium* effectus. Humiliat se Moyses, Exod. 4. v. 10. pro parum eloquente se agnoscens; exaltatur, DEUS Pharaonis constituitur. Humiliat se David, 2. Reg. 9. v. 8. cani mortuo se comparans; ad solum Israēl exaltatur. Humiliat se Paulus 1. Cor. 15. v. 9. minimum Apostolorum se vocans; exaltatur, fit Princeps Apostolorum. Humiliat se Joannes, Joan. 1. v. 27. indignum reputans, qui solvat corrigiam calceamenti Domini; exaltatur in tantum, ut ipsius Christi testimonio non surrexerit *major Joanne.* *Humiliamini in conspectu Domini, & exaltabit vos.* Jacob. 4.

Itā verum est quod Antoninus ait: *Humilitas temporaliter semper exaltat.* Addo ego, æternaliter. Humilitas enim teste Climaco gradu 25. *Janua Regni cœlestis est. Janua JESUS est, ego sum ostium* Joan. 10. hanc nemo intrat, nisi fuerit humilis. *Discite à me, quia mitis sum & humilis corde* Matth. 11. *Quicumque ergo humiliaverit se sicut parvulus iste, hic major est in Regno Cœlorum.* Matth. 18.

PRO-

PROBLEMA XXXIX.

Cur novissimi pares facti primis?

DOMINICA SEPTUAGESIMÆ.

Hi novissimi unâ horâ fecerunt, & pares illos nobis fecisti. Matth. 20. v. 12.

§. 1.
Antiquita-
tis præro-
gativa
multarum
litium ma-
ter.

IN veteratum hoc rationalis naturæ vitium est, ut quæ prior est tempore, potior jure & honore affectet esse, nec rabiore æstuet Zelo, quàm cum antiquitatis præeminentiam neglegi & junioribus pares aut etiam majores honores decerni videt. Cur dæmon humanam tantopere insectetur creaturam, ut nulli industriæ consilioque parcat, ad exitium ejusdem procurandum, causa præcipua videtur D. Basilio, quia cum prærogativâ ipse gaudeat antiquitatis, ferre non potest, ut humana sibi præferatur natura. verba Magni sunt: *postquam vidit diabolus hominem, parvum quidem animal, supra omnem creaturam bonorum, cum esset antiquior homine, hunc ei honorem invidit.* Invidit & Cain Senior juniori Abeli honorem, quo sacrificium illius DEUS dignatus fuerat, cum allambentem flammam, à qua absumeretur charum munus, submisit; nec sopiri fraternaliter potuit odium ex propitia cœli flamma ortum, nisi innocentis sanguinis effusione. Cur Ismael Isaacum, Esau

Jacobum, fratres Josephum vatiano persequuntur odio, nisi quod majores natu cum sint, minoribus nihilominus frater majoribus afficiatur honoribus & gratiis. Indignabantur discipuli Joannis Baptistæ, quod majori in honore esset Jesus suis cum discipulis quàm ipsi, quibus tamen prærogativa antiquitatis præcellentiam faveret: *Rabbi, qui erat tecum trans Jordanem cui tu testimonium perhibuisti, ecce hic baptizat, & omnes veniunt ad eum* Joan. 3. v. 36. invidabant discipuli Joannis, inquit Abulenſis, quod Jesus qui noviter surgebat, excederet eum in fama & honore. at prudentior fuit Joannes, quàm ut suorum querelis, vel jure prioritatis moveri posset. non enim habuit oculum & linguam nequam, qualem hodierni murmurones, qui quod novissimos operarios pares sibi fieri, imò denario citius donari viderent, inviderunt, exarserunt, eruperunt in querelas, murmura, & seditionem: *hi novissimi unâ horâ fecerunt, & pares nobis illos fecisti.* at favete tantisper lingvis & boni! placeat causam nôsse, cur novissimi pares vobis fiant: & æquali donentur

Gg

de-

Problemata P. Philippo Hartung.

denario? causam triplicem fufius edifferam, attendite.

§. 2.
Causa prima, cur pateres primis novissimis, quia absque conventione labores susceperunt.

Placet ergo scire cur primis pateres novissimi? *hi nulla condita mercede ad laborem accesserunt*, inquit Gregorius Nazianzenus orat. in sanctum baptismum. Postulasset fortasse ordo, ut solutionis initium à primis defumeretur, verum ordinem bonus paterfamilias immutat, & novissimos ad remunerationem advocat, quia hi nullo mercedis pacto & intuitu ad excolendam vineam convenerunt; qui autem sine spelucris, sine prætectu mercedis ad labores advolant ampliorem longè mercedem merentur. Novissimus inter Apostolos fuit Paulus, meritum tamen par primis, quippe qui abundantiùs omnibus laborasse se scribit, quia ut ingeniosissimè Pauli verba interpretatur Cæsarius, nullum unquam pro Apostolicis laboribus suis admisit stipendium, nullum intendit lucrum, nullum quæsit emolumentum. propriis enim manibus victum sibi meruit, nè aliorum elemosynis, sicut ceteri Apostoli, victitare cogeretur, idcirco plus omnibus laboravit, & qui novissimus in ordine, primus in meritis fuit. Loquatur D. Cæsarius Paulinorum interpretum verborum: *abundantiùs illis omnibus laboravit: in hoc plus illis laboravit, quia illi ex predicatione victum secundum Evangelium accipiebant, Paulus non est usus hac potestate, sed labore manuum suarum vivebat.* plus omnibus laborat, qui sine humano præmio laborat.

Prima Josue gloria & immortalis memoriæ facinus est, quod post plurimas labore & vigiliis partas victorias, post introductum interram promissionis populum, post distributas provincias nihil sibi è triginta & supra regnis elegerit, nihil in usum & emolumentum familiæ

suæ reservavit, prout ex c. 19. Josue liquet, dignus idcirco, qui Salvatore typum gereret, dignus cujus imperio sol pareret, dignus quem nominis excellentia & majestas ipsimet Salvatore supparem faceret. *Quare perdivinus Josue*, quarit Theodoretus q. 17. in Jos. *cum aliis terram dispertiret, sibi non distribuit aliquam portionem? imitatus est in eo modestiam Domini, qui extremam expertus est inopiam, ita ut nec domum quidem haberet.* ille Spiritu Jesu agitur & nomine ejusdem dignus est, qui non spectato laborat præmio, ideoque duntaxat servit, ut serviat. Josue spiritum Josias imbibit, qui in omnibus operibus suis nullam seu temporaneam seu etiam æternam mercedis cupidine illectus, solum DEI obsequium integre spectavit, nec Davidicum illud Symbolum usurpavit: *inclinavi cor meum ad faciendas justificationes tuas in æternum propter retributionem*, sed propter divini nominis gloriam, quam solam præ oculis habuit, si ve cum simulacra idolorum everteret, sana solo æquaret, popas occideret, ossa exureret, si ve cum phæse Domini tantà solennitate ageret, ut dicat Scriptura: *neque factum est phæse tale à diebus judicum, qui judicaverunt Israel & omnium dierum regum Israel & Juda, sicut in octavo decimo anno regis Josue factum est phæse istud* 4. Reg. 23. v. 21. idcirco licet inter novissimos reges esset, omnibus omnino antelatus, & incomparabilibus encomiis decoratus est, ibidem v. 25. *similis illi non fuit antecum Rex, qui reverteretur ad Dominum in omni corde suo, & in tota anima sua, & in universa virtute sua juxta omnem legem Moysi, neque post eum surrexit similis illi.* grande profecto elogium, ex quo consummatam Josiæ perfectionem suspicias & admireris. Est enim verò perfectissim-

Figura Scunda Josue & Josias.

simorum DEI Servorum nota & insignis, nolle pro mercede pacisci, nec spe præmii moveri, sed solius divini obsequii & honoris agi desiderio. Isti sunt viri perfecti, inquit Salmeron, qui nihil pacisci volentes divinæ tantum Bonitati & Clementiæ confidunt: & isti digni fuerunt majus præmium accipere. Quem admodum in domo Principum, qui familiariter in cubiculo Principis serviunt, nullum certum habent stipendium, sicut habent mulones & coqui, sed toti pendunt ex voluntate & munificentia Domini: tales sunt viri novi testamenti, qui magnitudine charitatis DEI & multitudine beneficiorum Christi obruti, oculum claudunt ad quodcunque præmium sive æternum sive temporale; ita ut si (quod tamen fieri nequit) nullum futurum esset præmium, non propterea res maximas operari ipsi recusarent, & extrema quæque pati propter Christum haud formidarent. & hi dubio procul longè amplissimam consequuntur mercedem, etsi pro eadem minime pacti sint. Hæc in hodierni Evangelii interpretatione Salmeron.

Cum Israëlitarum profectionem ex Ægypto parant, convivari jubentur & anniculum epulari agnum: tollat unusquisque agnum per familias & domos suas Exod. 12. v. 3. sufficere integræ familiæ Agnus debet unicus, at verò cum prodigus ad patrem revertitur, non agnus sed faginatus mactatur vitulus in unius filii gratiam: adducite vitulum faginatum, & manducemus & epulemur, quia filius meus mortuus erat & revixit Luc. 15. v. 23. cur uni plus assignatur filio, quam copioso populo? diversitatis causam ex modo proficiscendi, quo usus est populus, & quo filius, desumamus. de populo inquit Moyses, quoddam velut aquilini pulli ab aquila deportatus sit in

terram promissionis, de prodigo scribit Lucas, quoddam ultro se resolverit ad reditum in domum paternam. audiatur Moyses: sicut aquila provocans ad volandum pullos suos, & super eos volitans expandit alas suas, & assumpsit eum atque portavit in humeris suis Deut. 32. v. 11. portandus ergo erat populus in terram promissionis & grandibus allici spebus debuit nè iter recusaret. quid filius prodigus? audiamus loquentem: surgam & ibo ad patrem meum & dicam ei: Pater peccavi in cælum & coram te, jam non sum dignus vocari filius tuus, fac me sicut unum de mercenariis tuis. dixit, nec segniter egit: surgens venit ad Patrem suum. non erat opus aquilinis portari prodigum humeris, ultro ivit & vilissimis accenseri vernulis voluit, ut conspectu Patris frui denuo liceret. atque idcirco vitulus illi, populo verò agnus in epulum assignatur, quia hic mercedem, ille ingenium duntaxat obsequium attendit. Conceptus hic mihi à Ruricio Episcopo insinuat est: datur juniori reverso vitulus, cum seniori agnus datus fuerit ex Ægypto profecturo, quia ipse educit ex Ægypto Pater: portari necesse est populum & educi à patre, ultro adrepere delectat filium; dignus proinde ampliori est remuneratione, cum remunerationem non spectaverit, sed solo regi se siverit benevolentiae affectu. Observandum insuper in prodigo est, quoddam licet secum decreverit, in Mercenarii se offerre obsequia, ubi tamen sub aspectum Patris venit & orationem suam proposuit, nullam omnino mercenarii fecit mentionem, sed agnovit solum filii sese nomine indequaue indignum. Cur in mercenariorum Syllabum redigi non postulavit? nè mercedis intuitu paterna ambire obsequia videretur,

Gg 2

quod

S. 3.
Figuratio
Israelis
populus &
filius pro-
digus.

Ruricio. l. 1.
epist. 1.

quod servile fuisset; ad majora natus est filius, quàm ut stipendia pacificatur, satis illi gratiarum erit, si in domo paterna inter vilissimos mediastinos agere sinatur. O animum ingenuum! O dignum non uno saginato vitulo sed toto grege & hæreditate filium! Præclare D. Augustinus: *non addit, quod in illa meditatione dixerat: fac me sicut unum de mercenariis tuis, cum enim panem non haberet, vel mercenarius esse cupiebat, quod post osculum patris generosissime jam dedignatur.* nobilem ex paterno osculo imbibit spiritum, quo plenus dedignatur mercenariorum officium, sed ingenuo servire animo absque mercedis respectu constituit. Illi sufficit Pater inquit Chrysologus Serm. 4. ideoque dignus redditur, qui non mercenariorum stipendio, sed integrâ donetur Patris hæreditate.

noch, nullum indicium, quod sua DEO opera arderent.

Difficilia sunt illa Psaltis verba Ps. 17. v. 45. *populus, quem non cognovi, servavit mihi*, quis ille populus, qui DEI quodammodo fugit cognitionem? respondet S. Bernardus Ser. 40. ex parvis: quatuor esse genera creaturarum, aliæ cognoscunt DEUM & cognoscuntur à DEO; quales sunt Angeli & homines abundantes divitiis simul ac virtutibus, aliæ nec cognoscunt DEUM nec cognoscuntur à DEO, sunt mendici, ægri, & omnes illi miseri, qui in miseriis suis DEUM non invocant, imò blasphemant. alii cognoscunt DEUM sed non cognoscuntur à DEO, sunt pauperes & ægroti conformes voluntati diviniæ: alii non cognoscunt DEUM sed cognoscuntur à DEO, sunt divites avari. Ex his quatuor generibus illi laudem referunt, qui non cognoscuntur & cognoscunt, premuntur & non murmurant, deiciuntur & non desperant, in medio tribulationum amant, observant, magnificant DEUM. Populus quem non cognovi, servavit mihi: *non esset magnæ perfectionis, si populus à DEO cognitus serviret illi, cum verò incognitus illi serviat, & in auditu auris obediat, magnæ laudi adscribendum est.* Ità Bernardus non est magnæ laudis proposita mercede & gaudio servire Domino, cui propter priora beneficia & benevolentie indicia bene cognitus es, at verò absque spe mercedis Domino vix bene cognito totâ sedulitate servire, hic labor, hoc opus plurimâ mercede dignissimum est.

Quærit Chrysostomus, quod opus magis sit præmio & laude dignum, dare Christo aspectabiliter comparenti elemosynam, an verò eandem pauperi, amore Christi, exhibere? ridebit fortè aliquis hanc

S. Aug. in
99. Evan-
gel. l. 2.
q. 33.

S. 4.
Figura
quaræ A-
bel & E-
noch.

S. Paulus Hebr. 11. v. 4. & 5. laudat præ omnibus Legis veteris heroibus duos innocentissimos in lege naturæ Agnellos an Angelos? Abelem & Henoch: *fide Abel plurimam hostiam quàm Cain obtulit Deo: fide Henoch translatus est, nè videret mortem.* Intervenit Magnus Pauli discipulus Joannes Chrysostomus hic, & quærit: uter plus DEUM dilexerit Abel an Enoch? & definit pro Enoch: *major rem iste, quàm Abel fidem ostendit, sed quare majorem O Doctor auree? quia nihil illi retributum erat.* Nunquam favorem extraordinarium DEUS exhibuit Henoch, at verò Abeli. nam. Gen. c. & v. 4. *respexit dominus ad Abel* vel, ut legit Theodotion: *inflammavit Dominus super Abel*, hæc illi gratia sufficere poterat ad DEUM intensissime amandum, ideoque magnum non erat DEUM ab Abel amari; at verò nullum emolumentum habuit E-

questionem Chrysostomi. quis non excellentius iudicet, Christum domus suae recipere, cibare, potare, vestire, dormienti advigilare, quam sordido mendicabulo aeternis fortasse ignibus deputato eadem praestare obsequia? At contrariae mentis est Doctor aureus: *non est aequale ipsum Dominum praesentem alere, cuius praesentia vel lapideum ad se animum attraheret, & propter ejus verba duntaxat pauperes & mendicos alere, quippe tunc etiam ipsa facies & dignitas praesentis, quacum videtur, parturit quod facies, modo autem universe haec liberalitates & misericordiae, tuae sunt.* Ita Chrysostomus hom. 89. in Matth. Nimirum qui Christum videt, mercede jam donatus est, qui verò ignotum ingratumque pauperem Christi amore suscipit ac fovet, exquisiti amoris sui praestet hostimentum.

Quærit Hugo Cardinalis in Matth. 19. cur solis Apostolis dicatur: *Vos qui secuti estis me, cum tamen Joannes dicat: sequebatur eum multitudo magna?* nimirum non sequebantur Christum propter Christum, sed propter se, & hi non censentur sequi. verus amor non est lucriavidus. *Qui diligunt, eliguntur* inquit. Augustinus tr. 76. in Joan. hoc est, qui ideo amant ut ament, hi unice amantur.

Notatu dignum est, quod in lege veteri asinus exclusus sit sacrificio: *primogenitum asini mutabis ovæ; quod si non redemeris, interficies* Ex. c. & v. 13. cur asinus & non bos reprobat? acutissime respondit Basilii Magnus in c. 1. Isai. Bos cognovit possessorem suum & asinus praesepe Domini v. 3. ecce ratio disparitatis: bos agnovit Dominum, asinus non dominum, sed praesepe, sed pabulum, sed emolumentum proprium. non veniat ad templum ad sacrificium ad altare asinus,

quia non possessorem sed praesepe duntaxat respicit, & typum eorum repraesentat, qui nec pedem movere dignantur, nisi formidine poenae coactis aut cupidine mercedis illecti. Asini & bovis cum memini, vaccæ Bethsamticae occurrunt, quæ Arcam Domini ferrentes, sine ambagibus & erroribus terram Israel tenent, ut videre est 1. Reg. 6. quam tamen terram Israelitæ per annos quadraginta invenire non potuerunt. nimirum suas duntaxat delicias, divitias & commoditates in terra melliflua attenderunt Hebræi, at verò vaccæ sub iugo Arcæ positæ non nisi obsequiis Domini serviebant, hinc illis recta in terram promissionis via. Citius & facilius aeternæ beatitudinis patriam tenent, qui patriam non quarunt, sed solo Dei spiritu regi se sinunt, nec nisi obsequium Domini sui in omnibus respiciunt.

Cur paradisum eo ipso die Latro dexter consequitur, quo converti ad Christum incipit, & gratiosam sui memoriam morienti Domino commendat: *Domine memento mei, cum veneris in regnum tuum?* non petit regnum, non exigit stipendium, non paciscitur de mercede, non exaggerat obsequium suum, quod encomia stem Christi egerit, cum is ab universo populo rideretur, vexaretur, interficeretur, sed memoriam duntaxat sui haberi rogat, dignus profecto, qui plusquam sperare aut petere possit, mox consequatur, & eo adhuc die transeat in paradisum: *hodie tecum eris in paradiso.* hodie mereantur esse cum Christo in paradiso, qui ab hac hora & momento in Domini vinea ad extremum usque spiritum laborare volunt absque praemio.

Habetis ô murmurones improbi causam sufficientissimam, cur pares vobis novissimi, quia nullâ

Gg 3

con-

§. 6.

Figura 6.
Latro dexter.

§. 5.

Figura 5.
Asinus &
Bos.

§. 7.

Causa secunda, cur novissimi

parces pri-
mis.

S. Chry-
sost. hom.
5. ad Rom.

S. Bern.
Ser. 1. in
Cant.

condictâ mercede ad laborem ac-
cesserunt , quâ si & vos mente ac-
cessissetis, dubitare non ausim, lon-
gè copiosiorē mercedem vestrā
futurā fuisse. *Major tibi merces,
si citra mercedis spem feceris.* Pla-
cet scire causā aliam, cur pares vo-
bis primis novissimi? ex vestris e-
am verbis desumo vestrāque vos
lingvâ jugulo; quid loquimini? *hi
unâ horâ fecerunt:* quid sibi vult
quod fecisse potius quā laborasse
dicantur? nimirum fecerunt opus
perfectum & plus horâ unâ quā
vos die integrâ peregerunt. *sece-
runt* non laborarunt, quia amorē
ducti vineam excoluerunt, ubi au-
tem amor est, labor non est. fecerunt
tantā accusatione, quasi sacrificium
litterent, facere enim idem ac sacri-
ficare est.

Quā verum est, quod D.
Hieronymus ad Paulinum scripsit:
subitus calor longum vincit teporem.
*Paulus Apostolus de persecutione mu-
tatus, novissimus in ordine, primus in
meritis est,* quia extremus licet, plus
omnibus laboravit. Hi novissimi
unâ horâ fecerunt. Et vos totâ die
laborantes nihil fecistis, quia osci-
tanter labori manus admovistis, to-
tiēque in sinum easdem revocastis,
ut satius fuisset facere nihil, quā
facere opus DEI negligenter. Me-
lius fecisset Cain si sacrificio absti-
nuisset, quā quod de frugibus ter-
ræ deterioribus obtulerit, melius
fecisset Saul, si victimas non litas-
set, quā quod in Sacerdotis offi-
cium se sacrilegē ingesserit, in hoc
enim, ut ait Abulenſis, nullum DEO
cultum exhibebat. melius fecisset
Pharisæus, si in templum non as-
cendisset, nec orationem illam suam
magniloquam ebuccinasset, quā
quod malè orando peior quā as-
cenderat, descenderit ex templo, &
oratio fuerit illi in peccatum. meli-
us fecisset in tempestivus ille propi-

nator, si haustum Christo crucifixo
non obtulisset, quā quod spongi-
am aceto plenā obtulerit, noluit
indelibile Iesus, nè putaret satel-
les, quod grande aliquod præstitis-
set obsequium; *respuit sel* (inquit
de Christo Augustinus) *jejunare e-
legit, quā amaritudinem accipere.*
melius fecissent Pharisei, si pro je-
junio frugalibus indulgissent epulis;
quā quod inanem inde gloriam
captando martyres fuerint & victi-
mæ dæmoniorum. Jeremiæ 4. in-
vitāt Dominus perverſos ad seriā
conversionem: *Si reverteris Isra-
el, ad me convertere.* hoc est juxta
Oforii interpretationem: si ad DE-
um tibi revertendum, redi seriō, ex
animo, fervidè, melius enim est ni-
hil facere, quā itā frigidè facere, ut
nihil efficias. Magis ille à DEO re-
cedit, qui non seriō accedit. Inge-
niosè id observavit S. Anselmus in
Petro, qui Christum quidem seque-
batur, sed à longè Matth. 26. melius
facturus, si prorsus emanſisset. ut
ostenderet ergo dominus, quā pa-
rū frigida ejusmodi probaret ob-
sequia, permisit ad ignem congela-
ri Petrum & majoribus obrui ma-
lis, quā illi obruti fuerint, qui tem-
pori aufugerant.

Hi novissimi unâ horâ fecerunt,
non est hoc vituperium sed enco-
mium novissimorum, quod plus
horâ unâ operati sint, quā opera-
rii iniquitatis die totâ. Non est in
familia cœlestis Patris familias alia
antiquitas quā meritōrum: ille
senior, qui intrā spatium assignati
laboris est accuratior. Ex omnibus
anteceſſoribus Abrahami nemo vo-
catur fenex, sed hic Senis titulus A-
brahamo primū datus reperitur
Gen. 18. v. 11. ubi de patriarcha &
conjugē ejus itā scribitur: *erant
ambo senes pro vetereque ætate.* lon-
gè senior erat Lamech quingento-
rum nonaginta quinque annorum,

S. 8.
Ille cen-
ſendus est
in Vineā
Domini
prior, qui
virtute
præſtan-
tior.

&c

& tamen senex non appellatur. Lamecho senior erat Malaleel octingentorum sexaginta quinque annorum & tamen senex non appellatur: senior hoc erat Enoch nongentorum quinque, Cainan nongentorum decem, Seth nongentorum duodecim annorum & tamen senes non appellantur: superavit omnes Mathusalem nongentorum sexaginta novem annorum & tamen senex non appellatur, Abrahamum primum scriptura nominat seniore (verba Philonis Alexandrinil. de Abrah.) etsi is teste scripturâ non nisi centum septuaginta quinque annos vixerit: *fuerunt dies vite Abrahæ centum septuaginta quinque anni* Gen. 25. v. 7. nam revera senior non ex longitudine temporis sed ex laudata vita putatur. siquidem, qui multum ætatis in tempore vixerunt sine probitate, longævi pueri dicendi sunt. Hæc ille. Facit huc quod S. Ignatius Martyr. epist. 6. scripsit: non annosi continuo sapientes sunt, nec senes intelligentiam possident, sed spiritus, qui in hominibus est. Samuel parvulus Heli nonagenarium reprehendit, similiter Jeremias audit à DEO: nè dicas junior sum. adoleſcentia igitur non est contemnenda, quoties DEO consecrata fuerit, verum is contemnendus est, qui improbo est animo, tametsi multorum dierum tempore plenus sit. Hucusque Ignatius, ex quo addiderim: non ergo contemnendi, qui novissimâ horâ fecerunt, sed qui totâ die nihil profecerunt. Emblemata non inelegans in suis hexameris Eustathius affert de amygdalo & moro: *floret prima omnium amygdalus, postremaque pomum maturat, Mori tardè germinant, tamen in fructu ferendo non sunt aliis posteriores.* non est ergo tota laus & felicitas, quod prior in vineam veneris,

nisi & præveneris labore & fructu. *Ignarissimorum quorundam hominum consuetudo est, ut, cum inter vitia senuerint, nullique pares sint, solâ se præferant senectute* inquit Franciscus Petrarca. non curabantur ad piscinam probaticam, qui citius ad eam jacuissent, suspirassent, expectassent, sed *qui prior descendisset in piscinam post motionem aque* Joan. 5. v. 4. quare sanabatur prior? quærit Hugo Cardinalis & respondet, ut hoc doceretur exemplo, parum juvare in vinea & familia DEI prioritatem temporis, nisi accedat & prioritas laboris atque virtutis. prævenit Joannes Christum, Vox præcedit Verbum, sed ut loquitur Chrysologus ferm. 137. *præcedit non præcellit.* præceſſerunt Joannem alii Patriarchæ & Prophetæ, quibus tamen omnibus iudicio Salvatoris ipse antelatus est: *Amen dico vobis, non surrexit inter natos mulierum major Joanne Baptista* Matth. 11. v. 11. quia etsi plures eo laboraverunt diutius, inquit Algerus l. 2. de Sacram. altar. c. 7. nemo serventius & purius. præcelleret solem rubus, filix lunam, si sola antiquitas spectaretur: *anterior rubus quàm sol,* inquit acutè Ambrosius l. 4. hexamer. c. 1. *antiquior verba quàm luna.* at præcedit tempore, non præcellit virtute, non annis sed meritis dimetienda est antiquitas, ille senior annis qui potior meritis.

Nihil proinde mirum, si novissimi tempore potiores sint apud Patrem familias remunerationis jure, quia labore & meritis fuere præcellentiores. Addamus breviter & causam tertiam, cur novissimi ad vineam primi vocati fuerint ad coronam, quia magnam præfeturunt patientiam & longanimitatem, cum totâ die expectarent, à quo in vineam conducerentur.

Petrarch.
Inveſt. in
Medic. l. 1.

S. 9.
Causa tertia quia tardius expectarunt evocantè Patremfamilias.

Causam hanc invenit ingeniosissimus Origenes homil. 10. in Matth. in hæc verba: magnam excusationem habuerunt ad hoc, ut dignificerentur totius diei mercede secundum quod excusaverunt seipsos dicentes: nemo nos conduxit, propter quod & Paterfamilias libenter conduxit eos, & ut ita dicam, reddidit eis mercedem, pro eo quod magnanimitè totâ die steterunt & expectaverunt usque ad vesperam conductorem. Hæc ex Origene.

Magnanimæ virtutis opus est expectare vocantem DEum, nec se in labores & munia Apostolica ingerere, priusquam vocet & annuat Spiritus, hoc enim est sustinere Dominum quod generosi cordis & maturæ virtutis indicium judicat Psaltes? *viriliter age, confortetur cor tuum & sustine Dominum.* Poterat Joannes Baptista divinam suam prædicationem anno vicefimo quarto ætatis inchoare, tricesimum nihilominus expectavit, donec Verbum Domini (*præceptum* intelligit S. Chrysostomus homil. 10. in Matth.) super eum fieret: *factum est verbum Domini super Joannem* Luc. 2. v. 2. hæc verba clarè ostendunt (inquit Titus Bostrensis) Joannem ad Baptismi & verbi ministerium se non ingessisse, sed à DEo vocatum & missum fuisse. expectavit Joannes, dum ad prædicandi laborem evocaretur, cui unica fuerat voluptas ac desiderium, citò Vocem agere Verbi, & pœnitentiam populis prædicare. Et quamvis in ætate virili Joannes prædicare primum jubeatur, Samuel verò pœne infans ad eununtiandum DEI verbum mittatur, non tamen majorem idcirco Samuelem dixeris, quod citius diutiusque, sed Joannem omni exceptione majorem duces, quod ferventiùs idem prædicandi munus obierit.

Poterat & Salvator ab anno ætatis duodecimo, quò magistrale sapientiæ suæ specimen inter Doctores Solymis dederat, docendi officium auspicari, initium tamen prius non fecit, quàm publicâ Patris coelestis vocè Doctòr orbis utriusque renuntiaretur, cum baptismo in Jordane suscepto vox de nube illaberetur: *hic est filius meus dilectus, in quo mihi complacui*, (vel ut D. Cyprianus legit l. 2. de baptis. *in quo bene sensi*) *ipsum audite.* Poterat Virginea Verbi Mater, si dicere ad populum sineretur, admirandos animorum cieri motus, morumque conversiones facere incredibiles, at quia ad prædicandi munus non vocatur, honorem sibi ipsa non sumit, sed novissimo contenta loco, Ancillam se gerit, digna vel ideo super omnium Cherubinatorum capita elevari, quæ silendo plus meruit, quàm Apostolicæ omnes Angelicæque lingvæ loquendo. Nimirum majoris meriti est, nihil agere, cum sic vult DEus, quàm omnia agere & mundum universum lucrari præter DEI voluntatem. Sint proinde novissimi operarii pares primis, quia expectando laborem plus silentio & spe, ex Origenis sententia, meruerunt, quàm qui primi ad labores sunt admissi.



Coronemus problema & murmuronibus operariis auroram, flores, fumos favcamus, novissimis verò solem, fructum, ignem. prior igne fumus est, flos fructu, aurora sole, non tamen idcirco præstantior, sed ex lemmate aureo Chryfologi: *præcedit non præcellit*, qui præcellere vult, gaudeat novissimus videri, dummodo cum hodiernis novissimis plus faciat horâ, quàm primi die integrâ. Nescio cur novissimi tantopere placeant antiquo dierum! novissimus inter filios Jacobi Benjamin est, & plus ceteris dili-

Matth. 3.
v. 17.

diligitur; de novissima Beniamini tribu Saul est, & in Protorem Israelis inungitur; novissimus inter fratres David est, & ad sceptrum elevatur; novissimus Davidis filius Salomon est, & regni hæres duodecimo ætatis anno declaratur; novissimus Apostolorum Paulus est, & plus omnibus laborando meretur. novissima in Apostolorum confessu in monte Sion MARIA

Virgo est, & parem non habet, nè primis quidem ex ordinibus Angelorum. Novissimus virorum MARIE Filius est, & hic principium & finis, princeps Regum terræ, primogenitus omnis creaturæ, ex quo discite: *primus ut sis, novissimus esto.*

Coloss. 1.
v. 15.



PROBLEMA XL.

Cur tertiam feminis sui partem perire sinat, cœlestis Agricola.

DOMINICA SEXAGESIMÆ.

Exiit, qui seminat seminare semen suum.

LUCÆ 8. v. 5.

S. I.
Brevicula
parabolæ
expositio.



TEmerarius sit, qui aliter evangelicam explicare præsumat parabolam, quàm cœlestis ipsemet Magister exposuerit. *Cavendum est*, monet in c. 15. Matthæi Hieronymus, nè *vel aliud vel plus velimus intelligere, quàm ab ipso expositum est.* Seminatore Christus est ut Beda docuit: *Seminatore missum nullum melius quàm Filium DEi intelligere possumus, qui de sinu Patris egressus est.* Seminavit ab orbe condito in cordibus hominum semen suum, dum lumen illis naturale indidit ad dignoscenda vera à falsis, æterna à caducis, utilia à noxiis, nec cessat hac & omni horâ per inspirationes internas, monita externa,

per leges ecclesiasticas & civiles, per beneficia & flagella seminare semen bonum doctrinæ suæ, quæ nos declinare à malo, & bonum jubet operari. Exiit hic Seminatore, unde quæso & quod? unde exiit (quærit S. Chrysostomus homil. 45. in Matth.) *qui ubique præsens est? qui omnia replet? aut qualiter nam exiit? certè non loco sed habitudine, atque Incarnationis dispensatione propinquior nobis factus.* Seminavit Filius (inquit D. Bernardus) ipse est enim, qui exiit seminare semen suum. Pater non exiit, sed Filius à Patre processit & venit in mundum, ut qui prius erat cogitatio pacis in corde Patris, fieret & ipse pax nostra in utero Matris. Exiit quodammodo ex seipso, dum urgente vi amoris in

Bern. serm.
de S. Benedi.

H h

ama-

Problemata P. Philippi Hartung.

amatum transiit, amantis enim anima, inquit ex Aristotele Publius Mimus, in alieno corpore vivit. Exiit non expectans, dum vocaretur, sed ultro gratiarum suarum semina in corda nostra jecit, ut se quàm maxime paratum in salutem nostram declararet. Semen suum vocat, qui hoc solum suum reputat, quod aliis donat. Suum vocat non tantum ut differentiam inter suam & Philosophorum ac Prophetarum doctrinam indicet, qui non suum sed aliunde acceptum (omne enim donum perfectum de sursum est descendens à patre luminum) seminârunt verbum, sed etiam ut admireris Verbi pretium, quod in salutem nostram prodigere non dubitat: certè tam pretiosum hoc semen est, ut si Doctori Angelico credimus, minimum ejus granulum toti præponderet universo, tam pretiosum hoc semen est, ut non minori reverentiâ dignum, si fides Augustino, quàm Sacrosancta Eucharistia; tam pretiosum hoc semen est, ut pro eo suam ipse ponat animam & impendat vitam. Tam pretiosum hoc semen est, quàm sit ipsemet Seminator, ipse enim est Verbum Dei. Verum si semen tanti est pretii, cur in terram deviam, lapideam, spinosam projicitur, ubi perire necesse est? O Sancte Prodigè (exclamo cum Chrysologo) cur semen tam pretiosum continuo prodigis, cur impensis & labori non parcis, cur infauſtam terram maledicto non feris & deferis? qui habet aures audiendi causam prodigè sparsi seminis audiat, & hoc ipsum divini verbi semen non prodigat.

Problema à me hodie propositum, cur Seminator cœlestis tres seminis sui partes eò jecerit, ubi fructum non afferendum prændrat, pridem expendit resolvitque D. Chrysostomus homil. 45. in Matth.

quomodo credendum est in vepribus & in lapide & in via prudentem hominem seminare? in agris certè & in seminibus quæ terre mandantur, stultè factum videretur: in animis autem atque doctrina probè atque laudabiter possibile enim est, ut lapis in terram fertilem convertatur, & ut via non conculcetur, sed in uberes agros traducta nec vepres emittat & semina forveat. Est homo ager quidam voluntarius, qui virtute jacti seminis ex terra sterili in fecundam, ex spinosam in amœnam, ex petrosa in mollissimam potest transmutari; potens enim est DEus de lapidibus istis suscitare filios Abrahæ. Ager devius fuit Saulus & Latro JESU con crucifixus, quorum utrumque Sator cœlestis projecto gratiæ semine fecit esse frugi, illum quidem in agro Damasceno prostratum & quasi conculcatum reducens in viam, hunc verò in Golgothæo monte Crucis suæ umbrâ in lucem gratiæ adducens, dignos reddidit ambos, ut & latro eâ adhuc die esset in paradiso, & Paulus in tertium raperetur cœlum, facti ambo tanquam agri pleni, quibus Dominus benedixit. Ager petrosus fuit Thomas, & tamen beneficio divini seminis in terram mollissimam mutatus est. Ager plenus spinarum fuit Matthæus & Zachæus, Magdalena & Samaritana, & tamen in terram mundissimam abiit, de qua Ezechiel c. 36. v. 35. *terra illa inculta, facta est, ut hortus voluptatis.* Nimirum ut D. Augustinus l. i. de Civit. c. ii. monuit, nullus adeo iniquus est, cui salus sit omnino desperanda. Non desperavit de Salute Herodis Joannes Baptista, etsi sciret sentieturum esse voluptatum, petram scandali, viam regiam dæmoniorum. Non desperavit de salute Annæ & Caiaphæ & quotquot erant de genere sacerdotali Petrus, ad quos serventi-

S. 2.
Causa prima, quia nullius salus de speranda.

issimam habuit exegesisin Aet. 4. à v. 9. Non desperavit de salute Felicis prædis Paulus, cujus conversionem potentissimis de iustitia & castitate & iudicio futuro disputationibus urgebat Aet. 24. v. 25. non desperat unquam de perversione & ruina iusti diabolus, cur nos diabolo magis pusillanimes de conversione & salute peccatoris desperaremus? *truculentissima certe bestia* inquit de dæmone Chrysostomus homil. 10. in Matth.) *nunquam solet desperare victoriam, nunquam nostram desperat perditionem*, vicissim ergo & nos nunquam peccatoris desperemus salutem, ex Zizanio potest fieri triticum, ex agro sterili fecundus, ex petra mollis gleba, ex senticeto hortus voluptatis. Laudat Lupum Episcopum Sidonius Apollinaris, quod animo ceciderit nunquam, cum casus suorum cerneret, quin potius securitæ spe poenitentiae omnem convertendis iisdem operam impenderit. *Nostri, ut apparet, ex adversa acie sauciatos Dux veterane colligere, & peritissimus Tubicen ad Christum à peccatis receptui canere, & Evangelici Pastoris exemplo non amplius letaris, si permaneant sani, quam si non permanent desperati.* Ita Sidonius Apollinaris l. 6. ep. 1. ad S. Lupum Episcopum Trevis.

Quid? quod ipse Sator cœlestis permittat terram prius frugiferam sterilefcere, lapidescere, senticescere, volo dicere, permittit electum in gravissima prolabi scelera, ut exinde sanior, sapientior ac sanctior resurgat atque ex ipsis sceleribus proficiat ad virtutem & salutem, est enim inter prædestinationis divinæ, ut Scholæ loquuntur, effectus permissio lapsuum in peccata. *Discretus quisque* inquit D. Gregorius, *ex eo quod malè egisse se intelligit, ad distractionis regulam arctius se reducit,*

Et inde altius ad iustitiam proficit, unde ad tempus à iustitia decidisse videbatur, quia nonnunquam etiam culpa fortium, occasio virtutis fit.

Fortissimus Samson prodigiosam illam fortitudinem suam capillis adscripsit: *ferrum nunquam ascendit super caput meum, quia Nazareus, id est consecratus D'Eo sum de utero Matris meæ* Jud. 16. v. 17. cur donum fortitudinis capillis DEus illigavit, & non potius lacertis brachiorum vel certe digitis manuum inseruit? *David certe acceptam à D'Eo fortitudinem in manibus reponit: qui docet manus meas ad prælium & digitos meos ad bellum.* non ita Samson, sed totam in cæsarie numerat fortitudinem: *ferrum nunquam ascendit super caput meum, idcirco nec hostile ferrum subiget corpus meum.* Habent hoc capilli singulare, quod à vulnere vegetiores crescant, digitus verò aut manus si amputetur, non crescit amplius, ut merito abscissæ cæsariæ id quod viti putatæ adscriperis: *ex vulnere crescit, manui verò: sub vulnere perit.* Maluit itaque capillis DEus suam addicere gratiam quàm brachio, quia caput rasum solidiores ac pulciores progerminat crines, docens nullà vi fieri posse, inquit Baëza, ut sationes divinæ etiam post lethale vulnus, non iterum crescant. Alludit huc D. Petrus Dam. opusc. 7. c. 23. *Pbilistæi crines Samson potuerunt radere sed non evellere; quia & iniqui spiritus licet charismata Spiritus Sancti à te ad tempus excluderint, non prevalent divinæ reconciliationis remedium irreparabiliter abnegare.* Sinite agrum sterilefcere, nec tamen ideo desperate de fructu, reddetur enim si cœlestis Sator voluerit, à sterilitate fecundior. Etnunquid Samson ipse post capillorum iacturam, post virium enervationem, post oculorum effos-

Figura prima Samson

Pf.

Bæz. to. 5.
l. 10. c. 21.
S. 2.

S. 3.
Lapsus in
scelera est
aliquando
effectus di-
vinæ præ-
destinationis.

S. Greg. l.
11. moral.
c. 16.

Hh 2

effos-

effossionem, post servitutem lapsūque turpissimum surrexit fortior, ac hostibus præclarā ultione graviorem stragem moriens intulit, quā unquam vivus patrārat? Eleganter de Samsone. Bacchiarius epist. de recip. lapsis: *Samsonem cum in perniciem sui mulieris blandimenta vicissent, postmodum in sine obitū sui majorem inimicorum exercitum prostravisse, quā antea quando Nazareus, id est, immaculatus reperitur.* Sensato ænigmate plena sunt illa Ecclesiastici verba: *melior est iniquitas viri quā mulier benefaciens.* potestne iniquitas esse bona? imō melior virtute ipsā? & cui bona? in se nunquam bona, aliquando tamen bona viro sapienti & fidei dicitur iniquitas, sicut bona est sectio vitibus, morsus lupinus equo, cicatrix militi strenuo, nimirum cum qui prolapsus est, fortior exurgit & virilibus facinoribus pristina compensat flagitia, *melior est iniquitas viri quā mulier benefaciens,* quia sanctior redditur justus post lapsum, quā innocens tepidus in quotidianis ordinariæ pietatis operibus perdurans.

Ecclesiastic. 42.

Figura Secunda
Moyses.

Exod. 32. v.

Memorabili figurā veritatem hanc in Moysē expressam video. Redierat is ex monte *portans duas tabulas testimonii in manu suas scriptas ex utraque parte,* cum ecce populum vitulari & turpissimo idolomanie scelere contaminari videt, nec se continet, quin utramque tabulam abiciat, confringat, & pro nova lege oraturus DEum, repetat montem. Rediit, quadraginta dies ieiunus oravit, novas tabulas obtinuit, quas cum referret, cornutus apparuit: *ignorabat, quod cornuta esset facies sua* Exod. 34. v. 29. in hebraico est: *non sciebat quod radians esset facies ejus;* in Chaldaeo: *Moyse autem nesciebat, quod multiplicatus esset splendor vultus sui.* Non

radiat Moyse facies, cum primā vice de monte venit, sed postquam tabulas confringit, contractasque restaturat. *cum prioribus tabulis facies Moyse non refulsit, sed acceptione tabularum posteriorum splendida facta est* inquit Rupertus l. 5. in Joan. Sic in justis accidit, si quando divinæ legis tabulas frangunt, post legifragium enim & seriam poenitudinem illustriores virtutum radios emittunt.

Ex nigredine splendorem ac pulcritudinem suam commegdat Sponsa: *Nigra sum sed formosa* Cant. 1. v. 5. nigra à peccato, formosa à poenitentia, imō formosior post poenitentiam quā ante peccatum. Applicat hæc Salomonis verba Paraphrastes Chaldaus idolomanico populo, qui post peractam poenitentiam majoribus à DEO splendoribus exornatus est: *quando Israelitæ fecerunt vitulum, denigrati sunt facies eorum, & quando egerunt poenitentiam, & dimissum eis fuit peccatum, multiplicatus fuit splendor glorie vultus eorum, sicut vultus Angelorum.* Nigrescunt quidem sponsæ Christi, cum peccati maculam contrahunt, verum ubi poenitentia lacrymis eandem diluerunt, longè majorem contrahunt formositatem. non Angelo, non innocenti homini sed peccatrici animæ dictum est: *specie tuā & pulcritudine tuā intende prosperè, procede & regna.* ita enim psalmi verba D. Laurentius Novariensis homil. de elemosyn. exponit: tibi hoc dicit, qui criminibus cedis, ad te loquitur, qui criminibus vincis. Plora compunctus, ut possis recipere speciem cordis & pulcritudinem corporis. Ex fericis lappulis quas *muscas pulcritudinis* vocant, pulcritudinem suam augere amant nostrates domitellæ: ex præteritis peccatis multo dolore deletis, splendores exaugent suos animæ peccatrices.

Figura 3.
Israelitæ i-
dololatæ

Pl. 44. v. 5.

Non

Figura 4.
Ninivc.

Joan. 3.v.8

Non unam animulam sed civitatem integram accipiamus Niniven, cujus salus deplorata poterat videri, cum decretoria promulgata jam fuerit sententia: *adhuc quadraginta dies. & Ninive subvertetur.* Audiunt sententiam Ninivite: nec tamen desperant, sed quasi perbellè callerent illam sententiam quam multis post seculis Cyprianus protulit: in eodem articulo temporis, cum jam anima festinat ad exitum, & egrediens ad labia spirantis emerferit, poenitentiam clementissimi DEI benignitas non aspernatur: nec serum est quod verum; & quæcunque necessitas cogat ad poenitudinem, nec quantitas criminis, nec brevitastemporis, nec horæ extremitas, nec vitæ enormitas, si vera contritio, si pura fuerit voluptatum mutatio, excludit à venia. quasi inquam calluissent hanc solatii plenam sententiam, ad saccos & cineres præeunte Sardanapalo Rege recurrunt: *operiantur saccis homines & jumenta, & clamant ad DEUM in fortitudine. quis scit si convertatur & ignoscat DEUS.* dubiam ponit Rex veniam, ut ad acerbiorē incitet poenitentiam: *ideò ambigüe profert,* inquit Remigius in glossa, *ut dubii de salute fortius agant poenitentiam.* Et verò egere tam feliciter, ut non modò imminentem cladem averterint, sed longè ampliori felicitate, splendoribus ac triumphis quàm unquam antea, à propitio Numine fuerint donati. En ut nullius desperanda salus! en ut ager sterilis & petrarum spinarumque plenus in feracissima convertatur jugera! en cur in scelera DEUS homines labi permittat, ut dubii de salute fortius agant poenitentiam.

Figura 5.
Jonas.

Ninivitis Jonas accedit, qui & ipse adnumerari poenitentibus suoque nos docere potest exemplo, priorem lapsum velocioris cursûs

esse calcar & incentivum. ceciderat Jonas DEO refractarius, usque in ceti ventrem, ex quo cum respirasset, surrexit & abiit in Niniven non testudineo gressu sed aquilino poenæ volatu, cepit introire civitatem itinere unius diei. cur tam festinanter ô Jona? quin prius te siccas post balneum, reficis post jejunium, respiras post naufragium? Erat Ninive tantæ magnitudinis, ut vix trium itinere dierum circuiretur, at Jonas memor præcepti & prioris naufragii *iter trium dierum*, ait Hieronymus, *festinatione unius diei completvit.* Nimirum subitus fervor longum vincit teporem, & lapsus anterior posteriorem stimulat cursum.

Figura 6.
David.

Ex hoc quod justus cadit, inquit Doctor Angelicus, resurgit cautior & humilior. nuper in Hispania nobilis ostentationis gratiâ equum agitabat in foro, sed ab equo in cloacam projectus, ex cœno surrexit & in cœnobium se proripuit risurus mundum, à quo irridebatur. Equitabat David insolenter, sed in lutum foecis cecidit, cujus tamen pedes supra petram DEUS statuit & immisit in os ejus canticum novum. ecce quis inde fructus etiam in alios: *videbunt multi & timebunt*, nè cadant, *& sperabunt in Domino* si ceciderunt.

Pl. 39.v.4.

Balteum Regum dissolvit, inquit de justis Job, quos Regum titulo compellat, balteum Regum dissolvit, quando in his (verba sunt Magni Gregorii) qui bene regere sua membra videbantur, propter elationis culpam, castitatis cingulum destruit. ita balteum Regis Davidis, balteum Augustini, balteum Jacobi eremitæ & sexcentorum dissolvit, ut dissolutos ad arctiorem salutis semitam & solidius continentiæ cingulum induceret. Audiamus quid Augustinus dicat: *audeo dicere super*

Job. 12.
v. 18.

S. August.
l. 4. civit.
13.

Hh 3

per

Figura 7.
Arca fœ-
deris.

perbis esse utile cadere in aliquod apertum manifestumque peccatum.

Denique nè longior sim, figuram iusti lapſi elegantissimam in Arca fœderis aspicio, quæ ut habetur 1. Reg. 4. & 5. capta à Philistæis anno M. 2939. ante Christum 1114. inque triumphum circumducta & primario Dagonis fano, (Veneris erat statua superiore parte feminam, inferiore piscem referentis, velut Siren pingi solet : illata maiorem stragem inter Philistæos edidit, majorique cum gloria in Silo (civitas erat in altissimo monte octo milliaribus Italicis Solymis distita) deducta & triumphali pompâ fuit celebrata, quàm si nunquam capta fuisset. pessimis enim ulceribus percussî Philistæi & pestilentia famêque consumpti pœnas quidem temeritati, gloriam verò DEo vivo & vero dederunt. Capitur à dæmonibus subinde animula electa, & in fanum Veneris inducitur, verum ubi captiva anima in se redit, per insolentes & generosas mortificationes detrunctat. Venerem, confundit dæmonem & jejuniis ac pœnitentiis, quæ sunt diabolo instar famis & pestis, totum pessumdat infernum.

§. 4.
Altera
causa, ut li-
beralita-
tem suam
& curam
salutis no-
stræ osten-
dat.

Patet ex his omnibus nullius desperandam salutem, nec rationalis ullius agri, utut sterilis sit, culturam negligendam esse, sapienterque proinde à divino Agricola semen in terram sterilem, petrosam & spinosam dispergi, cum spes esse possit divini virtute seminis sterilem in fecundam commutatum iri. At maneat nihilominus vitio suo semper ager aridus & spinarum petrarumque plenus, prævideatque indubitatè hoc Agricola, semen nihilominus jact, ut liberalitati suæ non desit, nec inter agrum & agrum, personâ & personam discernere videatur. Ratio hæc iterum Chrysostomi est italoquentis hom. cit. *quemad-*

modum agricola seminans nō discernit campum, ut in altera parte seminet, in altera verò minime, sed ubique projicit semina, eodem modo Salvator noster non divitem, non pauperem, non ingeniosum aut rudem discernit, sed in omnibus, quamvis non ignoret futurum exitum, pietatis doctrinam commendat. Sic certè licebit ei dicere : quid oportuit me facere, nec feci? hætenus orator aureus.

Sicut Pater cœlestis solem suum oriri facit super bonos & malos, ut boni evadant meliores, mali verò divinis beneficiis emollescant, ita & Filius ac Sator divinus semen suum in bonos & malos spargit, ut omnibus innotescat divina clementia & profusa in omnes liberalitas. De fluvio, qui paradysum irrigabat, ita scribit sacer Genealogus: *superfluitus egrediebatur de loco voluptatis ad irrigandum paradysum, qui inde dividebatur in quatuor capita* Gen. 2. v. 10. in quatuor fluvios fons paradysi dividebatur, quorum primus Phison dictus terram Hevilath inter Syriam & Palæstinam sitam irrigat; alter Gehon Æthiopiam & Ægyptum fecundat; tertius Tigris Assyrios inundat; quartus Euphrates terram promissionis alluit. decuisset fortasse ut paradisi aquæ solam promissionis terram irrigarent, at vix alluunt eandem, idolomanicas potius gentes & juratos electi populi hostes foveant, ut summam DEi benignitatem expriment, qui inimicos præ amicis cumulat felicitate & gloria; & plus seminis in terram indignam quàm aptam projicit, ut quàm cordi illi sit salus nostra, manifestet.

Tanti salutem nostram Christus facit, ut vocet eam Omnia : *omnia mihi tradita sunt*, non cœli & terra & elementa intelligenda sunt inquit Hieronymus, sed hi qui per Filium accessum habent ad Patrem. pluri ille salutem nostram; quàm suam

§. 5.
Quantam
Salutis
nostræ cu-
ram Chri-
stus gerat,

suam æstimat Majestatem. perquam ingeniose id David expressit Pl. 50. *quoniam si voluisses sacrificium dedissem utique: holocaustis non delectaberis. Sacrificium DEO Spiritus contribulatus.* holocausta sunt actus religionis ad contestandam Dei excellentiam, contribulatio Spiritus, est actus pœnitentiæ, multo inferior virtus, ac religio. cur ergo pœnitentiam pluris facit quàm sui adorationem? quia nostram salutem pluris quàm suam facit majestatem. Majestatis erat abundare divitiis, nec quidquam repugnat magis majestati quàm infima egestas, & tamen cum dives esset, propter nos egenus factus est. *pauper Christus factus est, ut nos illius paupertate difescamus* inquit D. Gregorius Nazianzenus orat. in pascha. *Serviformam accepit, ut nos libertatem recipiamus, descendit ut exaltemur, tentatus est, ut vincamus, contemptus est, ut nos gloria sua afficiat, mortuus est ut servet, ascendit ut ad se trahat humi provolutos in peccati lapsu.* Majestatis erat non clamare neque extollere vocem foris, clamavit tamen, etsi vates dicat: *nondamabit*, videlicet ad injurias proprias amoliendas; clamabit verò ad Salutis nostræ negotium procurandum. Mandat suprema Majestas Zachariæ prophetæ, ut coronas quàm plurimas ex auro & argento fabricet easque capiti Sacerdotis Summi Jesu, filii Josedechi imponat, ut videre est Zachariæ 6. v. 11. cur tot uni coronæ? quia Jesus iste Sacerdos personam Domini Jesu agit, in quo multæ sunt ad coronandos Electos coronæ. Sed cur coronas quas distribuere parat, in

capite potius quàm manibus gestat? quia coronas quas elargitur, ita sibi proprias putat, ac si in suo capite residerent, inquit Sylveira ex D. Hieronymo: *ponuntur coronæ Jesu Filio Josedechi Sacerdoti magno, quia nobis proficientibus & reverteris ad meliora per singulas virtutes nostras Dominus coronat, imò nobis virtute pœnitentiæ coronatis, Salvator in singulis coronam accipit.*

Coronemus hoc problema sacerrimo emblemate, quo Jesum Crucifixum in monte Calvariæ pendentem exhibeo, è cuius vulneribus guttæ theandrici sanguinis velut grana divini feminis profluunt & quidem è dextra manu in petram seu latronem dextrum cum lemmate: *mollescet.* ex vulnere lateris in spinam seu Longinum: *florescet.* ex pedibus in Calvariam. Adami sub cruce secus viam jacentis decidunt: *revirescet.* ex manu sinistra in latronem sinistrum exsiliunt, sed à corvis intercipiuntur, ut sine germine exarescant: *non est mea culpa, quòd aret:* Terrà terra terra audi Sermonem Domini: ecce cecidit semen divini sanguinis in petras Golgothæi montis, & petræ scissæ sunt. cecidit secus viam in monumenta eorum, quia jam Viatores non sunt, & monumenta aperta sunt, cecidit in spinas, & ecce flores apparuerunt in terra nostra, ipsaque Crucis area in hortum abiit: *erat autem in loco, ubi Crucifixus est, bortus* Joan. 19. v. 41. ò terra terra terra cordis mei, quia & tu germinare, florere, fructificare tandem incipis, postquam toties in te Verbi & Sanguinis divini semen cecidit,

S. 6.
Emblema



PRO-



PROBLEMA XLI.

Cur in Bacchanalibus Evangelium
de Passione?

DOMINICA QVINQVA- GESIMÆ.

Ecce ascendimus Ierosolymam, & consummabuntur omnia, quæ scripta sunt per Prophetas de Filio hominis. Lucæ 18. v. 31.

§. 1.
Status
quæstionis



Quid hoc? evangelium hodie de passione? carmen de tempore? sufficit longa mœstæ materiæ quadragesima, lætiq; aliquid hodie cogitandum est, nè commutasse tempora, & ex ridendi tempore tempus flendi contra Sapientis doctrinam fecisse videamur. Indulget non nihil sibi per has ferias Christiana modestia, & quasi momentem audiret Apostolum; gaudet in Domino semper, iterum dico gaudete, gaudio laxat habenas, cur ergo importunâ de Dominicis cruciatibus narratione inturbatur gaudium & cithara vertitur in luctum? quid mirum si velut olim Apostoli, ita & hodie Christiani, nihil horum intelligant, cum tristissimam Dominicæ tragædiæ historiam eo tempore sibi ingeri audiunt, cum diversas ipsi cogitant faciuntque comœdias. Cur ergo hodie de passione Evangelium? rationem ni fallor congruentissimam præsens dabit oratio, cui ut quàm attentissimas cordium aures apparetis, vehementer oro & obtestor.

Philipp. 4.
v. 4.

Ad Bacchanalia credo ivisse Dominum, cum diceret: *ecce ascendimus Hierosolymam.* tam hilari facie istud dixit, tam celeri pede ambulavit, ut extra se ravi videretur. nemo ad lulum, ad saltum, ad symposium tam avidè properat, quàm ad crucem Iesus. & cur hoc? ut destruat peccatum, ut perdat gentilismum, ut compareret sibi gloriam à Cruce. A Cruce gloriam? nihil cruce ignominiosius. *facinus est vincire Civem Romanum*, clamabat Cicero in Verrem l. 5. *scelus verberare, prope parricidium necare, quid dicam, in crucem tollere?* verbo satis tam nefaria res appellari nullo modo potest. & pro Rabirio: *nomen ipsum Crucis non modo à corpore Civium Romanorum, sed etiam à cogitatione, oculis & auribus alienum.* Vocat Seneca ep. 20. *infelix lignum.* Tacit. l. 4. instit. *servile supplicium.* Lactantius l. 4. c. 27. *supplicium homine libero indignum.* Gracchus contra Pompilium ignominiosius dicere non potest quàm, *dignus est Cruce.* Canis quotannis cruci affigebatur Romæ, tubicine præcincte: sic punietur quicumque Reipubli-

§. 2.
Ignomini-
am Crucis
Christus
legit, ut
mundum
ad se tra-
heret.

ce

te bono non bene ad vigilaverit. Nec aliter curari potuit Romanorum infamia seipsum propter irrogatas injurias jugulantium, quam cadavera jugulatorum affigendo Cruci. Hanc tamen infamiam Cruci melius, quam Socrates ignominiam carceri, Christus ademuit, qui dixit Joan. 12. v. 32. *Cum exaltatus fuero, omnia traham ad me ipsum* & quomodo trahet? respondet Oseas c. 11. v. 4. *In funiculis A-dam.* seu ut Vatablus legit: *in vinculis charitatis.* Crux est ille funiculus, quo nos trahit, sibi que obligat JESUS, ait D. Bernardus cit. à S. Thoma Villanov. ser. i. de judicio. Multis modis DEUS conatus est pertrahere ad se corda hominum; egit enim supplicii, egit beneficii, at semper egit actum. Minatus fuit hominibus crucem aqueam, & in ea crucifixit mundum Gen. 7. immisit igneam & affixit pentapolim Gen. 19. aperuit terream, quæ devoravit Abiron, Core, Dathan; *sed nec sic mundus idololatriam relictam respuit.* beneficiis ut traheret, *forvit eos ut gallina pullos suos, si forte videns mundus tot tantosque favores diceret: revertamur & serviamus illi DEO pio & optimo, qui sic benignè & magnificè tractat cultores suos.* Sed neque sic conversus est. post omnia beneficiagratias agunt, quales solent vituli bene pasci, recalcitrant, exsiliunt, mugiunt, imò aureum vitulum adorant, hic videlicet DEUS est, qui vobis manna depluit, hic aquam dulcissimam è petra educit, hic vos obumbrat per diem, illuminat per noctem, traducit per Jordanem, inducit in terram melle & lacte fluentem. O crassi boves nil aliud quam vitulum gignere potuistis? Nec tamen benignus & patiens DEUS cessat hominum demereri amores, adhibetque medium ultimum

& efficacissimum, cum ipse de sinu Patris descendens, angelicos choros deserit, in stabulum succedit, inter bovem & asinum medius recumbit, ut vitulantes vel hac arte ad jugum suum suave, ad amorem suum alliciat. nuntiatum est mundo ait Thomas cit. audivit, credidit, intellexit, & quem non vicerat timor neque favor, vicit amor; non enim valuit tantæ dignationis & bonitatis onus sufferre.

Sed interrogabo nunc ego te Bernarde? estne mundus jam tandem factus obediens præceptis divinis, jamne idololatriam relictam respuit? jamne ad pedes Christi prostratus colit illum tanquam verum & unicum DEUM ac Dominum? jamne emollitus est lacrimis, sanguine, sudore, labore, amore, Redemptoris sui? Ah sit verum dicere: ita. si de ævo tuo loquare Bernarde, nescio quid dices, forsân illud tuum perfectius est nostrum. De nostro non possum coram Veritate æterna dicere, quòd mundus idololatriam relictam respuerit. hodie mundus celebrat Bacchanalia, totus gentilis est. Vade per aulas, intra in Ecclesias. In aula videbis vivas imagines ornatas splendide, in Ecclesia pictas imagines Crucifixi, vide utrum plus colatur Crucifixus, quam muliebris mundus. fiuntne tam profundæ reverentiæ Venerabili Sacramento, quam ipsi sibi aulici invicem faciant? itane modestè se gerunt in convivio Eucharistico quam in solenni symposio? itane accuratè attendunt ad verbum divinum, quam ad falsum jocum, ad inexpectata nova, ad cantum aliquem orcinum auctore Lucifero vel uno è capella ejus compositum? quid dicam de avaris, iracundis, luxuriosis? Martem, Plutonem, Venerem plus colunt, quam JESUM Man-

S. Bernard.
apud S. Th
Villan.

svetum, Pauperem, Mundissimum. Omunde quis tuus est Dominus?

§. 3.
Emblema.

Subtilis vir ingenii emblema hoc nuper effigiavit. stabat ab una parte diabolus in specie pulcherri-
mi juvenis vexillum habens in ma-
nu malè castis plenum emblematis.
videbatur enim Juno cum Jove in-
cestuosè congressa, Mercurius fur-
to ingeniosè manus implicans, Ju-
piter in Argi mortem conspirans, &
Danaë per imbrem aureum cor-
rumpens &c. deorum scelera tan-
quam heroica facinora exprime-
bantur. infra hoc vexillum erat in-
gens & innumerabilis turba jubi-
lans & plaudens, appositâ epigra-
phè: *Non crucifigor & adoror.* ex
parte altera erat Christus in virili ha-
bitu vexillum tenens album, in quo
crux rubra plena ingeniosis Symbo-
lis: Pelicanus nutriens pullos pro-
prio sanguine: *suo nos sanguine*
pascit. erat Iris pacem nuntians:
temperat iras. Botrus in torculari
expressus: *torqueor ut prosum.* Sca-
la in cœlum porrecta: *facilis ascen-*
sus. Spinæ germinantes rosam:
Vernabimus. erat columba ramum
misericordiæ plenum melle affe-
rens: *sinè felle, melle redando.* Sed
exigua erat turba ad hoc vexillum
congregata habens crucem in ma-
nu, dorso vel pectore, ex quibus ta-
men aliqui fiebant transfugæ cum
lemmate: *blanda placent, dura di-*
splicent. In capite emblematis e-
rant hæc verba: *Quis mundi Do-*
minus? in calce verò: *Christus re-*
ficiens deficit, diabolus decipiens profi-
cit. potest proinde meritò insultare
Christo dæmon: en quot & quanti
& quàm libenter currunt ad me,
pro quibus ego tamen nullum cœ-
lum creavi, naturam eorum non as-
sumsi, nullam laureolam iis promi-
ssi. caput meum pro iis nulla spina
pupugit, corpus nullum flagrum
concidit, manus nullus clavus trans-

verberavit, oculus nec lacrymam
fudit, gena nullam alapam sustinuit,
genu nunquam se curvavit, nulla
venula vel guttulam sanguinis de-
dit, & tamen (viden?) mundus to-
tus post me abit, sub vexillo nieo in-
defessè militat, vocem meam accu-
ratissimè observat, omnes vires, to-
tum Sangvinem, vitam & Spiritum
obsequio meo consecrat. Quid ti-
bi prodest tua Crux Christe, quid
spinæ, quid flagra, quid clavi, quid
sputa, quid verbera, vulnere, fune-
ra? non debebas ista pro mundo
perpeti indigna tuâ Majestâte, nec
convenientiâ hominum appetitui.
mundus vult mollia non dura, dul-
cia non amara, mel non fel; pungi
non vult sed ungi, ferre injurias non
vult sed ferire, non flere sed ridere,
non dare sed accipere, non jacere
sub pedibus sed insidere capitibus,
non pendere in ligno sed jacere in
lecto, non duci per spinas sed per
rosas. frustra tua sunt opera, ego
præ te homines attraho, mundum
subjugo, júbilo & triumpho.

Usquequò filii hominum? ô
insensati cur ita vos fascinari finitis?
ô cæcissimi cur in interitum prom-
tè ruitis? ô impudentissimi cur tan-
tos diabolo triumphos indulgetis?
heu quantum in die judicii conque-
retur contra vos divina Misericor-
dia, subfannabit Justitia, clamabunt
Christi sanguis & vulnere, concla-
mabunt æterna supplicia, tonabunt
fulmina, immugiet æther, terra
contremiscet, ringetur avernus. ni-
mis exilis pro vobis iste infernus est,
qui post hæc omnia toties audita,
considerata, ruminata, adhuc hodie
mortiferum scelus patrabitis, hoc
est, diabolum adorabitis, Christum
crucifigitis, cœlum abnegabitis, in-
ferno infelices animas vestras de-
vovebitis.

Eja Christiani aperite oculos men-

§. 4.
Passio
Christi ef-
ficacissima
ad cavenda
peccata.

mentis vestræ & videte erectum amoris vexillum, Crucis mysterium, in quo signo illecebras vincere, austum hostis eludere, animari ad pugnam, affecurari de victoria possitis. In hoc vexillum inscripta lego Origenis verba: *Filius DEI pro peccatis mortuus est, & te peccare delectat?* non ita abstrahere ab ardore peccandi mille inferni valent (ut S. Thomas Villanovanus Ser. I. de jud. dixit) non civitates flagrant, non aquarum inundationes, sicut videre DEum pro peccato morientem, ita peccati reatum solventem. Fierine poterit, ut superbus videat caput JESU spinis compunctum & non demittat cristas suas? estne possibile ut avarus videat manus clavis affixas, apertasque ad dandum thesauros aternos in celis, & non aperiat manum suam ad dandam cleemosynam pauperi? estne possibile, ut iracundus videat pedes affixos propter se, & non contineat pedes suos, nè currant ad effundendum sanguinem? estne possibile, ut desperatus videat Christum morientem pro se, & non concipiat spem vitæ suæ? quomodo damnabit poenitentem, qui propter hoc moritur, nè damnetur? quomodo abjiciet redeuntem, qui de cælo venit quærere quod perierat?

S. 5.
Vexillum
Crucis à
peccato-
nis abstra-
hit.

Lipsius narrat de Africæ populi maximum damnum passis à leonum ferocia. hi enim adeò multiplicati sunt, ut ferinæ carnes non suffecerint in pabulum, quin humanas diriperent, vias & itinera obsiderent & viatores dilacerarent, ut Africa magnâ parte desolata fuerit. Consultum oraculum respondit: leonem caperent, crucisque vivum affigerent, ita stragem leoninam cessaturam, rugitum enim hujus in cruce pendentis ita cohorrerunt ceteri

leones, ut patriam omnino deseruerint, ecce *vicit leo de tribu Juda*, affixus iste cruci infestis leonibus incussit timorem, *leo rugiet, quis non timebit?*

Apoc. 5.
v. 5.

Amos. 3.
v. 8.

Cicero ad Atticum ep. 18. mementit vexillorum, sub quibus militabant Romani. *Vexillo opus est & convolabunt*, & quidem unusquisque manipulus ad suum, erat verò mira colorum & Symbolorum in vexillis singulis diversitas, inter alia coccineum erat, in quo depictus phoenix, à quo dictum est *Phœniceum* & milites ipsi phœnicei dicebantur, eò quòd generosiores essent ceteris, & eandem ducerent gloriam vel vincere vel occumbere. Phoenix noster JESUS sit, qui amoris absumptus igne revixit; cujus exemplo cadamus in mortem potius quàm cedamus tentationi mortiferæ, incinerari & annullari velimus magis, quàm peccare, sic erit gloria ex cinere.

Memorant veteres Romanorum annales, Catulum Romanorum Ducem, cum adversus Cimbro dimicaret infelicius, suorumque plerique strage nimia deterriti fugam molirentur, jamque copiosi in pedes se darent, Vexillum arripuisse, exaltasse, exclamasse: *Ecce sub quo militatis*. quâ voce & signo animavit timidos, revocavit profugos, restauravit aciem, victoriam obtinuit. Ecce Christiani signum crucis, in quo Christus pependit. hoc vos animet in adversis, confirmet in dubiis, restauret in perditis. Non ita efficax fuit signum Catuli, nec Moysis exaltatus serpens, quàm hoc signum in quo victoria, felicitas, & vita. Ipse Christus se vobis ultro ostendit & in memoriam revocat, quæ pro vobis fecerit, quæ pas-

passus sit, nè denuo eum graviora ferre cogatis.

S. 6.
Apostro-
phe Chri-
sti ad pec-
catores ex
S. August.

Manlius Patritius Romanus accusatus ab Æmilio, judicatus, condemnatus, jamque ad locum supplicii educatus, cum ecce levans oculos vidit capitolum penes quod transibat, exclamavitque: *ausine estis ô Judices Romani Manlium condemnare, qui pro salute patriæ paratus fuit mori?* terruit ea vox non comites tantum sed & Judices, revocavitque in memoriam Manlii facinus, qui ad repellendos Gallorum impetus vitam suam patriæ devoverat, & à capitolii mœnibus hostem propulsarat. quare sententiam revocant, Manlium reducant, vitæ gratiam faciunt. Sic tu tibi oggere Christiane: Audesne Christum denuo condemnare, qui pro salute tua mortuus est? neque condemnare solum, sed longè turpiori morte afficere in temetipso, quàm affectus fuerit in Cruce? Audi ipsummet JESUM querentem apud S. Augustinum ser. 67. de div. *Cur me graviori criminum tuorum Cruce, quàm illa, in qua quondam pependi, affecisti? gravior est apud me peccatorum tuorum crux, in qua invitatus pendo, quàm illa, quam tui misertus, mortem occisurus ascendi.* Respice montem Calvariae, in quo ut delerem juratos hostes tuos, vitam & sanguinem prodegi. non est tuæ satisfactum malitiæ, ut me duriori rursus Cruci adjudicares? hæc certè cogitatio, si te à peccando non absterret, pejor immani ferâ es. Sed heu! manet obstinatus hostis & agit nobiscum proutcum Manlio Æmilius egit, adversarius enim iste obstinatissimus denuo litem instituit, mortisque sententiam à Senatu impetravit, nè autem superesset Manlio spes vitæ, per vias cum di-

versas deduci jussit, è quibus Capitolium non videretur, itaque capite plexus est. Similiter agit dæmon, Crucifixi memoriam oculis mentis nostræ subducit, ut mortifera in flagitia, æternamque inducat in mortem. *Non proposuerunt DEUM ante conspectum suum, inquinatæ sunt viæ illorum in omni tempore.*

PL53. v. 3.

Habemus nunc causam nî fallor sufficientissimam, *cur in Bacchanalibus. Evangelium de passione*, ut ejusdem memoriâ, à peccandi periculis, quæ per has ferias turmatim occurrunt, avertemur. Rem miram refert Bzovius ad annum 1221. numero 10. erat Romæ infamis lupa Catharina nomine, cognomine *Pukhra*, turpissimis luxuriæ sordibus contaminata, fuit enim scopulus, ad quem multorum allisæ perire rates, confluebat siquidem ad eam juvenus omnis, vespere quodam non nemo formosior adventavit, qui dapili exceptus fuit coenâ, at omnia fercula Catharinæ visa sunt sanguine aspersa. nec tamen hoc illam perculit prodigium. remotis mensis ad secretum cubiculum Juvenem invitat, nec difficulter impetrat. hic ad flagitium pellicere Agnum ausa lupa stupendam conspicit metamorphosim. ecce enim Juvenis momento mutatus in virum, toto corpore faucius & plagis lividus, verèque Sponsus sanguinum apparet, tot ora quot vulnera exhibet, quibus diræ laniensæ causam arguit, benignissime tamen ad veniam invitat & cruento hoc spectaculo lupam in Agnellam vel Agnetem, lenam in poenitentem Magdalenam convertit. quin & tu Veneris proce advolas & cum D. Bernardo innocentissimo nocens peccator exclamas: *ego sum tui causa vulneris, ego sum tui causa*

S. 7.
Resolutio
problematis.

do-

doloris: peccatum satis est, ah non peccabitur ultra.

§. 8.
Emblema.

Ofc. 2. v. 6.

Pro emblemate serpentem fingo spinis undique septum, ita ut circo proserpere nequaquam possit: *Non ultra.* pro sepimento spineo sit nobis corona Christi, ut ex virtutis & legis divinæ circo minime erumpamus. ita sepiendam feliciter animam promisit DEUS: *sepiam viam tuam spinis*, nè scilicet ad vitæ defectus rosam voluptatis. ex nubibus promicantes duos digitos indices in formam Crucis decussatæ pono (quo gestu minari & juratam indicare iram solemus) ut hoc signo petulus & arundini suæ inequitans parvulus, projectis crepundiis, salubri timore corripatur: *vincor in hoc signo.* Crucem & instrumeta passionis omnia no-

bis hodierno in Evangelio proposuit Mater Ecclesia, ut à Bacchanalisticis crepundiis abstractos pietati & virtuti addicat, nè simus parvuli fluctuantes, nec turpem diligamus infantiam, sed ad Salutem & vitam vincamur in hoc signo. Denique Crucem versatilem ferratam collocemus, qualis ante prata & viarum prohibitarum aditus collocari solet, nè transire fas sit, inscribamusque: *Crux prohibebit iter.* Ecce Crucem Domini ab Ecclesia hodie propositam, quæ ad prata luxuriæ deviasque scelerum vias prohibebit iter.





PROBLEMA XLII.

Cur Dæmon biverbio: *Scriptum est*,
abigatur?

DOMINICA I. QVADRA- GESIMÆ.

Scriptum est. Matth. 4. v. 4. 7. 10.

S. 1.
Dæmon si
contemna-
tur, vin-
citur.



Ut abam nescio quàm fortem habere nos inimicum, qui Elephantò à Jobo, Giganti à Davide, Leoni rugienti & famelico à S. Petro comparatur; sed exerior hodie tam debilem illum esse, ut uno flatu possit dispelli, uno verbo dejici, signo unico enervari, fugari, triumphari. Quid est facilius dicere quàm: *Scriptum est Est.* & ecce cæsus est, nec habet miser diabolus quod opponat, nec retinet animos, ut urgeat. Contemnatur, & victus est. *Aliter tentator non vincitur, nisi contemnatur* S. Augustinus Serm. 41. de verb. Dom. exhibetur, & fugatus est; Verbo DEI petatur & lapidatus est. Verba volant & lapidem non lædunt, inquit Kempensis, imò non verba & sententiæ multæ sed unicum, si in aëream potestatem, dæmonem inquam, volet, sic illum, qui est lapis offensionis lædit & offendit, ut conterat & perfumdet. Patet hinc solutio problematis, cur alio instrumento ad debellandum Luciferum Salvator usus non sit quàm biverbio: *scriptum est*, quò constaret tam debilem nobis esse adversarium, ut vel hali-

tu prosterni, virgà exanimari, guttula submergi, biverbio possit superare.

Tam imbecillis dæmon est, ut uno spiritu dejici possit. fraudulentus ille quidem est, sed non potens, immanis non robustus, ut dubitem utrùm aliquid sit eo infirmus & timidus. Cant. 1. v. 8. admirabilem fortitudinem sponsæ suæ celebrat Sponsus: *equitatus meo in curribus Pharaonis assimilavi te.* Quærit Rupertus hic: quisnam fuerit ille equitatus in curribus Pharaonis; vel quomodo in curribus Pharaonis. Scimus filios Israel non equites sed pedites excessisse Ægypto prout habetur Ex. 12. v. 37. *profectique sunt filii Israel sexcenta fere millia peditum virorum absque pueris.* qualem ergo equitatum habuit tunc DEUS, cui Sponsam confert? respondet Rupertus per equitatum DEI intelligi Virgam Moysi, quæ totum Pharaonis exercitum extinxit: *Magnum, & mirum spectaculum!* Currus Pharaonis valde multi ferro armati, equitatus autem DEI virga una fuit. Virga Moysi, virga illa contra sublimes currus Pharaonis taliter equitavit, hoc modo pugnavit. Nunquam vidit Sol tam

S. 2.
Dæmon
virgà exa-
nimatur.

tam ordinatum exercitum, quam quando filii Israël excessere Ægypto. Insequitur Pharaon fugientes pleno impetu, certus omnes ac singulos contrucidare, etsi hostium sint sexcenta amplius millia, & jam capitibus eorum ad ripam maris imminet plenus omnibus furiis, flammantibus oculis, tumentibus omnibus venis, fumantibus naribus, nudatis rhomphæis. Væ vobis fugitivi, væ tibi mare rubrum hodie bis rubrum videberis. Sed quid animo concidimus? ordinate acies ô Israelitæ in adversum, si modò stetis & jugulum præbeatis, fatigabitur solâ cæde in tantum Pharaon, ut velut lassum canem denique conficere poteritis. Nec opus est armis, sufficit vobis unica, quam Imperator vester Moyses manu præfert virga, hæc est equitatus, hæc peditatus, hæc est currus, hæc est totus exercitus, cum quo itur in Pharaonem. Audite Dominum exercituum suo Generali vices gerenti loquentem: *Tu autem ele va virgam tuam* (sceptrum Martium) *Extendemanum tuam super mare & divide illud &c.* ergo in mari pugnandum non in terra, fluctibus agendum non flammis? si ingrediamur nos mare, insequetur Pharaon & habebit nos sicut pisces in reti. Sed obediamus. quis scit, quid intendat DEus, ut prosit nobis. & ecce magnum & mirum spectaculum! extendere secundo jubetur Moyses virgam contra mare, *reverseque aque operuerunt currus & equites cuncti exercitus Pharaonis, qui ingressi fuerant mare, nec unus quidem supersuit ex eo* v. 26. Hæc erat virgæ virtus, quæ crucem significabat. Pharaon Luciferi typus est, exercitus illius legiones inferorum adumbrat. jam assequimur mysterium: *equitatu meo in curribus Pharaonis assimila vite.* Si in campo aliquo

Martio staret ordinatissimus validissimisque exercitus, contra quem veniret nescio quis homo in equo ligneo & post velitationem trium horarum turbaret ordines, fugaret legiones, funderet exercitum universum, haud dubiè ille ligneus equus & scipio, quem victor manu gestat conferri posset imò præferri deberet hostili exercitui universo. Congregabatur Pharaon & primum robur totius Ægypti, magnus ferratorum curruum, major cataphractorum equorum, maximus virorum æneorum apparatus, sed his fugandis, his mergendis & ad unum omnibus occidendis, *Virga sat una fuit.* sic eruditur Sponsa cœlestis, si armata sit Cruce, sat armorum habet fundendo exercitui omnium diabolorum.

Sed si dæmon leo rugiens est, quomodo se terreri unicâ finit virgâ? respondet S. Bernardus Ser. 2. de resurr. quia *bicleo non scit nisi rugire*, quales leones Heliogabalus dicitur habuisse. insert proinde Abbas mellifluus: *non sumus bestie, ut nos prostrernat vacuus ille rugitus.* Nota: *vacuus rugitus*, quem hac similitudine faciliè prosequemur. si tibi equiti & ab armis optimè instructo occurrat latro habens bombardam & nullum aliud instrumentum lethi, de bombardâ verò certissimò constet tibi vacuum omnino esse, ita ut latro terrere quidem possit, nulloatenus autem nocere, an non excors sis si timeas, si te illi captivum tradas, si spoliari sinas? sic se habet cum dæmone. irrugire, tentare, infestari, terrere potest, sed habet scopetulum sinè globo, sinè pulvere, sinè igniario lapide; certe nisi te peccatum in bestiam vertit, nequamquam inveteratum malorum nequam timeres.

Timidam animulam sub Soly-mæ hieroglyphico solatur & animat DEUS

S. 3.
Dæmon
pidis mu-
ris capu-

gnatur &
flatu unico
diffatur.

DEUS II. 49. v. 16. *Iuxta versionem*
70. *ecce ego depinxi muros tuos. nē*
timeas ō anima hostem furentem,
leonem rugientem, gigantem mi-
nantem, ego pinxi muros, quibus
te muniam, propugnacula, quibus
te tuear, speculam ex qua tibi pro-
spiciam. Ecce ego pinxi muros tu-
os. *Muros pinxit ait S. Ambrosi-*
us I. de bono mortis c. 5. quibus ho-
stem possumus arvertere. Sed quo-
modo muris pictis proteget ani-
mam, & propulsabit hostem? si quis
contra validum hostem adventan-
tem pictos muros exponeret, an
non exponeret unā se cachinnis?
Imò verò ridiculus ille hostis, qui
terreri se muris pictis sineret. Si-
nit autem diabolus, ego pinxi mu-
ros tuos, solis pictis muris tuebor te,
non est opus aliis lateribus & mar-
moribus, calce, bitumine vel fuso
plumbo. pinxi muros tuos, sanguis
meus pro te fusus fuit color, clavi
mei pro penicillis fuere, quibus
pinxi vallavique te ad panicum ti-
morem omnium hostium tuorum.

Ex his infer quanta sit ignavia
nostra, si terreri nos permittamus,
imò ultro dedamus dæmoni, quem
solo flatu difficere possemus. De-
fertur ad baptismum infantulus,
dæmonis mancipiolum, sed paulò
post ungendus in agnothetam, ar-
mandus in pugilem, formandus in
militem, quem priusquam sacerdos
aquâ lustricâ abluat, dæmonem his
verbis impetit: *Exi ab eo immun-*
de Spiritus, & da locum advenienti
Spiritui Sancto. & : recede ab hoc sa-
culo DEI, quæ ubi dixit, sufflat ter
in formam Crucis in faciem infantis
prout S. Augustinus l. 6. contra Juli-
c. 2. notavit. pulchra cerimonia:
Solo flatu dæmon ejicitur, tam im-
bellis est!

S. 4.
Dæmon

Nec illud vacat mysterio, quòd
unica aquæ guttula sufficiat mer-

gendo dæmoni, quæ ergo ejus de-
bet esse infirmitas? de homine im-
becillimo, proverbio dicimus: in
una aquæ gutta submergi potest,
muscæ levior est longe id verius de
dæmone: Disjectum est illius im-
perium & ipse redactus sub jugum
per passionem Domini universali-
ter, sed & per partes passionis sin-
gulas. S. Athanasius, ut definiat,
quâ potissimum parte dæmon vul-
neratus sit, non ponit robur in spi-
nis, quòd dæmon iis confossus sit,
nec in flagris, quòd iis expulsus sit,
nec in arbore crucis, quòd eâ con-
tritus sit, sed ad demonstrandam
dæmonis ignaviam: *dæmon, inquit*
S. Pater Ser. de Pass. & Cruce, Do-
minum adoriens confractus est, masta-
tus est non alibi, quam in latere ad co-
stas, ex quo effluxit sanguis & aqua.
Elegans mysterium quòd Christus
inimicum vincere & præfocare vo-
luerit aquâ potius de latere profuâ,
quàm Cruce aut alio cruciatuum
suorum instrumento, ut indicaret
tam ignavum esse hostem, ut aquâ
modicâ præfocari possit. Sitamen
nos ab eo mergi permittimus, non
est ipsius potentia sed nostra fo-
cordia.

Intelligamus tandem aliquan-
do imbecillitatem hostis, quem tan-
topere, sed sinè causa, formidamus.
Comparatur Cant. 2. v. 15. vulpi
parvulæ. Jere. 1. v. 14. Aquiloni.
Ab aquilone pandetur omne ma-
lum, hoc est, à diabolo inquit glossa
interlin. *Aquila sonorus est & a-*
sper ait Stephanus Cantuar. in c. 4.
Amos, *& stridet sed non pluit.* Sic
terret & minatur dæmon sed non
pluit, non habet vires ad nocen-
dum. *diabolus nibilest, si homines*
cautiores essent S. Chrysologus serm.
104. Sed cur vulpi parvulæ con-
fertur? S. Gregorius Nyssenus
hom. 5. in Cant. Hic ergo tantus

S. 5.
Dæmon
splendore
armorum
cæditur.

Lu-

imperator legionum dæmonum, quomodo revera & solâ potestate nominatur vulpes parva, & omnes quicum circumstant & universus ejus exercitus vulpeculâ? non enim dicit venamini aprum sylvestrem, aut singularem ferum, aut rugientem leonem, aut magnam balænam, aut magnum draconem, sed parvæ vulpes & infelices, si cum nostris viribus comparentur, hæc S. Nyssen. Næ ille imbellis est miles, qui solo armorum fulgore excæcatur, imò exanimatur. Dagon jacebat ante arcam I. Reg. 5. *agloria claritate devictus, quæ circa arcam DEI exsplendescbat* inquit Basilii Magni in c. 10. If. ecce ut solus armorum nostrorum fulgor illum percellat. *Tantum cura sit,* ait S. Chrysostomus hom. 4. in Gen. *ut ipsa quotidie arma abstergamus, ita ut fulgida sint, ut radiis excæcent oculos maligni dæmonis contra Salutem nostram omnia machinantis.*

§. 6.
Dæmon
verbo Dei
enervatur.

Imbecillitatem dæmonis Salvator noster hodie ostendit, quando solo verbo eum superavit: *non in solo pane vivit homo, sed in omni verbo.* ô verbum quod vivificat hominem, maciat dæmonem. Notant S. Hieronymus & Haymo: *Dominus omnia testimonia contra diabolum de Deuteronomio sumsit.* Deuteronomium secunda lex dicitur & designat Evangelium, datque hoc factò Dominus exemplum, ut quoties à dæmonibus vel malis hominibus impugnamur, ad Sancti Evangelii auctoritatem protinus confugiamus.

Et quia testimonia Scripturæ nostra arma sunt præcipua, iisdem nos impetere conatur dæmon prout S. Chrysostomus adnotavit hom. 5. ex variis: *inde tentat vincere, ubi*

dedit se fuisse jam victum. Sed adverte quàm altitè & falsè Scripturæ verbis abutatur: Mulierem deceptorus Gen. 3. *Cur, ait præcepit vobis DEUS, ut non comederetis de omni ligno paradisi?* de uno tantum ligno, ut S. Paschasius observat, præcepit DEUS, nè comederent, & ipse dicit de omni. Coram Christo autem non audet tam crasse mentiri, sed veritatem tamen supprimit in tribus: *Angelis suis mandavit* (omittit quis mandaverit) *de te.* Cur non exprimit nomen DEI? quia id formidabile erat hosti in tantum, ut impuro ore pronuntiare vereretur; Econtra Christus in omni tentatione hoc sanctissimo nomine sese protegit. Deinde dimidiam partem præsentis versus omittit, videlicet: *ut custodiant te in omnibus viis tuis.* erant enim contra diabolum ut notat S. Bernardus ser. 14. in Pl. 90. *non est via hæc sed ruina; etsi via est, tua est, non illius, id est Christi.* Denique contigit sequentia verba: *Super aspidem & basiliscum ambulabis.* de his quæ de se dicta sunt, tacuit, inquit S. Hilarius, scit nefarius quæ sunt ad alium; quæ ad se pertinent, tanquam ignarus, tacet.

Non taceamus nos, quoties suffrum Sathanæ audimus, quin ocyus *Verbum DEI* tanquam antidotum probatissimum, scutum securissimum, munimentumque inexpugnabile opponamus, iisque nos potissimum tueamur verborum divinorum formulis, quibus teste experientiâ & propriâ dæmonum confessione facillimè profligantur atque enervantur, quales potissimum sunt tres primi versus ex Psalmo Sexagesimo septimo: *exurgat DEUS & dissipentur inimici ejus & fugiant, qui oderunt eum à facie*

Kk

cie

cie ejus. Sicut deficit fumus deficient, sicut fluit cera à facie ignis, sic pereant peccatores à facie DEi. Et iusti epulentur & exultent in conspectu DEI & delectentur in letitia. Deinde versus decimus ex Moyſis Cantico Deut. 32. *DEUM qui te genuit dereliquisti & oblitus es Domini Creatoris tui, præterea verba illa Liturgiæ: per ipsum (JESUM Christum) & cum ipso & in ipso est tibi DEO Patri omnipotenti in unitate Spiritûs Sancti omnis honor & gloria.* & his similes Sexcentæ Sacrorum verborum formulæ retundendis inferni potestatibus mirum quantum sunt efficaces. super omnes verò hæreat hodiernum biverbium: *Scriptum est, quo omnia tela nequissimi ignea, quibus ad violandam divinam legem nos perurget, feliciter retundamus.*

lucifugas inquam aves fugat: *Exurgat DEUS & dissipentur inimici & fugiant qui oderunt eum.* Verbum DEI nobis pro sole est, quia mandatum lucerna est & lex lux, *hoc solo sole fugantur.* deinde fumum in aëre fingamus, quem Ventus dispellit: *sicut deficit fumus deficiant.* adsit nobis Spiritus ille vehemens, qui in novæ legis promulgatione Venti vehementis sonum assumſit, ad caliginosos Spiritûs infernalis fumos dispellendos, ut sub divino ejus patrocinio omnis stygia inspiratio abeat: *non in aures, sed in auras.* Denique ceram ante focum ignis collocemus, *sicut fluit cera à facie ignis,* ignem JESUS venit mittere, quo si accendamus & ardeamus, omnes infernalis hostis machinæ, tanquam cera in igne: *sic peribunt.*

S. 7.
Emblema.

Emblema problematis hodierni ex citati Psalmi 67. versu primo & secundo secundissimè defumamus, & exorientem fingamus solem, qui tenebras & tenebriones,



PRO-



PROBLEMA XLIII.

Cur Transfiguratio evulgariante Resurrectionem prohibeatur?

DOMINICA II. QVADRA- GESIMÆ.

Præcepit eis IESUS dicens : Nemini dixeritis visionem, donec Filius hominis à mortuis resurgat. Matth. 17. v. 9.

S. I.
Causæ
tres, cur
visionem
taceri ju-
beat Chri-
stus;



Osteaquam Salva-
tor Petro claves
prope Cæsaream
Philippi promissit,
progressus inde
per viginti leucas
seu viginti horarum
iter, sex dies infumfit, ut perveniret
in montem Thabor, in quo transfi-
gurationem suam voluit celebrare:
post dies sex assumit, ait Matthæus,
quia post sex mundi ætates futura
est resurrectio, quæ est Rabani cau-
sa analogica, Symbolica verò Orige-
nis, ut significaretur; quòd solus is
possit ascendere montem Domini
& intueri gloriam Verbi DEI, qui res
mundi omnes sex dierum spatio
conditas transcendit. Transfigu-
rari autem voluit in confirmatio-
nem eorum, quæ Petro promiserat
& in præmunionem adversus
scandala secutura & cruces Aposto-
lis paratas. *Transfiguratus est Do-
minus*, ait S. Leo homil. de Transfi-
gurat. *ut de cordibus Discipulorum
crucis scandala tolleretur, & non con-
turbaret eorum fidem voluntaria hu-
militas passionis.* Tropologicam
causam dat Cornelius hic: Voluit

Christus typum dare transfigura-
tionis animæ peccatis nigræ in lu-
cem gratiæ per quam Christo con-
figuramur. Tam magnifica hæc
fuit transfigurationis gloria, ut si
quid unquam videri in mundo di-
gnum fuit præ triumphis Roma-
norum, pyramidibus Ægyptiorum,
hortis Babyloniorum, ritibus Pon-
tificum Hebræorum, digna hæc fu-
erit transfiguratio Thaborea, tan-
quam umbra illius gloriæ, quam
oculus non vidit, nec auris audivit,
nec in cor hominis ascendit. At
cur eandem revelari ante Resurre-
ctionis diem Dominus prohibet?
non prohibet audita referri, sed visa
narrari, quæ causa? Respondent
in primis Doctor maximus & ora-
tor aureus: *non vult hoc in populis
predicari, nè incredibile esset pro rei
magnitudine & post tantam gloriam
apud rudes animos sequens Crux
Scandalum faceret.* Ingeniosius D.
Hilarius revelationem tantæ gloriæ
prohibitam Apostolis, eò quòd lin-
gvas nondum haberent, quibus
condignè eandem enuntiarent. Ex-
pectandus itaque Spiritus Sancti
adventus erat, qui in dispersitis lin-

S. Hieron.
apud Syl-
veir. to. 4.
l. 6. c. 8. q.
33. num.
269.

gis facultatem faceret congruè depromendi, quæ fidelibus oculis commissa fuerant: *silentium rerum gestarum, quas viderant, imperat, ut cum essent Spiritu Sancto repleti, tunc gestorum spiritualium testes essent.* Ad sensum & gustum meum aptissime D. Remigius pronuntiavit e vulgationem visæ gloriæ prohibitam, nè Dominica Passio impediretur, si enim nota populis fuisset gloria & majestas Salvatoris, nunquam ad ignominiam crucis eundem postulassent, teste Apostolo: *si enim cognovissent, nunquam Dominum gloriæ crucifixissent* 1. Cor. 2. v. 8. verba D. Remigii sunt: *si majestas illius divulgaretur in populo, populi impedirent dispensationem passionis ejus, resistendo principibus Sacerdotum, & sic redemptio humani generis retardaretur.* quam causam impositi silentii præcipuam fuisse non obscurè insinuat D. Marcus, dum post recentitam comminationem, nè cuiquam, *que vidissent, narrarent.* subdit: *cepit docere eos, quoniam oportet Filium hominis multa pati & reprobari à senioribus.* ex quo colligo ingens & ineffabile desiderium Christi, quo ad passionis & crucis tormenta anhelabat, nec ulla ratione retardari volebat. Quod desiderium dum fusiùs hodie expono, de tempore dictionem fore confido, cum & Thaborei colloqui alia non fuerit materies, quàm excessus, quem Iesus in Jerusalem erat completurus.

§. 2.
Crux fuit
Christo
prandium
& quies.

Cant. 1. movet sancta curiositas cœlestem Sponsam inquirendi: ubinam dilectus agat, ubi prandeat, ubi à prandio quiescat: *Indica mihi ubi pascas, ubi cubes in meridie.* quin potius ô Sponsa desidera scire ubi cœnet, ubi pernoctet, ubi dormiat nocturno tempore. cur meridiem potius quæris quàm ve-

sperum? Nimirum de cruce Salvatoris sui somniavit; in Cruce horâ diei Sextâ, hoc est meridie, extendendum scivit, idèoque ad illius amplexum anhelavit. Sed si Sponsa tempus crucifixionis requirit, cur horam illam prandii vocat & quietis: *tibi pascas, ubi cubes?* famem ibi patiebatur & sitim, tribulationem & dolorem, hocine pasci, hocine cubare est? affirmat Episcopus Ostiensis Drogo de Pass. Dom. *In Cruce manducavit & bibit, & ebriatus est & dormivit,* quia desiderio suo, quo ad dolores ferebatur, indulgit & liberalissimè satisfecit.

Requievisse ab omni opere DEum die septimo credo ex Gen. 2. v. 2. at quæro: cur post cœlum stellis exornatum non quieverit in cœlo, cur post vestitam floribus terram non quieverit in terra, sed postquam hominem creavit, quietem sibi indulgit, quasi homo sit Creatoris sui requies, consolatio, delicia: *Fecit cœlum & non lego quòd quieverit, fecit terram, solem & lunam & stellas, & non lego quòd quieverit, lego quòd fecerit hominem & tunc requievit* inquit S. Ambrosius. homo nimirum requies DEi, sed cur? quia ad formam Crucis hæc rationis & amoris capax creatura condita est. *Homo ad formam Crucis* (ait S. Anastasius Sinaita l. 1. anagoric. contemplat. in Genes.) *habet imaginem, ut qui sit ad imaginem Christi crucifixi.* hæc est quietis divinæ causa potissima, & tua ô homo consolatio maxima, quòd in te DEus quiescat & agat Sabbatum, quoties tribulatione cor tuum est gravatum: hoc videlicet grabatum Sponsi est, cor gravatum dolore. Dicamus nunc Sponsæ & indicemus, ubi pascat, ubi cubet Dilectus in meridie, videlicet in medio terræ, & centro votorum suorum cruce quiescit.

o Cum primum in lucem edux

§. 3.
Cur post
hominem
conditum
quieverit
DEus.

§. 4.

cx

Cur Christi
in præsepio
reclinatur.

Ex Virgine fuit DEUS-Homo involu-
it eum sollicita parens pannis & re-
clinavit in præsepio Luc. I. v. 7.
Quod parvulum ex sinu suo dimise-
rit Mater, ratio fuit, nè videretur so-
li Virgini esse natus & donatus, sed
omnibus ac singulis. bona commu-
nia ad se suosque coarctare non est
Sanctorum, inquit Author recens,
ideoque Sanctorum Regina liben-
ter aliis thesaurum cœli & Bonum
bonorum optimum indulgit reclina-
ndo in præsepio. Verùm cur in
præsepio reclinatur & non in cu-
nis? ut reprobet gloriam mundi &
damnet seculi vanitatem S. Bernar-
dus ser. 3. de Nativitat. Ut bos co-
gnoscat possessorem suum & asinus
præsepe Domini sui S. Gregorius
Nyssenus: ut populorum Pastorem
pabulumque se esse contestetur. S. Ze-
no. ser. 3. de Nat. ut ex hominum
generebis, qui bestiales erant commu-
nicationem Esca mystica exhiberet, in
mensa bestiarum proponebatur Panis
cœlestis, Chrysippus Hierosolymita-
nus. Præ omnibus causis illa præ-
placet, quam ex Serm. xi. Petri Da-
miani eruit author ingeniosus: in
præsepio reclinatur, quia fœnum &
paleæ inter se promiscuè convolutæ
crucularum plurimarum figuras
referebant. delicatulus erat Neoge-
nitus & tenera membra, immatu-
ra cruci, gerebat, vagit idcirco &
optat: ah non denegentur saltèm
mihi cruces stramineæ, donec li-
gnea præparetur. hæc interim mi-
hi loco pignoris erunt, & somnum
dulcem conciliabunt. audiamus
Cardinalem: *Christus in præsepio
reclinatus, legem martyrii præfigebat.*
quasi diceret, incept jam cruces pa-
ti & martyres docere, ut si necdum
ferre possunt cruces ferreas, ferant
stramineas.

§. 5.
Cur in Æ-
gyptum
invenit.

Tam avido crucis amatore im-
misit paulò post Pater æternus fer-
reas easque plurimas cruces, exer-

citur, videlicet integrum Herodia-
næ malitiæ, qui punctim cæsimque
natum Regem judæorum confice-
rent & unum in multis milles tru-
cidarent. Jesulus interea nocte in-
tempesta se proripit & in Ægypto
asylum quaerit. quid hoc? *qui mori
venerat, cur fugit mortem?* quæro
cum Petro Chrysologo serm. 150. &
151. fuga Christi sacramenti fuit non
timoris. ideo fugit, quia ipse non ele-
gerat hoc genus mortis ait Alcuinus
in Cat. S. Thomæ. Crucem elegerat,
ut esset ultima linea vitæ, cen-
trum amorum, mensura dolorum.
*Dignatus est in Ægyptum fugere, ut
postea crucem dignaretur ascendere*
ait S. Fulgentius serm. de Epiph.
Non aguntur illi Christi Spiritu, nec
sequuntur fugientem, qui ideo cru-
cem parvulam amplectuntur, ut
effugiant majorem, ideo mortem
optant, nè plus pati oporteat, ideo
coram aliis se humiliant, nè molesti-
am aliquam sustineant.

Joannis 7. invitabant patriotæ
Christum Dominum, ut una ascen-
deret ad diem festum, quibus ille:
Vos ascendite ad diem festum hunc,
*ego autem non ascendam, quia meum
tempus nondum impletum est* v. 8. qua-
si diceret, ut habet Maldonatus: in
hoc die festo tabernaculorum non
ascendam, quia non id mihi ad pa-
tiendum constitutum est tempus,
sed in festo paschæ, quo festo passu-
rus sum. Ecce Christi festum est
pati, *tempus meum nondum est*, nec-
dum desideratissima mea solenni-
tas illuxit, quâ operer salutem ani-
marum & immoler pro mundo.
Tangit hanc veritatem S. Augusti-
nus ser. 139. de temp. *Dies festus
est ei, quo mundum redemit: dies fe-
stus est ei, quo vicit mortem: dies fe-
stus est ei, quo sanguinem consecravit.*
Prior Augustino Origenes sensit i-
dem hom. 25. in Numer. *DEUS ha-
bet festivitates suas, est enim ei magna*
Kk 3 fe-

§. 6.
Festus
Christo is
dies est,
quo pati-
tur.

festivitas humana salus. Nullum unquam mortalium ita desideravit diem solennem & jovialem, quàm Christus diem passionis suæ & redemptionis nostræ, quia *Servatoris nostri gaudium est salus hominum* inquit Theodoretus.

At verò posteaquam desideratum tempus illuxit, quantam præfetulit læticiam & mentis excessum! *Ecce ascendimus Hierosolymam & consummabuntur omnia, quæ scripta sunt per prophetas* Luc. 18. ubi observo, quòd non dixerit imus, proficiscemur, sed *ascendimus*, sursum pergitur, in altum properamus, quia pergitur in traditionem, illusionem, flagella, sputa, mortem. hæc nimirum elevabant & gloriosum reddebant DEI Filium, inde ingens in animo ejus læticia & quasi impatientia moræ, quam colligo ex verbis Joan. 15. ad traditorem: *Dicit ei Iesus, quòd facis fac citius*, perface quantocyus obfirmatum animi tui decretum, mihi omnis moraplusquàm hora, & quævis hora jam sæculum est, dum perficiam opus Patris, quemadmodum belli dux duellum initurus cum antagonista, quoad animum ac vires longè inferiore festinat, quia certam habet victoriam &c. ita explicat Christi desiderium Cyrillus Alexandrinus: *nam quemadmodum si vir fortis, adversus quem fremens quispiam feratur, ipse verò viribus suis fretus casurum illum non dubitet, magnâ voce militans dicat, quòd facis fac citius, ut meæ dextere vires experiaris, non merè properantis verba esse dicemus, sed præscientis potius quàm cadat adversarius.* præcivit nimirum Iesus, quòd ex sua tristitia nostrum nasceretur gaudium, ex opprobrii gloria, ex morte vita, ex suo naufragio nostra securitas, ex passionis nostra festivitas, anhelabat proinde ad hanc solennitatem. quòd sa-

cis fac citius, ut ad opus tantæ solennitatis (subjungit Cyrillus) citius pervenire possim. Atque ut citius perveniret, dimidiari ætatem sibi voluit, inque vernantissimo ætatis flore consummari juxta illud Habacuc: *Domine opus tuum, in medio annorum vivifica illud, in medio annorum notum facies.* quod est annum medium? ex Psalmo 89. v. 10. & 11. liquet: *dies annorum nostrorum in ipsis septuaginta anni; si autem in potentatibus, octoginta anni.* in potentatibus Christus est, quia Rex regum, debentur ergo illi octoginta anni, verum quia pauperem ultro vitam elegit, demus illi septuaginta annos; horum medium annus tricesimus quintus ætatis est, anno ergo quinto supra trigimum moriendum Christo erat, nisi ille à Patre suo cœlesti dispensationem, ut sic dicâ, obtinuisset: (quemadmodum pro accelerando sacerdotio privilegium ætatis nonnulli hodie impetrant) quòd citius cruentum corporis sui sacrificium in ara crucis litaret.

Hoc desiderium liquet ex illo Matth. 16. quando Dominus Apostolorum primum vocat Sathanam: *Vade post me Sathana, scandalum mihi* (pondera verborum singulorum gravitatem, & causam à Domino quære, nè iratus te vocet Luciferum, qui dilectum Apostolum vocavit Sathanam) Judam verò amicum. Causam attingit S. Hieronymus in catena. *quasi diceret meæ voluntatis est & Patris, ut probum salute moriar, tu tuam tantum considerans voluntatem non vis granum tritici cadere in terram, ut multos afferat fructus, & ideo quia contraria loqueris voluntati meæ, debes adversarius appellari: Sathanas enim interpretatur Adversarius, sive Contrarius.* Judas verò quia procuravit, effundendi sanguinis

Habac.
3. v. 2.

§. 8.
Petrus cum
Sathanas
dixit, Ju-
das verò
Amicus.

§. 7.
Moræ
quodam-
modo im-
patiens
Christus
est, ad ho-
ram passi-
onis.

accelerationem, amicus audit. *A-micum vocat*, ait Jansenius concordant Evangel. c. i. v. 37. *non quod ab ipso diligeretur, sed quod ipsum diligeret, eique bene vellet, & de ejus perditione doletet, aut etiam quod haberetur secum tanquam amicus vixisset, atque etiam nunc velut amicus & salutaret & osculum præberet.*

§. 9.
Ante pas-
sionem
Christus
cantat,
mox mor-
retur, cur?

Non nisi semel Christum cantasse lego, idque ante passionem, quando *hymno dicto exierunt*. sci-mus ex S. Augustino. in Ps. 71. hymnos esse *laudes DEI cum cantico*. qui enim cantant laudem, non solum laudant, sed etiam hilariter laudant. non sat erat Christo laudare Patrem, quod dies passionis ad-veniret, sed laudare cum cantu hila-riter. & quem putas hymnum ce-cinit? si Paulo Burgensi credimus, unius instar hymni fuerunt Ps. 112, 113, 114, 115, 116. & 117. hoc est: *in exitu de Aegypto. Dilexi quoniam exaudiet. Credidi propter quod locutus sum. Laudate Dominum omnes gen-tes. Confitemini Domino*. quia omnes incipiunt ab Alleluja quod si-gnificat: *laus cum letitia*. hos Psal-mos in majoribus solennitatibus ca-nere solebant Hebræi, atqui nulla Christo major solennitas, quam pro nobis pati.

Sed quid hoc sibi vult, quod post hymnum absolutum cæperit JESUS in horto tædere, pavere & mole-stus esse, quod videtur esse contra rationem festi, imò & contra decen-tiam viri constantis, dicente Salo-mone proverb. 12. *Non contrista-bit justum, quidquid acciderit ei.* & monente Ecclesiastico c. 30. *tristitia non des anime tue, tristitiam longè expelle à te, multos enim occidit.* re-spondet Ambrosius l. 10. in Luc. *Tristis erat pro persecutoribus suis, quos sciebat immanis sacrilegii pœnas duros.* tristatur non propter se, quia de ipso vaticidè Isaias: *Non*

erit tristis neque turbulentus, sed pro-pter reprobos: imò & propter e-lectos, ut divina JESU tristitia esset E-lectis lætitiæ causa, & origo stabilis salutis juxta id Apostoli. Quæ se-cundum DEUM tristitia salutem sta-bilem operatur. Tristabatur atque dolebat anima Christi, inquit Dio-nysius Carthusianus. (loquendo de tristitia prout est actus virtutis, & charitatis) propter eos, in quibus fructum passionis suæ perire vi-debat.

2. Cor. 7.
v. 10.

Tristitiam excepit trihoraria o-ratio, in qua calicem à se transferri postulabat, & quid hoc iterum sibi vult, si tantus amor crucis est? Cur (libeat quærere cum S. Hilario) *ca-licem à patre propinatum bibere recu-sas*? S. Augustinus putat orasse Christum, ut dolor, qui sentiebatur in animo, dispergeretur etiam per corpus, *Transseat, hoc est ab anima ad corpus*. V. Beda ideo sic orasse Chri-stum autumat, *ut ostendat verè quod homo erat*. Cajetanus: *ut natura-lem affectum ostenderet*. S. Hierony-mus per calicem intelligit populum Judæorum, qui rejiciendus, imò ut Drutmaro placet, qui servandus hac prece fuerat. S. Hilarius, *non ut ipse prætereatur orat, sed ut in al-terum illud, quod à se transit, accedat.* optimè S. Laurentius Justinianus de triumphali agone Christi existimat, quod eâ oratione desideret Christus transire à se calicem & venire totum in se mare (*veni in altitudinem ma-ris* Ps. 68.) sicuti si Medicus sitiens ægroto proponeret vas frigidâ ple-num, ex quo bibat ad sitis extincti-onem; mandet autem interea a-stantibus, ut non nisi guttulas præ-beant; quid tunc astuantissimus æger? dicet; aut totum vas à me-dico propositum afferte, aut guttu-las auferte. Ità Christus: transcat calix, instat guttulæ, veniat mare &c. verba S. Laurentii sic habent: *Hec pro*

§. 10.
Cur cali-
cem petat,
transferri,

pro electorum salute patior, ista pro tuo honore sustineo, verum quia parva videntur adde flagella, appone vulnera vulneribus, lacerata, ure, confige, percutere, occide! universa hæc & majora toto desiderio sitio.

Vix gustare bene coepit passionis calicem Salvator, quando ei bolus ferreus deglutiendus, tanquam congrua haustui ossa offertur, & ferrea alapa cæditur. Increpat cadentem IESUS, causamque casuræ exposulat: *cur me cadis?* quin potius cur non taces o IESU & bolum hunc opiparum cum gustu devoras? causam perquam ingeniosam hujus postulati insinuat Ephrem Syrusl. *omnes servitium libertate donantur, alapam accipiunt.* formam servi acceperat Christus, ut verâ nos libertate donaret, servilibus modis tractari & crucifigi optabat, verum cum ab initio statim passionis libertatis signum & quandam velut absolutionem à tormentis, à cruce, à servitute accipere videretur, non acceptavit, ideoque in hæc verba erupit: *cur me cadis?* malo pati quam vivere, malo crucem quam libertatem, malo patibulum quam thronum.

§. 11.
Cur flere
vententur
mulieres.

Pervenerat prope ad apicem gaudiorum, montem videlicet Calvariae. Redemptor noster toto corpore lacer, gelido sanguine cooperatus, cruce gravissimâ oneratus, viribus omnibus destitutus, sputis defœdatus, spinis compunctus, catenis circa collum & lumbos ligatus, fustibus, palmis, calcibus pessime tractatus, quem sequebatur multa turba populi & mulierum, quæ plangebant: lamentabantur eum Luc. 23. & quis non lamentaretur. quis est homo, qui non fleret, Regem Regum si videret in tanto supplicio? At respiciens Filius DEI lacrimas inhibet: *nolite flere super me.* O Domine quis continebit lacrymas, si

videat & credat iustitiam velut maleficam raptari ad patibulum, innocentiam duci ad supplicium, agnum lacerari à lupis, nec aperire os suum, columbam configi ab accipitribus, nec edere gemitum, DEum conculcari à lurconibus & tacere, Regem optimum occidi à rebellibus nec se rueri? imò Christus: *Nolite flere.* vultis causam o filiae Jerusalem? hæc est dies quam fecit Dominus, dies Salutis, dies universalis jubilæi, dies triumphi & festivitatis. Hanc causam assignavit D. Leo ser. 10. de pass. Domini: *istum sibi planctum Dominus IESUS dignatur impendi, quia non decet luctus triumphum, nec lamenta victoriam.* Est crux Christo instar curus triumphalis in quo festivissimam agit Solennitatem, *in cruce enim immolatus est Christus, & ubi immolatio, ibi amputatio peccatorum, ubi amputatio peccatorum ibi reconciliatio Domini; ubi reconciliatio, ibi fessivitas & omnis gratulatio,* non flendum proinde sed gratulandum. Hæc Chrysostomus.

§. Chry-
sost. ho-
mil. de
Cruce.

Inclinabatur jam solennitatis purpureæ dies, & Sol iustitiæ in sanguineo mari hærebat, occasum parabat, cum ecce exclamat! *DEUS meus ut quid dereliquisti me.* quid sibi vox ista vult? An quia ut dixit Hilarius: *morti permissus solitudinem suam conqueritur, relinquentesque se arguit?* Non aestimes inquit Origenes apud Jansenium in concord. Evangel. c. 145. *humano more Salvatorem ista dixisse propter calamitatem, quæ comprehenderat eum in cruce. forsitan videns peccata hominum pro quibus patiebatur dixit: quare me dereliquisti.* præclare Rabbanus ibidem: *Humana natura propter peccatum à DEO fuerat derelicta, sed quia Filius DEI factus est noster Advocatus, quorum suscepit cel-*

§. 12.
Cur dereli-
ctum se
clamat.

culpam, deservit miseriam, in quo ostendit quantum flere debeant qui peccant, quando sic flevit, qui non peccavit. Theodoretus hic: *Hoc loquitur Homo crucifixus DEO pro me, nos enim sumus homines derelicti, ipse nunquam derelictus fuit à Patre.* sed omnium optimè Beda in c. 27. Matth. *conqueritur Christus non propter tormenta, quæ patitur, sed quia non ei concedit longiorem vitam, ut plura pati possit.* Idem homil. de querel. Christi. *Christus ex vi tormentorum suam mortem accelerare videns, volens diutius pro nobis sufferre tormenta hanc amore resertam querimoniam proposuit Patri: Pater cur tam citò me mori disposuisti? cur non moras protrahis, ut magis magisque pro hominum salute adhuc cruciarer?* queritur se à Patre derelictum, quando videt nihil superesse quod pateretur, quasi doceret eos à Patre cœlesti derelictos, quos crux & calamitas fugit.

§. 13.
Cur capite
inclinato
expiret.

Denique cum jamjam obeundum foret, inclinato capite tradidit Spiritum. cur caput inclinavit, causam reddit Alphonsus Cardinalis Palaeotus de pass. Christi: *Inclinato capite Christus omnes sui corporis partes lustrat, an aliqua sit pars, quæ passa non esset. vidit latus dextrum, quod non ita passum videbatur & vulnere locum aperuit, ut cor feriat.* Delingva scr. 14. de pass. S. Bernardus: *tractis membris omnibus dulcis JESUS voluit puniri & linguam & ad pœnam linguæ sufficit acetum gustasse.* Pelbartus l. 3. p. 3. a. 2. c. 2. *sola remanserat lingua & cor aperitur lancea.* Atque hoc immensum patiendi citra solatium ullum Dei-Hominis desiderium ex illa circumstantia collige, quod moriens adstantem habuerit Matrem, cœnans non habuerit accumbentem. Querit S. Paschasius an cœnæ ultimæ adfuerit DEI-para, atque

an triduo illo hostia superfuerit consecrata? Ad utrumque respondet negativè: *in ultima cœna corpus Christi non accepit MARIA, nè hujusmodi consolatione passionis dolores minuerentur.* Hostia verò nulla superfuit, ut unde quaque pati diceretur, inquit Drogo Hostiensis, nè scilicet simul videretur à populo, adoraretur ab Apostolis & ludui miscere gaudia cogeretur.

Drogo
Host. de
pass. Do-
minica.

Colligere ex his omnibus facile est desiderium Christi immensum, quo erga passionem & crucem ferebatur, ideòque transfigurationis gloriam evulgari vetuit, nè à populo passionis dispensatio ex mente Remigii impediretur. ò si in nobis quoque simile exardesceret desiderium compatiendi passo, & crucem illius desideratissimam nostro ferendi in corpore.

§. 14.
Gloria-
tur in Cru-
ce Angelus

Vidit Isaïas Dominum sedentem super solum excelsum & elevatum c. 6. *Seraphim stabant super illud.* Cyrillus Alexandrinus l. 1. orat. 44. legit: *stabant circum eum.* nimirum Epheborum instar coronabant Dominum suum ad omne amoris obsequium paratissimi. cuperem scire quo situ steterint? *sex alæ uni* (vide promittitudinem, *duobus velabant faciem*) vide verecundiam (*duabus pedes*) adverte humilitatem (*duabus volabant*;) hic ingens considero mysterium; disponuntur eâ formâ alæ ut crucem effigient, idcirco binæ alæ eriguntur in faciem, binæ demittuntur in pedes, binæ verò ex utroque latere extenduntur, ut crucis formam representent. quid facit Crux in cœlesti solio, quæ est maleficorum fatale solum? quid facit crucis ignominia ante Regem gloriæ? quid faciunt ministri misericordiæ cum severæ justitiæ instrumento? Non possum hanc aulicorum cœlestium cerimoniam satis explicare, nisi ad aliam militantis

LI

Ec.

Ecclesiæ ceremoniam recurram, quâ terrestres Angeli, Sacerdotes inquâ, dum Angelorum panem confecerunt in altari, iteratis crucibus, cum calicem simul & hostiam, tum hostiam seorsim & calicem, quin & hostiâ ipsâ calicem consecratum toties signant, ut crucem non minùs octonis denis vicibus in quolibet sacrificio numeraveris. ad quid tot cruces & quidem super sacrosanctam Eucharistiam? num Sacerdos benedictionem impertit Christo, minor majori? atqui hoc ipsum leges vetant, nam minor majore præsentente benedicere non debet. Durandus l. 5. c. 59. n. 10. in Rat. div. offic. & Paulus irrevocabiler ad Hebr. 11. legem fixit: sinè ulla contradictione, quod minus est à meliore benedicatur. Solvit difficultatem Rupertus Abbas Tuit: Non sunt benedictiones sed CRUCIS efformationes. Efformatur autem crux, siquidem nihil acceptius Christo representari potest quàm Crux & mors ipsius, cujus memoriale est Eucharistia. In gloriam DEO-Homini maximam formata: illæ cruces cedunt, signum enim sunt præsentis magni Regis, qui est Rex gloriæ; eapropter S. Hilarius in c. 16. Matth. affirmavit tot cruces ideo fieri ut homines Sacramentum Crucis admistum esse gloriæ agnoscerent. Ex eadem causa Seraphini ceremonias curiæ cœlestis edoctissimi expansis

alis crucem effigiant, quia magnificentius & gloriosius nihil exhiberi DEO posse optimè noverunt. Signemus & nos frontem, os pectus, membra singula, si gloriæ cœlestis candidati esse volumus, & qui digni non sumus crucem portare post Jesum cum Cyrenæo, portemus saltem umbrâ illius in corpore nostro.

Pro emblemate Cupidinem ebrium in cruce dormientem fingo & in protensam dexteram calicem infero cum epigrahe: *requies hæc certa laborum.* Cupidinem ajunt fabulæ inebriatû aliquando, quæsisse lectulum, cûmque alius præmanibus non esset in obviam fortè crucem reclinasse caput & clausisse lumina ad dulcem quietem; supervenit Jupiter & à profundo somno frustra Cupidinem excitans, alas eidem subtraxit & lectulo Crucis alligavit, ut nunquam esset sine cruce. ingeniosa fabula! Amor incarnatus charitate ebrius in cruce obdormivit, quem Pater cœlestis ita volentem cruce alligavit, ut absque ea inveniri nunquam, nunquam non in eadem sibi suisque dulcissimum conciliet soporem & quietem. Ad damus dormienti Amori Seraphinos in modum coronæ, alii in formam crucis expansis cingentes dormientem, adscribamusque centro hujus circuli: *hic scopus est*

amorum.

S. 15.
Emblema.



PRO-



PROBLEMA XLIV.

Cur dæmon domum suam appellet, è qua
jam eliminatus est?

DOMINICA III. QVADRA- GESIMÆ.

Revertar in domum meam Lucæ II. v. 24.

S. I.
Genij dæ-
monis in
hodierno
Evan-
gelio adum-
bratus.

Ingenium adversarii nostri vivaciter expressit Salvator hodierno in Evangelio dum & robur illius eximium & calliditatem exercitissimam & studium nocendi indefessum & impudentiam insolentem declaravit. Robur quidem cum vocavit *fortem armatum*, majores enim vires habet dæmon unusquam omnes simul homines spectatâ solâ naturâ. *Non est super terram potestas quæ comparetur ei.* Job. c. 41. refunditque hanc potestatem in naturam propriam, *qui factus est ut nullum timeret*, potest eorum quilibet commovere elementa, immutare rerum formas, transferre homines, cum ipsummet Deum-Hominem transulerit. Magis autem immutare potest imaginationem & phantasmata clere, humores etiam alterare & per hos modò ad iram & audaciam, modò ad pusillanimitatem, timorem, desperationem, jam ad amorem mox ad odium, jam ad gaudium mox ad luctum concitare. Calliditas ex circuitu elucet, quòd naturalem hominis inclinationem exploret, aditus omnes rimetur, à minimis incipiat,

utin gravissima inducat, cumque ipse pervertendo homini non sufficit, septem alios nequiores assummat. Indefessum nocendi studium verbis illis insinuat: *ambulat per loca inaquosa querens requiem.* Requies dæmonis est hominis ruina. Loca inaquosa ex mente Hieronymi in c. 12. Matth. sunt gentes baptisimi gratiâ destitutæ, de quarum certus exitio requiem malæ suæ voluntatis non habet, nisi & justos seducat, ideòque loca inaquosa, sive piorum animas, in quibus humor concupiscentiæ exiccatus est, petit: *loci arentia* inquit D. Gregorius l. 33. moral. c. 3. *Et inaquosa sunt corda justorum, quæ ab omni carnalis concupiscentiæ humore siccantur*, si hic requiem non inveniat, in ea regreditur corda, quæ aliquando sibi habuit obsequentia & devota: *Revertar in domum meam*, en ut nihil relinquat inausum, nullumque intermittat studium nocendi. Impudentiam colligimus quòd domum mundatam ornatamque spurcissimus nebulò incolere præsumat, nullus enim locus tam sanctus est, cui se non inferat, ipsis etiam angelis beatissimis immiscetur, ut homini noceat, quod ex historia

Ll 2

Jobi

Jobic. 2. v. 6. didicimus: *ô impudentiam ejus* (exclamat D. Gregorius Nazianzenus in cat.) *qui talia audeat, jam inde à principio in paradysum ille contra signum irrepserat, nuncque inter Angelos medius consistit.* & nunquid insolens hæc impudentia est, quòd suam vocet domum quam semel incoluit, etsi turpiter inde ejectus sit? quo jure, quâ fronte, quo ore Domum suam appellat, quæ jam Domus DEi cœpit esse? causam præsumti hujus juris & pessimæ fidei usucapionem investigemus.

§. 2.
Causa prima cur Domum suam vocet, quia redeundi spem habet.

Quæ est ista tua impudentissime orci canis temeritas, rabies & immanitas, ut domum appelles tuam è qua pridem velut malæ possessor fidei eliminatus & proscriptus es? num cœlum ideo tuum est, quia tuum olim fuit priusquam DEum, qui te genuit, derelinqueres, & oblivisceris Domini Creatoris tui? num gratia sanctificans ideo etiamnum est tua, quia tua fuit, cum in ea gratuitò creareris? num Petrus, Paulus, Matthæus, Thomas aliique cœlorum indigites hodie tui sunt, quia tui aliquando fuere? aude in has domos regredi, aude incolatum exigere, aude jus vetus prætereundum; cur ergo domum mundatam ornatamque proprietati addicis tuæ, tuamque appellas: *revertar in domum meam?* respondentem ad hæc audio adversarium: non est domus mea, quæ mea amplius esse non potest, sicut cœlum, gratia, & visione beatificâ donati homuli, esse amplius non possunt; at meam voco, quam meam denuo fore confido. Nullius, quantumvis sanctissimus videatur, damnationem desperat ac negligit, quin imò quò sanctiorem quempiam videt, eò ad ruinam graviores impellit. ideo in paradiso protoparentes originali justitiâ præditos aggressus

est, ideo post jejunia in deserto Christum tentare ausus est, ideo parturienti in cœlo mulieri infidias struere natus est. Et verò experientiâ jam multâ didicit, de culmine sanctitatis velut apice turris proniorem esse vertiginem longèque lapsus graviores. Ex collegio Apostolico Oeconomum Christi abstraxit, ex septem protodiaconis Nicolaum pervertit, ex centum viginti congregatis die Pentecostes, in quos illapsus est Spiritus Sanctus, quatuordecim ad lapsum impulit, ex familiarioribus Joannis discipulis septem, ex fidelioribus Pauli affectis quatuor in turpissimos hæresiarchas deformavit. Scit versipellis corruptionem optimi esse pessimam, & longè gravissimum, ut alibi docui, lapsum iustorum.

Jugulares
Con. 12. in
quadrag.
§. 1.

Dom. 24.
post Pen-
tec. in Ter-
gem. Ch-
vic. 3.

Quod si mundetur & ornatur, qui fœdatus & denudatus ab illo fuit, si inquam convertatur ad vitam, quem ille prius perverterat ad damnationem, rabidiissimè furit, æstuat, debacchatur & vociferatur: *revertar in domum meam.*

Immundum ab Energumeno spiritum Capharnai in Synagoga Jesus exigebat, at is cum adulatione nihil proficeret, nec humilitate flectâ inclinaret animum Salvatoris: *venisti perdere nos? scio qui sis Sanctus DEi*, Marc. 1. v. 24. sed obmutescere & exire protinus juberetur, *discerpens eum spiritus immundus* & exclamans *voce magnâ exiit ab eo*, v. 26. mutavit mox versipellis spiritus blandimenta in furorem & qui blando sibilo Sanctum prædicabat, immani rugitu discerpens energumenum deserebat: *quid est, quærit Magnus Gregorius homil. 12. in Ezechiel. quod obsessum hominem antiquus hostis, quem possessum non discerpserat, deserens discerpit, nisi quod plerumque dum de corde expellitur, acriores in eo tentationes generat, quam*

S. Ambros.
1. de fuga
sæcul. c. 7.

quàm prius excitaverat, dum hoc quietus possidebat. quietus erat dæmon, quamdiu seductus homo sub iugo ejusdem gemebat, at ubi per infinitam DEI clementiam de Redemptione humana actum est, ingentes mox tumultus & tempestates concitavit, unde illi DEUS: inimicitias ponam inter te & mulierem Gen. 3. v. 15. ubi inimicitie inquit D. Ambrosius, ibi nocendi studium, ubi nocendi studium, ibi promittitur malitia. nunquam dæmon majorem depromit malitiam, quàm cum nequitiam ejus homo serio odit ac deserit, proscriptoque dæmone è cordis sui habitaculo, DEum hospitem ac possessorem eligit ac diligit.

S. 3.
Causa secunda, quia peccatum est poena peccati.

Novit præterea dæmon, peccatum esse poenam peccati, nisi ferri eluatur poenitudine, quæ solet esse perrara, rarissimoque peccatum unitate contineri, quin multiplicetur & in eum excreseat numerum ac debitum, cujus infimulatus fuit debitor ille servus Matth. 18. Sperat proinde regressum postliminio in domum, è qua eliminatus fuit. Peccatum porro peccati poenam & finem alterius mali gradum esse futuri, Petrus primum negans, dein peierans, mox anathematizans suo nos docet damno: *gravius quidem ac gravius negat* inquit D. Paschasius l. 12. in Matth. *quia quanto profundius in negationem vadit, tanto etiam cum juramento amplius peccat.* Similiter Judas: *Judas si pecunia amorem coercuisset, non venisset ad sacrilegium & non precipitaretur in laqueum,* S. Chrysostomus ferm. de Jud.

Si Judæi filios suos & filias non immolassent dæmoniis nec Prophetas deinceps occidissent, si Prophetas non interemissent, nec Dominum gloriæ crucifixissent: à paricidio liberorum, ad prophetarum sanguinem pervenerunt, S. Hierony-

mus in c. 57. Iſai. Si Herodes Philippo fratri uxorem non abduxisset, nec caput Joanni Baptistæ sacrilegè abstulisset. *vidediaboli artem, ut ad impietatem ex levioribus erratis extrahat. Primum fraterni cubilis perforesorem fecit, ut ex adulterii fossa ad Baptistæ cadem transilire faciat. Malum tempore alitum crescit in quamvis libertatem,* S. Basilus Seleuc. orat. 18.

Invenietis asinam alligatam & pullum, dicebat Dominus Matth. 21. v. 2. cur asina non est absque pullo? quia una iniquitas plurimorum fecunda parens est vitiorum & fœtus quàm plurimos parturit. De idololatriæ Hebræis prædicavit Stephanus Act. 7. v. 41. *Vitulum fecerunt in diebus & obtulerunt hostiam simulacro & letabantur in operibus manuum suarum. Convertit autem DEUS & tradidit eos servire militie cæli.* ex adoratione vituli ad adorandam militiam cæli permittente justo Numine, prolapsi sunt. En quantum exercitum scelerum unum secum adducat peccatum: *vide divinum Stephanum* inquit D. Cyrillus Alexandrinus in c. 5. Amos, *testimonium dixisse, eos fabricasse vitulum & ad colendam militiam cæli conversos esse.*

Decernit invidus David à facie Absalonis fugere, ne totus intereat: ait David servis suis, qui erant cum eo in Jerusalem: *surgite, fugiamus, neque erit nobis effugium à facie Absalon.* 2. Reg. 15. v. 13. cur non potius munire urbem cogitat, adhibitaque belli sagacitate hostem profligare satagit? ergone omnis in fuga est salus? cur delicatum puerum tantopere formidat? respondet Josephus citato: David metuens impietatem Absalonis deliberavit fugere. scivit enim ex præteritis sceleribus enorme secuturum crimen, cujus spectator & testis esse

nolebat. Noverunt Theodidacti, novit & ipse dæmon peccatum peccati poenam esse, ideoque hic de possessione quasi certus reverti in domum suam statuit.

S. 4.
Causa ter-
tia, quia
domus il-
la hypo-
criticos est
typus.

Revertar in domum meam. Cur suam vocet domum poenitentis animam, hypocrisis adscribit D. Bernardus, quod scilicet fictam non veram egerit poenitentiam, plurisque ornatum & munditiem exteriorem, quam interiore cordis puritatem fecerit: *quid aliud est domus scopis mundata & ornata quam fictio execranda, si peccata superficietenus radas non intrinsecus eradices? certus esto, quoniam pullulabunt uberius; & cum nequioribus septem, qui ejectus fuerat, hostis malignus intrabit.* hæc Bernardus serm. 2. de Assumt. nulla aptior dæmoni habitatio, quam ubi vitium fervet in intimo, dominatur malitia, grassatur turpitudine, foris verò munda & composita omnia apparent. Gravissimum hoc malum est & reliquorum omnium origo: *quid huic dementiæ possit æquari in malis inquit in hypocrisis* Simon Cassianus, *penitus non invenio.* Pictores, diaboli hypocritas idem appellat, sicut enim pictores cum aliquam ex diversis coloribus volunt formare imaginem de interioribus non curant, quomodo stomachus, cor, pulmo, jecur locentur, aut quâ serie intestina cetera disponantur, sed duntaxat qualiter exteriora intuentium oculis aptiora reddantur. at qui scrutatur corda & renes, ad eam exosam hanc habet malitiam, ut præ ceteris flagitiis citius severiusque plectat, idcirco enim nuptialis conviva sine mora ejicitur non solum quia peccator erat (verba D. Ambrosii) sed quia peccator cum esset, sanctitatis sibi meritum vendicabat; ideo Judas exesse ocyus jubetur; quod facis fac citius. non tantum quia fur & latro

erat, sed cum in cute nequam esset, pauperum fautorem se fingebat, & manum cum Jesu in paropsidem intingere ausus familiaritatis intimæ specimen simulabat, nec poenitentialis illa vox: *peccavi tradens sanguinem justum ad justitiæ divinæ aures penetravit, quia poenitentiam simulavit Judas potius quam egit.* ideo Saul protoregis poenitentia, quâ dixit: *peccavi quia prævaricatus sum sermonem Domini & verba tua, timens populum, & obediens voci eorum: sed nunc porta quæso peccatum meum, & revertere mecum ut adorem Dominum* 1. Reg. 15. v. 24. & 25. poenitentia, inquam, refractarii regis acceptata non fuit, sed audire à Samuele debuit: *porro triumphator in Israel non parcat & poenitudine non flectetur, quasi omnem spem veniæ irritasset, quia hypocritæ sceleris ultra aures immersus & juxta nomen suum teste Delio, adagio 197. infernus malorum fuit; ideo Pharaonis poenitentia inutilis fuit: peccavi in dominum DEUM vestrum & in vos* Exod. 10. v. 17. quia ex putido corde processit; ideo poenitentia Antiochi mortem & poenas æternas non evasit, quia hypocrisis fuit; ideo Poenitentia Caini cum lacrymis exaruit nec iniquitatem parricidalem delevit teste Paulo Hebr. 12. v. 17. quia lacrimæ erant crocodili & poenitentia hypocritæ. Omnes hi, Domus erant, poenientiæ scopis mundata, & elegantibus poenitendi formulis ornata, de quibus tamen jure non pessimo dicere pessimum poterat: *revertar in domum meam. crudele malum hypocrisis! quæ virtutibus virtutes impugnat expugnatque.* de hac eleganter Chrysologus serm. 7. *hypocrisis crudeli arte virtutes truncat, mucrone virtutum; jejuni-um jejuniio perimit, oratione oratio-*

Cassia. l.
10. c. 36.

S. Hilarius
l. contra
Constant.
Aug.

nem evacuat, misericordiam miseratione prostermit. invehitur in ejusmodi virtutum tyrannum, etsi Augustum Constantium Magni Constantini degenerem filium D. Hilarius: *Christum constitetur ut neget virtutem, procurat ne pax sit, comprimit hæreses, ne Christiani sint; Sacerdotes honorat, ne Episcopi sint; Ecclesie testis struit ut fidem destruat; nulla gravior iactura quam sub religionis specie CHRISTUM Mopprimere.* Idololatriæ speciem hypocrisis refert, dum gloriam soli DEO debitam nomini suo deputat, orantem hypocritæ, elemosynas faciunt, penitentia opera subeunt, non ut DEUM honorent, sed seipso extollant. Credamus Theophylacto inc. 18. Luc. v. 10. *cum quis non Deo sed sibi sua bona opera tribuit, quid est aliud quam DEI negatio?* Acutissime Incarnata Sapientia hypocrisis pupugit & idololatriæ infimulavit, dum eosdem perstrinxit, quod in angulis platearum orarent: *amant in Synagogis & angulis platearum stantes orare* Matth. 6. v. 5. cur exprobrat angulos? ut idololatriam objiciat. cum enim idolomaniam exercerent iudei, in angulis platearum erigebant aras, ponebant idola, adolebant thura. ita de Achaz aliisque Regibus testatur Scriptura: *fecit sibi altaria in universis angulis Jerusalem* 2. paralip. 28. v. 24. idolorum ergo locum eligunt, qui suæ hypocrisis monumenta figunt. At vae his angulis! *nequam querit angulum.* Cum domum Jobi evertere diabolus vellet, angulos concussit: *ventus vehemens irruit a regione deserti, & concussit quatuor angulos domus.* Job. 1. v. 19. ab angulis ruina incipit, quia ab hypocrisis totius ruina hominis provenit. audiat Origenes in categ. græca: *eo vero quod quatuor domus angulos ventus contigit, discite in angulis platearum*

hypocritas ad orandum consistere. ubi ficta Deorum imago, ibi & ficta virtutum imago consistit, indeoque everfioni locus ille proximus est, *quia dies nebule & turbinis, dies tube & clangoris super angulos excelsos* Soph. 1. v. 15. super hypocritas tubæ fatales insonant, judicia divina intonant, imminent supplicia. per angulos excelsos, inquit interpres Hieronymus, opera perversa & à recto deviantia intelliguntur. unde & à Salvatore arguitur Pharisei, quod adorent in angulis platearum: via enim recta & angusta tendens ad paradysum, arcta & angusta est; via autem fracta, habens angulos, & tortuosa, lata & spatiosa est, quæ ducit ad mortem. hæc Doctor maximus. ex quo collige proximam ad perditionem & omnis boni iacturam esse viam, hypocrisin, nihil proinde mirum, si per hanc viam facile debeat in domum suam Sathanas: *revertar in domum meam.* Est conscientia hypocrisis sicut sepulchrum dealbatum, foris pulcrum, horrore intus foetidum, quidni in eo habitet author mortis & humani generis vespillo diabolus?

Demus tamen Domum illam, in quam reverti Sathan decernit, non esse tam enormi hypocrisis labe sordidatam, quemadmodum depinximus, nihilominus ut ex Bernardo supra dictum est, quia scopis duntaxat mundata fuit, perfecte mundata non fuit, scopis enim majores sordes duntaxat avehunt, relinquunt minores, adeoque juxta Mellisui Doctoris phrasin rarsa tantum fuit domus illius iniquitas, non autem eradicata, ne unquam repularet. Facilis dæmoni regressus in eam est conscientiam, quæ graviora tantummodo detestatur scelera, fovet minora. lavanda ullaquæque domus est non scopis solum.

§ 5.
Causa 4.
quia scopis
super
sceleribus
fuit mundata.

lummodo verrenda, ut munda sit tota; volo dicere: non enormia duntaxat peccata sed levissima quæque omni conatu & vigilantia expurganda cavendæque sunt, si nolumus conscientiam nostram à dæmone domum suam appellari: *revertar in domum meam* certus enim dæmon est in peccata relapsurum maxima, quisquis non cavet minima.

Peccata
venialia
cavenda.

Figura r.
Nubecula
Eliæ.

Post triennalem ad mandatum Eliæ siccitatem, visa tandem est minima nubecula de mari exurgens, quæ in ingentem mox tempestatem ac pluviam excrevit: *ecce nubecula parva quasi vestigium hominis ascendebat de mari*, 3. Reg. 18. v. 44. simul hoc Elias vidit, jungi mox equos currui regio Achab jussit & cōcito gressu avolare in regiam, nisi aquis obrui vellet. vix ista fando Elias, cum cœli contenebrati sunt, & nubes, & ventus, & facta est pluvia grandis v. 45. ex nubecula vestigium humanum vix superante nubes existit grandis & gravis, ex nube tempestas, ex tempestate horribi ventus, post ventos imber maximus, & prope suppar Noëtico nimbus. ita ex leviculis defectibus, minimis noxis, minimi momenti erroribus, nō tempestivè occurratur, tempestas ingens oritur & strages & exitium. Nascuntur ex parvo fonte copiosa flumina, excitantur ex una scintilla magna sæpe incendia, ex tenui semine proceræ exurgunt arbores, ita ex peccato minimo maxima non raro flagitia ortum trahunt. Quod de peste dixit Galenus, de noxis venialibus dictum pariter intelligo: *parva quedam & prava ad corruptionem prompta mutatio efficitur, & homines cum respirationis periculum evitare nequeant, ipsum aërem velut venenum quoddam ad se per os attra-*

Galen. l. de
theriac. de
Pison.

bunt. parva sed prava es est, officiosum mendacium, curiosulus aspectus, effusior risus, & quid est risus (Chrysostomum refero homil. 87. in Matth.) *aut quid unquam è risu mali sequitur? orta ex immoderato risu scurrilitas, à scurrilitate turpiliquium, à turpiliquio operatio turpis profecta est.* en quid parva sed prava aëris mutatio efficiat, qualem pestem invehat, quæ tanquam bellua inquit Galenus, totas depascens civitates malè conficit. totam Sichimorum civitatem confecit Dinæ curiositas, totum pœnie Israelis regnum infecit pestilens Davidis gloriola, totum Sionis gazophylacium exhaustit levicula Ezechiae ostentatio. En ut nubecula in nubem, halitus in perniciem, peccatillum in immano excrevit peccatum. A nubecula quasi vestigio hominis ad pedes Petri veniamus.

Figura b.
Petrus.

Pedes suos ablui detrectabat Petrus, cui Dominus: *si non lavero te, non habebis partem mecum* Joan. 13. cur tam severè Petrum increpat, quem paulò ante lotum & mundum esse pronuntiârat? munditiem pedum sive puritatem affectuum à venialibus sordibus necessariam esse docuit, nē in gravia offendamus: *veniales igitur culpas monet Bernardus, nemo condemnat aut parvipendat, impossibile enim est cum eis salvari; non leve est vulnus, quod tanto indiget curatore, nec exiguum malum, quod tantum impedit bonum.* Minuta peccata, si negligantur, occidunt; minutæ sunt guttæ, quæ flumina implent, ait S. Augustinus tr. 12. in Joannem.

Qui correptionem non admittit, post ternam correptionem, publicani & Ethnici instar habendum Salvator monuit: *sit tibi sicut Ethni-*

cus

cus & publicanus Matth. 18. v. 17. putat Origenes homil. 6. in Matth. de correptione venialium nozarum egisse Christum, qui in peccato levi correptus ter non se emendat, nos quidem sic eum debemus habere quasi publicanum & ethnicum. ex venialibus enim ad mortalia prolabetur, per mortalia verò Ethnicis æquiparabitur: sine dubio idololatriam admittit quicumque delinquit, Tertullianus l. de idololat. c. 1. Ex levi peccato ad idolomaniam Hebræus populus deflexit: *sedit populus manducare & bibere & surrexerunt ludere* Exod. 32. v. 6. in quæ verba divinè scripti Gregorius: esus potusque ad lufum impulit, lufus ad idololatriam traxit; unde sic infert monétque: *prius per leviam delicta defleximus, ut usu cuncta levigante, nequaquam possit committere graviora timeamus. cumque mens subigere delectationem carnis renuit, plerumque & ad perfidie voraginem ruit.*

Figura 3.
Populus
Iudeus.

S. Gregor.
l. 10. mor.
ral. c. 14.

Figura 4.
Salomon.

Salomon in exemplo est, cujus turpissimum post tot Dei beneficia, post tot sapientiæ suæ data specimina, post tot exercita religionis opera in idololatriam prolapsus Iosephus delicto leviori adscribit, quod æreos boves ad sustinendum mare in templum induxerit: Salomon ætate provectior cultum DEI sui neglexit, & mulierum exterarum ritibus affveit; quamvis jam antea quoque à præscripto legum discesserat, quando æreas boum effigies basilicis addiderat. Hæc Iosephus l. 8. c. 7. non poterat hic error Salomonis plusquam venialis esse, ex quo tamen ad summum Apostasie malum est prolapsus, caveat minima qui pavet maxima,

Figura 5.

Jota unum aut apicem legis non prætereundum insinuat Iesus cum ait Matth. 5. v. 8. *jota unum aut*

nnus apex non præteribit à lege donec omnia fiant. quibus verbis ostendit (verba sunt S. Augustini l. 1. de serm. Domini) in lege ad effectum minima quæque produci. Minima legis observanda sunt, minima transgressio cavenda, quamvis enim parvum censeatur mandatum, non tamen parvus est, qui mandat, cujus majestatem contemnit, qui imperata negligit. ita D. Hieronymus in Regula Monach. titulo de obedient. *Non leve est DEUM in exiguo contemnere, qui non tantum ad qualitatem peccati respicit, quantum ad personæ contentum: propter quod non solum homini intuentum est, quale sit quod jubetur, sed etiam quantus sit ille, qui jubet.*

Jusserat Moysen DEUS cum gregibus & impedimentis omnibus Ægypto excedere, ideoque audacter Pharaonem Moyses interpellat: *cuncti greges pergent nobiscum, non remanebit ex eis ungula* Ex. 10. v. 26. nec ungula in Ægypto relinquitur, ut ad ungvem & apicem præceptum Domini impleatur. Eleganter Cyrillus l. 1. de ador. oportet, ut qui in veram se libertatem asserere volunt, studeant à malis abscedere & semitam ingredi, quæ ad virtutes ducit, nullasque omnino aut animæ aut mentis reliquias dimittere, per quas iterum sub diaboli dominatum redigamur. Non fuisset redacta denuo sub diaboli dominatum domus hodierna de qua ipse dicit: *revertar in domum meam*, si non solum scopis purgata sed pannis madidis eluta, non fordibus modo gravioribus sed pulvisculis etiam levissimis caruisset, ubi enim pulvisculum aut peccatillum dæmon neglectum observat, ibi certam sibi mansionem spondet & deregressu gloriatur: *revertar in domum meam.*

Figura 6.

Denique quòd *Domum suam*
Mm VO

quia Do-
mus illa
non habu-
it custodi-
am Angeli-
cam.

vocare præsumat, è qua exulare ius-
sus est, causam non ultimam fuisse
cenſeo, quòd forti armato carverit,
à quo atrium custodiretur, & vis do-
lusque dæmonis arceretur. Inſi-
nuat hanc causam Christus inqui-
ens: *cum fortis armatus custodit a-
trium suum, in pace sunt ea, quæ pos-
sident* Luc. II. v. 21. si ergo fortem ar-
matum Domo illa habuisset, in pa-
ce permanſiſſet & turbulento Sa-
thanæ nequaquam in diverſorium
ceſſiſſet. & quis ille fortis, imò for-
tior totò dæmonum exercitu arma-
tus? D. Michaelis ceterorùmque
Tutelarum Angelorum præſens
custodia & vigil præſentia, quæ de-
ſtituti facilè fraudibus dæmonum
circumveniuntur, occupantur,
damnantur. Sunt quidem beatif-
ſimi Angeli dies noctesque parati in
noſtram ſtare custodiam ac ſalutem,
ſed nos eosdem amandamus & abi-
gimus, ſicut fumo apes, ſordibus co-
lumbæ, ignibus leones abiguntur,
cogimurque repetere triſte illud:
Curavimus Babylonem &c.

Invocemus proinde devotiſſi-
mis precibus Tutelarem noſtrum
Angelum, & aſſumtis ſeptem illis
invictiſſimis ſpiritibus, qui ſunt an-
te thronum DEI, ſtet pro inviolata

domo cordis noſtri omnesque ad-
verſarias quàm longiſſimè arceat
poſteſtates. Invocat Angelus An-
gelum in ſuppeticas, ut videre eſt Da-
nielis. 10. v. 13. invocat dæmon dæ-
monem in hominis exitium, cur
non & homo contra dæmones in-
vocet fortes cœleſtium exercituum
armatos, ut in pace ſint omnia, quæ
poſſidet, nec hiſcere unquam auſit
adverſarius & repetere ſolenne il-
lud ſuum *re-vertar*.

Sed jam tempus monet, ut re-
vertatur unusquisque domum ſu-
am in pace, cui ego pro itinere ſo-
latio emblema oſtendo, in quo tem-
plum nomine SS. Trinitatis inſigni-
tum exprimitur, ante templi fores
ſtat excubitor Archangelus Micha-
el, qui ſepticipitem hydram, & ſex
alii principes ſpiritus, qui totidem
dracones à Domo DEI, hoc eſt, ani-
ma noſtra (templum enim Dei eſtis
vos) feliciter abigant & propel-
lant cum felici epiphonemate, quòd
viſtor Michael draconi oggerit:

*Cuius domus? non eſt hec tua,
noſtra manet.*

S. 7.
Emblema.



PRO-



PROBLEMA XLV.

Cur à Philippo JESUS consilium
petat?

DOMINICA IV. QVADRA- GESIMÆ.

Dicit ad Philippum: unde ememus panes?

Joan. 6. v. 5.

§. 1.
Cur non
petatur
consili-
um Ju-
dæ.

Multiplicaturus JESUS miraculo panes consilium prius discipuli sui requirit & quidem Philippi, cur non potius Judæ, qui Philippo callidior & in œconomicis longè erat eruditior. *Domine JESU non queras à Philippo inquit Petrus Cellensis l. de panib. c. 1. quere à proditore tuo. hic habet marsupium cum Scribis & Phariseis, hic insidiatur sanguini tuo, hic habet denarios triginta, unde panes emantur ad satietatem omnis carnis.* Non adhibet Dominus Judam in consilium, quia viscera ferrea in pauperes gerebat & accipere quàm dare beatius judicabat. Nihil æquè pio Domino displicet, quàm crudelis avaritia, quæ præ latrocinii magis exosa habetur. laudatur villicus iniquitatis, quod bona Domini sui in egenos dilapidasset, damnatur servus nequam, quod conservo misereri nolisset: *decem millia talenta* (verba Chrysostomi homil. 62. in Matth.) *debebantur, non conviciatus est creditor debitori, sed misertus fuit, quando verò aduersum confocium crudelitatem exercuit, tunc nequam ac im-*

probum servum appellavit. poterat de Juda dici, quod de Achab ab Elia dictum fuerat: *occidisti insuper & possedisti.* grave peccatum est latrocinium, longè gravius detinere ea, quæ pauperibus danda forent. Exsit itaque è consilio Judas, Philippus adsit. Cur hic præ ceteris omnibus? responsum ex ore Philippi accipiam.

Antiquitati fortasse JESUS detulit, quod præ ceteris Apostolis Philippum consuluerit, is enim maxime veteranus in societate fuit Apostolica, quippe qui primus voce externâ à Christo vocatus est. Ità docet Eusebius Gallicanus hom. de vigiliis. S. Andreæ: *primus omnium Apostolorum Philippus videtur esse vocatus. Et merito quidem primus vocatur, qui os lampadis interpretatur: tale namque os tunc omnes receperunt, quando in lingvis igneis Spiritus Sanctus super eos descendit.* Verum non arridet hæc vocati in consilium Philippi ratio ab antiquitate petita, jam enim in operariis supra docui, non temporis & ætatis sed meriti & virtutis à DEO haberi rationem.

§. 2.
Primæ
duæ causæ
rejeciun-
tur.

D. Cyrillus Alexandrinus &
Mm 2 Theo-

Consiliari-
us malus
supplici-
um maxi-
mum.
Epist. to.
1. p. 210.

Theophylactus ruditati Philippi adscribunt, quod à Christo de emendis consultus sit panibus. verba Cyrilli de Philippo sunt: *non erat adeo acutus, ut altiora posset intelligere, ut ergo rudiores ad sublimiora ingenio consequenda & ad fidem vocans & roborans rogat*, similiter Theophylactus: *non alium interrogat Christus quam Philippum, ipse enim majore indigebat eruditione*. at unde quæso hæc Doctoribus tam vilis de eruditione Philippi existimatio? An quod candida fide Christum rogaret: ostende nobis Patrem & sufficit nobis? at hæc eximia erat Theologia, visionem appetere beatificam, quæ sola creatam mentem potest exfatiare. Non tam vilem de Philippo habuere opinionem gentiles, qui ut Jesum videre possent, neminem ex Apostolis alium quam Philippum rogaverunt, quem & Domini titulo condecorarunt, id quod nulli alteri factum esse legitur: *Domine volumus Jesum videre*, quod à Philippo non exegissent, si quæ oculi vix potest ruditas, ex oculis Philippo prospexisset.

Mitiùs alii de Philippi prudentia & eruditione sentiunt, ajuntque avidissimum discendi Philippum præ omnibus Apostolis fuisse & frequentius ceteris Dominum consultuisse, quâ sedulitate promeruit, ut vicissim à Domino consuleretur, ab eoque in præclarissimum efformaretur Doctorem: Sententiæ hujus patronum ipsiismet habeo Cyrillum ita loquentem: *libenter Philippus discerebat, querebátque sepius*. præclaræ indolis specimen est audire & interrogare, sicut de duodeni Jesulo inter Doctores confidenti testatur Evangelista, efficiturque plerumque Doctorem eximius, qui gravum se exhibuit discipulum. Cor docile Salomon petiit, ut judi-

care populum posset: *dabis servo tuo cor docile* 3. Reg. 3. v. 9. in hebræo est: *cor audiens*, in græco: *cor sapiens*, quasi idem sit cor audiens & docile, quod cor sapiens & eruditum: sicut enim qui regit & regitur, rectius ille regit, ita & qui docet & discit, doctius ille docet. In magnam facile evadit sapientiam, qui accido dispositoque ad discendum est animo, Platonico consentiens symbolo: *discere non erubescio*.

Post auditam de semine & seminatore parabolam acceperunt divinum Magistrum discipuli quæsitum, quid sibi vellet ea parabola? quibus ipse dixit: *vobis datum est nosse mysterium regni DEI* Luc. 8. v. 10. cur Apostolis solum & non omnibus datum est mysteria nosse? quia hi duntaxat interrogarunt & non erubuerunt discere; sic nos (inquit Doctor Angelicus) si volumus accedere ad eum, illuminabimur. is solus ad veram sapientiam pervenit, qui libenter interrogat & audit: *ille accipit*, ait Theophylactus in c. 13. Matth. *qui querit, idèdque discipuli soli, quæ interrogaverunt, acceperunt*. Immortalis felicitas Eunuchi Reginae Candacis fuit interrogasse & admisisse instructorem. Curru is vehebatur, ut videre est Act. 8. & fallendi otii gratiâ propheticum legebat librum, cui ex Spiritus Sancti impulsu factus obviam Philippus interrogat: an quæ legeret, intelligeret? cui prudenter Eunuchus: *quomodo possum, si non aliquis ostendat mihi*, ostendit Philippus quid legendum & quomodo intelligendum esset prophetici sermonis oraculum, itaque breviter poris intercapedine profecit, ut Eunuchum per baptismi lavacrum in vitam æternam regeneraret: *eâdem hora & credidit* inquit D. Hieronymus de hoc Eunuch. ep. 103. ad Paulin. *& baptizatus & fidelis & Sanctus factus*

Joan. 12.
v. 21.

§ 3.
Causa tertia, quia Philippus frequenter Jesum consultabat.

S. Cyrillus Alex.
l. 3. in Jo.
an. c. 13.

Hus est, ac de discipulo Magister : plus in deserto fonte Ecclesia, quàm in aurato Synagoge templo reperit. tantùm profuit Eunucho Philippum admisisse in Magistrum etsi hic specie externâ ut vult Chrysostomus, contentibilis apparet (latet enim non rarò speciosa sub rudi pallio sapientia, & plumbea vicissim sub aurata chlamyde ignorantia) factus enim mox è discipulo Magister, atque ut loquitur orator aureus, nobis omnibus propositus Doctor est: locutus ille barbarus curru vestitus, eum, qui vilis videbatur, & ex vestitu facile contentibilis, rogavit ut ascenderet & secum sederet. Vides ut nihil omiserit, quæ ab ipso fieri conveniebant? propterea deinceps Doctorem nactus, eorum vim, quæ proposita erant, accuratè discerebat, & animo illuminabatur. Idoneus enim est barbarus iste, qui nobis omnibus Doctor fiat. hucusque Chrysostomus homil. 35. in Genes. Israëlitis mandatum est, ut quotannis solenniter phasce celebrarent causâ additâ: cum dixerint vobis filii vestri, quæ est religio ista? dicetis eis: victima transitus Domini Exod. 12. v. 26. Erat quidem Hebræorum cura præcipua teste Josepho, cujus verba recito, Hebræorum inquam præcipua cura erat circa filiorum nutrimenta, eos divinarum legum custodiam, traditionem, pietatem, tanquam totius vite opus necessarium edocere, nihilominus filios interrogantes præcipuè erudiri vult Deus: cum dixerint vobis filii vestri, quæ est ista religio. quia ille solus dignus est sapientiam invenire, qui novit interrogare, ille solus ad doctoratus arcem & apicem ascendere dignus est qui discere non erubescit. Erubescant, qui in rebus dubiis viros prudentes ac doctos consulere nolunt, in ignorantibus suis hære & perire malunt, quàm ad

cognitionis lucem & salutis scientiam manuduci. Sed ad Philippum redeamus. Consultitur hic à Christo, quia ceteris Apostolis frequentius & studiosius Christum ipse prius consuluit, consulamus Jesu vicarios & ab eis veritatem Dei ediscere non erubescamus, & consulet quàm optimè omnibus Jesus.

Quod si meam proferre mihi liceat sententiam, cur præ aliis in consilium vocatus sit Philippus, aio ideo hunc electum, quia perfectum perfectissimi consilarii exhibet exemplar, quod ex ore & moribus Philippi quàm brevissimè demonstrare fas sit. Bethsaidâ oriundus erat Philippus, quæ civitas Domini frugum latine significat, habebatque exploratissima loca, unde cibus poterat comparari. Ecce primam in eligendo consiliario cautelam, ut advocetur is, qui majori cognitione rerum atque experientiâ pollet, & natus educatusque iis sit in rebus super quibus consultatio instituitur. Deinde Philippi tessera erat, quam sub alto diu corde pressit, sub ultimam denique cenam ore expressit: *sufficit nobis* Joan. 14. v. 8. observa cautelam secundam, quæ non potest non esse secundissima, in electione consilarii necessariò adhibendam, ut talis sit, qui corde sentiat & aperto ore dicat: *sufficit nobis*, qui enim rebus & spebus suis novit dicere: *sufficit nobis*, utiliter consuletur, cum principi potius quàm sibi consulturus sit. Præterea os lampadis Philippus audit ob perspicuum in loquendo candorem & singularem verborum gratiam atque sinceritatem, demonstravit hanc, cum ceteris Apostolis ore uno dicentibus: *euntes emamus ducentis denariis panes & dabimus illis manducare* Marci. 6. v. 57. solus contradixit Philippus: *ducentorum denariorum panes non sufficiunt eis.*

§. 4.
Causa
quarta
quia Phil-
ippus ex-
emplar
perfectis-
simi Con-
siliarii.

eis. inclinari videbatur Christ⁹, ut panes emerentur, quibus emendis ducentos denarios sufficere censebant ceteri Apostoli, solo reclamante Philippo, & hic idcirco exclusis aliis in consilium vocatur, ut instruamur inquit doctissimus Sylveira, petendum ab illis esse consilium, non qui voluntati nostræ obsequentes sunt, sed qui juxta rectam rationem ac prudentiam communitati potius utilia, quàm principi jucunda loquuntur. Pluristibi sit, si Josaphat & non Achab es, Michæas unus qui veritatem licet omnibus exofam loquitur, quàm quadringenti prophetæ, qui loquuntur mendacium. Achabi vox est: *ego odierum, quia non prophetat mihi bonum sed malum* 3. Reg. 22. v. 8. Josaphati verò vctum: *adjuro te, ut loquaris mihi quod verum est in nomine Domini* v. 26. perpetua mali Principis nota & ruina est, malle audire Consiliarios qui loquantur falsa quàm falsa, loquantur non vera quàm dura & fera sive ut Isaïas habet, qui loquantur placentia quàm quæ recta sunt. Denique Philippi votum & scopus erat: *ostende nobis Patrem*, nobilissima Consiliarii optimi tessera est, ad visionem beatam votis omnibus anhelare, nec mortale quicquam terrenum & caducum intendere sed videntis omnia vindicantisque Patris oculum præ oculis habere. Facile foret hæc singula fusiori deducere calamo, sed quia neque temporis & loci hujus neque muneris & mentis meæ est Consiliarios perstringere, aut Principes de Consiliariis selectu erudire, paucula hæc in Philippi electi dilectique ab æterna Sapientia Consiliarii gratiam insinuasle sufficiat.

Verum nè ab Evangelio abeam, causam interrogati Philippi Evangelistes adstruit: *Hoc autem dicebat tentans eum*, ergo tentandi gra-

tiâ Philippum JESUS interrogat: unde panes? & cur tentat JESUS? Credebam hætenus Jacobo in Catholica sua scribenti c. 1. v. 13. *Nemo cum tentatur dicat, quoniam à DEO tentatur, DEUS enim intentator malorum est, ipse autem neminem tentat*, & jam ab Evangelista audio tentatorem JESUM esse: *hoc autem dicebat, tentans eum*, quid hoc intelligam? respondet Salmeron: DEUS intentator malorum est, hoc est, neminem ex malis, sed tantum ex bonis tentat. vel ut S. Augustinus l. 2. de consensu Evangelistarum c. 30. aliâ significatione intelligitur tentatio de qua dictum est: DEUS neminem tentat, & alia de qua dictum est, tentat vos Dominus DEUS vester ut sciatis si diligitis eum Deut. 13. illa seductionis est, hæc probationis. tentatur itaque Philippus, quia bonus est & præ ceteris bonus; tentamur quandoque & nos, quia vel boni sumus vel ut simus boni.

In propriam agnitionem & humiliationem tentationes permittuntur, amat enim DEUS esse nos humiles. *qui non est tentatus quid scit?* ait Ecclesiasticus c. 34. v. 11. nec scit quid ipse sit. Nescimus sæpe quid possumus ait Thomas Kempensis, sed tentatio aperit, quid sumus. sunt adamantes quidam, qui malleorum ictibus franguntur, sunt alii (& quidem Plinio teste c. 4. lib. ult. Indici & Arabici) qui malleos frangunt. ut ergo sciamus, quis genuinus sit adamas, malleo opus est, & sicut ille adamas habetur in pretio, qui non cedit ictibus, ita ille fidelis, qui resistit tentationibus. ut se cognosceret Paulus, colaphizari permissus est, ut in humilitate perstaret Adam, Petrus, David, Thomas &c. tentati imò & prostrati sunt, quò solidiores resurgerent. *Vasa figuli probat fornax & homines justos tentatio* Ecclesiastici c. 27. DE-

Sylveir.
to. 3. l. 5. c.
33. q. 8.

Isai. 30.
v. 10.

S. 5.
Causa 5.
tentandi
gratiâ.

um figulo, hominem figlino vasi conferens, sicut autem figulus scit, quamdiu vas in fornace relinquendum, nè vel exuratur vel molle & ineptum remaneat, ita DEUS scit, quamdiu hominem in fornace tentationis excoquere debeat. agnoscat proinde in tentatione homo se limum esse, humiliet se & vicit. Antonio Magno laquei tentationum à DEO ostensi & ratio vincendi suggesta est, videlicet *Humilitate*. Tentatur itaque homo in sui ipsius cognitionem & exercitium virtutis; sic arbor radicitur solidius ventis impetita, sic pileum fortius tenet viator (ut est in fabula de Apolline & Euro) sic fontes æstate frigidiores, hyeme sunt calidiores. Abbas Pastor ut refert Palladius dicenti: *oravi DEUM & libera vit me ab omni tentatione*, respondit: *ora potius DEUM, ut tua tibi redeat tentatio, nè fias deses & negligens*. Cant. 4. orat sponsa: *surge Aquilo & veni Ausfer, noxius hic, frigidus ille ventus est, cur ergo in votis? fluent aromata virtutum imò & diademata gratiarum*. Elegantissimè S. Bernardus de inter. dom. *molesta est lux, sed fructuosa, quia si habet prænam, habebit & coronam*. Non nocet sensus ubi non est consensus, imò quod resistentem fatigat, vincentem coronat. *Quoties resisteris, toties coronaris*. Eremita, qui unâ nocte septies tentationem somni vigilando apud ægrum vicit, totidem meruit coronas. Quidam religiosus à morte comparuit ex conditio & edixit quarenti, utrum sibi pro tentationibus satisfactum? solus applausus mihi venienti factus & dulcedo basii à Christo dati superat omnem molestiam. At num & Philippus ex hac tentatione sua meruit basium & coronam? ducentorum

denariorum panes non sufficere respondit, de aeterno tamèn Patre postea locutus, sufficere solam illius visionem ad perfectam satietatem affirmavit: *ostende nobis Patrem & sufficit nobis*. adeoque sensus verborum Philippinorum fuit interpretè D. Antonino: *non sufficit panis idest refectio ejus ad sufficientiam etsi aliquando reficit, Pater perfecte reficit*. quo sensu si consilium suum Philippus protulit, non unum duntaxat denarium & basium, sed ducentos & supra coronatos, imò coronas promeruit, docuit enim verò omnem sufficientiam à DEO esse, ab eoque panem petendum, qui perfecte reficit, & nunquam deficit.

Sed jam nos ad problematis hodierni coronam properemus & in sacro emblemate populum Israelis speculemur depluo è coelis panepastum cum lemmate: *tellus si negat, astra dabunt*. Eliam imaginemur, quem dapifer pascit corvus, & repetito suo crocitu de crastino moniet sollicitum non esse *cocus cras tibi rursus ero*. Addamus & Sareptanam viduam cui farina de lecytho non deficit, apponente epigraphen Eliâ: *non deficiet*. Daniele m ab Habacuc in lacu leonum refectum appingamus cum eminentissimo lemmate Cardinalis Philippi Boncampagni: *DEUS providebit*. Denique Philippum mihi imaginor, qui ad quæstionem Magistri: *unde accipiemus?* clausam ejusdem manum osculatur (quemadmodum à matribus nummulus manu nonnunquam joco clauditur, & unde accipiendus sit, ex parvulo quaeritur) atque ex Psalte reponit: *Aperit tu manum tuam. vel solenne illud: sufficit hæc nobis*.

S. Antonino p. 1. tit. 5. c. 4. §. 3.

§. 6. Emblemata.



PROBLEMA XLVI.

Quis arguat Christum de peccato? & cur verum dicenti non credatur?

DOMINICA PASSIONIS.

Quis ex vobis arguet me de peccato? si veritatem dico vobis, quare non creditis mihi?

Joan. 8. v. 46.

§. I.
Cur lapidare Christum velint Judæi.



Siquando acrem Incarnata Sapientia disputationem habuit, hodie habuit, cujus problema duplex ipsa posuit non facile ab adversariis solvendum: *quis ex vobis, etsi sit Argus, arguet me de peccato?* ecce problema primum. *si veritatem dico vobis, quare non creditis mihi?* ecce alterum, insolubile utrumque, . . . etsi omnem lapidem moveant, ut solutionem inveniant & præstent. *Sustinere ista Æternitatis verba* (sive problemata) *non valentes, ad lapides currunt: Et quem intelligere non poterant, obruere querebant*, S. Gregorius homil. 18. *Tanta duritia quò curreret nisi ad similes, scilicet lapides?* S. Augustinus tract. 43. in Joan. At frustra responsum & solutio problematis petitur à lapidibus, pro Christo enim, non contrà Christum lapides loquentur cum homines tacebunt, & calculo candido non purpureo Christi innocentiam approbabit, duritiem verò malevolorum testabuntur. Cum itaque è calculo laborent durascribarum corda & ora ut respon-

dendo non sint, respondebo quantà potero brevitate ac modestià ad utrumque Divini Magistri problema, & quis peccati eum arguat? cur veritatem dicenti non credant? indicabo.

Quis ergo Christum arguet de peccato? edicite Principes, Magnates, Præsides, Politici omnes, num in politicen unquam deliquit? sub imperio Cæsaris natus, cum describeretur orbis terrarum, conscribi & ipse in Cæsaris obsequium voluit qui ministrare venit non ministrari. num vestigal unquam Cæsari negavit? sitaceant homines, loquentur muti pisces, & redditum integrè vestigal fuisse testabuntur. Tributum Cæsari dandum docuit, & Cæsari priùs quàm DEO reddendum monuit: *reddite quæ sunt Cæsaris, Cæsari, & quæ sunt DEI, DEO*, nè quis putaret ex retenta, quæ Cæsari reddenda fuerat pecunia, licere eleemosynam facere, & obsequium Deo præstare. At Regem se fecit; imò ne fierent, fugit. testor turbas, testor montem in quem *fugit ipse solus*, testor regnum universum, quod solis ambiit pedibus, atque à terra

§. 2.
Inducuntur omnes status, ordines, ætates à quibus Christus argui nequit de peccato.

rum

rum ad cælorum regnum perven-
endi viam demonstravit. Coro-
nam quidem affectavit, sed spine-
am, quam ei nemo invidit. Mansve-
fecit gentes, ut promptius legibus,
& Regibus subderentur, & subesse
mallent, quàm præesse. Et quam-
vis pauperem privatamque elegit
vitam, de regali tamen sanguine
nasci voluit, ut ejusdem cum regib'
genii, & amicitie vinculo iisdem
obstrictus esset. Nihil ergò in Cæ-
sarem politicèque peccavit.

Quid vos Sacerdotes, Scribæ,
Pharisæi, Pontifices, cujusnam reus
est peccati? num reverendissimo
statui vestro negavit reverentiam,
& obsequium? leprosos appello,
quos quoties mundavit, advos re-
misit, ut neque honori, neque pecu-
lio vestro quidquam decederet;
turbas universas contestor, quas ex-
amissim obedire Scribis & Pharisæ-
is jussit, ac sequi eorum verba, si o-
pera non possent: *super Cathe-
dram Moysis sederunt Scribæ & Pha-
risæi, omnia quæ dixerint vobis facite.*
Nec Sacerdotes duntaxat sed
eorum quoque servos honorat, &
auriculam læsam integrat, ut non
tantum sacerdotes benè, sed eorum
quòque servitia audiant non malè.
At *Sabbata non observat*; imò ut
accuratius observentur, curat, dum
varlis & morbis laborantes per sanat,
ut quietem in Sabbato inveniant.
At *filium DEI se fecit*; quomodo fi-
lium DEI facere se potuit, qui nec fi-
eri sed gigni duntaxat potuit? *ge-
nitus non factus, consubstantialis Patri
per quem omnia facta sunt.*

Quid vobis turbæ & populi ac
Pharisæi videtur de Christo? state
verbis vestris & cum vox vestra vox
DEI sit, date gloriam DEO & dicite,
num offendere in verbo unquam
auditus sit? *nunquam sic locutus est
homo, scimus quia verax es.* Num in
opere deliquit? *omnia benè fecit.*

num respectu personarum labora-
vit? *non est tibi cura de aliquo, neque
enim respicis personam hominum,* om-
nes ergò pariter diligit, & omni-
bus omnia fieri gaudet.

Veniamus ad ætates singulas &
sexum utrumque, quis ex vobis
Christum arguet de peccato? Ta-
cebo sequiorem sexum quem vel
publicis sceleribus infamem ad
pedes suos admisit, vel inflagranti
scelere deprehensum non condem-
navit, vel haustum petere à cœnosa
manu non dedignatus est, scio se-
quius nihil ab hoc sexu in JESUM
proferri, quin vocem potius extol-
li, & prædicari uterum beatum à
quo portatus, & ubera quibus la-
ctatus est. Adeste parvuli ex quo-
rum ore DEUS laudem suam perfici-
cit, num peccavit in vos Christus?
imò tam tenerè dilexit, ut manus
imposuerit, quasi non manibus tan-
tùm gestare, sed manibus suis coro-
nare vestram innocentiam gesti-
ret. Parvulos adduci jussit: *sinite
parvulos venire ad me.* parvulos
contemni prohibuit: *videte ne con-
temnatis unum ex his pusillis* Matth.
18. v. 10. parvulos in sanctitatis ec-
typon proposuit: *nisi efficiamini si-
cut parvuli, non intrabitis in regnum
cælorum.* Matth. 18. v. 13. Quid
Adolescentes? ex utroque sexu u-
num advitam revocavit, duoden-
nem Jairi filiam & filium unicum
viduæ in Naim. atque in his duo-
bus abunde demonstravit, quam vi-
tæ salutisque curam erga universos
gereret. à funere parentis adoles-
centem quandam retraxit atque ut
mortui sepelirent mortuos suos
monuit, quo funestum ab hoc ado-
lescente averteret periculum, quod
exfunere parentis, si præsens adef-
set, imminere prænovit. Nihil er-
go peccavit in adolescentiam. Ha-
bentne senes quod obmurmurent?
curam eorum adolescentioribus

Nisi

im-

ad quod quisque volebat, converteretur? quæ culpa solis quodd exosus sit lippis, & tenebrionibus, qui lucis suæ radios æqualiter in omnes ejaculatur? quæ culpa cæli quodd sagittis à Philippî exercitu impetatur, cum vitali suo influxu cuncta vegetet? frustra in cælo iniquitas, in sole macula, in manna amaritudo, in JESU peccatum quæritur. Bellissimè Origenes tr. 35. in Joan. super illud: quærebant falsum testimonium: *falsa testimonia tunc locum habent, quando cum colore aliquo profertur, sed nec color inveniebatur, qui posset contra JESUM adjuvare mendacia, quamvis essent in gratiam Principum prolata, quod maximam laudem exhibet JESU, qui sic omnia irreprehensibiliter dixit, ut nullam verisimilitudinem invenirent in eo reprehensionis, & mali & multi astuti.* Hæc Origenes.

Passus quidem est pro peccatis nostris sed absque suo peccato & culpa, id quod theologico conceptu Pfalter expressit, dum in persona Christi cecinit: *infixus sum in limo profundi & non est substantia, quæ non rapui, tunc exolvebam* Pl. 60. v. 2. & 3. in limo quidem Christus profundissimo nostrorum hæret peccatorum, pro quibus Patris Aeterni iras tempestatesque sustinet, at non est in eo substantia, sive culpa quæ dicitur subiectum poenarum, sicut apud Philosophos substantia est subiectum accidentium. accidentia sive poenas Christus patitur, non autem culpam quæ est subiectum poenarum. *Quæ non rapui, exolvebam* pro peccatis, (quæ sunt rapina divinæ gloriæ, & violenta creaturarum contra Creatoris mentem abusio, à me usurpata nunquam) tunc patiebar, tunc morte turpissimâ luebam, tunc inter latrones moriebar. Veritatem eandem hieroglyphico non absumili Jobus attigit

in eadem persona locutus: *violenta sagitta mea absque ullo peccato* c. 34. v. 6. passionem suam vocat *Sagittam*, quam Paterna iustitia in innocentem filium est ejaculata; at sagitta hæc violenta est, quia Christus absque peccato est; Scopus sagittæ quam Pater ex arcu furoris sui emittit est peccatum, in hoc enim collimat & dirigit istum; quia verò in Christo peccatum non fuit, idcirco violenta dicitur, quæ alioquin naturaliter ad debitum sibi locum tendit. *Violenta sagitta mea absque ullo peccato* Sagittam violentæ patior mortis, sed quod mortis est stipendium, non patior peccatum. Clarius ipsemet de se Christus Joan. 3. v. 14. *sicut Moyses exaltavit serpentem in deserto, ita exaltari oportet filium hominis.* serpenti quidem se comparat sed æneo, de quo eleganter Cardinalis Hugo. *serpens æneus non est verè serpens, nec venenum habet, & ideo significat Christum, qui habuit similitudinem carnis peccatrici, non carnem peccatricem: habuit quidem veram carnem, sed non verè peccatrici similem uti dicitur ad Romanos c. 5. misit DEUS in similitudinem carnis peccati, & de peccato damnavit peccatum: id est, per tiberiacam expulit venenum.* Hactenus Hugo. Bernardus verò similitudine longè illustrissimâ ita Christi innocentiam proponit admilites templi c. 10. *quid erubesceret Christus? qui ita lavit nos à peccatis, non quidem ut aqua diluens, & retinens sordes, sed veluti solis radius dissipans & retinens puritatem.*

Dicere proinde jure optimo habuit: *quis me arguet de peccato?* quis nisi malignus & pessimo peior dæmone? Nuspiam in Evangelii, omnibus invenio dæmonum ululum, nec legiones eorum integras, calumniam ullam jecisse in Christum, sed honorifice locutos fuisse

Homil. 14.
in imperi.

semper, ita ut fræno opus habuerint, & obmutescere iussi sint, nè laudes Christi propalarent. Cur ergò laudantibus diabolis calumniatur homines? *scimus quia hic homo peccator est nisi quia majori malitiâ præ dæmonibus præditi sunt, ut suprà fusè problemate 32. differui.* Clarissima Chrysostomi est oratio: *homo malus peior est, quàm ipse diabolus.* diabolus enim si videt iustum, non audent ad eum accedere. homo autem malus quemvis hominem sanctum non solum non timet, sed magis contemnit. Non præstat diabolus homini virtutem sed homo diabolo; arma diaboli est malus homo. Sicut homo sine armis non potest aliquid facere contra hostem; sic & diabolus etiam sine homine non valet quidquam contra sanctos, Haftenus ille. Quid? quòd plus frequenter peccet homo quàm suggerat ei dæmon, & cum hic de peccato erubescit, ille de impudentia gloriatur. Affirmavit id S. Antonius de Padua dom. 1. post Trin. *frequenter homo plus peccat, quàm diabolus suggerat, prævenit enim homo diabolum.* Unde Ezechielis 16. v. 27. dicitur: *dabo te in manus odientium Palestinarum, qui erubescunt in via tua scelerata.* Grandis pudor quòd diabolus erubescit de peccato hominis, quodei non suggerit, & homo non erubescit. Non erubuit impudens Phariseorum turba Christum vocare potatorem & dæmoniacum, erubisset certè dæmon. Habemus jam propositi solutionem problematis: quis Christum arguat de peccato, videlicet non Pater, non cælum, non diabolus, non infernus, sed peior toto inferno malignus homo, omni destitutus conscientia, quæ alioquin solet esse frænum linguae, ut præclare D. Paschasius dixit l. 3.

in Matth. *conscientia, criminis accusatrix, frænum est propria linguae;* idcirco David obmutescere se fatetur etiam à bonis, Job verò derelicta sibi tantummodo labia ad arguendum malos affirmat, quia hic nullius argui potuit sceleris: *non peccavi.* ille verò sui sibi conscius ad ulterius ingemiscere cogitur: *peccavi!* Matthæus quoque Judam appellare furem non audent, quem Joannes liberè talem pronuntiavit: *furerat & oculos habens* Joan. 12. v. 6. quia hic semper innocens, ille quondam publicanus. Conscientia accusatrix criminis frænum est linguae. at hoc fræno effrontes effrenesque carent Judæi, quia peccatis licet ultra aures immersi conscientia tamen sopita & sepulta nesciunt se esse peccatores, hoc solum sciunt: *quia hic homo peccator est.*

Habent perfidi hi Nebulones quàm plurimos è Christianis sibi simillimos, qui Christum arguant peccati, atque ut phrasi utar Davidicâ, mala in Dominum declinent seu derivent: *declinaverunt in se mala.* Declinatitæ pessimi infimis inferorum subcellis digni. Hujusmodi farinæ sunt qui præcepta domini servatu impossibilia adstruunt, cum tamen teste dilecto Apostolo *mandata ejus gravia non sint* & observata esse singula à piis conjugibus Zacharia & Elisabeth testetur Evangelista: *erant incedentes in omnibus mandatis & justificationibus sine querela.* Præterea qui impudentissimè effutire audent DEUM peccati esse authorem, nec esse malum five poenæ five culpæ in civitate quod non fecerit dominus, cum tamen sine ipso factum sit *nihil* five peccatum, interprete Augustino, quod informe nihilum est, nec DEUS esset si iniquitas in eo foret, permittit

§. 6.
Qui etiam
num Chris-
tum arguant
peccati.

mittit quidem peccatum quia naturæ author est & principe liberi arbitrii dote rationalem creaturam spoliare non vult, at verò ad peccatum non impellit quia Sanctus est, quia Iustus est, quia DEUSEST. Sed frustra ego cum ejusmodi filiis Belial, & incarnatis archidæmonibus egero, qui irrationalem suam (cùm peiores dæmonibus) non facile mutabunt contumaciam, neque credent verum dicenti.

& rupto aræ calculo damnatus perii. non credidit veraci Michææ Achab perfidus, idcirco cruenta orco victima cecidit. non credidit Jeremiæ Sedecias, idcirco Babylonem raptatus, exoculatus, carceri æterno mancipatus interiit. Surdo Balthasari veritatem Daniel cecinit & portentosos in pariete characteres exposuit, idcirco eadem adhuc nocte rex impius ac impenitens coronam, vitam, salutem, omnia perdidit. Sperare benè de tua Pilate salute cœperam, cùm veritatis essentiam indagare te audii. *quid est veritas?* sed cùm responso non expectato, ad alia convertite video, perversitatis & impietatis tuæ terminum deprehendo. Scribe quod scribis, nec ab eo quod scripsisti recede. Veritati mortem scripsisti & tibi ipsi veritatem mortis ac chirographum damnationis descripsisti. Desperatum & de tua est salute Herodes Rex, qui quàm diu Præconem veritatis libenter audiebas, tam sceleratus esse non poteris quin per Vocem ad Verbum vitæ & salutis aliquando pervenires; at cùm Vocem clausisti in carcere, imò & spiritum interclusisti, omni salutis spe temetipsum exclusisti; Verbum quidem ad te venit sed sine Voce; Salvator, at sine salute; oraculum sed mutum, miraculum, sed tibi in derisum. Extrema improbitatis linea est veritatis odium, amor mendaciorum.

§. 7.
Qui veritati non credant.

Et cur veritati non creditur? *si veritatem dico vobis quare non creditis mihi?* quia filii hominum sunt: *mendaces filii hominum* Pf. 61. v. 10. imò quia filii diaboli sunt: *vos ex Patre diabolo estis, ille in veritate non stetit, quia non est veritas in eo* Joan. 8. v. 44. facilius dæmonem ad audiendam compuleris veritatem quàm hominem. *Si veritatem dico quare non creditis?* quia ad extremum terminum malitiæ pervenistis, sicut enim teste Damasceno l. 4. parallel. c. 17. *extrema improbitatis linea est mendacium, ita improbitatis terminus ac punctum est odium & persecutio veritatis.* Ut enim hoc brevissimè dicam & problematis partem alteram conficiam, ideo veritatem dicenti non creditur, quia ad completæ terminum nequitiae devenit. Semper hæc fuit eritque extremæ nota perversitatis & reprobationis tessera, veritatem non credere, sed injuriam reputare; *veritas putatur injuria* S. Chrysologus Serm. 131.

Veritatem dicenti Moyfi Pharo non credidit, idcirco in malitiæ profundo periit, non credidit Samueli Saul, idcirco reprobatus à DEO dispersit. Non credidit Prophetæ Addo Sacrilegus Jeroboam, idcirco sacrum inter & saxum hæsit,

Sed jam & nos extremam ducamus lineam pròque emblemate illibatam Servatoris nostri sanctitatem, quæ nullius argui potest peccati, in Colosso seu Pyramide delineamus, in qua videre sit symbola innocentiae Christi è sacris deprompta litteris: speculum cum lemma *sine macula*, columbam *sine felle*,

§. 8.
Emblema.

rosam paradisiacam quæ juxta S. Ambrosium est *sine spina*. Liliū inter spinas, *sine vulnere*, librum scriptum intus & foris *sine menda*; Scirpum *sine nodo*; Pomum candidum & rubicundum *sine verme*; Solem in Auge: *tenebræ in eo non sunt*; lunam plenam *sine defectu*. Panēs propositionis *sine fermento*; Serpentem Æneum *sine veneno*. Agnellum candidum *sine nœvo* & similia sexcenta; Pyramidi sol meridians imminet: *sine umbra*; sicut enim pyramis in meridie umbram non projicit cū directè eandem sol respicit, ita Humanitas Salvatoris nostri umbram peccati spargere nequit, quam sol Divinitatis mero die & gratiarum plenâ luce semper respexit. Infrâ

Argum fingo qui accensâ Diogenis lucernâ Christum in fabrilī, in Synagoga, in montibus & ubique lustret, ac umbram peccati frustra indaget cum epigraphe: *queretur peccatum illius & non invenietur*. O si & in nobis non inveniatur iniquitas ad odium, nec conscientia arguat & exprobet peccatum, sed eandem emundet & absolvat, qui solus sine peccato tollit mundi peccatum!





PROBLEMA XLVII.

Cur Triumphus præmissus
Passioni?

DOMINICA PAL- MARUM.

Dicite filie Sion: ecce Rex tuus venit tibi.

Matth. 21. v. 5.

§. 1.
Causæ SS.
Bernardi
& Chryso-
stomi.



Cur triumphum ante
victoriam, plausum
ante certamen, diem
honoris ante Para-
ceven doloris Salva-
tor noster celebra-
vit, varias reddunt causas divinarum
paginarum interpretes. S. Bernar-
dus ad augendam Passionis ignomi-
niam id factum arbitratur, volebat
enim cœlestis sponfus myrrham
metere cum aromatibus, amaritu-
dinem passionis cum dulcedine a-
moris: *ut amariore esset Passio, quam
processio præcessisset.* Ipsa certe tri-
umphalis pompa exacerbavit Pon-
tificum animos, ut acerbissimam
triumphatori mortem molirentur;
adeoque irritare in se mortem vo-
luit, quam à triumpho amariorem
fore præcognovit. Et hanc cau-
sam Chrysostomus assignat: *ut mor-
tem quodammodo in se provocaret;*
sicut Leones postea Ignatius in se
irritavit. Expressit piissimus Do-
minus desiderium cordis sui, quo
ad passionem anhelabat tanquam
ad triumphorum triumphum. Causas cæteras ut præteream, ar-
ridet una præ omnibus, cur trium-
phum passioni præmiserit, ut suâ
quoque comprobaret experientiâ

insignem hanc veritatem, progno-
sticon videlicet certissimum securu-
rarum calamitatum antecedentes
esse triumphos, sicut ex communi
adagio manet rubens Cœlum ven-
turos indicat imbres, & lufus Del-
phinorum tempestates, & discolor
iris pluviam, & innube cœlum hu-
bila ominatur. Quod in palmaris
triumphi honorem fufius demon-
stratum eo.

De Urfo scribunt Naturarum
periti; Mœrere illum Cœlo sere-
no, & murmurare, quasi diei claritas
obscuritatem offundat cordi, eò
quod naturali doceatur instinctu,
non diu duraturam eam esse sere-
nitatem. Philippus Macedo tres
nuntios nova faustissima afferentes
continuo acceperat, cum sapiens
Rex infortunium veritus, exclama-
vit: *O fortuna levi aliquo malo me
multa!* Fortuna ut simia est, quæ
catulum plus nimio amatum dum
arctius pectori apprimat, interimit,
unde illud lemma: *Oditi amando,*
itâ Fortuna dum pluribus nos or-
nat beneficiis, malefica est, videtur
que nobis dicere: *Officio officii, de
ficu ait Theophylactus: quò ma-
gis irrigatur, eò magis sterilis fit.* &
Theophrastus lib. 2. c. 8. *Dam ri-*

§. 2.
Fortuna
plerum-
que venci-
fica est,
cum bene-
fica.

S. Bernard.
Serm. 2. de
Dominica
Palmarum.

Chrysost.
in Imper-
to 2.

ga-

in ore eorum. Timete proinde illum, qui est *metuendus nimis*. Bona hæc est responsio, sed quæro meliorem. Salvator noster posteaquam de beneficiis à DEO in singulos hominum conferri solitis elegantissimam habuisset concionem Luc. 12. adducendo corvos, *quibus non est cellarium, neque horreum, & DEUS pascit illos*. v. 24. inducendo lilia, quæ non laborant neque nent, crescunt tamen. Nec Salomon in omni gloria sua vestiebatur *sicut unum ex illis*. v. 27. suam denique concludit orationem explicatâ Patris æterni providentissimi benevolentia: *Nolite timere pusillus grex, quia complacuit Patri vestro dare vobis regnum*. v. 32. Quia idem est apud interpretes, ac idcirco quod, nolite timere, quod complacuerit sibi Pater meus in vobis, & elegerit vos ad regnum. Debebant timere Apostoli auditis tot beneficiis, & promissione regni; nam ut aureæ S. Chrysologus in hunc locum: *Regnum audire, periculum; temeritas non timere*. Ex specialissima proinde gratia Dominus servorum mentes tali voce confirmat: *nolite timere*. Et ecce hæc ipsissima causa est, cur Ecclesiasticus postquam insinuasset DEI beneficia, vocavit eum metuendum nimis, quia tunc maximè metuendus, quando est beneficus. Habemus DEUm liberalissimum, qui nos ex stercore erigere vult ad thronum altissimum, qui nos è nihilo creatos conservat manu paternâ & tenet tribus potentia absolutæ digitis, qui velut supremus Rex nos omnes vult suos esse Regulos & cohæredes, & ideo timendus est. Cur ergo Ecclesiasticus (ait Jo. Sylv. lib. 4. c. 17. q. 4.) creatorem timere potius quam amare jubet? nimirum ut demonstret beneficia nobis sæpè transire

in malefica, & favores, in furores, præcipuè malis, ac proinde nobis valde timendum esse. Habebant itaque causam timendi Josuani milites propter insolens beneficium, & victoriam, ut quinque coronata capita calcare potuerint, habebant, inquam, iustissimam metuendi causam, nè immineret post fortunam magnam majus infortunium, uti communiter accidit, nisi extraordinaria accedat DEI benevolentia, quam Josue insinuat: *Nolite timere, nec parveatis, confortamini & estote robusti*. Ratio præsentis timoris militum, erat *victoria*, ait Doctissimus Abulensis.

Similis timor Abrahamum corripuit, posteaquam quatuor Assyriorum Reges felicissimo prælio profligasset. Gen. 15. v. 1. obtentâ enim victoriâ apparet illi DEUS exercituum, suumque animat victorem, mirâ verborum formulâ: *Hic itaque transactis factus est sermo Domini ad Abram dicens: Noli timere Abram, ego protector tuus sum*. Cur non hæc verba ante prælium DEUS protulit? an major timendi causa post victoriâ? cessat jam periculum, ad quid ergo DEI auxilium? putat Lyranus timuisse Abram, nè in victoriâ, quam habuerat, accepisset totam mercedem justitiæ suæ à Domino. Lucas Burgensis, aliique in ea sunt mecum opinione, timuisse Abram propter nimiam obtentæ victoriæ felicitatem. Magnam enim prosperitatem maxima nunquam non subsequitur calamitas. Justus cum ad te oculos convertat, cœlestia dona timet, inquit Sylveira l. 3. c. 4. q. 15. *tunc videbis & afflues*. If. 60. v. 5. Septuaginta legunt *& timebis*. Prudentissima timendi causa est, si affluas. Quos Pater cœlestis solidè amat, insolentibus gratiis nequa-

§. 4.
Consolatione egē-
bat Abra-
ham p. st
adeptam
victoriam.

Oo

quam

quam onerat. Elegantissimè Bernardus: *nisi Pater esset, obrueret nos beneficiis*. Alius diceret, quia Pater est, obruit nos beneficiis; novercale videtur, si parca manu conferantur beneficia, verus amor modum nescit, at non sic Theodidasti: *nisi Pater esset, obrueret nos beneficiis*, nimius amor, nullus amor. Obrueret nos ad eum modum, quo Sabini Tarpejam Vestalem Virginem ob proditum Capitolium scutis obruerunt, loco armillarum aurearum, quas promiserant. Obrueret nos, sicut rosis obrutus in amphitheatro Rhodius ille Diagoras, cum tres filios athletas coronari videret; sicut Judas nimis obrutus favoribus interit, cui in cœna ultima Dominus maximum favorem exhibuit. *Uni Jude favorem intin-
stipanis porrexerit*, inquit Didacus Ponfer. tit. 1. lib. 3. c. 9. Et tamen hic favor obfuit, in furorem degeneravit. Nunquam homo perditus majori vulnere affigitur à DEO, quam dum favoribus & beneficiis delinitur.

Ad desertum nos ducit Athanasius, & ostendit hinc mellissuas aquas uberrimè de petra exilientes, inde ignem DEI contra populum diffidentem vehementer accensum: *percussit petram, & fluxerunt aquæ, & torrentes inundaverunt. Ideo ignis accensus est in Jacob, & ira DEI ascendit in Israël. v. 21.* Si ignis & furor DEI accensus est in Jacob ob punishmentem, quomodo igitur fluxerunt aquæ abundantes? ubi torrens gratiarum, ibi flamma pœnarum. Verberabantur Judæi, ait citatus Ponferadiensis, cum pane de cœlo ditabantur ingrati; putabant miseri à DEO se amari, à DEO se veri, dum summa ab eo beneficia recipiebant indies, sed nullo graviore verberare ab eo affigi poterant. Ap. 1. v. 16. Veritas hæc aureo Symbolo adum-

bratur: Vidit Joannes DEum hominem in medio septem aureorum candelabrorum, coma quidem velut lana candida, sed oculi erant scintillantes, *habebat in dextra stellas septem*, & de ore ejus gladius utraque parte acutus exibat. Stellæ sunt felicitatis ostentum, quas idcirco Augustus nummis suis insculpebat, at stellis conjungitur gladius. In stellis optimis vixit Epulo, at jam hæret in gladio. Bona recepta tormentorum causa sunt, inquit Alexander Pellegrinus in c. 11. Matth. parad. 5. ubi sic concludit: timendus est DEUS, cum videtur beneficis, quia ipsa DEI beneficia peccatoribus in hac vita collata supplicia sunt. Veterum adagium refert Paulus Manutius: *DEorum dona sepe non dona*. Exemplum habemus in vita S. Ambrosii, qui cum exitinere divertisset ad cauponem, & quævisisset: quomodo valeret? respondente illo: status meus Domine semper extitit fortunatus, nunquam quid adversum mihi accidit, nec quo contristarer evenit. At sanctus: surgamus, & hinc quantocyus fugiamus, quia Dominus non est in loco isto. Vix ad lapidis jactum discesserat Ambrosius, ab sorpta est domus cum universis, quæ ad ditissimum illum virum pertinebant. Tum Ambrosius ad socios: ecce fratres, quam severè irascitur DEus, cum semper prospera elargitur. Eadem S. Augustini in Psal. 68. est sententia, *ipsa, quæ in rebus humanis felicitas appellatur, plus timenda est, quam miseria*. Nimirum post Phœbum nubila, post malaciam tempestas, post favores flagella, post divitias miseria, post purpuram flamma, post mel, absinthium post siceram, post epulas carbonem, post mentas gehenna. Hic est omnis fortunæ finis, sed quid postea? infortunia sine fine.

Ti-

Cic. l. 1.
Tuscul.

§. 5.
Beneficia
nimia
exitio ju-
dæis fuere.

Psal. 77.
v. 20.

Timet Navarchus cū malaciā tempore delphinos saltitare ac luitare conspici, quo exlusu horridam præominatur tempestatem. Pavet Astrologus, cū novo phœnomeno micare cœlum videt, illud Manilii repetit: *Nunquam futilibus incanduit ignibus æther.*

Prævidet colonus, cū manē rubens cœlum intuetur, diem sinē pluvia non terminandam, timeamus, cū purpurascere in favores cœlum, aut insolitam felicitatis affulgere stellam, aut colludentem votis nostris fortunam conspiciamus, illud enim, dum colludit, lacrymarum portendit imbrem, dum purpureo arridet ore; præficam accendit faciem, dum inusitati fulgoris comētā præmonstrat. Timeamus non Fortunam, quæ nihil est, quā Fortunæ Authorem & rerum humanarū Moderatorem, qui nunquam magis timendus est, quā cū favoribus nos obruere videtur.

Dilectus JESU discipulus ad Magistri sui conspectum raptus, in faciem adeo horrificam incidit, ut exanimi similis corruerit. *Cum vidissem eum, cecidi ad pedes ejus tanquam mortuus.* Apoc. c. 17. Quid quæso in amantissimo JESU esse potuit, quod Joanni generosæ isti aquilæ, animoso tonitru filio, gratiofo Divini pectoris inquilino horrorem tantum incutere potuit, ut ipsam corpore animam expellere videretur? an fortē flagra manu intentantem vidit? at vidit illa bis olim in Christi manibus cū sacrilegi profanatores templō eliminarentur, nec tamen ad mortem concussus est. An voce terrificā biverbium illud repetentem audivit? *Ego sum?* at voci huic pridem affvetus fuit. Nihil horum vidit, nihil audiit, ipse exponit causam metūs: *Et habebat*

in dextra sua stellas septem v. 17. stellas vidit, ideo contremuit. Sigla dios stringentem, lanceas minantem, fulmina vibrantem vidisset, quid mirum? atā benignissimis sideribus, quis metus, quæ angustia quod periculum? Stellæ apud Authores passim Symbola sunt gratiarum, & donorum Divinorum, hæc verò servis DEI summum timorem incutiant, dum secum attentius reputant strictissimas olim rationes coram tribunali formidabilissimo reddendas.

Aliud insuper Joannes vidit, unde illi horripilatio & deliquium: *Et de ore ejus gladius utraque parte acutus exibet.* Mirabilis gladii vagina, divinum os, & quis iste gladius? B. Petrus Damianus & B. Zeno Veronensis per gladium accipiunt Spiritum Sanctum, *Gladium ex ore Christi utrâque parte acutum exeuntem, Spiritum Sanctum intelligere possumus, qui à Patre Filioque procedit.* ODEUM! quis putasset alicui occurrere interpretationem ejusmodi? ergōne Spiritus Sanctus est gladius & utrâque parte acutus? ita, ut quoquē verteris, secare, vulnerare, mutilare aptus sit? audiamus, quid de Spiritu Sancto testentur S. literæ Sap. 7. v. 22. Vocatur *sua vis, amans bonum, benefaciens, humanus, benignus.* Sap. 12. v. 1. *Quam bonus & sua vis est Domine Spiritus tuus in omnibus.* De illo S. Bernardus Sermon. 1. de pentec. *Dulcissimum quiddam in DEO Spiritus Sanctus est, benignitas DEI, & idem ipse DEUS.* de illo S. Ecclesia. *Consolator optime, dulcis hospes anime, dulce refrigerium, in labore requies.* &c. Etecce hic benignissimus Spiritus in acutum transit gladium, ut, quo nihil antea lenius, nihil postea sit severius. Sic nimirum beneficia

§. 6.
Joannes
visum cum
stellis
Christo
Corruit ex
animis
cur?

DEI vertuntur in supplicia, blandimenta in tormenta, mel in fel, medicina in venenum; Spiritus Sanctus ex columba transibit in tigridem, ex rosa in gladium, ex Consolatore in Judicem Vindicemque, & hoc est, quod cordatos excordat, & exanimat, recordatio ipsa beneficiorum pro quibus rationes strictissimas DEUS exigit. Eleganti Symbolo Gladius pingitur, qui ad cotem oleo olivarum tinctam acutatur, cum lemmate: *Lenimine acutior*. leni oleo durum ferrum acuitur, & savi beneficiorum divino oleo gladius Iustitiæ acuetur, ut gravioribus maententur à Iusto DEO suppliciiis, qui beneficiorum oleo deliniri noluerunt esse filii olei aut Olivæ in domo Domini.

Dionysius Uticensis l. de agricultur. 4. Infallibile longioris hyemis prognosticon esse affirmat, si extraordinariè copiosis fructibus onerentur quercus: *Illices & quercus multum fructum ferentes, diuturniorem hyemem fore significant*. Timeat Dominum omnes servi ejus, quando videtis ex arbore Crucis (quæ fuisse quercus dicitur) copiosiores vobis fructus provenire. Parebit in die novissimo signum Filii hominis, ut hyemem æternam prognosticet.


Observeo quid curiosum in sermone Domini à cœna ultima. Luc. 22. Quærit Dominus, *nunquid aliquid defuit vobis*. v. 35. at illi dixerunt: *nihil*. tum illos mox commonet, ut vendat unusquisque tunicam suam & emat gladium. v. 36. & addit causam. v. 37. *dico enim vobis, quoniam adhuc hoc, quod scriptum est, oportet impleri in me: & cum iniquis deputatus est*. Ideo ne gladius emendus, quia cum iniquis deputatur JESUS? en mysterium: si tibi

nihil desit, eme gladium timoris, quia cum iniquis deputaberis. Sic deputatus est Judas, contra quem Cyprianus Serm. de cœna Domini: *melius erat molâ asinariâ collo alligatâ mergi in pelagus, quàm illotâ conscientia de manu Domini buccellam accipere*. Nimirum quidquid recipitur per modum recipientis recipitur. Quidquid diligenti DEUM accidit, honor aut ignominia, abundantia aut penuria, consolatio vel mœror, in bonum cooperatur, quidquid injusto accidit, in malum cedit. *Ad omne fortuitum bonum suspensi & parvi subsistite, quia beneficium insidiæ fortunæ est*. Senec. ep. 4. ad Lucil. Contra has insidias vigilemus, paveamus, caveamus.

In problematis Coronam, Emblema apponamus fingamûsque Cometam in æthere, in nubibus Iridem, Delphinos lustrantes in Æquore, in terra gravidam glandibus ilicem, vel quercum, quercui inscribamus: *acrior inflat hyems*. Delphinis: *tempestas fœda sequetur*. Iridi: *desinet in lacrimas*. Cometæ: *lux adferet ista tenebras*. Cometæ instar se habet omnis prævia felicitas, secuturæ certissima prodroma calamitatis. Sicut iris in pluviam, sic omnis plausus & risus in planctum & lacrimas resolvitur. Favor Fortunæ lusus est Delphinorum, ex quo certius nihil quàm periculosa inferas tempestatem. Illex præter morem abundans glandibus longam prædicit hyemem, insolens aliqua felicitas longam miseriæ ominatur. Frugiferum autumnû sterile hyems subsequitur, amœnitatem moderati veris immodicus excipit æstus ætatis, ita prosperitatem quamlibet præsentis vitæ præsentissima comitatur ærumna. post Bacchanalia diem Cinerum expecta; post Dominicam

Le-

Lectare, Dominicam Passionis; post dolorum. Sic semper actum est, sic Palmas & triumphos, parasceven agatur semper, & non aliter.



PROBLEMA XLVIII.

Cur manè Mulieribus Christus apparuerit?

DOMINICA PASCHE.

Valde manè unâ sabbatorum veniunt ad monumentum Marc. 16. v. 2.

§. 1.
Cur Mulieribus prius ac Apostolis Christus apparuerit.



Hesychius author antiquus ingeniosum movit problema: cur redivivus JESUS apparuerit mulieribus cum dilucesceret, discipulis verò cum advesperasceret? non miror prius feminis, quàm viris visum esse, id enim merebatur feminarum præ viris Zelus, atque devotio, utpote quæ patientem Dominum planxere tenerius, crucifixo adhæserent constantius, sepulto parentaverent devotius, & jam priores Apostolis venerunt ad sepulchrū, nullo custodum timore absteritæ, nullo Pontificum livore impeditæ, nullo vitæ, fortunarum, famæque periculo retractæ, quo minùs Dominico corpori impenderent obsequium, & cum ungentis primâ luce ad sepulchrum advolarent. Non, inquam, quæro cur prius Mulieribus gloriosam suam anastasin revelarit Dominus, sed cur manè, non meridie, non serò familiari easdem alloquio sit dignatus. Cujus Myserii duplicem ut brevis sim, ratio-

nem reddam, quarum altera in vituperium, altera cedat in devoti sexus encomium.

Cur manè mulieribus, serò hominibus Dominus JESUS apparuit? adhanc quæstionem respondet author ingeniosus: ut à circumspecta JESU diligentia ediscant viri, mulieres nec consalutare, nec cum eis sermonem miscere, nisi sub aperta manifestatione; sub caligine verò non decet viros spirituales colloquia habere cum mulieribus. Hæc ille ad mentem D. Hieronymi epistola ad Oceanum: *precipue illud reor attentius providendum: primate menta Clericorum sunt mulierum frequens accessus; quid tibi revera cum feminis, qui ad altare cum Domino fabularis? prohibe Virgines tecum morari, etsi amfi de tuo genere sint, ubi enim cum viro habitant femina, viscarium est diaboli.* Serò cum femina egit Petrus, & quidquid non tantum die totâ ac potissimum in cena Dominicâ, sed toto quo in Apostolico Collegio conversatus fuerat triennio, virtutum meritorumque

§. 2.
Cur manè apparuerit mulieribus, causa ex Sferlogo Sect. 9. in c. 4. Cantica.

collegit, uno pœne momento diffipavit, ac deperdidit: *sexus enim iste*, inquit Godefridus Abbas epistola ad Hildebertum Cenomannorum Episcopum, *more ancillæ Ostiariæ gerens officium*, omnes quos allicit, aut excludit à vita, sicut Petrum à Christo, aut concludit in mortem, sicut Adam in paradiso.

§. 3.
Feminarū
confortiū
cavendum
docet Fi-
gura 1. A-
braham.

Cautissimus Patriarcha Abraham sepulchrum sibi suæque lectissimæ Conjugi designans, divisit spatia, ut seorsim ab ipsa humaretur, quam & in diversa humavit spelunca: *sepelivit eam in spelunca duplici* Gen. 23. v. 19. an non unum idemque suffecisset utrique sepulchrum? indecorum censuit vir sanctus si eodem cum femina humaretur in tumulo, nobis in posthumum documentum, quā cautelā feminis cohabitandum visis, si vix securum est manere cum mortuis.

Figura 2.
Lothi.

Utinam cautelam similem patruelis Abrahamæ Lothi adhibuisset, in enorme facinus nequaquam degenerasset. Considerat Origenes Lothi inter Sodomitas innocentiam, & miramur, quā hospites Angelos excipiatque à serotino cum Sodomitis colloquio abstraxit, prudentiam, ob quam sulphureum evadere meruit incendium, & à Manu ductoribus Angelis in asylum deportari. Verum qui flammam evasit sulphuris, non evasit rogam mulieris: *uritur ille flammis mulierum, quem sulphurea flamma non ulsit*. Origenes homilia 5. in Genes. deferunt suos secum ignes feminæ, ita ut appropinquare iisdem vix possis, quin aduraris saltem, si non conflagres. De Mulieribus dictum à Psalte putat D. Bernardinus: *Incenderunt igni Sanctuarium tuum* Ps. 73. quasi incendiariæ sint mulieres, quæ viva Dei templa incinerant: audiamus Concionatorem Seraphicum: *Psalmista in spiritu considerans præsens tem-*

Mulieris
Incendia-
ria.

S. Bernardinus to.
2. Scru.

pus, in quo carnales & vanæ mulieres cum meretriciis ornamentis accedunt ad sacratissima loca, & incendunt spiritualia templa Dei, id est animas, atque materialia templa profanant, clamore spirituali hos apud DEUM accusabat dicens: *incenderunt igni sanctuarium tuum in terra, id est animas juvenum illas in Ecclesia insperantium*. Si hoc incendium spargitur in Ecclesia, si luce meridianā, si ante epulas, & lusus, quid domi? quid in angulo? quid sero vespere? quid distento cibis potibusque corpore?

Scribit Joannes Boterus in dictis memorabilibus apud Indos mulierem vocari *Ita*, quo eodem vocabulo etiam dæmon appellatur, ita ut lingua Indicā idem significet dæmon quod Mulier, eodem ambo nomine *Ita*. Quæ Boteri relatio credibilior ex eo mihi redditur, quod in vita S. Barlaam apud D. Joannem Damascenum inveniam, Indorum Regum unum aliquem, ex Medicorum consilio accurasse, ut primogenitus Regis per primam annorum decadem in obscuro educaretur conclavi, nec ad ullius seu animantis, seu artefacti, seu cuiusvis alterius rei spectaculum admitteretur; lapsis itaque duobus lustris, cum Regius Princeps in aulam paternam educeretur, & quidquid jucundum, ac mirabile visu, spectare juberetur, ubi ad gynæceum pervenit & longo ordine, multoque tempore heras, herulasque nunquam in vita visas aspexit, ex Aulae Præfecto percontatus est, quid hoc rei? quod animal? quale illi nomen? respondit Præfectus: *dæmones appellari à quibus hominum mentes in errorem traherentur*. complacuit in hisce dæmonibus ita sibi adolescens regius, ut cum in cœna à rege interrogaretur, quidnam ex omnibus eā die primum visis potifsimū

Mulier id
significat
Indis
quod Dæ-
mon.

simum ei arrisisset? innocenter responderit: dæmones illi, qui mentes hominum in errorem trahunt, præ omnibus placuerunt, neque alterius perinde rei, ac horum amore dæmonum animum mihi exhilarari, inflammarique sensi. Luserit aulae Magister in voce *Ita* & pro Muliere dæmonem appellarit, at sensit innocens animus in muliere dæmonem, ejus citò ignibus accensus est, gerunt suas secum flammæ inferorum genii, gerunt & igneas secum sagittas mulieres, quibus sagittent in occulto immaculatum. Nec malè femina *Ita* dicitur, quia vel blanditiis suis assentitur Viro, consentitque oculis, ore, nutu, *Ita*. vel ut nequitia ejus vis annuat, & dicat, *Ita*, sicut Adamus Evæ dixit, procurat.

§. 4.
Nullus unquam bonus Angelus speciem mulieris assumpsit cur?

1. Cor. 11.
v. 10.

Observant Sacrarum profanarumque historiarum periti, nullibi neque in Divinis litteris, neque in canonicis authenticisve historiis reperiri Angelum bonum in specie Mulieris comparuisse, sed puerorum, virorum, militum, leproforum personam sæpe numero induisse, eo quòd forma Muliebris, etiam in Angelo apta sit ad nocendum, periculosa ad intuemum. Velari Mulieres jubet Apostolus propter Angelos, quòd Angeli horreant, ac detestentur formas præsertim nudas feminarum. Sit quamvis mulier Angelicà modestià, continentiaque insignis, vitanda nihilominus est filiis Dei, nè Sethianis posteris reddantur pares, de quibus Genes. 6. v. 2. legere est, & ex filiis lucis, in filios tenebrarum degenerent, si præsertim serotino tempore, aut in caligine, proluxa protrahant colloquia. Ex quo Mulier cum serpente locuta est, venenatum contraxit halitum, unde facilè veneno inficit, quos blando alloquio afficit. Mulierum halitum venenatum esse, inquit re-

centior quidam apud Lauredanum, quòd cum serpente olim locuta est mulier. Unde nil mirum intoxicatum fuisse Adamum amore primùm Evæ, tum vetiti esu mali. Venenum à feminis primùm inventum esse testatur Diodorus Siculus, primum certè naturæ nostræ venenum à prima instillatum est muliere, & instillatur etiamnum per eos anhelitus, & alloquia, quæ bonos corrumpunt mores.

Cavenda proinde non necessaria Mulierum alloquia, clancularia præsertim & solitaria, sub cujusvis pietatis prætextu, quia ut expertus affirmat Augustinus: *multoties sub prætextu pietatis, latet viscus libidinis, experto crede, expertus loquor*. Cum redivivus Dominus hoc ipso de quo agimus manè, solus sine arbitris cum Magdalena ageret, & hæc ad figendum sacratissimis pedibus osculum se se abjiceret, procul ab se discipulam ablegat, atque ut legatione fungatur, imperat: *noli me tangere, sed vade ad fratres meos*, non finit gloriosos pedes suos JESUS contingi, cum Mulier sola sine comitatu est, permittit in præsentia cæterarum, *siquidem illud de figura est, hoc de sexu* inquit Chrysologus sermone 67. Sexum videlicet feminarum repræsentavit Magdalena, qui cum solitario minimè agendum figuratè docuit Incarnata Sapientia.

Nescio quid infelicitatis sexui femineo adhæreat, ut damnationem virili sexui petat, cum ejusdem petere intendit salutem. An non filiorum suorum salutem Zebedæa Mulier intendit cum ad pedes Christi procidua rogavit: juberet federe filiorum alterum ad dexteram, ad sinistram alterum? Est dum sinistram petit, quid nisi postulat dilectorum uni filiorum damnationem? Quare à Dæmone incitatam hanc Matrem censet Chrysostomus, ut quod

§. 5.
Figura 3.
Christus
redivivus.

§. 6.
Mulier
cum Viro
petere in-
tendit sa-
lutem, pe-
tit nihil o-
min9 mor-
tem.

quod per se efficere non poterat, per mulierem impetraret. Audiamus aurem Oratorem: *vidit diabolus quia per illos ipsos Jacobum & Joannem adversus eos agere non valebat, contulit se ad consuetam arma, Mulierem. Adam per Evam spoliavit, ita etiam istos separaret per Matrem, nam etsi Mater erat, mulier erat.* Paucae sunt Monicae, quae in lacrimis suos filios regenerent ad salutem, plures Saræ sunt, qui filios risus & deliciarum generare amant in mortem.

Ipsiusmet JESU vitam & salutem cum uxor Pilati postulat, mortem & damnationem totius generis humani postulat, cujus videlicet impedire nititur redemptionem. *Sedente illo pro tribunali misit ad eum uxor ejus dicens: quid tibi & justo illi* Matth. 27. v. 19. bono an malo incitata spiritu uxor Pilatum pro vita JESU interpellavit, litigant interpretes; sunt qui malo missionem hanc imputant, inter quos Moguntinorum Archiepiscopus Rabanus Maurus: *Diabolus intelligens per Christum se spolia amissurum, sicut primum per Mulierem mortem intulerat, ita per mulierem vult Christum de manibus Judaeorum liberare: ne per ejus mortem, mortis amitteret imperium.* Prius Rabano Divus Ignatius Martyr epistola ad Polycarpum idem docuit: *cum paranda esset crux, diabolus tumultuabatur, & poenitentiam immitit proditori, & mulierculam turbans in somnis ut à crucifixione cessarent, inducere moliebatur, summissus perniciem sentiebat.*

Nolo plura in feminei sexus vituperium, quin imò ea omnia, quae hactenus in contemptum dici videbantur, in solidum facile converti posse praekonium animadverto. Aedificavit Abraham speluncam duplicem in reverentiam Exuviarum Saræ, ponè quas se tumulari nimio

duxit honori, seque indignum religiosissimus princeps censuit. Certè ab eo tempore, quo Sara tumulata est, nullâ amplius apparitione Abrahamum dignatus est DEUS, quasi in Saræ potissimum gratiam tot antehac gratis cumulatus fuisset. Lothi incestum non excuso, sed filiarum ingenium miror, quòd nescientem libertatisque minus compotem induxerint in errorem, neque igneum muliebribus genium esse inficior, ideoque cœlestia petunt, & sicut ignis elementis cæteris, ita animantibus omnibus, ob creationis suæ excellentiam præstant; at cur viri fomitem tam liberaliter alunt in pectore, ut vix visâ muliere flammam corripiant, ardeant, exurantur? num ardentis cerei aut lampadis culpa est, quòd culices ultrò involent, suasque exurant alulas? num solis probum est, quòd mortales plurimi radiis illis percussi cadant in cineres? num detestabilis idcirco ignis, quòd Solymæam exusserit basilicam, aut moles prægrandes in auras ejiciat? non est culpa ignium, sed qui male ignibus uti. Ignem venit JESUS mittere, hoc quisquis ardet, facile compefcit ignibus ignes. Sint cætera mulieres ignibus plenæ, at est earum una quæ non unum sed omnia in suo nomine producit *Maria*, quo feliciter ignes maligni sopiantur. *MARIAM* cogita *MARIAM* invoca, non recedat ab ore, non recedat à corde, & quàm parum femineæ te exurant flammæ, experire. Vocabulo eodem Mulierem & dæmonem nuncupari apud barbaros quid mirum? barbarè loquitur qui rem nominis. utrique vult esse communem. Nunquam formam Mulieris bonus Angelus induit, neque dæmon formam columbæ. quem admodum ergo dæmon in Spiritûs Sancti reverentiam, columbæ speci-

me

S. 7.
Relutatur prædicta, inque encomium Mulierum traducuntur.

em assumere non præsumit, ita & boni genii in devoti sexus honorem reverentiâque eâdem abstinent formâ & figurâ. Venenatus Mulieris halitus quomodo sit non video, cum de sola, serpentidictum sit, muliere: *ipsa conteret caput tuum*. Serpentinum caput & venenum mulier, non vir elidit, neque venenum ingerit, sed exterit, exterminatque, nisi fortè venenatum illi culpâ suâ attrahant halitum, qui aranearum more etiam de rosa exugunt venenum. Magdalenam ad pedes Christi statim non admissam figura fuit, non culpa, neque cautela, sed gloria & æstimatio; quæ jam dignior erat, quàm ut ad solorum pedum osculum admitteretur. Non horruit Christus à dilecta sua attrèctari, cuius ipse frontem sacris digitis attigit, & quæ hodieque in ejusdem cranio Massiliæ conspiciuntur, vestigia seu fossas digitorum in pignus amoris immortale impressit. Zebedæa Mater nihil sinistrum postulavit, dum sedere filiorum alterum ad sinistram voluit, sedere enim Electorum est, stare autem à sinistris reproborum. Pilati uxorem non à malo sed optimo genio incitavit, ut Christi innocentiam palam profiteretur, communiter Patres affirmant cum Augustino, Chrysostomo, Hieronymo, Ambrosio, Hilario, convincuntque rationes complures, quas apud Sylveiram videre est. Ingens profectò devoti sexus præconium, quòd hic plus pro Christo passus sit in somno, quàm Apostoli omnes, discipuli omnes, viri omnes, in vigiliis suis: *Multa enim passa sum per visum hodie propter eum*. Matth. 27. v. 59. non est immisissus Pilato Somnium, sed uxori; quia hæc dignior & fidelior. Suppressisset Pilatus Somnium, at hæc toto palam Clero populoque somnium evulgat, & JESU in-

nocentiam per submissos internuntios contestatur: Totius Ecclesiæ personam Procula egit, ut docet D. Hilarius, *Et incredulum populum ad fidem ad vocavit, quia ipsa multum sit passa pro eo*. Vix per visum gustavit, sensitque aliquid de Domini passione Mulier, & sic animo roborata est, ut non modò pro Domino staret, sed Maritum & populum Universum ad Christi fidem adducere niteretur.

Si Dalila una fessellit Samsonem, si Bethsabee excordavit Davidem, si Mulieres alienigenæ infatuârunt Salomonem, si Eva depravavit Adamum, considerandæ vicissim sunt feminae quæ Regno integro attulère salutem. Nihil de Debora dicam, quæ erudit periculum Israël, nihil de Esthere, quæ Amarem, Juditha quæ Holofernem, Jahel, quæ Sisaram sustulerunt, sublatisque nefariis capitibus toti Hebræorum populo attulère salutem; Solas Christiani nominis heroinas recogito, per quas facta salus est in regnis Christo felicissimè subactis. Convertit Matildis Germaniam, Ludmilla Bohemiam, Cunegundis Bavariam, Clotildis Galliam, Engelburga Angliam, Margarita Ungariam, Elisabetha Lusitaniam, Vidilina Scotiam, ut brevitate amore cæteras involvam silentio. Acutè de D. Ursula dixit Crombachius, plus illam oratione unâ ad socias habita profecisse, cum easdem ad Martyrium subeundum animaret, quàm D. Petrus oratione geminâ, in quarum altera tria, in altera verò quinque milia convertit, Ursula verò undecies millena capita sub virginitatis Laureola servavit atque ad Martyrii palmam animavit. Plures una Samaritana adduxit ad Christum, quàm ante Spiritus Sancti illapsum Apostoli universi. Andreas enim Petrum, Philippus Nathanaëlem,

S. Hilar.
Canon. 31.

§. 8.
Encomia
Sexus fe-
minæ.

Sylvester
Tricta a-
pud Sur.
& Sylveir.
l. 9. c. 3. q.
14. in E-
vang.

Pp

An-

Andreas & Philippus gentiles aliquot ad Christum adduxit, Samaritana verò Samariam totam. *Peccatrix advenerat*, inquit de ea Ambrosius in 3. Eccli. *revertitur prædicator*. De Phœbe Doctor gentium fatetur: *Commendo vobis Phœben sororem nostram, quæ est in Ministerio Ecclesiæ, ipsa quoque adstitit multis & mihi*. Rom. 16. Ecce doctoris gentium doctrix femina. Aliam idem commendat & plurima donari cupit salute, Mariam nomine, quæ multum laboravit in vobis. Nimirum sicut Abrahamo dictum est: *omnia quæ dixerit tibi Sara, audi vocem ejus*, quia plus hac in re, inquit interpres Hieronymus, sapit femina quam vir, ita hodièque per molliorem hunc sexum viri ad virtutem erudiuntur, pèrque fidelem Mulierem viri infideles sanctificantur. Quod de Magdalena dixit Ambrosius lib. 10. cap. 14. in Lucam *per os mulieris vita reparatur*, id de plurimis repeti ex vero debet: per os Mulieris vita reparatur, pietas instauratur, virtus accenditur, salus obtinetur.

De ornatu sacro tabernaculi & sacerdotum scripsit Moyses: *quid quid ad cultum & ad vestes Sanctas necessarium erat, viri cum mulieribus præbuerunt*. Pagninus legit: *viri post Mulieres venerunt*: Oleaster verò: *femina prius venerunt, deinde viri*, quoniam promptiores semper sunt feminae ad opera pietatis & religionem, quàm viri.

In persona Christi dixit patiens Job: *derelicta sunt tantummodo labia circa dentes meos* c. 19, v. 20. quæ verba aptissimè exponit mellissus Abbas c. 2. de pass. *per labia quæ sunt ceteris membris molliora, mulieris sexus mollis & infirmus designatur, quia solus Christo adhæsit*, atque idcirco promeruit, ut primo mane

tanquam primæ admissionis familiaribus redvivus Salvator resurrectionis suæ gloriam manifestaret. *Sufficit dicere*, ait D. Hieronymus in c. 1. Sophoniæ *primum apparuisse mulieribus, & Apostolorum illas fuisse Apostolas*. Quod Hieronymo hoc & mihi sufficiat dixisse.

Pro Coronide orientem Solem pingo, qui primos radios spargit in montium cacumina, & turrium apices cum Epigraphe: *his primis lux prima videtur*. vident primam Solis surgentis lucem montes & turres. Primam Jesu Resurgentis gloriam vident mulieres, cur? quia eminentissimi virtutum montes sunt. Proverbio dicitur, *Aurora Musis amica*, Musæ fuere (nisi Gratias malis dicere) Maria Magdalene, Muria Jacobi, & Salome, idcirco amicam habent Auroram, ejusque primos excipiunt favores. Israëliticum manna primo manè colligendum fuit: *Manna manè venit*. ut divinæ consolationis Manna piæ mulieres colligant, manè veniunt, oportet enim solem prævenire ad benedictionem: *qui manè vigilant ad me, invenient me*. Arcolæ diversorum florum ad solis ortum sinus suos pandentium eleganti donantur epigraphe: *Soli panduntur amori*. panderunt desideriorum suorum sinus exorienti animorum amorumque Soli beatæ mulieres, quid mirum luce gratiæ & consolationis easdem irradiatas fuisse. Denique gregi avicularum in arbore confidentium, & canoris voculis exorientem solem salutantium lemma adjicio: *manè canunt capiuntque Salutem*. Salutem plurimam resurgenti Soli suo primæ dixerunt mulieres, ideo & salutem primæ receperunt, audieruntque: *avete*. Vigilemus & nos de luce, & cum Regio Psalte manè adstemus & videamus

§. 9.
Emblema.

mus gloriam Divinissimi Solis nostri, manè veniat, & sine occasu maneat
cui Soli honor & gloria, nobis verò benedictio in sæcula.



PROBLEMA XLIX.

Cur serò Apostolis CHRISTUS
apparuerit?

DOMINICA IN ALBIS.

Cum ergo serò esset, die illo venit Iesus.

Joan. 20. v. 19.

S. 1.
Decem
causæ cur
Decadi A-
postolorum
serò Chri-
stus appa-
ruerit.



Ur congregatæ disci-
pulorum decadi Di-
vinus Magister serò
apparuerit, decem
proferri causas posse
video, quarum ulti-
mam pro decumana excepturus
sum. Serò venit ad plectendam
Apostolorum vecordiam, ita Chry-
sostomus. Serò venit, quia paratos &
divinâ præsentia dignos Apostolos
citius non invenit, vel ut virtutem
eorum tentaret, & desideria exacue-
ret, ita Gregorius. Serò venit, ut
non orientem solum, sed & occiden-
tem solem adorandum esse doceret,
ita Ambrosius. Serò venit, ut se
lucem in tenebris ostenderet, &
cœlestes vulnerum suorum carbun-
culos ex obscuro illustrius emican-
tes exhiberet, ita Chrysologus. Se-
rò venit, ut se in vitæ vespera, quan-
do sensuum januæ clauderentur, &
plena timorum erunt omnia, in ju-
diciū venturum insinuaret, ita
Gregorius Nyssenus. Serò venit,
ut qui se Columnam nubis in die
duobus Emauntinis exhibuerat &
ex nube divinissimum manna de-
pluerat (in fractione enim panis

cognoverunt hanc nubem) colum-
nam quoque igneam de nocte A-
postolis suis demonstraret, ita Nazi-
anenus. Serò venit, ut parabolam de vocatis horâ novissimâ in
vineam renovaret, & novissimos
primis, quibus apparuerat, inque
vineam vulnerum ac cordis sui e-
vocaret, pares esse ostenderet, ita
Euthymius. Serò venit, quia sub
seram vitæ vesperam quàm maxi-
mè necessaria, utilis, jucunda ejus-
dem nobis erit præsentia, ita Bernar-
dus. Serò venit, ut seriam hanc ve-
ritatem per Apostolos Ecclesiæ u-
niversæ traderet; non succurrere
DEUM, nec prodigia operari, nisi
cū serò est, & desperata videntur
omnia. Itā iterum Chrysostomus,
celebri illā suā sententia, quæ erit
dictionis hodiernæ Cynosura: *ba-
bet hanc consuetudinem DEUS, ut
succurrat, quando res est ad ultimum
reducta & in casibus desperatis.*

Videtur Salvator noster ad eun-
dem prorsus modum die gloriose
sue anastasis egisse cum discipulis,
quo ante triennium in nuptiis Ca-
næ Galilæe egerat cum Matre. Vi-
num ista nuptialibus pro convivis à

S. 2.
Sic egit
Christus
cum disci-
pulis in
Resurre-
ctione, si-
cut Canæ

P p 2

Filio

cum Ma-
tre. Joann.
2. v. 3. 4.

Filio petierat: *Vinum non habent*, at Filius: *nondum venit hora mea*. Quænam illa Christi hora est, quâ vinum miraculo procuretur? Chrysostomum respondentem audiamus hom. 20. in Joann. Nondum venit hora mea, id est, nondum defecit vinum, sine eos primùm hoc sentire, qui enim necessitatem non præsentit, neque beneficii grandem suscipit sensum. Defecerat vinum consolationis in Apostolis, falsa & amara lacrymarum aqua in potum erat haurienda, quid faciet Christus? num aquam mutabit in vinum? plantum in plausum? luctum in jubilum? Mutabit, nemo dubitet, mutabit, sed non citiùs, quàm sero vespere, horâ diei ultimâ, suprema videlicet urgente necessitate: *Cum ergo serò esset, & portæ clausæ, venit JESUS*. Quid porrò in clausis portis mysterii? Irenæus explicabit, & quidem in ipsissimis hydriis Cananæis. Dixerat supplici Genitrici Filius: *nondum venit hora mea*; quorum vim verborum mox affecta Virgo prudentissima jubet ocyus voluntatem Christi perfici, vacuas impleri aquâ hydrias, manus non in sinum recondi, sed operi admo-vari, hauriri priùs aquam quàm vinum, quia videlicet cooperatio nostra exigitur, nec nisi urgente necessitate miracula patrantur. Audiat D. Irenæus lib. 3. contrahæres. c. 18. Nondum venit hora mea, quâ videlicet miraculum operer; quænam igitur illa gratiarum hora? cum hydriæ erant aquâ plenæ, non quamdiu vacuæ. Constituit enim Pater æternus tunc succurrere etiam miraculosè, quando nostram nos contulerimus cooperationem. Ut aqua tribulationis mutaretur in vinum exultationis, non steterè Apostoli in foro otiosi, non hæserè in ganeis flagitiosi, non discurrerunt per compita curiosi, sed in carnacu-

lo clausi præstolabantur Magistri sui præsentiam, & seclusis aliis omnibus distractionibus suam Divinæ gratiæ impendebant cooperationem, digni proinde ejusdem desideratissimi hospitii frui præsentia, quæ est super mel & omnia. *Habet hanc consuetudinem DEUS, ut succurrat, quando res est ad ultimum redacta, & in casibus desperatis.*

1. Reg. 23. cinctus erat undique David à Saulis exercitu & tantam redactus in angustiam, ut dicat sacer textus: *desperabat se posse evadere*: at ecce in casu desperato mirus succursus Numinis? veredarius enim in castris adest regiis, & Sauli nuntiat: *festina & veni, quoniam insuderunt se Philistin super terram*. Ex quo tempore tantam in DEUM fiduciam concepit David, ut dixerit Ps. 26. v. 3. *si consistant ad versus me castra, non timebit cor meum, si exurgat ad versus me praelium, in hoc ego sperabo*. quasi dicat, in hoc ipso supremo periculo sperabo, quia ibi mihi præstò erit DEi auxilium, ubi summum aderit periculum, ait Fernandez. S. Cyprianus verò: *in ipso magis bello spes nostra consistit*, quia hoc est proprium Divinitatis succurrere in casibus desperatis. Viro mulierem adjungo Agarem, de qua Gen. 21. v. 16. legere est, extingvendus siti erat parvulus Ismaël, quem Mater ad jactum sagittæ abjiciens, levavit vocem & flevit: *non videbo morientem puerum*. & mox subjungitur: *exaudivit autem DEUS vocem pueri*. Videte hic humanorum inconstantiam affectuum, & servilium genium ingeniorum. Agar Mater erat, & Ancilla erat. Si Ancilla cur ultimum Domini sui filio exhibere famulatatum recusat? si Mater, cur unicum uteri sui non excipit sinu, non stringit amplexu, non fovet halitu, non recreat obtutu? quis ergo fatalem morienti parvulo ab-

S. 3.
David ex-
perientiâ
doctus in
gravissi-
mis neces-
sitatibus
firmisime
sperat. Si-
militer A-
gar.

absterget sudorem, quis siccabit lacrymas, quis supremum excipiet halitum, quis mortuo claudet lumina? Nimirum Agar ex ancilla Mater erat, ideoque nec Mater nec Ancilla, & genium Mundi ad vivum representabat, qui nec usque ad arborem, an aram mortis solet esse amicus; ubi maximè assistendum, deserit, & nè verbulo quidem solatium aspergere curat. Quod verò ad propositum meum præcipuè facit, est, quòd dicat scriptura: *exaudivit Dominus vocem pueri*, & tamen puer non legitur clamasse & flevisse, sed agonizasse. Mater levavit vocem & flevit, non Ismaël. Nimirum præ Matre clamabat extrema parvuli miseria; ita erat desertus, ut dici potuerit: *desperatum est*: Sic ergo derelicto succurrit DEUS, dicam ego locò tui, mi Parvule, quod postea scripsit David Ps. 26. v. 16. quoniam Pater meus, & Mater mea, Abraham & Agar, dereliquerunt me, Dominus autem assumpsit me. *Habet hanc consuetudinem DEUS*, quando res est ad ultimum redacta, succurrit.

S. 4.
Moyfes
theoricè
practicè
que doctò
est DEUS
non nisi in
rebus de-
speratis
succurre-
re.

Exodic. & v. 4. projicit Moyfes Virgam suam in terram, & ecce vertitur in serpentem, territus Moyfes fugam circumspicit, sed DEUS jubet stare & impavidum esse, imò & apprehendere: *extende manum tuam & apprehende caudam ejus*. Cur non caput, aut medium, sed caudam? Baëza, l. 2. de David. §. 9. ait per caudam intelligi in scriptura tentationes fortiores & periculosiores, unde Ap. 12. dicitur: *cauda ejus traherat partem tertiam stellarum*. Hoc itaque ænigma fuit divinæ Providentiæ, quòd opem allatura non esset in principio seu capite, non in medio, sed in fine, quia *habet hanc consuetudinem DEUS, ut succurrat, quando res est ad ultimum redacta, & in casibus desperatis*.

Quod ipsum expertus est Moyfes, cum instaret à tergo Pharaon, oberraret ante oculos desertum (erat hoc hæere plusquam inter sacrum & saxum) jamque desperata viderentur omnia, eò quòd dies appropinquaret, cum hætenus nox turbaverit conceptus Pharaonis: *Jam advenerat vigilia matutina, quando ecce respiciens Dominus supra castra Ægyptiorum per columnam ignis & nubis interfecit exercitum eorum*. Exodi 14. c. & v. observo in singulis partibus mysterium: *jam advenerat vigilia matutina*. Nox in quatuor vigiliis dividebatur, vigilia in tres horas, ut habet S. Augustinus in Serm. Sabbati ante Dominicam in Albis. Vigilia proinde matutina erat diluculum diei: *ecce respiciens præcessit quodammodo Dominus satis securum sciens populum, dummodo sequeretur, respexit autem per columnam, ut exploraret populi constantiam, utrùm columnæ sint ignis in amore, nubis in obediendi facilitate. interfecit exercitum, omnem simul hostilium copiarum numerum, ut vidit, terrefecit, perdidit, triumphavit*. Cur primò succurrit, dum Sol illuxit & dies populo Israëlítico supremus non tam oriri, quàm ad interitum occidere videbatur? quia in mundi oculo, suam DEUS inconnivem objicere voluit potentiam & providentiam, quæ tunc adesse gaudet, *quando res est ad ultimum redacta*. Apprehende nunc itaque virgam tuam, tempus est ô Moyfes, sed ubi? in fine; quia *habet hanc consuetudinem DEUS, ut succurrat in casibus desperatis*. expertus eandem supremi Numinis providentiam Moyfes est, quando cum fratre Aarone propter populi rebellis tumultum fugere coactus asyllum aliud non habuit, quàm Divinum tabernaculum, huc se recipit: *& apparuit gloria Domini*. Num.

16. v. 44. Cur non apparuit extra tabernaculum, imò in hoc ipso tabernaculo nunquam aliàs, nisi jam? respondet Origenes, nunquam majus vitæ periculum Moyfi incubuisse: *ut discamus, quòd imminetibus periculis sit ipse propugnator servus suis.* Origenes hom. 9. in Num.

§. 5.
Idem ex-
pertus est
Daniel.

Excamus è deserto, ubi cubile ferarum & Augustale leonum est, transeamusque ad locum desertissimum & quidem in angustiis septem leonum. Danielem in lacu Babylone spectemus. jam sexto die hæret innocens ab ungibus quidem famentium bestiarum immunis, ab interna tamen famis domesticæ furia non eximius. Erat ibi diebus sex, quando clamabat Habacuc: *Daniel serve DEI, tolle prandium, quod misit tibi Dominus.* Daniel. 14. v. 30. vidn? sextiduo torquetur inediâ. Cur tam diu maceras innocentem DEus misericordissime? Adverto, causam, nempe sequeris consuetudinem tuam antiquam, ut succurris quando res est ad ultimum redacta, & in casibus desperatis. Hippocratis doctrina est, hominem sanum & bene dispositum posse ad septem dies absque cibo producere vitam, vix ultra. Ultra verò dies septem, si abundet viscoso phlegmate, & calore nativo deficiat (unde & septimo die vocavit Moysen Dominus de medio caliginis. Exod. 24. v. 1. quia nisi septimo illum die Dominus vocasset, natura hominis in semetipsa residens in brevi penitus aruisset, ait Rupertus Abbas) expectat enim De-

us donec res ad ultimum redigatur. Et vide sis, quomodo illi afferatur cibus: *Apprehendit Habacuc Angelus Domini in vertice ejus, & portavit eum capillo capitis sui.* v. 35. quomodo per milliaria trecenta è Judæa in Babylonem solo portavit capillo, quo nihil debilius? lacere- tur capillus, ubi jacebit cum sua olula miser Habacuc? gratis erunt omnia. Advertit mysterium Baëza inquis: docere vult DEus, etsi res nostræ ita sint desperatæ, ut à capillo pendeant, debemus nos tamen DEO committere & illud Habacuc. 2. v. 3. altè cordi imprimere. *Si moram fecerit expecta eum, quia veniet, & non tardabit.*

Omitto Abrahamum ab immolando Isaac non citius liberatum, quàm cum res ad extremum redacta. Omitto Susannam, quæ auxilium prius non invenit, quàm educeretur ad mortem; videbatur Deus oculos claudere, nè videret innocentiam, obturare aures, nè audiret gemitus, donec esset conclamatum, jamque parati lapides. Omitto Juditham, quæ in supremo discrimine exiit, & extremo si non vitæ, certè pudicitiae se periculo commisit. Quibus singulis solenne illud lemma apposueris: *Serò licet veniat, non mihi serò venit.* Compensat DEus beneficiorum magnitudine tantillas moras, eoque graviores muneribus manus affert, quòd graviores ad succurrendum visus est habuisse pedes; sicut enim de DEO vindice canitur:

*Ad scelerum pœnas venit ultrix ira Tonantis,
Hoc graviore manu, quòd graviore pede.*

Ita de DEO benefico repeti debet:

*Donat opes, & præstat opem benefactor Jesus,
Hoc graviore manu, quòd graviore pede.*

Fin-

Emblema.

Fingamus in emblemate Morum arborem, quæ serò fructus profert, sed: *compensat dulcedo moras*. Vel imbri ferotino adscribamus: *gratior est cum serus adest*. Vel ex Augusti Symbolo Delphinum testudini insistentem accipiamus: *fluat lentè*. Ad alteram dictionis partem festino, & DEUM sine necessitate miracula non facere ostendo.

§. 6.

Cur Christus à Jairo fidem prærequirat.

Jacob mittens filios in Ægyptum pro frumento, non habuit satis bene precari illis & divinæ committere providentiæ, Gen. 43. v. 14. *DEUS autem meus faciat eum vobis placabilem* (Proregem Ægypti:) sed & munera, pecuniâque duplicem ferre unâ jussit, ut doceret, inquit Oleaster, faciendum, quod in vobis est, postea ad preces recurrendum. Archisynagogus Jairus filiam audierat in extremis esse positam eo ipso tempore, quo Christo supplex factus fuerat, ut moribundam sospicaret, cui Christus; *Noli timere, crede tantum & salva erit*. Luc. 8. v. 50. cur non dicit absolute: *Salva erit*, sed fidem insuper requirit? imò cur fidem illi miraculose non infundit, sed vult, ut conatu proprio eliciat, quam potest, fiduciam? Respondet Abulenſis, quia volebat miraculose statim operari: *hoc est generale, quod, quidquid humanitus per Christum fieri poterat, nunquam divinitus faciebat*. q. 113. in cap. 9. Matth.

§. 7.

Angeli in scala absque ala erant quo mysterio?

Gen. 28. v. 12. Vidit Jacob in Somnis scalam stantem super terram & cacumen ejus tangens Cælum, Angelos quoque ascendentes & descendentes per scalam, quæritur, utrum Angeli illi alas habuerint? Respondet Alcazar in c. 4. Apoc. v. 1. non habuisse; siquidem apposta fuit scala, cui DEUS adhærebat, ut Angeli ascenderent atque descenderent. Otiosæ fuissent alæ, siquidem alius fuit ascensus, scalarum videlicet ita firmatarum adminicu-

lum, ut DEUS ipse sustentârît, nimirum cum medijs naturalibus fieri quid potest, miracula non expectentur. Necesse erat sustentari à Christo plura hominum millia, nè fame perirent, ad quod prodigium non fuit facilis & velox JESUS, sed ut bene à Marco notatum est, extorqueri quodammodo sibi passus est multiplicationem panis prodigiosam; primò propter copiam, erant enim solorum virorum, exceptis mulieribus & parvulis *quasi quatuor millia*; secundò propter loci distantiam, *quidam ex eis de longè venerunt*; tertio propter patientiam *triduo sustinent me*; quarto propter præsens periculum: *Si dimiserò, deficient in via*; quintò, & præcipue quòd ipse Angelorum panis præsens adesset: *cum multa turba esset cum JESU*, dedecus enim & ignominia Christo videri poterat, cibos deesse, ubi ipse aderat; Et quot opus & quantis ut Christo persvadeatur miraculum! *Et nunc nisi periculum ex ciborum penuria fuisset, neutiquam fecisset miraculum*, inquit Theophylactus.

De pane miraculose multiplicato cum memini, manna occurrit, panum, ut sic dicam Imperator. Describens sacer historicus profusam DEI in populum Israëliticum beneficentiam in subministrato illo miraculoso pane, qui ab admiratione nomen habet: *Manbu?* addit diligenter temporis diuturnitatem, per quodè penu cœlesti dispensatus hic cibus fuit. Exodi. 16. v. 35. *Filii autem Israël comederunt Manna quadraginta annis, dum venirent in terram habitabilem*. Hoc cibo aliti sunt, usquequo tangerent fines terræ Chanaam. O quam providè dedit DEUS, quàm prudenter descripsit Moyses cœlestem alimentatio-

§. 8.

Manna non nisi in extremo defecit datum.

ringerent, tunc enim deficiebat titulus Mensæ, & defuit ipsa Mensa. *Ostendit locus iste, inquit Oleaster, non esse querendam à Domino provisionem, cum nobis possumus providere, quemadmodum Judeis Deus non providit, postquam terram habitabilem sunt ingressi.* Notent hoc illusi, & illusæ, quotquot dies pæne totos in templo exigunt, & millies repetunt: *panem nostrum quotidianum da, dabit omnino, sed vestrum panem dabit, quem vos labore manuum vestrarum procurare studebitis; dabit omnino, sed si præcedentem petitionem observaveritis: fiat voluntas tua sicut in cælo.* Voluntas Dei est, ut laboretis, sicut in cælo otiosus nemo est, sed totus totaliter occupatus in eo, quod statui suo congruit, ita & vos labore impigro decet esse occupatos. Non expectemus miraculo, quod nostro consequi possumus studio.

§. 9.
Cur non
Corvus si-
cut colum-
ba ad ar-
cam Noë
readmiffus.

Exploratore egebat Noë, ut recognosceret, utrum aquæ diluvii subsiderint, in quod munus aptissimum censuit esse corvum, quem non terrentur cadavera, non tardarent undæ, & quoties rediret bonam spem nuntiaret, si non hodie, cras certe fore tempus ex carcere prodeundi in apricum, vel ideo fortasse corvum misit, ut si periret non multum perderetur in corvo inutili. Vola ergo sive malo, sive bono omine corve, sed revertere: *qui egrediebatur, & non revertebatur.* Gen. 8. v. 7. in textu Hebræo est: *qui egressus est egrediendo & non redeundo.* quasi circa arcam obvolitasset, & reditis viam frustra inquisivisset. Post corvum albicans emittitur columbula, sed hæc paulo post amicam repetit hospitium, & ab hospite faventer excipitur: *Noë extendit manum & apprehensam*

intulit in arcam. ibid. v. 9. O Patriarcha sancte, an non ista est partialitas? cur minus benevolentia ostendis corvo quam columbæ? putabam quod *vexet censura columbas*, de te dicemus: columbis dat veniam, vexat corvos censura Noëmi. Corvum oppositâ velut manu repellis, num peccavit in arca, ut dimissionem meruerit? an non præter morem & naturam pacificus fuit? imò quia pacificus fuit, & bene se gessit, hanc expatiationem merebatur, invenit enim foris liberalissimum pastum, ò quam illi bene est! à decem amplius mensibus mensam similem non habuit; maneat ergo corvus, vescatur cadaveribus, bene illi provisum foris, non indiget convictu in Arca; columba redeat, quæ nec habet, ubi requiescat pes, nec unde satiatur ventriculus. *Hæc figura, inquit Oleaster, admonet eos, qui suo labore vivere possunt, non expectare alterius provisionem.* Dignum laude facinus & jure plenum, quod corvum Noë non admiserit, quia suam alibi annonam quarere poterat; admiserit columbam, quæ si excluderetur, fame erat absque sua culpa interitura. Sic vituperium non merentur illi, qui eleemosynam robustis quibusdam mendicis negant, si quidem hi possent, si vellent, laboribus panem mercari. Sic Deus agit nobiscum, necessaria vitæ non subministrat, si ipsi nobis parare possimus, miracula tunc patrat, quando naturæ deficit facultas.

Columbæ jungam oviculum parabolicam illam, de qua verus Noë, bonus pastor disseruit Luc. 15. v. 5. Balat in solitudine pœnitens: *erravi sicut ovis, quæ periit, quere servum tuum.* Pl. 118. v. ult. audit vocem sollicitus pastor, accurrit, am-

§. 10.
Pro ovicu-
lo errante
currit, non
pro filio
prodigo.

amplectitur utriusque uulnis: *Scdm invenerit eam, imponit in humeros suos gaudens.* Relinquamus oviculam in humeris, & ad caulam, ad nonaginta novem ovium gregem deportari gaudeamus, nos interim ad haram non gravemur expatiari, ubi nobilis cujusdam & prædivitis Domini filius subulcum agit, & suum potiùs (sit verbo venia:) agere optaret, ac de filiquis saturare ventrem inediâ tantum non corrugatum; sed nec filiquis vesci licet. Jacet infelix juvenis non stomacho magis quàm conscientia pressus in terra, & considerat, quàm bene interim agatur in domo paterna, ubi lautissimè omnia. Quid? ego nobilis hæres, licet ex hæreditari dignus; ego filius, licet degener; ego ad dominandum natus, licet jam servis deterior, si filius esse non possum, mercenarius ero: si porcos pascere debeo, pascam non aliùs, quàm Patris mei: si flagellari mereor, flagellari ultro sed à manu paterna supplex expetam: *Surgam, ibo.* Surgit, vadit, & idcirco citius est in oculis patris, pater in occurfu, & paulò post in amplexu filii. Sciscitari hic libet, cur pastor ultro iverit pro ove, Pater non iverit pro filio? clamat pastor: ovis mea ubi es? non clamat Pater: fili ubi es? non expectet filius, ut pro ipso in regionem longinquam vadat Pater, si vult redire, redeat; faciat, quod vult. Econtra non dicit Pastor: expectet ovis, sed: citò ibo, periculum in mora est, nonaginta novem lubens deferum, ah cito! cito.

Quæ ista affectuum diversitas? an non qui Pastor, idem Pater est? Pater misericordiarum! ita est, verum docet nos DEus, quòd sese accommodet rebus & temporibus, Ovicula semel erronea nescit repe-

tere focium agmen, scit viam relegere filius; ovicula quò longius pergit, magis se involvit, nec nisi balatu miserabili se juvare novit, quò tamen irritat lupum; filius habet ingenium, etsi amiserit ingenuitatem, scit quomodo, ubi, quando recuperari gratia paterna possit; veniat ultro, fateatur errorem ingenuè, aperiat os, petat veniam, confiteatur petulantiam, & miserebor ejus, apprimamque cordi meo caput ejus. Habes hic DEI morem vivaciter expressum: opitulatur ille quidem necessitati, misereatur calamitati; at fovere focordiam nec vult, nec solet.

Adolescenti, qui mortuus erat & revixit, afsociemus adolescentulam filiam Jairi, cujus suprà meminimus. Ingressus conclave Dominus, in quo patrare constituerat miraculum: *tenuit manum ejus, & surrexit puella* Matth. 9. v. 25. Sed nè quis illusionem interpretaretur, *dixit dari illi manducare.* Marc. 5. v. 43. Quærit Abulensis, cur pro comitate & clementia sua Dominus, qui vitam dedit, etiam cibum non porrexerit? cur qui manum tenuit, delicatum bolum in os non ingesserit? cur, majus, qui tribuit, minus non conferat? Responsum in promptu est. q. 109. *CHRISTUS facere volebat ea, quæ nemo alius poterat, quæ autem per alios fieri poterant, facere nolbat.* Scivit hunc DEI genium David, qui ut fugeret furorem Saulis, ad Achis Regem confugit, ut verò in asylo ab aulicis non pateretur, *immutavit os suum coram eis, & collabebatur inter manus eorum, & impingebat in ostia portæ, desuebantque salivæ ejus in barbam.* 1. Reg. 21. v. 31. non rogavit David Dominum, ut hostes excæcasset, ut ab Angelo transportaretur,

S. II.
Resuscitatus Jairi filius Christus ipse met patrem non porrigit

S. 12.
David miraculum non petiit, cum humana suscitavit industria. Ita & tres Reges

vel alio modo liberaretur; eò quòd non dederit ei DEUS confidentiam ad ista inquit Abulensis q. 19. non speravit David miraculum, cùm suà evadere posset industrià.

Ibat trias regia cum fortunata stella ad salutandum Regem Regum, jamque Solymæ portus proxima erat, cùm ecce stella disparuit, & optimo maximòque solatio peregrinos destituit. Quid facient Reges sinè stella, hoc est sinè duce, sinè luce, sinè præsidio? quia Magi seu prudentes sunt, consilium captant ex arena, succedunt in urbem, invsunt regiam, percunctantur: *ubi est, qui natus est Rex Judæorum?* & nè videatur levicula esse quæstio, ac suspensa, adjungunt: *vidimus stellam ejus.* Matth. 2. Quærunt interpretes: utrùm stella subtrahita illis fuerit in poenam, quòd terrenum consilium auxiliùmque postulaturi Solymam intraverint? an verò in insignem documentum, quòd Deus non regat homines per se, quando regere potest per alios homines, id quòd verisimilius esse censeo; siquidem non motu proprio, sed ductrice stellâ urbem adierunt; adeòque nulla ex parte ipsorum culpa intercedere potuit. Abstulit DEUS prævium ducem, ut cogerentur ire ad clarissimos legisperitos, quos ad manum habebant. Nimirum miracula sinè necessitate DEUS non facit.

§. 13.
Ad patranda
dum sinè
necessitate
miraculum
solicitat
Christum
Dæmon.

Ubi humana desunt, divina succurrunt, inquit Petrus Chrysologus Serm. 156. Exploraturus tentator Christum, utrùm reverà esset filius Dei, hoc optimum rescindi medium arbitratu est, si induceret Christum ad petendum à DEO miraculum sinè necessitate; ideò panes obtulit, ideò præcipitum svasit, tentavit Christum, ut Christus

tentaret Patrem, sed non successit sua fraus impostori, elisa est illo acroamate: *Scriptum est, non tentabis Dominum DEUM tuum.* Matth. 4. Miraculum sinè necessitate petere, tentare est.

Elisæus rogatus à Vidua, ut filium revocaret in vitam, nè hospitæ suæ unicam denegaret gratiam, consensit quidem, sed quot ceremoniis adhibitis! quas inter non posrema fuit illa, quòd pumilioni incubuerit, dum frigida cadaveris membra incaluisent: *incurritur se super puerum, & calefacta est caro pueri.* 4. Reg. 4. v. 34. cur calefacit carnem pueri? respondebit Abulensis, quia anima non potest operari aliquid sinè calore. Verùm non acquiesco. Vitam puero non erat daturus Propheta, sed DEUS, cur ergo præsumit dare calorem? an putat DEum resuscitare non posse, nisi Elisæus concurrat? absit hoc Elisæum de DEO, nos de Elisæo suspicari. Scivit Elisæus, quòd DEUS nos non agrè in partem miraculorum admittat, neque dedignetur in eo adjuvari à nobis, quod possumus. Præstitit Vates, quod poterat, DEO, quod reliquum erat, commisit.

§. 14.
Nec Elisæus
puerum
resuscitat,
nisi incurritur
se super
cadaverem
puerum;
nec protoparentes
à DEO
vestiuntur,
nisi ipsi
prius se
vestiant.

Pudendam nuditatem suam ferre non valentes protoparentes *consuerunt folia ficul, & fecerunt sibi perizomata* Gen. 3. v. 7. quæ tamen DEUS permutavit in tunicas pelliceas, quibus eos induit. ibid. v. 21. Cur prius illos non vestit DEUS, quam semetipsos vestirent? respondet magnus Tostatus: *ut daretur locus humanæ prudentiæ & ingenio, ut homo faceret aliquid à se ipso, non venit DEUS statim.* q. 199. in c. 3. Gen. Vult itaque DEUS, ut homo faciat, quòd potest, quod non potest homo, faciet etiam miraculose

§. 15.
Non vestit
protoparentes
DEUS, nisi
ipsi se prius
vestiant.

Iosè DEUS. Congregentur itaque Apostoli, expectent, reexpectent, clament, non cessent, sperent, suspirant, non desperent, quod possunt, agant, actum non agent, aderit, licet serò, aderit tamen, & longè certius stabit in eorum medio, quàm ego steterim in hac cathedra, è qua priusquam excedam, dicam aliquid in excessu. *Ego dixi in excessu meo: projectus sum à facie oculorum tuorum.* Pl. 30. v. 23. in Hebræo: *ego enim in desperatione mea dixeram: projectus sum.* quid sequitur? *ideo*

exaudisti vocem orationis meæ dum clamarem ad te. Cùm desperata erant omnia, omnisque ab homine impensa industria, exaudiet & succurret DEUS, veniet & stabit in medio tanquam Mediator, imò centrum votorum nostrorum.

JESUS, quo in centro con-
quiescamus.



PROBLEMA L.

Quod certissimum Reprobationis
signum?

DOMINICA II. POST PASCHA.

Cognosco meas & cognoscunt me meæ.
Joan. Io. v. 14.

§. 1.
Sex hirci
Symboli-
ci, sive sex
reprobationis si-
gna.



Habet Bonus Pastor in ovili suo Oves, habet & hædos, eâ naturâ præditos utrosque, ut & hædi in agnos, & hi in hædos facile possint transformari. Nescit homo, ovis an hædus DEO sit, quia nescit utrum amore an odio dignus. Ovem te putas, hircum te fortè Deus novit S. Augustinus l. de ovibus c. 10. qualem te inveniet supremus vitæ dies & hora, talem te exhibebit novissimus mundi dies & æternitas tota, agnum à boni Pastoris dex-

tris, vel hircum à sinistris. Atque ut de solis agam reprobis, horum est ypon in emblemate propono, in quo hircum effigio pronum ad rixas & confiscandum: *suscitat iras*, talis Cain, Esau, Saul, Aman & reprobi omnes ad jurgia proni. Hircum alium ab occulta pingvedine suffocatum obycio: *obfunt, quæ prodesse putantur.* talis Epulo Evangelicus Luc. 16. Inde hircus rarò oculos, rariùs vocem extollens in altum, sed humi potiùs affigens: *documenta damus.* talis latro à sinistris, qui si vel unicum balâisset *Memento*, hædis

Q q 2

ad-

adnumeratus non fuisset. Illinc hircus inter olera: *præclarum culeodem olerum!* talis Judas & omnes rerum alienarum iniqui possessores. isthinc hircum effigio, cujus cornibus corvus infidet, & corvinum sumum *cras cras* ingeminat: *nocuit differre paratis.* talis Pharaos & quotquot poenitentiam procrastinant juxta illud D. Isidori: indies poenitentiam differre, signum manifestum reprobationis est. Denique hircum fingo, qui sepem facile transilit, & obvia arrodit arbusta: *hæc prima voluptas.* tales Susannæ senes, omnesque reprobi, qui divinorum septa mandatorum per iocum transiliunt, & quibusque mortalibus libenter damnum inferunt. reprobationis signum mihi certum videtur, inquit Granatensis, facilitas lethaliter peccandi sine doloris sensu. Sunt hæc quidem signa si non certa, certe probabilia, non tamen certissima. & quodnam certissimum omnium? novissimâ dictionis hodiernæ parte ex eruditissimo Hieronymo Lanuza proferam, attendite.

Dura cogitatio, quæ ante annos bis mille sexcentos & supra somnum Davidi excussit, hanc quoque noctem infomnem mihi fecit; *vigilias anticipaverunt oculi mei, turbatus sum & non sum locutus* Ps. 76. v. 5. seu ut habet Felix; *deliquimus animi passus sum*: Siquis infomni hujus causam vult, dicam: *cogita vi dies antiquos & annos æternos in mente habui. nunquid in æternum projicies DEUS?* cogitavi, quid antiquus dierum ab æterno de me cogitaverit, & quid de me statuerit pro tota, quæ hoc breve tempus consequetur, immensa æternitate, amabitne an odio habebit, coronabit an flagellabit? vas ero in honorem, an vas in contumeliam? o-

vis an hircus? misericordiam mecum faciet, an justum iudicium? ò Domine in quo libro sum, atro an albo? si quis solari Davidem volet, dicat ei: nè timeas ò Rex, extraordinariis à DEo favoribus ditatus es, illustris plurimis victoriis, spiritu prophetiæ ornatus, & novis indies ad miraculum ornaris gratiis, ergò prædestinatus es. mitis es in pauperes, profusus in eleemosynas, parcis inimicis, Zelas gloriam novæ domûs DEI, ergò prædestinatus. & visitat te DEUS continuo novis novisque crucibus, infirmitatibus, adversitatibus, ergò prædestinatus es. an non bene? ita quidem nos, sed aliter judicant viri DEI. ipsi favores & gratiæ nimis suspectæ mihi sunt. timuit Abraham post victoriam, ut DEI opus habuerit solatio Gen. 15. *Noli timere Abraham, ego sum merces tua magna nimis.* quid timuit? nè in hoc accepisset totam mercedem iustitiæ à Domino, ait Lyranus. nimis gratiarum excellentiis Angelorum primas donatus fuit, & prædestinatus non fuit. Balaam propheta fuit & prædestinatus non fuit; Saul inter prophetas, Saul victoriarum plenus, Saul multo tempore innocentissimus, & prædestinatus non fuit; imò ipsa gratiarum copia, timere nos faciat, nè jam receiverimus mercedem. ignovit fratri suo Esau & reprobus fuit; gentiles plerumque eleemosynarii majores sunt, quàm populus DEI, nunquid ideo electi? recipiunt in hac vita centuplum, non vitam æternam. nec cruces temporaneæ securum me sempiternæ quietis faciunt. flagellatus fuit Pharaos, & hic reprobus; nunquam sine pœna Cain, & hic reprobus; non pati, sed bene pati beatum est, non bene vivere, sed in bono perseverare Sanctorum est; quis scit qualem me hora ultima inveniet? DEus scit utrum finali me

§. 2.
David de
sua præde-
stinatione
solicitus.

lime gratiâ & coronâ immortalitatis dignabitur.

§. 3.
Deus inter fratres dividit.
Matth. 24.
v. 40. Luc.
17. v. 34.

Omnem voluptatem amâricat, omnem consolationem aufert hæc sollicitudo: *Súmme ex electis? consolatio abscondita est ab oculis meis, quia ipse dividet inter fratres* Of. 13. v. 14. non omnes qui in eadem religione & domo sunt, ad eandem mensam sunt, in eodem lecto sunt, in uno amplexu, & ut sic dicam, cor unum & anima una sunt, ad amores æternos, electi sunt. clara est Christi sententia: *erunt duo in lecto, agro, lecto uno, unus assumetur, & alter relinquetur.* inter fratres dividet. fratres erant David & Jonathas, cor unum; David assumtus est, hoc scio: ubi Jonathas? nescio. Si dæmon ille fuit, qui *Samuelis umbram* ab inferis retulit & dixit: *cras mecum eris tu & filii tui*, quam timeo, nè dulcis Jonathas sit in amaritudine sempiterna. Duo fratres Abel & Cain, Nathan & Absalon, assumuntur Abel, Nathan, relinquuntur Cain, Absalon. inter maritum & uxorem dividet, Estherem assumet, Assuerum relinquet, Saram assumet, septem maritos dæmoniis permittet. inter patrem & filium dividet, Samuelem patrem assumet, filium Abiam relinquet, filium Abrahamum assumet, Thare patrem relinquet. consolatio abscondita est, etsi assumtus sis, quia prædestinatio cum sit mysterium liberrimum naturæque omni superius, omnium effectuum tam naturalium quam supernaturalium principium, decet illud esse secretum, hæc sunt regalia Regis seculorum.

§. 4.
Varia alia
Reprobationis
indicia.

Sunt nihilominus indicia quædam in ore & opere, quæ conjecturam aliquam faciunt, utrùm non sis unus ex præcitis adpœnam. Petrum esse Christi discipulum agnovit ancilla & militum cohors ex vo-

ce. bis interrogatus infelix discipulus, utrùm reverà discipulus sit, respondit primum: nescio quid dicis, respondit secundo: non sum. verùm tertio requisitus: verè tu ex illis es; nam & loquela tua manifestum te facit, tunc cœpit jurare & anathematizare. quæritur quænam illa loquela fuerit, ex qua agnosci potuit pro Jesu discipulo? respondetur communiter, quòd Galilæi habuerint diversum accentum à Solymæis. verùm si hæc ratio subsistit, debuissent plerique Herodis aulici & milleni Judæorum esse suspecti, fuit enim Galilæa regio latissima, Christo tamen adò inimica, ut pauculis exceptis plerosque omnes habuerit nomini suo infensos. ingeniosius observârunt alii, ideo Petrum ex loquela agnitum, quia stylus loquendi in s. hola Christi erat ex præcepto Domini Matth. 5. est est, non non. non licebat jurare, nè dicam anathematizare. Petrus itaque bis responderat more Apostolico simpliciter absque juramento, ex quo suspicati sunt milites reverà hunc esse discipulorum numero, at verò quando jurare & imprecari non erubuit, omni se purgavit suspicione, quòd non sit Christi, non sit ex electis. Loquere juvenis ut te videam, & utrùm præcitus adpœnam sis, intelligam. si tertium quoque verbum tuum est blasphemia, imprecatio, periurium; semper in ore diabolus, & abusiva vox Sacramentorum, vereor nè sis ex præcitis ad damnationem.

Ex voce quoque Judam liquet esse Christi hostem & reprobum. Asseveraverat Dominus tradendum se ab uno convivarum, ab intimo favorita, à cliente singularibus beneficiis ornato. Amen dico vobis, quia unus vestrum me traditurus est. audire hæc undecim, & nullus omnium fuit, qui sibi non timeret, &

singularem animo conciperet merorem : contristati valde cœperunt singuli dicere : nunquid ego sum Domine. quid ad ista Judas? tacet, dissimulat, contemnit. nimis mollia & amorosa sunt illa Christi verba, dum Judæ pectus nihil commovent. attolle mi Christe vocem fortius, comminare damnationis fulmen vehementius, quid valet loquatur Judas, non virtutis amore, sed formidine pœnæ. Heus Judas, ecce loquitur voce severâ Christus: vae Homini illi, per quem filius Hominis tradetur, bonum erat ei, si natus non fuisset homo ille. Heu, eheu! vae tibi Juda ad pœnam præscitus es, fulminatus es, taces? non potest tacere amplius proditor, minas audit, baculum vidit, vocem mox reddidit: nunquid ego sum Rabbi? qui tacuit ad culpam, non tacuit ad pœnam, reliqui auditâ culpâ turbati sunt, quia diligebant Jesum, & idcirco offensam horrebant. at verò Judas non offensam curat sed pœnam, sicut omnes reprobi solent, qui peccare metuunt, quia infernum horrent, peccaturi liberaliter, si carcer, si compedes, si equuleus, si infelix æternitas non foret.

Ex Judæ voce veniamus ad ejusdem manum seu operationem. extendit ille manum in par opsidem, & quidem eo ipso tempore, quo Christus suam. Hoc hoc est publicum reprobationis signum, hæc nota scelesti, extendere manum ad alienum discum, invadere jus alterius, immiscere se negotiis alienis electorum non est. qui mittet mecum manum in peropside, hic me tradet. tradit Christum, qui ad alienam pecuniam, conjugem, famam extendit non dico manum, sed vel digittum. Disce ex hoc disco tanquam tripode discernere electum à reprobo. Huc spectat quod re-

probis proprium sit hoc judicium, omnia mihi conveniunt, omnia licent. primò omnium lavit pedes Christus, cui? Petro? non Petro, sed proditori, ut asserunt Chrysostomus, Euthymius, Origenes, non recusavit impudens Judas obsequium, libenter admisit famulatum tanquam sibi debitum. Considera Petri Humilitatem & Judæ impudentiam, inquit Joannes Cluniac. Ser. 54. velle sibi arrogare aliorum obsequia non tantum fortunas & jura, est, ex electis esse nolle. accedit, quòd in reprobis actum agatur, quidquid obsequiorum illis impenditur: vides Christum ad pedes Judæ, quàm humiliter, quàm reverenter, quàm amanter! sed nihil profecit. flectit Christus ad pedes nebulonis, & tacitè ad os loquitur, flexis genibus orat sibi fieri hanc gratiam à Juda, ut pedes suos à via perditionis retrahat, ab inferni recto itinere, dum tempus est, reflectat, nihil proficit. Lavat Christus pedes Judæ non tantum aqua sed & lacrymis calentissimis, Te per has lacrymas ego obsecro, parce tibi misere animæ tuæ. Ut te à via retineam, cursum impediam, cursum sufflaminem, stringo manibus meis pedes tuos. non moveberis? Jam tuos tergo pedes. & pectus illis meum applico, & charitatis igne eosdem calefaciam & inflammem, nè infernum versùs moveri possint. & moventur adhuc? lavo manus meas in eadem aqua, in qua tuos lavī pedes, & pronuntio: innocens ego sum in sanguine injusti hujus. tu Juda videris, perditio tua ex te tantummodo, quare noluisti, quare animum seriò non applicuisti. Hic est eritque damnandorum mos, ut saltent, rideant, & dicant, quod innocenter dixit P. Franciscus Regis adhuc puerulus ponè matrem saltans: mater ego ero unus ex dam-

na-

natis. Verùm cum maturo id re-
tulisset Mater, cecidit in deliquium
Franciscus & ostendit se non è re-
probis, sed unum ex electis, qui non
pueriliter sed seriò apprehendunt
ipsas etiam umbras ruinæ.

§. 5.
Certissi-
mum re-
probatio-
nis indici-
um, mala
conscien-
tia. ex.
Lanu z.
homil. 37.
§. 21.

Lanuza Concionatorum inge-
niosissimus nullum certius signum
præcitorum esse probat, propriâ
conscientiâ. infernum portatilem
secum fertreprobis, & malè tor-
quetur prius, quàm torqueatur.
Hoc nimirum est, quod David Psal.
54. v. 16. imprecatur: *descendant in
infernum viuentes*. Vidit Joannes
Ap. 1. v. 8. equum infirmum, palli-
dum, exhaustum, cujus insector vo-
catur Mors, sequuntur hunc equi-
tem famuli plurimi, fames, pestis, bel-
lum, ipse infernus: *infernus seque-
batur eum*. infelix domus, in quam
ingratus iste hospes divertit, præter-
quam enim quod secum rapat om-
nia, & jus hospitii servet nullum,
præparat insuper hospitium peiori
successori, scilicet, inferno. Eques
iste peccatum est, nomen illi Mors,
occidit enim non corpus modò sed
immortalem animam juxta effatum
æternæ Veritatis: *anima in quacun-
que die peccaverit, ipsa morietur*. e-
quus iste pallidus est concupiscen-
tia, quæ generare & asserre dicitur
peccatum. Væ cordi, in quo eques
iste succedit! infallibiliter enim se-
cum trahet infernum. Inferni pœ-
na gravissima est vermis conscientie,
qui cor damnati continuò mor-
det & remordet: cur infinitam bo-
num pro caduco perdere maluisti?
ob rem nihili omnia jura cœli, om-
nia regna beatitatis cur prodegisti?
cur demulcentem DEum neglexi-
sti: non est illius culpa sed tua &c.
hic est vermis *qui non moritur* Is. 66.
v. 24. hic est infernus inferni, quem
etiamnum in vivis sentit peccator,
ut non rarò ad insaniam, ad despe-

rationem, violentamque mortem
adigatur.

Apoc. 20. v. 14. dicitur: *Et in-
fernus & mors missi sunt in stagnum
ignis*. mira sententia! infernus præ-
cipitatur in infernum. sic est. por-
tatilis infernus instabilem, inchoa-
tus in completum.

Idem sensus Jobi est c. 16. *si su-
stinuero*, hoc est, si cogitationibus
blasphemis locum dederò, *infernus
domus mea est*. vel: nisi à scrupulis
& torturis conscientie liberer, nihil
absum ab inferno. Malum habe-
re conscientiam, & gestare in anima
infernum perinde est.

Contra prævaricatorem fit
hæc conclusio Ezech. 16. v. 52. *ergo
Et tu porta confusionem tuam*. Septu-
aginta habent teste Hieronymo: *Et
tu sustine tormentum tuum*, quæ ver-
ba sic explanat tom. 1. S. Doctor:
portat tormentum suum qui prop-
riâ torqueatur conscientia, & in isto
seculo sustinet propriâ voluntate
cruciatum.

Efficax Jobi est imprecatio, quæ
cum allegata figura optimè conven-
nit c. 18. v. 15. *Habitent in taberna-
culis illius socii ejus, qui non est: asper-
gatur in tabernaculo ejus sulphur*.
quis est iste, qui non est? & quales
habet socios? S. Gregorius hoc no-
men dæmoni aptat, qui donec DEO
adhæsit, princeps beatissimus fuit,
at verò posteaquam perfidus DEO
extitit, omnia seque ipsum perdidit:
*jam non est, ex eo quod à summo Esse
decessit*: eodem nomine dæmo-
nem compellavit Regina Esther,
DEum precata: *ne tradas sceptrum
bis, qui non sunt*. verùm ego pecca-
tum ipsum, quod dæmone pejor,
(quia propter quod unumquodque
tale & illud magis tale) rectissime
vocari, *Non est* existimem, cum pec-
catum sit phrasi Scripturæ *Nihil*. si-
nè ipso factum est Nihil. Socii pec-
cati

cati sunt ab Apostolo nominati Rom. 2. v. 9. *Tribulatio & angustia in omnem animum hominis operantis malum.* addit proinde Job: aspergatur in tabernaculo ejus sulphur. iste est suffitus pro similibus hospitibus excipiendis, ut reprobis suffineat foetorem inferni, & poenas primas damnati.

Observavit orator aureus (qui sibi nè à muliere pateretur, abscedit labia, sed à B. Virgine Maria recepit aurea ut scribit P. Laur. Chrysogonus in suo mundo-Mariano) Hom. 17. in Genes. quòd quàm primum protoplastæ locum dedere peccato, infernum fenserint ipso in paradiso: *mox ut intravit peccatum & pravaricatio, erubescencia & tumultuatio eos invasit.* Mala conscientia eos pressit, quam justus DEUS in unoquoque homine velut regno suo constituit, ut sic dicam *fiscalem*, aut *quadruplatorem*. Vocat Conscientiam citatus Chrysostomus judicem incorruptum, accusatricem perpetuam rei, à qua non potes non scire, quòd pertineas. Audiamus eloquentiæ flumen: *Judex incorruptus (conscientiam dico) cum adversus hominem exurgit, clarâ voce clamat & accusat, & ostendit & quasi ante oculos scribit peccatorum magnitudinem, eamque ob rem DEUS in principio cum formaret Hominem, conscientiam illi indidit accusatricem perpetuam, quæ decipi & deceptionem ferre possit nunquam. Sicut quis admissio peccato omnes homines celet, ab illa tamen accusatrice non poterit delitescere. Nam hanc intrinsecus habentes, ubicunque sumus, circumferimus, ipsa nos circumvenit, obturbat, laniat, flagellat, nunquam quiescit. sed domi & in foro, & in templo, & in mensa, & dormientem & surgentem adoritur, rationem delictorum exigit, obque oculos proponit & delictorum gravitatem, & subsequitur poenam,*

& quia pejor est poenâ timor ipse poenæ, ausim dicere tam gravem infernum pati in hac vita præscitum, ut potius desideret esse in inferno damnatorum; quisquis ergo desiderat scire, utrum sit præscirus, conscientiam suam consulat, quæ vix erratura est: Te interroga de te, scribit nepoti suo Roberto Bernardus, quia tu te melius nōsti quàm alius. Attende cor tuum, discute intentionem, consule veritatem, tua tibi conscientia respondeat, *consilium cordis statue* inquit Ecclesiasticus c. 37. v. 17. uti ex græco Jansenius vertit. *non est enim tibi fidelior illo.*

Intellige nunc Davidicum oraculum Ps. 7. v. 15. *ecce concepit dolorem*, loquitur de illo qui non operetur, sed corde peccavit, dum peccatum se proposuit, aut simplici concupiscentiâ desideravit. tu putas quòd peccatori sit optimè, quando voluntati freno laxavit, voluptati cor addixit, fecitque quod voluit? imò tunc miserrimus est. Ericium devoravit, ericium concepit, quomodo pariet? *ibi foveam habuit ericium* Is. 34. v. 15. ubi foveam? in corde peccatoris, respondet moralis Doctor lib. 33. v. 32. non tantum ericium, sed & tineam quam difficile est excutere, & putredinem quam impossibile est sanare. de Ephraim & Juda peccantibus querulatur DEUS Osæ 5. v. 7. *cœpit abire post sordes.* & ecce poena! & ego quasi tineæ Ephraim, & quasi putredo domui Juda. corrumpitur lignum, tineam expectes, putrescit medulla ossis, dolorem timeas, corrodit lignum tineæ, os putredo, vermis animam.

Subtiliter discurret S. Ambrosius in illud Davidicum Ps. 36. *dixit injustus ut delinquat in semetipso.* Ambrosius legit: *ut delinquat sibi.* lepidus loquendi modus! peccator dixit, quòd velit peccare in suum in

S. Greg. I.
33. moral.

com-

commodum, ignominiam, dolorem. quis peccator hoc dicit? avarus non, superbus non, luxuriosus non; corradit opes avarus, ut habitâ pecuniâ habeat omnia, libidinosus ut satisfaciât prurîtui, imò dicit se facere id propter sanitatem, quomodo ergò dixit injustus, ut delinquat sibi? respondet S. Ambrosius tom. I. in hunc locum: qui peccat, delinquit sibi, qui sibi quæ pretiosa sint eripit iniquitas velut plumbeo quodam talento ut sacra scriptura testatur (sicut onus grave) conscientiam gravat. semper nobis error noster tanquam malus exactor occurrit, vel tanquam improbus fœnerator conveniens debitorem. monet te debiti, minatur carcerem, imò & mortem, ex qua ipsa monitione nihil certius, quam esse te ex reprobis si præsertim ipsa Syntherefis vix aliud proficit, quam ut desperes. Stigma suis Antichristus in fronte & manu, Christus in anima inurit, hanc inspice, & videbis cujus sis.

deri, heu! vivus es sepultus, *sicut vulnerati dormientes in sepulcris, quorum non es memor amplius* Pl. 87. v. 6. & ipsi de manu tua abscissi sunt ut legit S. Hieronymus. abscindii in Scriptura est desperatum esse: abscissi sumus, perit spes nostra. Ezech. 37. v. 11. alii legunt: *ipsi manu tua sententiati sunt.*

Pro coronide in manum dare unicuique opto Anulum Caroli Quinti Imperatoris eo artificio elaboratum, ut singulas diei horas singularibus puncturis digito impressis designaret: *pungendo docet.* Conscientiæ hoc emblema est, quæ dum mentem pungit, abunde docet, *quotam* ut vulgò dicimus *sonuerit horam*, secundam an novissimam? simusne filii gratiæ an gehennæ? agnis an hircis adnumerandi? Scire ergò si cupias: electus sis an reprobus, conscientiam inspicere, puni-
cturas attende, parvum interroga digitum, & dicet tibi,

Quod si dicas, te nihil sentire
amplius, quidquid agas rectum vi-



R r

PRO-

Problemata P. Philippi Hartung.



PROBLEMA LI.

Quodnam istud MODICUM, quo Dominus
non videbitur?

DOMINICA III. POST PASCHA.

Modicum & non videbitis me.

Joan. 16. v. 17.

S. I.
Opinio
Bernardi
& Augu-
stini.



On miror discipulos *Modicum* non cepisse, ideoque difficultate Vocabuli attonitos cogitasse: *quid est hoc, quod dicit: Modicum?* nescimus *quid loquitur*, nesciunt hodieque Ecclesiae Doctores & prædicatores, quid sit illud *Modicum*, quo Dominus non videtur. Glossa quidem ordinaria definit, triduum esse, quo clausus sepulchro non videbatur, sed hoc ipsum triduum amantibus (limbicolis præsertim) immodicum fuit. O *Modicum longum!* exclamat ingeniosè Bernardus, *pie Domine modicum dicis, quod non vidimus te? Saluum sit verbum Domini: longum est, & multum valde nimis.* Resolvit verò problema in hæc verba: *Verumtamen utrumque verum, & modicum meritis, & non modicum votis.* Modicum est omne tempus, quo Visionem DEI incremur, immodicum verò tempus, etsi non nisi momentum foret, quo ejusdem excludimur Visione. Paulò aliter Augustinus *Modicu* n exponit, & non triduum duntaxat passionis intelligit, sed to-

tum illud quadraginta dierum spatium accipit, quod inter Ascensionem intercessit, imò & totum hoc tempus, quod ab Ascensione ad novissimum mundi diem, quo in gloria Majestatis suæ JESUS videbitur, intercurrit. Favet Augustini opinioni divinum oraculum, quo Martyribus sub altari clamantibus: *usquequo Domine non vindicas sanguinem nostrum?* responsum, & dictum est illis: *ut quiescerent adhuc tempus modicum, donec compleantur confervecorum Apoc. 6. v. 11.* Augustini itaque inhærens effato, modicum esse pronuntio & tempus, & quidquid hoc tempore videtur, quo Dominus non videtur. Quidquid videntum in hac vita objicitur, revera modicum, imò nihil est, quia mera scena apparentiarum est. De his apparentiis hodie modicum.

Mirabar sæpenumero, cur Salvator noster gloriosam suam in montè Thabor transfigurationem coram electa discipulorum triade factam prohibuerit ante resurrectionis diem evulgari, *prohibuit eis dicens: nemini dixeritis Visionem, donec Filius hominis à mortuis resurgat;*

necc

S. Bernar.
Serm. 74.
in Cant.

S. 2.
Cur in
monte
Thabor
prohibue-
rit Domi-
nus evul-
gari suam
transfigu-
rationem.

Matth. 17.
v. 9. Luc.
9. v. 29.

nec causam congruentiorem habemus reperi, ac eam quæ in hodierno insinuat Evangelio: *modicum & non videbitis me*, quia scilicet modica & narratu pæne indigna est omnis illa gloria & felicitas, quæ ante resurrectionis diem contingit. Evanescent momento singula, sicut ipsa quoque species illa altera de qua Evangelista (*facta est species vultus ejus altera*) in Thaborea scena evanuit teste Matthæo: *Levantes autem oculos neminem viderunt*, vel ut habet Marcus: *& statim circumspicientes, neminem amplius viderunt*. Ô visio modica, etsi excellentissima! Ô voluptas momentanea etsi sanctissima! Ô scena fugacium apparentiarum, etsi coelitus instructa! modicum ergo est, quidquid in hoc mundo videtur, donec in gloria Patris sui DEUS-Homo videatur.

§. 3.
Mundus est scena apparentiarum Jar glaris conc. 2. in quadrag.

Celebris per Italiam concionator, ut meras in hoc mundo demonstret esse apparentias, à domo DEI incipit, in qua miraberis aras auro divites, at non nisi aurum est superficies, si verò spectes, quod à tergo occulitur, cauos & deformes truncos videbis; marmora porphyretica te intueri putabis, at non nisi subtilioris crusta est calcis. candelabra argentea, intus inania, in tam formoso corpore animam non habent aliam, quam ferrum & lignum. Smaragdi, rubini, sapphyri, topazii qui in sacro ornatu spectantur, non raro sunt vitra colorata viridia, rubra, cærulea, fulva; calicem dices aureum, qui non nisi è vili stanno est; peristromata quibus parietes superbiunt acu phrygiâ pictos flores aptè representant, quia ut flores evanescent. Et quamdiu has templi divitias spectare licebit? dum festi præterierit solennitas; post quam denudantur parietes, spoliantur aræ, pretiosis vi-

lia succedunt. Qualis templorum, talis est mulierum ornatus, prout illud regius Psaltes depingit, qui ubi dixisset: *Homo vanitatis similis factus est, dies ejus sicut umbra prætereunt*, subjungit de filiis, & filiabus hominum, *quorum filii sicut novellæ plantationes; filiae eorum compositæ, circumornatæ, ut similitudo templi*. novellis plantulis quas faciliè pruinâ decoquit, æstus exurit, frigus constringit, & severior aura afficit, comparantur filii, filiæ verò ornamentis templorum, quæ modico durant tempore, quasi tesseram fervarent suam: *modicum & non videbitis me*. Ex templo ad palatia, & aulas progredere, ubi semper forma exterior superabit interiorem; inquilini verò pavoni sunt similes, de quo Tertullianus apud Pierium l. 1. *multicolor, & discolor, & versicolor, nunquam ipse, semper alius, etsi semper ipse, quando alius*. vel è prosapia sunt illius Æschylis, quem Demosthenes *tragicam simam* nuncupavit, *vitam enim suam*, inquit Basiliius, *velut è proscenio ad ostentationem componunt*; sed hæ scenæ faciliè clauduntur, & pro epiloogo decantatur: *modicum & non videbitis me*. Nec aulici modò scenas histronicas exercent, sed omnium hominum vita, ut divinè scriptis Gregorius in moral. *est quædam visio phantasmatis, quæ hic ostendit in imagine, quod non habet in veritate*. Hoc solum de singulis, & à singulis verissimum est dicere: *modicum & non videbitis me*.

Plat. 43. v.
5. 13. 14.

Scimus ex Evangelio, quomodo dæmon in montem excelsum valde (cui *Quarentena* nomen est, duobus milliaribus Jerichunte distans, teste Alberto magno, & Bonaventurâ) assumserit Dominum, & ostenderit ei omnia regna mundi, & gloriam eorum: quomodo o-

§. 4.
Quomodo diabolus ostenderit Christo omnia regna mundi

omnia regna? sunt in mundo septuaginta duo regna, unde & è sacerdotali veste totidem dependebant mallogranata, spatium verò terrarum orbis ad quinque milliarium millia porrigitur, cum optimus oculus nec ad medietatem pertingat, quomodo ergo omnia mundi regna ostendere Christo diabolus potuit? per species ut vult S. Cyprianus, per illusionem, ut solet, & quidem ostendit ei omnia regna orbis terræ, *in momento temporis* Luc. 4. v. 5. eleganter Ambrosius l. 4. in Lucam: *Bene in momento temporis secularia, & terrena monstrantur, in momento enim cuncta illa prætereunt, & sepe honor seculi abiit, antequam venerat. Quid enim seculi potest esse diuturnum, cum ipsa diuturna non sint secula?* Estne ergo res videri, & amari digna, quæ durat momento, neque in veritate aliud est, quam repræsentatio, & apparentia vanissima? Chrysostomus quoque in Pl. 2. *Tunc archidæmon in puncto temporis omnia regna mundi, & gloriam eorum cœgit, & cum omnibus visus est, ut cum omnibus evanesceret. & de omnibus contendebat, ut in omnibus caderet, & vinceretur, faciebat enim, quod nesciebat, & passus est, quod ignorabat.* Nec sufficit ei ostendere, promittit insuper: *Hæc omnia tibi dabo.* ut fallat deceptor, ait D. Maximus hom. 4. offert, quod non habet, & ut verè cæcus cælorum Dominoterrarum regna promittit. Chrysologus verò Serm. 15. perpendens, quod addit Lucas v. 6. *cui volo, do illa.* hæc dicit, non quod possit dare, sed fallere. ex quibus deducit Salvianus l. 3. ad Eccles. *Quis ergo furor est, viles à vobis animas vestras haberi, quas etiam diabolus putat esse pretiosas ac per hoc quicunque animas suas negligunt, etiam infra iudicium diaboli se amant.*

Quod in hoc mundo oculus non modò Regum, & Principum, sed etiam rusticorum & mendicabulorum maximè oblectat, divitiæ sunt, quæ licet immodicæ sint, revera tamen non nisi *Modicum* & nihil appellari merentur. *Divitias nihil esse duxi*, inquit Regum sapientissimus Sap. 7. v. 8. *pendebantur ei annuè in tributum sexcenta sexaginta sex auri talenta, sive sexdecim milliones, centum octoginta quatuor millia aureorum.* Et hoc nihil est? *nihil esse duxi.* Et cur nihil? quia nihil permanet sub sole. *ipsa pecunia rotunda signatur* ait August. in Pl. 83. *quia non stat.* omnibus divitiis lex scripta est Pl. 57. v. 8. *ad nihilum devenient.* Gratulabatur sibi apud Oseam. c. 12. v. 8. nescio quis: *Divites effectus sum, inveni idolum mihi, & quid est idolum?* Paulum audi 1. Cor. 8. quia idolum nihil est. *Est quasi divites cum nihil habeat*, inquit proverbialiter Salomon. In quæ verba optimè Hugo; *est quasi divites non verè divites, habere se divitias putat, cum nihil habeat.* Moyses missurus ad promissionis terram filios Israël petit à Rege Edom transitum, pollicitus, quòd nihil essent Israëlitarum delibaturi ex divitiis universis: *nam ista* ait Philo lib. de immortal. Dei. *que tibi chara sunt, omnino nihil sunt.* Notet hæc, qui concupiscentiâ oculorum captus est: ista quæ tibi chara sunt, nihil, nihil, nihil sunt.

§. 5.
Modicum
imò nihil
videt, quia
divitias
videt.

Proverb.
13. v. 7.

David eti: *plenus divitiis, & gloriâ* 2. paralip. 29. & qui, ut videre est apud Vilalp. Tom. 2. pag. 506. tantas filio reliquit divitias, ut fidem pene superent videlicet ter mille ducentos milliones auri, duplo plus de argento, pauperem se tamen vocat & substantiam suam tanquam Nihilum; causam dat S. Basilus

in

in Pf. 9. *Sapissimè se David pauperem, & tenuem appellat, quamvis regis circumfluere opibus, ac divitiis, utpote cui certè constaret, omnia suarum, pulverem, nihil esse.* Didicit hoc à Patre filius proverb. 13. *est quasi dives, cum nihil habeat;* quod exponens Hugo Carenfis: *Est quasi dives, sed non verè dives, quasi tantum divitias hujus mundi habet, cum nihil habeat.* Aman de immodicis opibus suis fatetur: cum hæc omnia habeam, nihil me habere puto Esth. 5. Nimirum omnia bona hujus mundi veniunt, abeunt; assistunt, evanescunt; teneri videntur, & non tenentur, inquit S. Ambrosius ep. 44. Similiter de Honoribus dicendum est, esse quid Modicum, imò Nihil. Augustum narrat Svetonius sub vitæ supremæ periodum exclamasse: Omnia fui, sed nihil expedit. Omnia fui, sed nihil sum. Loquere Salomon; quid es? *fui Rex Israël in Jerusalem.* Quid est *fui*: tempus præteritum signat, cujus in præsentī nihil est. De mortuo dicitur: *Vixit, Fuit.* Cum expirat oratio & dicendum super est nihil, dicitur: *Dixi.* At Salomon post hæc effata Rex adhuc permansit, quid ergo dicit *Fui.* Hugo de S. Victore hom. 5. ex eo probat Salomonem perspectâ mundi vanitate omnia habuisse pro nihilo. *Fui* jam non sum: quia etsi sum, id ipsum jam nihil esse agnosco quod sum. O perspicaces sapientum oculos, qui dum omnia vident, nihil vident.

§. 6.
Voluptas
Nihil.

Quid de voluptate dicam? *nihil est.* Experto credamus Salomoni, cui septingentæ uxores quasi Reginae, trecentæ concubinae erant, serò exclamanti: *Vanitas Vanitatum* Syrus habet *inanitas inanitatum!* alii degunt *nihilum nihil, & o-*

mnia nihil. O si Salomoni liceret redire ad vitam, & ex hac cathedra agere Ecclesiasten, quid diceret? quid inclamaret, utique illud S. Savii à morte ad vitam revocati apud Greg. Tur. 1. Hist. c. 1. *Audite filii Adæ, & intelligite, quia nihil est quod cernitis in mundo hoc, sed omnia vanitas.* Omnia ergo vana contemnite, ut veram gloriam DEI mereamini adipisci in cælo.

Væ illis qui latantur in nihilo Amos 6. per nihil peccatum intelligit Augustinus tract. 1. in cap. 1. Joan. *nihil sunt homines cum peccant.* Et B. Damianus ad Desiderium Abbatem. *Tunc cum videbantur esse impii, ad nihilum potius pertinebant, quam ad verum esse, qui enim ab illo recedit, qui verè est, necesse est, ut non sit, quia ad nihilum tendit.* Ethnici in errorum caligine acutum viderunt teste Senecâ ep. 88. Nausiphaes dicebat, *ex his, quæ videntur esse, nihil magis esse, quam non esse.* Parmenidis vox erat: *ex his quæ videntur, nihil esse unumversum.* Zenon Eleates: qui omnia negotia de negotio deiecit, ait nihil esse. Plus omnibus sapuit Jobus cum dixit: *Nihil sunt dies mei.* Ad quæ verba ingeniosè alludens S. Augustinus tract. 19. in Joan: *Ista vita, inquit, non est nominanda vita, quia non est vera vita: nam vera vita non est nisi quæ æterna.* Cum itaque vita ista non sit vita, adeoque nihil, quid tanta studio (verba D. Chrysostomi) quod nihil est quæris, quid labores pro nihilo sustines? at splendidissima officia conspicias, eorumque te fallit aspectus. in Cælum protinus sustolle oculos, animadvertite fornicarum ista esse, & culicum opera. Heu! exclamat Lipsius, res mortalium vel maximorum parvæ, heu validissimorum instabiles, imò omnia

nia illa somnium, umbra, nihil. Repudietur ergo à nobis temporarium felicitas, quæ nihil stabile, neque firmum (Chrysof. in Gen. Serm. 22.) sed solum est oculorum deceptio, & priusquam appareat, avolat. De omnibus ac singulis oculorum illecebris repeti potest illud Philonis: priusquam prebendantur, possessore illuso, rursus avolant, atque etiam, cum adsunt, maxime speculares quasdam representant imagines, prestigias sensuum, ludibriaque instabilia. Concludat Augustinus: Detestandi eritis, si nihil amatis; amate, sed quid amatis, videte. Surdi eritis, & plus nimio absurdi, nisi ex qualibet creatura resonare hanc vocem audiat: *modicum & non videbitis me.*

robolo in aëre scintillanti: *Modicum & non videbitis me.* addamus eandem epigraphen fulguri ab oriente ad occasum perniciosissime transvolanti, quod oculos ferit dum illustrat: *Modicum & non videbitis me.* iridi in nube rorida colores suos explicanti subjungamus: *Modicum & non videbitis me.* Idem de Sole ad occasum vergente, idem de pavone Syrma suum ad conspectum pedum contrahente, idem de Navi remis velisque avolante, idem denique de me, de se, de omnibus nobis dicat unusquisque:

Modicum & non videbitis me.



Pro coronide inscribamus py-



PRO-



PROBLEMA LII.

Cur Mundum arguet adveniens
Spiritus Sanctus ?

DOMINICA IV. POST PASCHA.

Arguet mundum. Joan. 16. v. 17.

§. 1.
Arguet
Spiritus
Mundum
ut ex im-
mundo fa-
ciat mun-
dum.

Ridem merebatur mundus argui & increpari, nec increpari tantum, sed suppliciis omnibus piari, atque confici, differatur tamen arguendi spatium & officium ad Spiritus Sancti adventum: cum venerit ille, arguet mundum. Cur Pater non arguit, cur Filius non increpat? Sic DEUS dilexit mundum, ut filium suum unigenitum daret. Si dilexit, cur non objurgavit, an non enim arguit quos amat? forte Pater non arguit, quia neque judicat quenquam, teste Filio: *Pater non judicat quenquam.* Filius non arguit, qui argui maluit, quam arguere, condemnari, quam condemnare, supplicia ferre, quam inferre. At nunquid in lege veteri Pater arguit Patriarchas Prophetasque, proque culpis minimis poenas intulit maximas, ut in Moyse diffidente, Davide populum numerante, Ezechia thesauros ostentante, aliisque sexcentis indubitatum est? nunquid Filius suos facillime arguit Apostolos, nec ullum unquam naevulum incorruptum reliquit? nimirum Patriarchae & justi ceteri veteris legis increpantur, quia electi erant, Apo-

stoli arguuntur, quia de mundo non sunt, sed sunt mundi omnes; mundus vero non arguitur, quia immundus, & quam indignus tam ineptus ad correptionem subeundam censetur; arguetur vero, cum in lingvarum ignearum multitudine aderit Spiritus Sanctus, ut plurimis increpet lingvis mundum (cui arguendo una non sufficit) quod mundum faciat de immundo. Ea ex causa memorabile illud deduco documentum, a DEO difficulter argui malos, argui vero facillime & creberrime bonos; sive: beneficum & liberalem esse DEUM in improbos, in probos vicissim severum & austerum; quae erit Solutio hodierni problematis, & argumentum dictionis.

Stratagemata hoc DEI est, ut cum charissimis agat, quasi cum alienis, cum alienis, quasi cum intimis, ne illi praesumant de benevolentia, hi non desperent de gratia. Joannis Chrysostomi haec est Oratio homil. 5. de poenit. *Peccatoris quidem miseretur, & ei blanditur, justum vero terret. Terribilis est super omnes, qui in circuitu ejus sunt. Ps. 88. v. 8. Quinam sunt hi nisi sancti? Si cadentem intuetur, clementiae manum*

§. 2.
DEO asper
justis, le-
nis repro-
bis.

pōr=

protendit; *sistantem, timore concutit* (exemplum habemus in Paulo cadente, Petro super fluctus stante) *Et hoc est iustitiae iustique iudicii; nam hunc quidem timore confirmat, illum verò per clementiam excitat.* In

Figura 1.
Sponsa in
deserto.

montium recessu & vasta solitudine debebat sponsa, procul à paterna domo, procul à familia, procul à sponso, procul ab omni conversatione humana, cum illius misertus sponsus revocat eam ad amplexus, ad tripudia, ad coronam: *Veni de libano Sponsa mea, veni de libano, veni, coronaberis de capite Amana, de vertice Sanir & Hermon, de cubilibus leonum, de montibus Pardorum.*

Cant. 4. v. 8. adumbrat hæc evocatio conversionem peccatricis animæ, quæ brutales affectus sequitur & cupiditates suas venatur in deserto huius mundi, procul à DEo, procul à coelo, procul ab Angelis, vagatur in Libano à nivium candore sic dicto per hypocrisin, cuius Symbolum nives sunt, in capite Amana per superbiam, in Sanir per invidiam, in Hermon, seu *destructione* per luxuriam, in cubilibus leonum per iracundiam, in montibus pardorum per gulam, sed veni à statu culpæ ad statum gratiæ, ex ferarum caula ad aulam Angelorum, ex ancillatu ad conditionem Reginæ. Venit illa, & in Sponsi tantisper commorata est regià, dum ad colendos hortos ablegaretur. *quæ habitas in bortis, amici auscultant te, fac me audire vocem tuam.* Cant. 8. v. 13. Ex Silvis traducta est ad aulam, ex aula ad hortum, ut hortulanam ageret, & in florido carcere leniret cantu labores suos, cuius cantus dulcedine amici alliciebantur, ut aurem ad ostium adverterent. Expendit S. Anselmus istum DEI cum hominibus procedendi modum, in præfata sponsa, expressum. Solicitat peccatricem animam ad redi-

tum, offert gratiam, promittit coronam. Certè feras ipsas allicere posset tam amœna sollicitatio, tam dives promissio. Et verò, cum ad mentem & gratiam rediit, laborioso occupata onere priores culpas eluere, & affectuum suorum constantiam periclitari iubetur. Tractat videlicet DEus alienos ut Domesticos, hos verò tanquam alienos.

Statutum erat immundimundi maculas balneo eluere, in quo, nè spes omnis liquesceret, & periret, arcam fieri fecit, in quam se octoni homines, septena ex singulis animantibus reciperent. In ipsa verò dispositione arcæ homini assignavit locum incommodissimum, ita testante Gregorio M. hom. 38. *Inferius bestias, quadrupedia, atque reptilia, superius verò aves & homines habitasse credendum est; ibi lata extitit, ubi bestias habuit, ibi angusta, ubi homines servavit.* Ecce DEus homines bestiis pejus habet, quis iste ordo? figuratur hic curiæ cœlestis stylus, constringuntur enim amici, foventur inimici; peccatores recipit, & manducat cum illis; at verò sequaces suos famere, & spicas legere sinit; imò tam durè increpat, ut dicat: *nunquid & vos vultis abire?* Joan. 6. quæ omnia sunt stragemata Divinæ pietatis.

Similiter egerunt ex Divino instinctu Apostoli Petrus & Paulus. Petrus quidem umbrâ suâ sanare solitus quoscunque ægros Petronillam tamen filiam suam non sanavit, sed cum ab alio sanata esset, rursum ægrescere fecit. Paulus Publium hominem barbarum à febribus & dysenteria sanavit. Act. 28. Timotheum verò dilectum discipulum ad Galeni Scholam remisit: *Modico vino utere propter stomachum tuum, & frequentes infirmitates tuas.* 1. Tim. 5. Quid est Paule, inquit S. Gregorius, quoddæ-

§. 3.

Figura 2.
Arca Noe
in quam ele-
gantur com-
modantur
jumenta ho-
mines.

§. 4.

Noe Pe-
trus Pe-
tronillam
suam, nec
Paulus Ti-
motheum
suum sa-
nat. cur?

grum

regum infidelem ad salutem revocas, & tamen more Medici Adjutorem Evangelii per alimenta curas? non curantur amici nè insolescant, curantur inimici, ut convertantur & vivant.

Psalmes regius de iis agens, quorum unicum est votum, & irremissum studium DEO placendi & obsequendi: *Beati, inquit, immaculati in via, qui ambulant in lege Domini.* Ps. 118. Paulò post mentionem improborum faciens, v. 3. *non enim, qui operantur iniquitatem in viis ejus ambula verunt.* Mirus & extaticus loquendi modus, justi habent viam, injusti vias à DEO sibi positas. S. Hilarii observatio hæc est: *in primo versu singulariter via commemoratur, via in hoc tertio plures.* Sic agit cum suis DEUS. Justo ponit viam unicam, arctam, molestissimam, in qua suspensio pede, perpetuòque cum metu incedendum est, nè corruat, & pereat. At verò peccatore devianti plures ostendit vias, per quas redire possit in viam salutis, aut si redire non placet, abire possit post concupiscentias suas. Omnia hæc sunt artificia amoris Divini, quibus id agit, ut observet justum, nè dilabatur, ac pereat, perditum reducat, ut convertatur & vivat. Certè si reprobis hoc solum attenderent, quàm multa ipsis DEUS indulgeat, non possent non ad paternam respiscere indulgentiam. *O magnam in justo cautionem,* exclamat Chrysostomus hom. 5. de poenit. *O magnam in peccatorem liberalitatem!* Peccatorem si terruerit, efficiet, ut animum despondeat: justum si laudet, vim virtutis ejus debilitat. Propterea peccatoris misereatur & blanditur, justum verò terret, hæc ex Chrysostomo.

Ad fores splendidi palatii depingit Lucas c. 8. à v. 20. ulcerosum mendicabulum, cujus si non mise-

rentur homines, accurrunt certè canes, & cum verbo consolationis prodesse non possint, linguam in ulcera immittunt, & lambendo medericonantur. Silicium est secreta DEI omni cum reverentia indagare, quærere libet, cur ó Pater misericordiarum dejecisti afflictissimum homulum ad obstinati Epulonis vestibulum, quem scis canibus additiorem, quàm hominibus, cor gerere non carneum, sed lapideum, sed ferreum, sed adamante durius? quid cum tanta crudelitate tantam componis miseriam, ut velut in æqualance hinc hæreat divitis felicitas, inde pendeat Lazari calamitas? respondet ferm. 121. Chrysologus: quia obturatis auribus unius oris nihil erat vox clamantis, ad aperendum cor divitis, totum corpus pauperis vulneribus aperit, ut in admonendo divite tot essent pauperis ora, quot vulnera. Solvuntur viscera, ulcera producantur, hiatus vulnorum dilatatur, fames effunditur, & tota pauperis caro componitur in scenam pietatis, ut quem vox esurientis non moverat, vel suspiria, vel dolores, gemitus, & tota ærumnarum congeries commoveret. Ideo projecit Lazarum Divina providentia ad fores Epulonis, ut expugnaret rebellis cordis contumaciam, moveret ad eleemosynam, per quam salvari posset dives & redimere peccata. Fleat Lazarus, ut ignes æternos evadat Epulo, ulcera producat pauper, ut tormenta inferni non incurrat dives. Nimirum severus in Lazaros DEUS est, blandus in Epulones. tormenta sunt hæc misericordiae, ut cruciet, quos amat, blandimenta verò justitiæ, ut foveat, quos odit.

Mirabar sæpenumero cur Patrefamilias murmuronem istum refractarium, qui ob patrem novissi-

§. 3.
Figura 3.
Justo via
ponitur,
injustis
vix.

§. 6.
Figura 4.
Lazarus &
Epulo.

§. 7.
Figura 5.
Petrus &
Judas.

S s

mis

mis in vinea operariis præstitam solutionem exposulare cum Patre familias præsumserat, amicum appellet: *amice non facio tibi injuriam.* Matth. 20. v. 13. ignavum iidem hospitem, qui in regis opprobrium nuptiali se veste induere dedignatus fuerat, Rex clementissimus amicum nominet: *amice, quomodo huc intrasti, non habens vestem nuptialem?* Matth. 22. v. 12. sceleratissimum proditorem Judam benignissimus Jesus amicum vocet: *amice, ad quid venisti?* Matth. 26. v. 50. e contra verò discipuli Emmauntini stultitiæ probro afficiantur: *O stulti & tardi corde* Luc. 24. v. 25. Petrus appelletur Sathanas: *vade post me Sathana, Scandalum es mihi.* Matth. 16. v. 23. discipuli universi tanquam hebetes & ignavi increpentur: *ad huc & vos sine intellectu estis.* Cur tanta verborum acrimoniâ accipiuntur electi, tantis foveantur lenociniis reprobis? nimirum hic DEI nostri genius est, ut durum & asperum se exhibeat in eos, quos amat, lenem & affabilem illis quos ad æterna supplicia præcivit, nisi dicere malis cum doctissimo Sylveira, idèò murmuronem ceterosque vocari amicos, quia vera amicitia corripit, & arguit.

randi causam habere primogenitus, quodd cum ipse moriger & frugi fuisset semper, nullum tamen unquam specialis benevolentia à patre specimen acceperit, at verò degener filius, & decoctor paternæ substantiæ opipare habeatur ad totius invidiam familiæ. At nescivit primogenitus genium Patris, qui minora amoris exhibet indicia, quos tenerius diligit, & divitiarum suarum hæredes scribit, obruit verò, saginatque muneribus, quos dignos verberibus novit, & ecce quàm blandè irato primogenito respondeat Pater: *fili tu semper mecum es, & omnia mea tua sunt.* v. 3. sufficiat iusto, quodd in gratia sit, etsi in gratia se nesciat esse, omniâque habeat cum patre communia, etsi videat saginatos vitulos offerriis, qui nec panem merentur. Non desideret primogenitus hædum, quia hic reprobationis est Symbolum, agnum potius expectet, quem tempore opportuno apponeret Pater, & in agno electorum suorum typum obijciat, quos videlicet agnorum instar tendere, & inter ætiora continere consuevit, cum interim suos hædis villos libertatemque indulgeat, nec virgâ & baculo tam severe coerceat, sicut agni coercentur.

§. 8.
Figura 6.
Frater prodigi.

Murmuroni mercenario filium murmurorem jungam. Frater prodigi hic est, qui, ut longinquis è regionibus redècem dissipata hæreditate fratrem vidit, in murmur & seditionem erupit: *ecce, tot annis servo tibi.* ità ille protervus Patri suo, & nunquam mandatum tuum præterivi, & nunquam dedisti mihi hædum, ut cum amicis meis epularer. Sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum. Luc. 15. v. 29. & 30. Videbatur non iniquam obmurm-

Libet à fratribus his parabolis ad gemellos Esau & Jacob, imò ad undenos Jacobi filios expatiari, quos disparibus nimium modis Pater habet cælestis. De gemellis ipse dixit: *Jacob dilexi, & Esau odio habui,* nihilominus nunquam tot malis exosum Esau exercuit, quot dilectum Jacobum: hic enim quatuor annorum lustris domo exulare paternæ & duram servire compellitur servitutem, hic catenatâ calamitatum serie stringitur, hic post ipsam Angeli colluctatoris benedictionem claudo posthac pede incedere, dile-

§. 9.
Figura 7.
Jacob & Esau.

dilecto suo orbari Iosepho, extra so-
lum patrum agere animam cogi-
tur; at verò Esau de pingvedine
terræ ad omnem abundantiam, &
ipsam pœne nauseam faginatus non
nisi dies joviales & candidos nu-
merat, nescius se in atro reproba-
rum numero conscriptum, & tetro
theta signatum esse. *Esau odio ha-
bui.* Certum Divini odii signum
perpetua mortalis vitæ felicitas.
Quot ærumnis & à fratribus & præ-
fratribus omnibus exercitus fuit Jo-
seph, in Ægyptum venundatus,
diuturno carceri mancipatus, cum
interea bonarum in terra patriarum
essent fratres, non quod hi me-
liores & DEO acceptiores essent, sed
quod in graviores reservarentur æ-
rumnas.

§. 10.
Figura 7.
Job & Dæ-
mon.

Nec prætereundus Jobus est,
quem dæmonis potestati DEUS
permisit, & non à malo duntaxat
genio, sed ab amicis intimis, ab uxore
dæmonibus omnibus nequiore
incredari, divexari, & acerbioribus
morte contumeliis affici voluit, quia
DEO dilectus, & Spiritu Sancto ple-
nus erat. Quis non stupeat, & cru-
ce se admirabundus consignet, cum
legit ex c. 1. Job. v. 9. calumnianti
contra Job innocentiam dæmoni,
quod divitiis deliciisque omnibus
afflueret: *nunquid Job frustra timet
DEum? nonne tu vallasti eum? & do-
mum ejus, universamque substantiam
per circuitum &c.* facultatem mox à

DEO in omnes fortunas iusto
factam calumniatori: *ecce univer-
sa, quæ habet, in manu tua sunt.* Om-
nes Jobi fortunæ dæmoni assigna-
tur, ut Job dilectus esse DEO demon-
stretur; nisi enim durus ac severus
in hunc fidelem sese DEUS exhibui-
set, nunquam sibi dæmon persua-
deri passus fuisset, in amoribus &
deliciis DEO Jobum esse. Usque
adeo verum est, severum esse DEum
piis, blandum impiis. Vellem idem
in Zacharia Patre, & Joanne filio
demonstrare, sed vox me in Voce,
mutoque Patre deficit, atque, nè
proximitas molestæ arguar, silenti-
um indicit.

Problema sit Aquila, quæ ge-
nuinos pullos ad volandum provo-
cat, atque ad radios solis indolem
arguit; Philomela itidem, quæ pul-
lulos ad argutam canendi artem ex-
citât, vellicat, increpat; infra verò
in hippodromo equum designo,
quem multo verberare ad omnem
exercet artem hippophilus; Simi-
um item, qui chariorem pullum ar-
tissimis stringit amplexibus; tro-
chulum denique, quem Cupido fla-
gello impellit, seque eo lusu oble-
ctat, cum communi omnibus epi-
graphie: *Argumentum Amoris, Ar-
gui.* O arguat & nos Divinus A-
mor, ut filii dilecti, & amabile Divi-
narum deliciarum simus spectacu-
lum, inque dignum Spiritu Sancto
habitatulum præparemur.

§. 11.
Emblema.





PROBLEMA LIII.

Majorémne DEus homini præstet gratiam
concedendo, quod petitur, an
negando.

DOMINICA V. POST PASCHA.

*Amen, Amen dico vobis : siquid petieritis
Patrem in nomine meo, dabit vobis.*

Joan. 16. v. 23.

§. 1.
Non sem-
per exau-
dit DEus.



Otámque manifestæ sunt promissiones Veritatis æternæ orantibus factæ, quòd certò exaudiendi omniâque impetraturi sint, ut pro miraculo haberi possit, siquis non exaudiatur seque petitâ gratiâ donatum non esse meminerit. Non meminit Seraphica Theresia, non Gertrudis, non sexcentæ aliæ devotæ animulæ spebus se suis frustratas unquam fuisse. At meminere plures alii se petiisse sanitatem & non impetrâsse, divitias, felicitatem, recuperationem rerum perditarum, sæcunditatem in conjugio, successum in negotio, & mille alias gratias, nec unam ex omnibus obtinuisse. quomodo ergo certa est Christi promissio? quomodo vera Patrum assertio, qui omnipotentiam quandam adstruunt orationi, quæ scilicet tenet omnipotentem, flectit invincibilem, ligat immensum? num fortè major nobis à benigno Numine præstatur gratia, cum votis nostris abnuat, quàm cum annuit?

hanc scitu dignissimam quæstionem præsentì discutiamus dictione.

Paradoxa videri hæc potest quæstio: *utrum major sit gratia, si gratia negetur, quàm si concedatur*, quomodo enim gratia si gratia non sit? quomodo imaginabor meam DEo placuisse orationem, si surdâ pertransiit aure? quomodo credam me DEo cordi & curæ esse, si id quod toties & tanto cum fervore desideravi, obtinere tamen non merui? quomodo sperabo me audiendum in summis, si non exaudiar in minimis? qui præstolabor nummum aureum, si nummulus aureus denegetur? at verò si exaudiar, inferam preces meas DEo placuisse, nec me displicere putabo. Jussit discipulos Christus petere indeterminatè quidquid liberet, & affecturavit eos, quòd accepturi essent, causam porro addidit: *ut gaudium vestrum sit plenum*, nimirum plenum gaudium est accipere quod petitur, plena tristitia non assequi quod desideratur. & unde plenum gau-

§. 2.
Congru-
entia pro
sententia
negativa.

gaudium nisi à gratia, unde mœror nisi à disgratia? plenum gaudium Davidis, cum in persecutione Saulis, speluncam Engaddi intrans (prout 2. Reg. 24. legere est) vidit araneam indefesso labore telam texere & speluncæ os contegere, nè suspicio suboriri Sauli posset Davidem intrò latere; quare in gratiarum actionem Psalmum quinquagesimum sextum composuit cecinitque: *Miserere mei DEUS miserere mei quoniam in te confidit anima mea* (en ut fiduciam augeat concessa gratia) *Et in umbra alarum tuarum sperabo, donec transeat iniquitas.* transit Saul nec latitantem deprehendit, quare in laudes DEI plenus gaudio David effusus exclamavit: *clamabo ad DEUM altissimum, DEUM qui benefecit mihi.* quæ verba ita elucidat Paraphrastes Chaldaeus: orabo coram Deo altissimo & forti qui accersivit araneam, ut perfereret in ore speluncæ telam propter me: e contra plena tristitia fuerit Sedeciae 4. Reg. ult. cum in planitie Jericho captus à Chaldaeis & exoculatus est. Plenum gaudium Ezechiae cum à morbo liberatus, plena tristitia Antiocho, cum post vota plurima concepta non exauditus sed morti victimatus est 1. Machab. 6. v. 16. Magnū gaudium Jonæ à fluctibus feri maris erepto, magna tristitia Pharaoni in profundo rubri maris submerso. Inclamaverit non dubito Pharaon Moysen, sicut in aliis poenis solebat, ut eliberaretur à proximo vitæ discrimine sed frustra; duplici proinde illi nomine amara mors, quod in mari periret & totus periret. Quid quod multi post irritas preces in profundo desperationis lapsi ultro sese inferno addixere, non addicturi, si exauditi fuissent. quid putamus Chrysaorium cogitasse cum inducias non impetraret? quid Virgines fatuas cum post cla-

mores & pulsus repellerentur? quid Antiochum, cum vota pro sanitate generose facta proficerent nihil? non ergo major gratia vocari potest, cum negat DEUS quod petitur quam cum gratiose indulget.

Verum priusquam ad difficultatem hanc respondeam, ad tergeminum raræ amplitudinis theatrum spectatores esse cupio, quotquot orationis meæ esse dignati sunt auditores. In supremo theatro videre est Samuelem pro Saule frustra orantem & Jeremiam, quem pro populo orare vetat DEUS, tertioque inhibitionem repetit suam: *tu ergo noli orare pro populo hoc Et non obsecras mihi, quia non exaudiam te.* è regione verò spiritus infernalis vix bene insinuat, ut evertendo Regi Achabo Spiritus mendax esse possit in ore omnium prophetarum, & mox assequitur quod optat: *egredere Et fac ita* 3. Reg. 22. v. 22. in medio theatro ter orat Paulus ut à colaphizante Angelo Sathanæ liberetur, nec quidquam impetrat; inde orat dæmon, ut non colaphizare tantum sed toto exulcerare corpore Jobum possit, & liberaliter obtinet, quod desiderat. in infimo theatro jacet triduanâ exhaustus inedia in cinere & lacrymis David, ut parvulo ex Bethsabee nato vitam impetret, nec tamen impetrat; illinc in deserto carnes appetit populus: *quis dabit nobis ad vescendum carnes?* & ingenti mox numero coturnices obtinet; cur tam facile auditur in deserto populus, non exauditur desolatissimus David? cur Paulus ab Angelo Sathanæ non liberatur, Sathanas voti sui compos evadit? cur Spiritus mendax per pseudoprophetarum ora ad decipiendum Achab hallucinari permittitur, orare pro populo Jeremias prohibetur? respondeat Magnus Augustinus & auream illam suam repetat sententiam,

S. 3.
Cicilius
quando-
que dæ-
mon,
quàm justè
exaudiun-
tur.

Jer. 7. v. 16.
& c. 11. v.
14. & c. 14.
v. 14.

2. Reg. 12.
v. 16. Nu-
mer. 11.
v. 4.

tiam, quam in Psalmi 12. expositione consignavit: *non est exauditus Paulus; ad damnationem exauditus est diabolus. petiit Job ad tentandum & concessum est, demones petierunt ire in porcos, & exauditi sunt; demones exaudiuntur, Apostolus non exauditur, illi exaudiuntur ad damnationem, Apostolus non exauditur ad salutem.* idem de Davide dicendum est; non exauditur David pro parvulo, ut huius morte illius peccatum sepeliretur, inquit Theodoretus & innocentis funere vulnus nocentis consanesceret; exauditur verò rebellis in deserto populus, ut beneficium in supplicium vertetur, & ira Dei seu ignis infernalis super eos ascenderet, cum adhuc escæ in ore essent. nimirum satis assæ carnes nondum erant, ideòque hoc igne qui unâ voratores devoraret, opus habebant. *fastidiebant quod habebant* inquit de refractario populo Augustinus, *& quod non habebant, impudenter petebunt. dedit itaque illis DEUS iratus, quod non dedisset propitius.* ex quo idem infert: *malè usus eo quod vult accipere, DEO potius miserante non accipit.* Petiverunt hodièque Turcæ victoriam contra Christianos, Christiani victoriam contra Turcas, illi impetrarunt non isti, petiverunt acatholici felicitatem temporalem & pacem eamque præ catholicis obtinuerunt; petiverunt improbi catholici votorum & desideriorum suorum successum, nec difficulter præ probis assequuti sunt; num ergo Turcæ, hæretici, reprobi acceptiores DEO quàm virtutum affectu? respondet D. Gregorius: *majoris iracundiæ est, cum hoc tribuit quod malè desideratur, atque inde repentina ultio sequitur; nam quantò citius malum votum impleri permittitur, tantò celerius punitur.* non ergo beneficium sed supplici-

um, non gratia sed odium, non amor sed furor DEI est, cupitis mox gratias potiri.

Lucæ 11. à v. 5. parabolam narrat Veritas de importuno amico, qui mediâ nocte tres panes commodari sibi petiit, quos tandem post iteratas preces obtinuit, non amicitiae titulo sed importunitatis motivo: dico vobis etsi non dabit illi surgens, eò quòd amicus ejus sit, *propter improbitatem tamen ejus surget & dabit illi quotquot habet necessarios* v. 8. non ex amore benevolentiae sed odio importunitatis conceduntur panes, nec augetur inde gratia sed amor pristinus in recens odium commutatur. De nocte panes exigimus cum sinistro quopiam affectu impliciti multiplicari nobis fortunas, talenta, favores, & quaslibet humanæ vitæ jucunditates improbè postulamus, quas si improbitati nostræ condescendens DEUS permittat & quidquid stultitiæ nostræ arridet indulgeat, non equidem hoc lenitatis & misericordiae sed indignationis & justitiæ est argumentum.

Salomonem exquisitis precibus orabat Mater, ut Adoniæ adolescentulam Abisag in sponfam ducereliceret, nec tamen post tot benevolentiae signa à Salomone prius exhibita quidquam impetrat, sed cum indignatione repellitur: *postula ei & Regnum, es enim frater meus* 3. Reg. 2. v. 22. *juravit itaque Rex Salomon quia hodie occidetur Adonias.* At idem Salomon Reginis suis sana innumera ad illecebras preces indulget: *atque in hunc modum fecit universis uxoribus suis alienigenis* 3. Reg. 11. v. 8. Non fuit hoc beneficium sed supplicium, non clementia sed crudelis quædam indulgentia in æternam animarum per-

§. 4.
Propter improbitatem faxpe nostrâ exaudimur

S. Augustinus. tr. 73. in Joan.

S. Gregorius. l. 18. moral. c. 12.

perniciem idolomanicis mulieribus
permissa. O quam saepe divinum
putamus beneficium, & est grande
irati Numinis supplicium.

recepisti bona in vita tua. Contra
Judam Cyprianus Serm. de coena
Domini: melius erat mola asinaria
collo alligata mergi in pelagus,
quam illota conscientia de manu
Domini buccellam accipere. Ni-
mirum quidquid recipitur per mo-
dum recipientis recipitur. quid-
quid diligenti DEum accedit honor
aut ignominia, abundantia aut
penuria, consolatio vel moeror, in
bonum cooperatur quidquid inju-
sto accedit, in malum cedit. *Ad om-
ne fortuitum bonum suspensi & parvi-
di subsistite, quia beneficium insidiae
fortune sunt.* Senec. ep. 4. ad Lucil.
Non ergo semper favor & benefi-
cium sed furor Numinis & suppli-
cium est, cum facile assequimur
quod cupimus ac postulamus.

§. 5.
Favor di-
vino non ra-
tio putatur
esse, & fu-
ror est.

De iis qui cum cognovissent
DEUM, non sicut DEUM
glorificaverunt, scribit Apostolus
Rom. 1. v. 21. *tradidit illis DE-
US in desideria cordis eorum.* indul-
sit eis prosperitatem, consolationem,
superfluitatem, sed hoc in gravio-
rem ruinam. nam qui suae volunta-
ti permittitur, a DEO pro deposito
habetur. ubi propria voluntas do-
minatur, ibi salus esse non potest
sed perditio inquit Rufinus in c. 8.
Marc. *iis quorum desperata est salus,
quidquid lubet concedi solet.* S. Grego-
rius 21. Moral. 4. Murmurarunt
ingrati Judaei contra DEum: *nun-
quid poterit DEUS parare mensam in
deserto?* Ps. 77. v. 19. iratus exinde
Dominus punivit hoc peccatum in-
audito beneficio: *ira DEI ascendit
in Israel.* v. 21. *mandavit nubibus de-
super & januas caeli aperuit* v. 23. ad
quid portas aperit, an ut grandiora
fulmina devolvat, an ut novum ca-
taclismum inducat? nihil horum,
pluit illis manna ad manducandum,
non favor ad furor est, quem ex e-
ventu collige v. 30. *adbucescunt eorum
erant in ore ipsorum.* & furor DEI
ascendit super eos. Nota: ascendit,
descendit favor, ascendit furor. non
satis fuit DEO proflernere ingratos,
sed more graviter iratorum calcavit
& ascendit capita conculcatorum.
O dives Epulo, tui ego hic memini,
cum cibum caelestem induxi, infeli-
citas haec tua fuit vestiri purpurâ, e-
pulari splendide, quotidie saginari.
Saginumus & nos deputata victi-
mis animalia; tua purpura mutabi-
tur in flammam, fercula in carbones,
vina in fel aspidum. *Ecce tota cau-
sa cruciatuum* inquit mellissius, *quia*

Major gratia fit pauperi si pe-
tenti obolum, obolus negetur & au-
reus donetur post longiusculas pre-
ces, quam si acutum obolus rogan-
ti erogetur. Major gratia facta fuit
Perillo, cum petenti decem talenta
donaret Alexander Macedo quin-
quaginta, quam si primò ejus pre-
cibus acquievisset. Magnifica
tum insonuit Alexandri vox à Plu-
tarcho in apophth. commendata:
*tibi quidem satis est accipere, mihi
autem satis non est dare.* Rex noster
magnificentissimus & augustissimus
est, inquit Basilii c. 2. constit. Mo-
nast. & indignè fert quodocunque
quis exiguum aliquid à se petit. Ma-
jor gratia fit aegroto si Medicus ne-
get noxia, quam si consentiat; Ma-
jor gratia phrenetico, si vinculis
non exolvatur, quam si liberè, quod
lubet agere, permittatur; major gra-
tia infanti, si mater subtrahat cul-
trum & substituat pomum, quam si
lacrimis infantilibus mota praestet
infanti quidquid desiderat. Simi-
liter dubitandum non est, majorem
a DEO

§. 6.
Similitu-
dines.

à DEO gratiam nobis fieri, cum petita negat, quam cum donat. Stemus iudicio trium sanctissimorum Oratorum, Augustini, Bernardi, Isidori: *bonus Dominus, qui non tribuit sepe quod volumus, ut quod malemus attribuat* S. Augustinus epist. 34. ad Paulinum. *Misericordiae res est hac in parte subtrahere DEum misericordiam, quemadmodum ira & indignationis misericordiam exhibere.* S. Bernardus Ser. contra ingratitud. *Multos DEUS non exaudit ad voluntatem, ut exaudiat ad salutem* S. Isidorus l. 3. de summo Bono c. 7.

S. 7.
Elogia Orationis.

Denique ut auctacter pronuntiem majoris divinae benevolentiae opus esse, si preces nostrae quandoque non audiantur, quam si pro voto exaudirentur, faciunt ingentia illa clogia, quae orationi à Patribus & scripturarum Interpretibus data esse reperio.

Lucæ 6. v. 12. Christus erat pernoctans in oratione DEI. hæret S. Chrysologus & inquit causam pernoctationis & ait: *ipse Dominus pernoctat in oratione DEI, ut ante nos oratione liberet, quam redimeret passione.* tam potens est oratio Domini JEsu, ut non minoris sit efficaciae quam totius sanguinis profusio; & nos si orationem DEI maxime pernoctantes offerimus, aliquid passioni dominicae assymbolum offerre videmur. Ratio est, quia divina oratio est quidam partus Spiritus Sancti, ideo enim non in oculi, cordis, digitorumve figura sed lingvæ igneae figura illapsus est, ut orationis se exhiberet Magistrum, qui teste Apostolo Rom. 8. v. 26. *postulat pro nobis gemitibus inenarrabilibus.* Sed quomodo orare potest Spiritus Sanctus, cum oratio definatur à S. Thoma p. 2. *est actus religionis, quo quis inferior deprecatur superiorem.* Christus quidem orare proprie potuit, quia secundum hu-

manitatem minor Patre fuit, at verò Spiritus Sanctus, æqualis per omnia Patri quomodo postulat? ingeniosae huic quæstioni breviter respondeo, consideranda esse duo corpora Christi alterum est naturale, quod de Virgine sumsit, alterum mysticum, quod est Ecclesia. nos omnes hujus corporis membra constituimus, Caput verò Christus est. quaerit Bernardus, utrum illi corpus carius? & resolvit pro mystico l. de triplici concordia: Si corpus mysticum non prætulisset corpori naturali, corpus naturale non obtulisset in cruce pro corpore mystico. nobilitas autem major corporis mystici præ naturali desumitur ex anima, naturale corpus habuit animam productam ex nihilo sicut nostra est, at verò corporis mystici anima est Spiritus Sanctus. qui ideo dicitur Dominus & vivificans in Symbolo Nycæno, quia anima hujus corporis est. animæ enim proprium est vivificare, (unde actiones vitales sunt ab anima juxta Philosophum) omnes ac singulae operationes Ecclesiae sunt à Spiritu Sancto, sine quo nec nomen JEsu pronuntiare, nec boni quidquam cogitare atque spirare valemus, oratio omnis à Spiritu Sancto est, si bona, si vitalis, si oratio DEI est. At quaeret curiosior alius, cum opera omnia Trinitatis ad extra indivisa sint, cur oratio attribuitur Spiritui Sancto? Pater generat Verbum, & totum se unific impendit, ut alterum generare non possit, ex Verbo ac Patre procedit Spiritus Sanctus, qui est adæquatus terminus voluntatis seu amoris divini. Sed quid Spiritus Sanctus? nihilne agat? infinitum bonum est, nunquid non communicabit se? nunquid ego quia alios parere facio, sterilis ero? habet & Spiritus Sanctus partum suum, nimirum orationem, quæ cum sine lingua non per-

S. Cyprianus apud Bonherba fer. 5. Dominica. 1. Quadragesimae. num. 9.

perficiatur, linguae figuram detulit. hic conceptus S. Cypriani est linguae figuram prae tulit, ut sancta Ecclesia formaretur oratio, quam dilexit ut filiam. Tam cara & propria est Spiritui Sancto oratio, ut inde nominaretur Zach. 1. v. 10. effundam super domum David & super Jerusalem Spiritum gratiae & precum. non appellatur Spiritus mortificationis, eleemosynae, compassionis, sed Spiritus precum, ceterae enim omnes virtutes in oratione includuntur. Quare si in te gratia precum est, erit & gratia spiritus si verò Spiritus in te & prote orat, quid non impletur!

Nè dicas, orare non juvat, quia peccator sum, peccatores DEUS non audit Joan. 9. v. 31. quis hoc oro dixit? caecus dixit, & verum dixit, si, qui orat, peccator permaneat, tunc enim DEUS non audit ad salutem aeternam, licet audiat ad felicitatem temporaneam. daemones ipsi (verba sunt S. Antiochi to. 2. biblioth. PP. hom. 27.) nè in abyssum precipitentur, cum Dominum obsecraverunt, sua petitione fraudati non sunt. At verò qui se peccatores esse agnoscunt & orant, peccatores non sunt. Si peccatores DEUS non exaudiret, frustra Publicanus dixisset: propitius esto mihi peccatori, S. Augustinus in Lucae 18. quia autem hoc publicanus dixit, justificatus in domum suam descendit.

Nec tantum justificatur homo per orationem sed ex mortali fit immortalis, ex fragili foedusque homine pulcer Angelus. Primum Chrysostomus dixit, alterum Chrysologus affirmavit. ille l. 1. de ador. DEO: per orationis exercitium hoc assequimur, ut mortales & temporanei, esse definamus, hic Ser. 43. per ora-

tionem Joannes fit Angelus in carne caelestis in terra, & totam totus capit tenet & possidet Trinitatem. per orationem Moyses fit DEUS & ad triumphos militares sibi omnia mandat elementa devinci. Idem in elementa dominium vi orationis obtinere alii, Josue in Jordanem, Jonas in cetum, ut sicut in fabulis, Arionis citharâ mansuefactus est Delphinus, ita extra fabulam mansuecat cetus & fluctus feri maris. Putat S. Augustinus l. 2. de mirabilib. S. Scripturae c. 7. Jonam fuisse filium Sareptanae illius viduae, quem oratione suscitavit Elias. doctus itaque à Matre filius minus se debere materno utero quam orationi, cujus esset filius, spem denuo in oratione collocavit omnem, sic secum ratiocinatus: potuit me Eliae oratio liberare à morte, qui cetus est cetorum, quanto magis à minori hoc ceto: Tu Domine liberabis à corruptione vitam meam. Oratio Davidis contra Angelum praevaluit, ut extribus diebus fierent tantum 6. horae, videlicet à mane ad tempus prandii. Theodoretum accipe: quia oratio occurrit Angelo percutienti, ideo tenuit manum ejus, nè ultra progrediretur. Mirum est illud effatum S. Ambrosii l. 3. de fide, quòd DEUS tantum orationi deferat, ut potius aliquid Majestati suae detrahat. Mater filiorum Zebedaei rogat filios suos ad prima subsellia promoveri, quod cum inconueniens esset, quid Christus? negat id in sua esse potestate? miror! nonne Pater omnia ei dedit in manus? dedit omnino sed eà lege, ut distributiva fervetur iustitia, contra quam ageret, si ad sinistram, alterum collocaret. nè itaque exprobari illi posset, quòd in exaudiendo fuisset difficilis, cessit hoc jure in ordine ad hunc actum. Audiamus melleum

T c


Do.

Problemata P. Philippi Hartung.

Doctorem: *Maluit DEUS videri se non posse quod poterat, quam orationi mulieris aliquid denegare.* Denique tam excellens est oratio, ut ipsi angelicæ musicæ DEUS eam videatur præferre. ad quid enim silentium in cælo quasi dimidiâ horâ? ascendit fumus incensorum de orationibus Sanctorum Ap. 8. v. 4.

Si ergo talis tantæque est oratio, qualem dixi, fieri non potest, ut non exaudiamur, sin minus, in majoris emolumenti nostri gratiam certissimò id fieri perivassimum habeamus. Hæreat denique animis nostris triplex illa Trismegistorum oratorum, Augustini, Bernardi & Chrysostomi sententia, quæ nos docet non ægrè ferre repulsam, si quam fusæ ad DEUM preces nostræ ferunt: *non accipimus aliquando ut meliora quam petimus accipiamus.* Augustinus Serm. 27. de Verbo Domini. *Unum è duobus indubitanter sperare possumus, aut dabit quod*

petimus, aut quod non verit nobis esse utilius. S. Bernardus Ser. 5. in quadagesim. *Cum DEUS aliquid nobis negat, non minus est quam si concessisset, negat enim aliquando, quia nescimus quid petamus.* S. Chrysostomus homil. 5. in Genes. Sit in emblemata Godefridus Bullionius, qui sagittam in turrim David ejaculatus, scopum quidem non attigit, tres autem ardeas eadem sagittâ confixit: *Non sunt tamen irrita vota.* Sagitta est oratio, cui illustris author in luce sua Evangelica epigraphen posuit: *assequitur quodcumque petit.* si non assequatur, si turrim David & metam desideriorum suorum non contingat, nunquam tamen irrita vota cadent.



PRO-



PROBLEMA LIV.

Cur Mundo exofus CHRISTUS & Christiani.

DOMINICA VI. POST PASCHA.

Venit hora, ut omnis, qui interficit vos, arbitretur obsequium se præstare DEO.

Joan. 16. v. 2.

S. I.
Sententia
S. Chry-
sostomi.



Ur DEUS permittat bonos affligi à malis, causas undecim reddidit Chrysostomus celeberrimà illa concione, ob quam oratoris auri titulum obtinuit & in cathedram Antiochenam meruit asfumi; digna quæ attentissimis auribus excipiat oratio: multos audivi talia quærentes: Quid tandem ille modestus & mansuetus homo ab alio quodam impio & improbo per singulos dies trahitur & innumeras patitur molestias: & DEUS permittit? Quare alter accusatus injustè mortuus est? ille submersus est, alius præcipitatus &c. Itaque prima causa quidem est, quod cum facillè in arrogantiam propter meritum magnitudinem & miraculorum tolluntur, ipsos finit affligi. Secunda nè cæteri majorem habeant de ipsis opinionem, quàm humana patitur natura: & ipsos DEOS non autem homines esse arbitramur. Tertia, ut & DEI virtus appareat per ægrotantes & compe-

ditos exuperans & prædicationem augens. Quarta, ut ipsorum illorum patientia manifesta fiat non propter mercedem DEO servientium sed & tantam exhibentium gratitudinem, ut & post tot mala sincera in ipsis benevolentia ostendatur. Quinta, ut de resurrectione cogitemus, cum enim verum, justum, & multà plenam virtute innumera passum mala, & sic hinc digressum videris: oportet ex hoc omnino aliquid de illo judicio cogitare. Si enim homines per se laborantes sine præmiis, & retributione migrare non permittit: multò magis eos qui tantum laboraverunt nunquam incoronatos remanere DEUS decerneret. Si autem ipsos laborum suorum retributione privare non eligit: omnino necesse est quoddam aliud tempus esse post præsentium finem, per quod præsentis vitæ laborum retributiones recipiant. Sexta, ut omnes in gravia incidentes sufficientem consolationem & mitigationem habeant in eos respicientes

T t 2 &

„& malorum quæ ipsis accidere re-
 „cordantes. Septima, nè quando
 „exhortamur vos ad illorum vir-
 „tutem & cuique dicimus: imita-
 „re Petrum, imitare Paulum, pro-
 „pter gestorum excessum alterius
 „ipsos naturæ participes fuisse co-
 „gitantes ad imitationem torpeatis.
 „Ostava ut quoniam beatos vel mi-
 „seros censere oportet, discamus
 „quos quidem beatos, quos autem
 „miseros & ærumnolos putare de-
 „beamus. Si verò oportet & no-
 „nam dicere causam: illud dicere
 „possemus, quod spectabiles tri-
 „bulatio faciat tribulatos. Tribu-
 „latio enim patientiam operatur:
 „patientia verò probationem:
 „probatio autem spem: spes verò
 „non confundit. Vides quod ex
 „tribulatione probatio futurorum
 „nobis spem adfert, & in tentatio-
 „nibus minere bonum de futuris
 „sperare facit? Itaque non teme-
 „rè dicebam, quod hæ tribulatio-
 „nes resurrectionis spem nobis de-
 „signant, & vexatos meliores effi-
 „ciunt. Quemadmodum enim, in
 „fornace aurum examinatur, sic &
 „homo acceptus in humiliationis
 „camino. Possumus & decimam
 „dicere causam. Qualem verò
 „hanc? quam & jam sæpius dixi
 „superius, quod si aliquas habeam9
 „maculas, & eas deponimus. Et
 „bene Patriarcha declarans, ad di-
 „vitem dicebat: quoniam Laza-
 „rus post sua mala, jam consolatio-
 „nem accipit. Et ad hanc aliam
 „rursus inveniemus. Qualem ve-
 „rò hanc? ut corona & præmia
 „nobis augeant. Quantum enim
 „tribulationes ampliabuntur, tan-
 „tùm augetur & consolatio immo
 „verò & multò plus, non enim con-
 „dignæ sunt passionibus præsentis
 „temporis ad futuram gloriam,
 „quæ revelabitur in nobis. Tot

„igitur causas habentes de Sancto-
 „rum afflictione dicendas, nè in
 „tentationibus indignemur: ne-
 „que angustiemur, neque tumultue-
 „mur, sed & ipsi nostros intruamus
 „animos & alios hoc doceamus. Hæc
 „ad verbum S. Chrysostomus, cuius
 „inhærens sententiæ, quantum sit
 „odium inter Christum & mundum
 „præsentis dictione docebo & quæ
 „præparare patientiæ virum fortem
 „possint, brevissimè insinuabo.

Non ità ignis adversatur aquæ,
 non ità lupus ovem persequitur,
 cervus serpenti infestus est, quàm
 Christus mundo sit contrarius,
 quàm mali persequantur bonos.
 quæ causa? quia videlicet Chri-
 stus *ignis consumens est* Hebr. 12. A-
 postoli & boni omnes sacro igne
 lucent & ardent: ignem enim ve-
 nit Iesus mittere in terram, quo pii
 omnes accendantur & ardeant,
 mundus autem est *mare magnum ac
 spatiosum* Pl. 103. *impii bibunt ini-
 quitatem sicut aquam* Job. 15. v. 16.
coreorum quasi mare fervens Is. 57.
 v. 20. *quasi fluctus feri maris despu-
 mantes suas confusiones* ex epist. Ju-
 dæ. v. 13. quid miramur contrari-
 etatem: Christus Agnus est: *quasi
 Agnus coram tondente se* Is. 53. v. 7.
quasi Agnus mansuetus Jerem. 11.
 v. 19. *Ecce Agnus DEI* Joan. 1 v. 29.
 Apostoli & Christiani *sicut oves in-
 ter lupos* Matth. 10. homines munda-
 ni & maximè politici *in vestimen-
 tis ovium, intus sunt lupi rapaces*
 Matth. 7. v. 15. est enim homo ho-
 mini lupus. & miramur bonos
 persecutionem pati à malis? mirum
 esset si non foret inimicitia? *sic om-
 municabit lupus Agno* Ecclesiastic. 13.
 Christus cervus est: *similis est dile-
 ctus meus Capræ* binnulboque cer-
 viorum Cant. 2. v. 9. & 17. Christiani
 omnes debent esse Cervi anhelii ad
 fon-

S. 2.
 Antipa-
 thici Chri-
 stus &
 Mundus.

fontes salutis, ad torrentes æternæ voluptatis, ad puteum aquarum viventium & cum psaltes ingeminare: *quemadmodum desiderat Cervus* Pl. 41. v. 1. At verò malus mundus serpentis antiqui creatura est, omnes iniqui serpentes sunt & genimina viperarum Matth. 23. v. 33. necessaria proinde inimicitia. Doctissime Origenes: *Cervus serpentum inimicus ac debellator est, ita ut spiritus narium eos extrahat de cavernis. Interficit Christus serpentes id est contrarias mundi fortitudines jugulat.* hinc illæ lacrymæ.

§. 3.

Ex contraria doctrina.

Contraria quoque est doctrina Christi & mundi, Christus docet: Beatos esse pauperes spiritu. Aliam lectionem prælegit mundus: beatus populus cui hæc sunt. Monet Christus Matth. 7. intrate per angustam portam. Invitat mundus Sap. 2. venite fruamur bonis; nullum sit pratum, quod non pertranseat luxuria nostra. Jube Christus: estote simplices sicut columbæ Matth. 10. Mundus definit: ubi deficit pellis leonina, assuatur vulpina: frangenti fidem fides frangatur eidem. Præcipit Christus: sermo vester sit; est est non non Matth. 5. v. 37. Mundus: jura per jura secretum prodere noli. Videamus quomodo contra se loquantur: mundus vocat Christum: *malefactorem* Joan. 8. v. 30. *blasphemum: hic blasphematur* Matth. 9. v. 3. *Demoniacum* Matth. 12. Lucæ 7. Joan. 8. *Ambiciosum* ut patet Matth. 27. Joan. 18. & 19. Marc. 15. Lucæ 23. *Potatorem* Matth. 11. v. 19. Quid vicissim Christus? *ego testimonium perhibeo de mundo, quod opera ejus mala sunt* Joan. 7. tantum odium Christi in mundum est, ut nec dignetur orare pro eo: *non pro mundo rogo sed pro iis, quos dedisti mihi & quos*

elegi de mundo Joan. 17. Misericordissime Jesu, qui istud intelligam? tu orare nos jubes pro inimicis nostris, & ipse pro mundo non oras? tu pro crucifixoribus preces fundis & lacrymas, & pro mundo non? tu Salvator mundi es, quem ita dilexit Pater tuus, ut te unigenitum dederit, & non orabis? tantæne animi cælestibus ira? *Non pro mundo oro, sed quos elegi de mundo* pro Apostolis, pro fidelibus, ut se verbo & opere opponant mundo maligno, ut fortiter ferant odium perverfi & adversi mundi unumque eâ ratione fieri mereantur cum Christo & DEO.

Matth. v. 44. ubi c. 6. v. 28

§. 4.

Justi sunt in signum

Atque hæc ideo dicta volo, ut si qui ex nobis sunt, quos odit mundus, gaudeant se suæ habere testamenti salutis: *Nemo moveatur in tribulationibus istis, ipsi enim scitis, quod in hoc positi sumus.* quasi in signum, quibus contradicatur, in scopum jaculorum. Ecclesia firmamentum est, fideles luminaria. Sed advertite quid Gen. 1. v. 14. de firmamento dicat Deus: *siant luminaria in firmamento cæli & sint in signa.* quasi diceret: sint pro meta, in quam non unus Philippus Macedo tamdiu jaculetur donec exoculetur. *sint in signa.* eleganter Stephanus Carnotensis: *mysticè loquendo Ecclesia est firmamentum, luminaria Viri justi, hi sunt in signa & tempora, id est, in signa temporalis miseriæ odii & contradictionis.*

1. Thess. 3. v. 3.

Ne ergo vereamur, sed in hoc gaudeamus. Nam ut bene S. Augustinus in Pl. 55. & in 127. *si putas te non habere tribulationes, nondum cœpisti esse Christianus* & Tertullianus in Scop. c. 8. *in nobis consistet nomen Jesu cum odii sui lege.* Christianè Seneca: *argumentum recti est, malis displicere.*

Tt 3

Per-

S. S.
Symboli
Iusti Cam-
pana.

Permittit proinde exerceri pios ab impiis DEUS, ut piorum patientiâ divinas suas aures oculosque delectet. Egyptii tribulationum effectum Symbolicè expresserunt in campana: *non percussa flet*. talem campanam in Job imaginatur sibi S. Augustinus: *quomodo sonuit, quam suavem sonum dedit! adhuc tunditur datus in potestatem diaboli, ut & caro ejus percuteretur, percussit eum à capite usque ad pedes gravi vulnere, & putrescens vermibus se-
debat in stercore. Audi vium quemadmodum tunc sonus est, audiamus quomodo sonet. Si bona recepinus de manu DEI, malum cur non sustineamus? O sonum fortem! O sonum dulcem! ob quem dormientem non excitet iste! Nimirum malleus universæ terræ diaboli est Jerem. 50. v. 23. verum malleus iste seipso non percutit, manus Domini adhibenda est: *Manus Domini tetigit me* Job. 19. v. 24. David percussus, *cum tribularet inquit, clamaravi*. & tu Christiane dum mors pulsat fores, rapitque quod charissimum erat, quomodo clamas? murmuras? obtusum melancholiæ edis sonum? non est hic sonus suavis sed Sanctorum vocibus dissonus, ingratus DEO, Angelis hominibusque. Et cur DEUS percutienti dixit: *verum tamen animam illius serva* Job. 2. v. 6. Respondet S. Augustinus: *etenim si de melio illum sustuleris, theatrum nobis non plaudet amplius*. Divinè dixit Seneca: Nullum spectaculum Jove dignius quàm virum fortem in-
tueri cum adversa fortuna luctan-
tem. Ecce par Deo dignum, vir fortis cum mala fortuna composi-
tus: ecce Spectaculum Deo dignum.*

Ut fieret Patri spectaculum filius, descendit de cœlo: *ad hoc carne indutus est ut sine flagello non esset*, inquit S. Augustinus. Angeli certè tam libenter adsunt, ut cœlo

deserto famulentur afflictis. patuit in Tobia, qui in captivitate Ninive positus, cæcitate percussus, de socio itineris, cui filium committeret sollicitus, Angelum habuit & quidem unum ex septem primariis, qui ultro se offerebat in servum c. 5. & hic interrogatus de nomine: *ego sum Azarias Ananie magni filius*. Sed & Angele mi quomodo hoc verum? nunquid tu Hebræus? S. Augustinus Ser. 228. de temp. Pro Angelo respondet: *celavit Angelus nomen, si enim diceret: ego sum Angelus, non esset Tobie mercenarius*. Afflicto servire volebat, ideoque hominem induit. tam gloriosum ducunt Angeli servire afflicto. Gen. 28. Jacob fugiens à facie Esau videt scalam mysticam & angelos ascendentes & descendentes. Stare debuissent Angeli attenti, quid semovent? vos quidem qui ascendendo vertimini ad DEUM, proceditis bene; at vos descendentes, Deo dorsum vertitis. audio responsum: *tergum DEO vertimus*, ut Jacobo serviamus, ut jucundemur eodem spectaculo quo Deus, atque ut DEUM in Jacob videamus.

Quid de ipso Angelorum Regedicam? charus illi est sinus Patris, charus ad dextram thronus, at longè charissimus est patiens in adversis. Psalmo. 109. ait David, *Dixit Dominus domino meo, sede à dextris meis*. sedet ut Magister, ut iudex, ut triumphator, ut imperator. Aliter illum Joannes effigiat, jacentem in sinu: *Unigenitus DEI Filius, qui est in sinu Patris*. quomodo sedet à dextris, si jacet in sinu. Atheniensis quædam mulier nomine Cœnobia filium suum militariter educatura, lac quidem dedit, sed nunquam in sinu quiescere passa est infantem, pedissequarum una supponere debuit manus & auferre post lationem, nè jacuisse unquam in sinu ma-

Joan. 1.
v. 18.

terno

ternovideretur. Sic educatus crevit in militem generosum, patriæ amore discrimen quodvis ambiens capitis & vitæ: ex prælio aliquando reversus vulnera immania Matri ostendit, quæ arridens: Nunc quiescas ut filius, quia filius laboris fuisti. simili modo imaginor mihi Patrem gessisse se erga filium, hic ab æterno sedit tanquam æqualis Patri, post passionem verò suam, cum plagas in manibus pedibusque ostenderet, paternum acceptus est in sinum, ita docente S. Ambrosio: *post injurias acceptas Deus Pater suscipit Filium, & occursum pietatis insolito, gremio meliori completitur; quasi nunc chasior & suavior esset, quia labor præcessit & dolor. tunc dulcius audit: filius meus est; postquam principes convenerunt in unum adversus Dominum & adversus Christum ejus. Sed si sedet imò jacet, cur illum S. Stephanus stantem videt? Ephesiorum virum se gesserat inter adversa infractum, qui templum ingressus ut Jovi sacrificium offerret videre sibi visus est, quod Jupiter throno exurgeret dicens: *Nunc Ephesio similis Diis factus es, idcirco thronus Jovis tibi convenit.* fabula hæc est Ethnicorum, at veritas est Christianorum visum esse à Stephano Jesum stantem, quasi hic thronum suum ei cederet & dignum judicaret Patris sinu, qui inter adversa constat sibi. Sensus hic est Origenis sic scribentis de S. Stephano: *Obdormivit in Domino id est, in sinu Patris, in cujus dextra Christus stabat, qui videns eum tribulatum & percussum, ut condignum ei concedat locum, surrexit de sinu & ad dextram se locavit.* Quin potius dicam, ideo stare Jesum non sedere, ut spectaculo hoc se oblectet, sicut dum rarum aliquid in amphitheatro exhibetur, surgit spectator ut ardeat & applaudat.*

Quàm dulcis est illa tribulatio cogitatio de pacto Christum inter & Catharinam Senensem inito: *cogita tu de me, & ego cogitabo de te.* pacisci similiter placet Christiane! manè dum surgis Christum cogita, cogitabit & ille dabitque bonum manè, in labore cogita illum, qui propter te in laboribus à juventute sua cogitabit & ille de te & benedicet labores tuos, in dolore cogita illum, qui nunquam fuit sine dolore: *dolor meus in conspectu meo semper,* cogitabit vicissim de te & tecum erit in tribulatione. si in via quâ Jesum sequeris, famem sitimque necesse sit pati, cogita illum, cibabit & potabit te, ipse enim est Panis vitæ, ipse est fons aquæ salientis in vitam æternam. si desunt vestes, si æstus urit vel gelu, si lassitudo divexat, cogita Christum, qui induet te stolâ primâ, & scapulis suis obumbrabit tibi, suoque jumento imponet, ut suaviter equites, quem Dei gratia portat, si tristitia pectus stringit, si metus ingruit, si hostis premit, Christum cogita, cogitabit te vicissim & erit voluptas tua, scutum & turris.

Solicitem Isaacum de víctima Gen. 22. *Pater mi, ecce ignis & ligna sed ubi víctima holocausti?* solatus est Pater: *Deus providebit tibi mi.* quasi diceret: pergamus mi fili, quod nos Deus vocat, eamus ut sanctissimæ ejus voluntati obsequamur, eamus ut mirabilia ejus videamus, de reliquis providebit paterna Dei clementia, in cujus manibus sortes nostræ, in cujus voluntate cuncta sunt posita, in cujus corde sunt nomina nostra. Sic dicendum, sic agendum est, quoties ad montem Moria per viam crucis nos vocat, Deus imò humeris nostris imponit ligna, accumulatur cruces, jugum & onus multiplicat, quis in hoc itinere cibum dabit? perge tu fili, Deus providebit. Reflektat unusquisque se

se ad præteritos vitæ annos & necessitates suas recogitet, an non misit ei bonus auxilium de Sancto & de Sion tuitus eum est? an non sublevavit sustulitque adversa commutans in prospera, & præveniens benedictionibus? Quod ex S. Bernardo Ser. 1. de S. Benedicto Guericus dixit, semper fuit eritque verissimum: *poterit tribulatio servire, sed hoc erit servire, poterit urere, tundere, dissecare, sed hoc erit coronas fabricare.*

§. 7.
Causa no-
stræ impa-
tientia.

Cognitionis seriæ defectus intolerabiles nobis reddit adversitates, plus apprehendimus plerumque mali quàm reipsa sit. sicut peregrinantibus videtur cælum incumbere montibus, & nocturno timore correptis umbræ ipsæ videntur spectra enormia. *Scuto circumdabit te Veritas ejus*, aiebat Ps. 90. David, *non timebis à timore nocturno*. Veritatis scuto muniendus dicitur justus, cur non potius scuto potentia, cujus proprium est repellere hostes & frangere inimica tela? nimirum timores, quibus angimur nocturni sunt, vanæ umbræ, puerilia terculamenta. non est opus potentia sed veritate. accede propius, tange, aude & experieris inania esse & nullius momenti. *Magnum malum est ferre non posse malum* dicebat Bion teste Laertio in vital. 4. Serpentibus assimilari suos vult

æterna Sapientia Matth. 10. v. 16. quid habet virulentum animal, & non tantum suopte ingenio sed Dei etiam imperio inimicum humano generi, quod imitari debeant pii? Coelius Rhodiginus l. 15. c. 25. ait si serpens calamo semel percutiatur, interit & emoritur, si repetitis ictibus verberetur, reviviscit & confirmatur. quò plura calamitatum verbera quò graviora, quò acerbiora nos feriunt, eò vires potiores suppeditant, vitam alacriorem tribuunt, confirmant solidius ad perennitatem. & sicut subita tonitrua serpentes frigore concretos revocant in vitam, ita calamitates fugientem caritatis calorem revocant, fovent, redanimant. Eleganter S. Basilus Ps. 33. *Qui dixerit, quòd vitrum plane justum tribulatio non deceat, nihil aliud dicit, quàm Athletæ non convenire adversarium. Athletæ enim minime certans, quas habebit occasiones sibi coronas comparandi?*

Corona supremi hujus problematis *Corona* sit, quam aurifaber conficit cum lemmate, quod cuilibet afflicto apprimè convenit: *me ferrum me perficit ignis*; aurifaber DEUS, tribulatio ignis, malleus homo malus est, his DEUS nobis coronam conficit & nos suam perficit in coronam.

F I N I S.



INDEX

DOMINICARUM, THEMATUM, Problematum, & Resolutionum.

Dominicâ Pentecostes. Hæc locutus sum vobis apud vos manens, Paracletus autem Spiritus Sanctus quem mittet Pater in nomine meo, ille vos docebit omnia. Joan. 14. v. 25. & 26.
Problema. Utrum majus beneficium, Incarnatio Filij, an Missio Spiritus Sancti?

Resolutio. Par beneficium utriusque
Dominicâ I. post Pentec. Docentes eos servare omnia Matth. 28. v. 20.

Problema. Cur DEUS in Essentia unicus, Trinus in Personis?

Resolutio Quia simplex est in præcipiendo, multus in remunerando

Dominicâ eâdem aliud Problema: Quis titulus Deo honorificentissimus?

Resol. Sanctus. est enim quæstio facti.
Dominicâ II. post Pentec. Cœperunt simul omnes excusare Luc. 14. v. 18.

Problema. Fuerintne Nobiles, qui ab adeunda Cœna se excusarunt?

Resol. Negat. neque enim nobilis & generosi sanguinis quidquam habet, qui Eucharistiam non frequentat.

Dominicâ III. post Pentec. Dimittit nonaginta novem in deserto, & vadit ad illam quæ perierat. Luc. 15. v. 4.

Problema. Cur ovis centesima tanti fiat, quanti 99?

Resolutio. Quia Ovis Centesima significat Caput alicujus commu-

nitatis, à cuius integritate pendet ceterorum salus.

Dominica IV. post Pentec. Totâ nocte laborantes nihil cepimus Luc. 5. v. 5.

Problema. Cur pauci Nobiles salventur?

Resolut. Quia JESUM non habent præ oculis, ex cuius præsentia omnis promanat felicitas; nec Verbum DEI appetiant, cuius pretium expenditur.

Dominicâ V. post Pentec. Qui irascitur fratri suo, reus erit Matth. 5. v. 22.

Problema. Cur Domini prouiores ad irascendum, quàm servi?

Resolut. Quia minùs memores mortis, & debilioris complexionis, & expertes divini sunt timoris

Dominicâ VI. post Pentec. sustulerunt quod superaverat de fragmentis septem sportas Marc. 8. v. 4.

Problema. Cur ex septem panibus superfuerint septem sportæ, ex quinque verò panibus cophini duodecim?

Resolutio Quia quinque panes suis ipsemet JESUS manibus, septem panes verò discipulorum manibus distribuit. quidquid autem per Ministrorum manus transit, diminuitur.

Dominicâ VII. post Pentec. Non potest

u u

test

INDEX

- test arbor mala bonos fructus facere Matth. 7. v. 18.
- Problema*, Cur arbor mala non possit bonos fructus facere?
- Resolutio* Propter malæ consuetudinis quandam necessitationem.
- Dominicâ VIII. post Pentec.* Diffamatus est Luc. 16. v. 1.
- Problema*, Quis diffamaverit villicum?
- Resolutio*, Angelus Sathanæ. quia boni Angeli, exemplo DEI sui, optimè semper consulunt famæ alienæ.
- Dominicâ IX. post Pentec.* Videns Civitatem flevit Luc. 19. v. 41.
- Problema*, Quæ Lacrymæ pretiosissimæ?
- Resolut.* Lacrymæ siccæ, quæ manent in evaporatorio cordis
- Dominicâ X. post Pentec.* Duo homines ascenderunt in templum ut orarent Luc. 18. v. 10.
- Problema*, Quis situs orantis optimus?
- Resol.* Qui devotioni maximè conducatur.
- Dominicâ XI. post Pentec.* Venit per Sidonem ad mare Galilææ inter medios fines decapoleos. Marc. 2. v. 31.
- Problema*, Cur JESUS iverit per medium decapoleos?
- Resolut.* Ut servandam doceret in omnibus auream mediocritatem.
- Dominicâ XII. post Pentec.* Et quis est meus proximus? Luc. 10. v. 29.
- Problema* Quis unius cujusque proximus?
- Resolut.* Qui indigentissimus, indigentissimus verò, qui proximus est æternitati
- Dominicâ XIII. post Pentec.* Occurrebant ei decem viri leprosi Luc. 17. v. 12.
- Problematis seu Quæsiuncule* decem
- Dominicâ XIV. post Pentec.* Respiciite Volatilia cœli, considerate Lilia Matth. 6. v. 26. & 28.
- Problema*, Cur Aviculæ & Lilia in excitementum spei proponantur?
- Resolutio* Quia Aviculæ docent gratitudinem, Lilia denotant castitatem; grati autem & casti optimè sperare & sentire debent de DEO
- Dominicâ XV. post Pentec.* Et hæc vidua erat Luc. 7. v. 02.
- Problema*, Præstetne viduam nubere?
- Resolutio* Negat. ob ingentia privilegia viduitatis.
- Dominicâ XVI. post Pentec.* Vade recumbe in novissimo loco Luc. 14. v. 11.
- Problema* Possitne quis absque mendacio maximum se dicere peccatorem?
- Resolut.* Affirmat. propter exemplum Christi & Sanctorum, & auctoritatem sententiarum à Patribus prolatarum
- Dominicâ XVII. post Pentec.* Diliges, Matth. 22. v. 37.
- Problema*, Quoties, & Quando obliget præceptum Divini Amoris?
- Resolutio* Cum ad usum rationis pervenimus, in graviore tentatione, in articulo Mortis.
- Dominicâ XVIII. post Pentec.* Ut quid cogitatis mala in cordibus vestris? Matth. 9. v. 4.
- Problema* Qui, & quare cogitèt mala?
- Resolutio* Qui, & quia mali sunt, ideoque

INDEX

- ideoque alios omnes sibi similes habet.
- Dominicâ XIX. post Pentec.* Amice quomodo huc intrasti non habens vestem nuptialem? Matth. 22. v. 12.
- Problema.* Quid Vestis Nuptialis significet?
- Resolutio.* Moraliter intentionem bonam, quæ se habet instar interulæ.
- Dominicâ XX. post Pentec.* Heri horâ septimâ reliquit eum febris. Joan. 4. v. 52.
- Problema.* Cur horâ septimâ sanatus Reguli filius?
- Resolutio.* Quia numerus septimus Mysterijs in utraque lege plenus; & quia horâ septimâ febres in paradiso Adamus contraxit &c.
- Dominicâ XXI. post Pentec.* Iratus Dominus tradidit eum tortoribus Matth. 18. v. 34.
- Problema.* Cur servo debitori post iteratum delictum facta denuò non sit gratia?
- Resolutio.* Quia non rogavit, non rogavit quia de venia desperavit; de venia desperavit, quia gravitatem Recidivæ agnovit.
- Dominicâ XXII. post Pentec.* Quid me tentatis hypocritæ? Matth. 22. v. 18.
- Problema.* Quomodo laudatus gere se debeat?
- Resolutio.* Auditis laudibus in agnitionem vilitatis propriæ descendat, & qualis esse debeat, recogitet.
- Dominicâ XXIII. post Pentec.* Tenuit manum ejus Matth. 9. v. 25.
- Problema.* Cur manum puellæ tenuit Christus?
- Resolutio.* Ut satisfaceret petitioni parentis, & ostenderet efficaciam corporis sui, & expelleret virus e manibus puellæ &c.
- Dominicâ eâdem Problema aliud:* Accessit retrò & tetigit fimbriam vestimenti ejus Matth. 9. v. 20. Cur Mulier retrò accedat, & fimbriam tangat?
- Resolutio.* Ob reverentiam, quâ scivit delectari DEum, & fiduciam, quam in Dominum habuit &c.
- Dominicâ Ultimâ post Pentecost.* Scitote quia prope est in januis Matth. 24. v. 33.
- Problema.* Quantum temporis ad diem judicij?
- Resolutio.* Modicum; imò momentum.
- Dominicâ I. Adventûs.* Rorate cœli desuper! Isaia 45.
- Problema.* Cur incarnandus DEI filius rori comparetur?
- Resolutio.* quia à Maria pulchra ut Luna gignitur.
- Dominicâ II. Adventûs.* Joannes in vinculis. Matth. 11. v. 2.
- Problema.* Cur Joannes in vinculis?
- Resolutio.* quia adversitates & vincula sunt certum gratiæ signum.
- Dominicâ III. Adventûs.* Ego vox clamantis. Luca 3.
- Problema.* qualis vox olim Joannes fuerit, & quales defacto voces sint homines?
- Resolutio.* Joannes fuit vox oris, prædicando Pœnitentiam; vox cordis Zelando pro Deo; vox oris rigore vitæ. Homines ferè tantum sunt vox oris, dum bona quæ docent, non faciunt.

Uua

Domi-

INDEX

Dominicâ IV. Adventûs. Venit in omnem Regionem Jordanis prædicans baptismum pœnitentiæ
Lucæ 3.

Problema. Nascituro rursus in mundo Domino, quænam ipsius Mater & Genitrix?

Resolutio. Mater est Pœnitentia vera de peccatis

Dominicâ ante Epiphaniam. Timuit illò ire Matth. 2. v. 22.

Problema. quare S. Joseph cum infante JESU timuerit redire in Judæam.

Resolutio. quia divinum Alumnus suum noluit exponere periculo. Omni verè pœnitenti cavenda omnis peccandi occasio.

Dominicâ I. post Epiphaniam. invenerunt illum in medio Doctorum,
Lucæ 2. v. 16.

Problema. quare in medio inventus JESUS?

Resolutio. quia virtus in medio consistit, & JESUS virtutis est doctor.

Dominicâ II. post Epiphaniam. Hoc fecit initium signorum JESUS in Cana Galilææ. Joan. 2. v. 11.

Problema. Cur initium signorum à vino fecerit JESUS?

Resolutio. Quia amat summè ac fitit lacrymas pœnitentium, ceu vinum nobilissimum

Dominicâ III. post Epiphaniam. Ecce leprosus veniens adoravit eum.
Matth. 8. v.

Problema. Cur leprosus veniens adoraverit Christum?

Resolutio. quia fectore peccati noluit Christo esse molestus.

Dominicâ IV. post Epiphaniam. Ecce

motus magnus factus est in mari.

Matth. 8. v. 24.

Problema. Cur Christo navigante cum Discipulis excitata tempestas?

Resolutio. quia ubi magna sanctitas, ut hic erat, ibi tentationum tempestates plerumque sunt

Dominicâ V. post Epiphaniam. Inimicus homo hoc fecit. Matth. 13. v.

Problema. Cur diabolus inimicus homo dicatur?

Resolutio. quia malus homo est diabolus, ac diabolo etiam pejor.

Dominicâ VI. post Epiphaniam. Simile est Regnum cœlorum grano sinapis. Matth. 13. v.

Problema. quomodo parvus sic magnus fieri possit, ut in cœlum usque peringat?

Resolutio. humiliando se, quò quis humilior, eò fit major & gloriosior.

Dominicâ Septuagesimæ. Hi novissimi unâ horâ fecerunt, & pares illos nobis fecisti Matth. 20. v. 12.

Problema. Cur pares primis novissimi?

Resolutio. Quia absque mercedis intuitu, & ferventiùs primis fecerunt, magnæque æquanimitate evocantem præstolati sunt.

Dominicâ Sexagesimæ. Exiit qui seminat seminare semen suum Lucæ 8. v. 5.

Problema. Cur tertiam partem seminis sui perire sinat Agricola?

Resolutio. Ut ostendat nullius se desperare, omnium optare salutem.

Dominicâ Quinquagesimæ. Ecce ascen-

dimus

INDEX

- dimus Jerosolymam &c. Lucæ 18. v. 3.
- Problema.* Cur in Bacchanalibus Evangelium de Passione?
- Resolut.* Ut hujus memoria à sceleribus nos deterreat.
- Dominicâ I. Quadragesimæ.* Scriptum est Matth. 4. v. 4.
- Problema.* Cur biverbio abigatur dæmon?
- Resolut.* Ad imbecillitatem ejusdem demonstrandam.
- Dominicâ II. Quadrag.* Nemini dixeritis visionem, donec Filius hominis à mortuis resurgat Matth. 17. v. 9.
- Problema.* Cur ante Resurrectionem evulgari prohibeatur Transfiguration?
- Resolutio.* Nè impediatur Passio, cujus ingens in Christo desiderium.
- Dominicâ III. Quadrag.* Revertar in domum meam Luc. 11. v. 24
- Problema.* Cur domum suam appellet dæmon, è qua eliminatus est?
- Resolut.* Quia redeundi spem habet, cum peccatum pœna sit peccati, & domus illa superficietenus tantum mundata fuerit
- Dominicâ IV. Quadrag.* Dicit ad Philippum: unde ememus panes? Joan. 6. v. 5.
- Problema.* Cur à Philippo consilium JESUS petat?
- Resolut.* Quia perfecti Consiliarij idea Philippus est
- Dominicâ Passionis* Quis ex vobis arguet me de peccato? si veritatem dico vobis, quare non creditis mihi? Joan. 8. v. 46.
- Problema.* Quis arguat Christum de peccato? & quare verum dicenti non credatur?
- Resolut.* Extremè malitiosus; & quia extremè malitiosus est.
- Dominicâ Palmarum.* Ecce Rex tuus venit tibi Matth. 21. v. 5.
- Problema.* Cur triumphus præmissus Passioni?
- Resolut.* Quia omnis prævia felicitas secuturæ calamitatis est prognosticon:
- Dominicâ Paschæ.* Valde manè unâ Sabbatorum veniunt ad monumentum Marci 16. v. 2.
- Problema.* Cur mulieribus manè Christus apparuerit?
- Resolut.* In encomium & vituperium sexus muliebris
- Dominicâ in Albis.* Cum ergo serò esset die illo venit JESUS Joan. 20. v. 19.
- Problema.* Cur Apostolis serò Christus apparuerit?
- Resolut.* Quia non succurrit nisi cum res ad ultimum redacta, nec miracula facit sinè necessitate.
- Dominicâ II. post Pascha.* Cognosco meas & cognoscunt me meæ Joan. 10. v. 14.
- Problema.* Quod præcipuum Reprobationis indicium?
- Resolut.* Propria Conscientia
- Dominicâ III. post Pascha.* Modicum & non videbitis me Joan. 16. v. 17.
- Problema.* Quodnam istud Modicum?
- Resolut.* Quidquid videtur, antequam videatur DEUS.
- Dominicâ IV. post Pascha.* Arguet mundum Joan. 16. v. 17.

INDEX

Problema. Cur Spiritus sanctus mundum arguet?

Resolut. Quia amat; semper enim DEUS asper est amatis, lenis verbis ijs, quos non amat

Dominicâ V. post Pascha. Amen amen dico vobis, siquid petieritis Patrem in nomine meo, dabit vobis Joan. 16. v. 23.

Problema. Majorne fiat gratia cum preces audiuntur, an cum non exaudiuntur?

Resolutio. Cum non exaudiuntur.
Dominicâ VI. post Pascha Venit hora, ut omnis qui interficit vos, arbitretur obsequium se præstare Deo Joan. 16. v. 2.

Problema. Cur Christus cum suis exosus Mundo?

Resolut. Quia verba & opera utriusque extremè contraria.

Patientiâ proinde opus omnibus Christi affeclis.



